

# প্রাফিতা

নবকল ইঙ্গলক্ষ



ডি.এম.লাইব্রেরী

৪২, কর্ণওয়ালিস স্ট্রীট, কলিকাতা - ৬

দশম সংস্করণ—আষাঢ়, ১৩৬৪

একাদশ সংস্করণ—অগ্রহায়ণ, ১৩৬৬

দ্বাদশ সংস্করণ—ফাল্গুন, ১৩৬৯

শ্রীমতী বিজলী দেবী কর্তৃক ভাটা, পূর্ণিমা হইতে প্রকাশিত ও বাণী-শ্রী প্রেস  
৮৩-বি, বিবেকানন্দ রোড, কলিকাতা-৬ হইতে শ্রীমুকুন্দর  
চৌধুরী কর্তৃক মুদ্রিত ।

বিশ্বকবিসম্রাট

শ্রীরবীন্দ্রনাথ ঠাকুর

শ্রীশ্রীচরণারবিন্দেষু.






## সূচী

কবিতার নাম	বই	পৃষ্ঠা
বিদ্রোহী	অগ্নি-বীণা	১
আজ সৃষ্টি স্বপ্নের উল্লাসে	দোলন-চাঁপা	৮
পুজারিনী	"	১১
পথহারা	"	৩০
অবেলার ডাক	"	৩২
অভিশাপ	"	৩৭
পিছু-ডাক	"	৪২
বিজয়িনী	ছায়া-নট	৪৪
কমল-কাঁটা	"	৪৫
কবি-রাগী	দোলন-চাঁপা	৪৬
পুঁজ	"	৪৭
চৈতী হাওয়া	ছায়া-নট	৪৮
শায়ক-বেঁধা পাখী	"	৫২
পুলাতকা	"	৫৪
চিরশিশু	"	৫৬
বদায়-বেলা	"	৫৭
দূরের বন্ধু	"	৫৯
সঙ্কাতার।	"	৬০
ব্যথা-নিশীথ	"	৬১
আশা	"	৬২
রাপন-পিয়াসী	"	৬৩
অ-কেজোর গান	"	৬৪
কাণ্ডারী ছ' শিয়ার !	সর্বহারা	৬৫
ছাত্রদের গান	"	৬৭
মা-র শ্রীচরণ-রবিন্দ্রে	"	৭০
সর্বহারা	"	৭২
সাম্যবাদী	"	৭৫

কবিতার নাম	বই	পৃষ্ঠাঙ্ক
ফরিয়াদ	সর্বহারী	২০
আমার কৈফিয়ৎ	"	২৪
গোকুল নাগ	"	২৮
সব্যসাচী	ফণি-মনসা	১০৫
দ্বীপান্তরের বন্দিনী	"	১০৮
সত্য-কবি	"	১১১
সত্যেন্দ্র-প্রয়াণ-গীতি	"	১১৬
অন্তর-গ্রাশস্ত্রাল সঙ্কীত	"	১১৮
পথের দিশা	"	১১৯
হিন্দু	"	১২১
সিদ্ধু	সিদ্ধু-হিন্দোল	১২৪
গোপন-প্রিয়া ✓	"	১৩৬
অ-নামিকা ✓	"	১৪০
বিদায়-স্মরণে	"	১৪৫
দারিদ্র্য	"	১৪৬
কান্তনী	"	১৫০
বধু-বরণ ✓	"	১৫৩
রাখীবন্ধন ✓	"	১৫৫
চাঁদনী-রাতে ✓	"	১৫৭
সাম্বনা	চিন্তনামা	১৫৯
ইন্দ্র-পতন	"	১৬১
রাজ-ভিখারী	"	১৬৯
ঝিঙে-ফুল	ঝিঙেফুল	১৭০
খুকী ও কাঠবেড়ালী	"	১৭২
খাঁড়-দাছ	"	১৭৪
প্রভাতী	"	১৭৬
লিচু-চোর	"	১৭৮
গান	বুলবুল	১৮২

কবিতার নাম	বই	পৃষ্ঠাঙ্ক
অব্রাণের সওগাত	জিজির	১৮৬
মিনেস্ এম্ রহমান	"	১৮৮
ঈদ মোবারক	"	১৯৩
আয় বেহেশতে কে যাবি আয় * *	"	১৯৬
নওরোজ * *	"	১৯৯
অগ্র-পার্থক * *	"	২০৩
চিরঞ্জীব জগন্মূল * *	"	২১০
ভীক * *	"	২১৬
বাতায়ন-পাশে গুবাক তরুর সারি চক্রবাক * *	"	২১৯
পথচারী * *	"	২২৩
পানের আড়াল	"	২২৬
এ মোর অহঙ্কার ✓	"	২২৮
বর্ষা-বিদায় * *	"	২৩১
আমি গাই তারি গান * *	সন্ধ্যা	২৩৩
জীবন-বন্দনা * *	"	২৩৫
চল্ চল্ চল্ * *	"	২৩৭
মৌবন-জল-তরঙ্গ * *	"	২৩৯
অন্ধ স্বদেশ-দেবতা * *	"	২৪২
গান * *	চোথের চাতক	২৪৪
প্যাক্ট * *	চন্দ্রবিন্দু	২৪৯
শ্রীচরণ ভরসা * *	"	২৫১
'দে গরুর গা ধুইয়ে' * *	"	২৫৩
শ্রমের খৈয়াম গীতি * *	নজরুল গীতিকা	২৫৫





কবি নজরুল ইসলাম



## বিদ্রোহী

বল বীর—

বল উন্নত মম শির,  
শির নেহারি' আমারি নত-শির ওই শিখর হিমাদ্রির ।

বল বীর—

বল মহাবিশ্বের মহাকাশ ফাড়ি'  
চন্দ্র সূর্য গ্রহ তারা ছাড়ি'  
ভুলোক ছালোক গোলক ভেদিয়া,  
খোদার আসন 'আরশ' ছেদিয়া

উঠিয়াছি চির-বিস্ময় আমি বিশ্ব-বিধাত্রীর !  
মম ললাটে রুদ্র ভগবান জলে রাজ-রাজটীকা দীপ্ত জয়ত্রীর ।  
বল বীর —

আমি চির-উন্নত শির ।

আমি চিরহৃদম, হুর্বিনীত, নৃশংস,  
মহা- প্রলয়ের আমি নটরাজ, আমি সাইক্লোন, আমি ধ্বংস,  
আমি মহাভয়, আমি অভিশাপ পৃথীর,  
আমি হুঁকার,  
আমি ভেঙে করি সব চুরমার ।

আমি অনিয়ম উচ্ছ্বল,  
 আমি দ'লে যাই যত বন্ধন, যত নিয়ম কানুন শৃঙ্খল !  
 আমি মানিনাকো কোন আইন,  
 আমি ভরা-তরী করি ভরা-ডুবি, আমি টপ্পেডো, আমি ভীম  
 ভাসমান মাইন !

আমি ধূর্জটি, আমি এলোকেশে ঝড় অকাল-বৈশাখীর !  
 আমি বিদ্রোহী, আমি বিদ্রোহী-স্মৃত বিশ্ব-বিধাতার !  
 বল বীর—  
 উন্নত মম শির ।

আমি ঝঞ্ঝা, আমি ঘূর্ণি,  
 আমি পথ-সম্মুখে যাহা পাইযাই চূর্ণি' ।  
 আমি নৃত্য-পাগল ছন্দ,  
 আমি আপনার তালে নেচে যাই, আমি মুক্ত জীবনানন্দ,  
 আমি হাস্যরস, আমি ছায়ানট, আমি হিন্দোল,  
 আমি চলচঞ্চল, ঠমকি' ছমকি'  
 পথে যেতে যেতে চকিতে চমকি'  
 ফিং দিয়া দিই তিন দোল !  
 আমি চপলা-চপল হিন্দোল ।  
 আমি তাই করি ভাই যখন চাহে এ মন যা',  
 করি শত্রুর সাথে গলাগলি, ধরি মৃত্যুর সাথে পঞ্জা,  
 আমি উন্মাদ, আমি ঝঞ্ঝা !  
 আমি মহামারী, আমি ভীতি এ ধরিত্রীর ।  
 আমি শাসন-তাসন, সংহার আমি উষ্ণ চির-অধীর ।  
 বল বীর—  
 আমি চির-উন্নত শির



আমি চির-দুঃস্থ দুর্মদ,  
আমি দুর্মদ মম প্রাণের পেয়ালা হৃদম্ হায় হৃদম্  
ভরপূর্ব-মদ ।

আমি হোম-শিখা, আমি সাগ্নিক জমদগ্নি,  
আমি যজ্ঞ, আমি পুরোহিত, আমি অগ্নি !  
আমি সৃষ্টি, আমি ধ্বংস, আমি লোকালয়, আমি শ্মশান;  
আমি অবসান, নিশাবসান !  
আমি ইন্দ্রাণী-সুত হাতে চাঁদ ভালে সূর্য,  
মম এক হাতে বাঁকা বাঁশের বাঁশরী আর হাতে রণ-তুর্ঘ্য ।  
আমি কৃষ্ণ-কণ্ঠ, মন্থন-বিষ পিয়া ব্যথা-বারিধির !  
আমি ব্যোমকেশ, ধরি বন্ধন-হারা ধারা গঙ্গোত্রীর,  
বল বীর—  
চির- উন্নত মম শির ।

আমি সন্ন্যাসী, সুর-সৈনিক,  
আমি যুবরাজ, মম রাজবেশ ল্লান গৈরিক ।  
আমি বেহুঙ্গেন, আমি চেঙ্গিস,  
আমি আপনারে ছাড়া করি না কাহারে কুর্গিশ ।  
আমি বজ্র, আমি ঈশান-বিবাণে ওঙ্কার,  
আমি ইস্রাফিলের শিঙ্গার মহা-হুঙ্কার,  
আমি পিনাক-পাণির ডমরু ত্রিশূল, ধর্মরাজের দণ্ড,  
আমি চক্র মহাশঙ্খ, আমি প্রণব-নাদ প্রচণ্ড ।  
আমি ক্ষ্যাপা ছুঁবাসা বিশ্বামিত্র শিষ্য,  
আমি দাবানল-দাহ, দহন করিব বিশ্ব !

আমি প্রাণ-খোলা হাসি উল্লাস—আমি সৃষ্টি-বৈরী মহাত্মাস,  
আমি মহা-প্রলয়ের দ্বাদশ রবির রাহু-গ্রাস ।

আমি কভু প্রশান্ত,—কভু অশান্ত দারুণ স্বেচ্ছাচারী,

আমি অরুণ খুনের তরুণ আমি বিধির দর্প-হারী !

আমি প্রভঞ্নের উল্লাস, আমি বারিধির মহাকল্লোল,

আমি উজ্জ্বল, আমি প্রোজ্জ্বল,

আমি উচ্ছল জল-হল-হল, চল-উর্মির হিন্দোল-দোল !—

আমি বন্ধন-হারা কুমারীর বেণী, তব্বী-নয়নে বহ্নি,

আমি বোড়শীর হৃদি-সরসিজ প্রেম উদ্দাম, আমি ধন্তি !

আমি উন্মন মন উদাসীরা,

আমি বিধবার বৃকে ক্রন্দন-শ্বাস, হা-হতাশ

আমি হতাশীর ।

আমি বঞ্চিত ব্যথা পথবাসী চির-গৃহহারা যত পথিকের,

আমি অবমানিতের মরম-বেদনা, বিষ-জ্বালা, প্রিয়-লাঞ্ছিত বৃকে  
গতি ফের ।

আমি অভিমানী চির-ক্ষুদ্র হিয়ার কাতরতা, ব্যথা স্নানিবিড়,

চিত-চূষন-চোর কম্পন আমি থর-থর-থর প্রথম পরশ

কুমারীর !

আমি গোপন-প্রিয়ার চকিত চাহনি, ছল-কাঁরে দেখা অসুখণ,

আমি চপল মেয়ের ভালোবাসা, তার কাঁকন চুড়ির কন-কন ।

আমি চির-শিশু, চির-কিশোর,  
 আমি যৌবন-ভীতু পল্লীবালার আঁচর কাঁচলি নিচোর ।  
 আমি উত্তর-বায়ু, মলয়-অনিল, উদাস প্রবী হাওয়া,  
 আমি পথিক-কবির গভীর রাগিণী, বেণু-বীণে গান গাওয়া ।  
 আমি আঁকুল নিদাঘ-তিয়াঘা, আমি রোজ-রুজ রবি,  
 আমি মরু-নির্ব্বার ঝর-ঝর, আমি শ্যামলিমা ছায়া-ছবি !  
 আমি তুরীয়ানন্দে ছুটে চলি এ কি উন্মাদ, আমি উন্মাদ !  
 আমি সহসা আমারে চিনেছি, আমার খুলিয়া গিয়াছে সব বাঁধ ।

আমি উত্থান, আমি পতন, আমি অচেতন-চিত্তে চেতন,  
 আমি বিশ্ব-তোরণে বৈজয়ন্তী মানব-বিজয়-কেতন ।  
 ছুটি ঝড়ের মতন করতালি দিয়া  
 স্বর্গ-মর্ত্য করতলে,

‘তাজী বোররাক্ আর উচ্চৈঃশ্রবা বাহন আমার  
 হিম্মৎ-হেয়া হৈকে চলে ।

আমি বমুখা-বক্ষে আগ্নেয়াদ্রি, বাড়ব-বাহু, কালানল,  
 আমি পাতালে মাতাল অগ্নি-পাথার কলরোল-কল-কোলাহল  
 আমি তড়িতে চড়িয়া উড়ে চলি জোর তুড়ি দিয়া, দিয়া লক্ষ,  
 আমি ত্রাস সঞ্চারি ভুবনে সহসা সঞ্চারি’ ভূমি-কম্প !  
 ধরি বাসুকির ফণা জাপটি,’  
 ধরি স্বর্গীয় দূত জিব্রাইলের আগুনের পাখা সাপটি’ ।  
 আমি দেব-শিশু, আমি চঞ্চল,  
 আমি ধুঁষ্ট, আমি দাঁত দিয়া ছিঁড়ি বিশ্ব-মায়ের অঞ্চল ।

## সঙ্কিতা

আমি অফিয়াসের বাঁশরী  
 মহা- সিঙ্কু উতলা ঘুম-ঘুম  
 ঘুম চুমু দিয়ে করি নিখিল বিশ্বে নিব্বুম  
 মম বাঁশরীর তানে পাশরি' !  
 আমি শ্রামের হাতের বাঁশরী !  
 আমি রুষে উঠি' যবে ছুটি মহাকাশ ছাপিয়া,  
 ভয়ে সপ্ত নরক হাবিয়া দোজখ নিভে নিভে যায় কাঁপিয়া !  
 আমি বিদ্রোহ-বাহী নিখিল অখিল ব্যাপিয়া !

আমি শ্রাবণ-প্লাবন-বহা,  
 কভু ধরণীরে করি বরণীয়া, কভু বিপুল ধ্বংস-ধন্যা—  
 আমি ছিনিয়া আনিব বিষ্ণু-বক্ষ হইতে যুগল কন্যা !  
 আমি অশ্রায়, আমি উল্কা, আমি শনি,  
 আমি ধূমকেতু-জ্বালা, বিবধর কাল-ফণী !  
 আমি ছিন্নমস্তা চণ্ডী, আমি রণদা সর্বনাশী,  
 আমি জাহান্নমের আগুনে বসিয়া হাসি পুষ্পের হাসি !

আমি মৃন্ময়, আমি চিন্ময়,  
 আমি অজর অমর অক্ষয়, আমি অব্যয় !  
 আমি মানব দানব দেবতার ভয়,  
 বিশ্বের আমি চির-তুর্জয়,  
 জগদীশ্বর ঈশ্বর আমি পুরুষোত্তম সত্য,  
 আমি তাথিয়া তাথিয়া মথিয়া ফিরি স্বর্গ-পাতাল মর্ত্য !  
 আমি উন্মাদ, আমি উন্মাদ !!

হাবিয়া দোজখ—সপ্তম নরক, এই নরকই ভীষণতম ।

## বিদ্রোহী

চিনেছি আমারে, আজিকে আমার খুলিয়া গিয়াছে  
সব বাঁধ !!

আমি পরশুরামের কঠোর কুঠার,  
নিঃকৃত্রিয় করিব বিশ্ব, আনিব শাস্তি শাস্ত উদার ।  
আমি হল বলরাম-স্কন্ধে,  
আমি উপাড়ি' ফেলিব অধীন বিশ্ব অবহেলে নব সৃষ্টির  
মহানন্দে ।

মহা- বিদ্রোহী রণ-ক্লান্ত,  
আমি সেই দিন হব শাস্ত,  
যবে উৎপীড়িতের ক্রন্দন-রোল আকাশে বাতাসে ধনিবে না,  
অত্যাচারীর খড়া কৃপাণ ভীম রণ-ভূমে রণিবে না—  
বিদ্রোহী রণ-ক্লান্ত  
সেই দিন হব শাস্ত ।

আমি বিদ্রোহী ভৃগু, ভগবান বুকে এঁকে দিই পদ-চিহ্ন ।  
আমি শ্রষ্টা-সুদন, শোক-তাপ-হান। খেয়ালী বিধির বক্ষ  
করিব ভিন্ন !  
আমি বিদ্রোহী ভৃগু, ভগবান-বুকে এঁকে দেবো পদ-চিহ্ন !  
আমি খেয়ালী বিধির বক্ষ করিব ভিন্ন !

আমি চির-বিদ্রোহী বীর—  
আমি বিশ্ব ছাড়ায়ে উঠিয়াছি একা চির-উন্নত শির

## আজ সৃষ্টি-সুখের উল্লাসে

আজ সৃষ্টি-সুখের উল্লাসে—

মোর মুখ হাসে মোর চোখ হাসে মোর টগবগিয়ে খুন হাসে  
আজ সৃষ্টি-সুখের উল্লাসে ।

আজকে আমার রুদ্ধ প্রাণের পৰ্বলে  
বান ডেকে ঐ জাগল জোয়ার ছয়ার-ভাঙা কল্লোলে !  
আসল হাসি, আসল কাঁদন,  
মুক্তি এলো, আসল বাঁধন,  
মুখ ফুটে আজ বুক ফাটে মোর তিস্ত দুখের সুখ আসে  
ঐ রিক্ত বকের দুখ আসে—  
আজ সৃষ্টি-সুখের উল্লাসে ।

আসল উদাস, শ্বসল হতাশ,  
সৃষ্টি-ছাড়া বুক-ফাটা শ্বাস,  
কুল্লো সাগর ছুল্লো আকাশ ছুটলো বাতাস  
গগন ফেটে চক্রে ছোটে, পিনাক-পাণির শূল আসে ।  
ঐ ধূমকেতু আর উল্কাতে  
চায় সৃষ্টিটাকে উন্টাতে,  
রাজ্য তাই দেখি আর বন্ধে আমার লক্ষ বাগের ফুল হাসে  
আজ সৃষ্টি-সুখের উল্লাসে ।

আজ হাসল আগুন, শ্বসল ফাগুন,  
 মদন মারে খুন-মাখা তুণ,  
 পলাশ অশোক শিমুল ঘায়েল  
 ফাগ লাগে ঐ দিক্-বাসে  
 গো দিগ্-বালিকার পীতবাসে ;  
 আজ রঙন এলো রক্তপ্রাণের অঙ্গনে মোর চার পাশে  
 আজ সৃষ্টি-সুখের উল্লাসে !

আজ কপট কোপের তুণ ধরি,  
 ঐ আসল যত সুন্দরী,  
 কারুর পায়ে বুক-উলা খুন, কেউ বা আগুন,  
 কেউ মানিনী চোখের জলে বুক ভাসে—  
 তাদের প্রাণের 'বুক-ফাটে-তাও মুখ-ফোটে-না'-বাণীর বাণী  
 মোর পাশে,  
 ঐ তাদের কথা শোনাই তাদের  
 আমার চোখে জল আসে ।  
 আজ সৃষ্টি-সুখের উল্লাসে !

আজ আসল উষা, সন্ধ্যা, ছপুর,  
 আসল নিকট, আসল সুদূর,  
 আসল বাধা-বন্ধ-হারা ছন্দ-মাতন  
 পাগ্-লা-গাজন-উচ্ছ্বাসে !  
 ঐ আসল আশিন শিউলি শিথিল  
 হাসল শিশির ছব্-হাসে ।  
 আজ সৃষ্টি-সুখের উল্লাসে !

আজ জাগল সাগর, হাসল মরু,  
 কাঁপল ভূধর, কানন-তরু,  
 বিশ্ব-ডুবান্ আসল তুফান উছলে উজান  
 ভৈরবীদের গান ভাসে,  
 মোর ডাইনে শিশু সজোজাত জরায়-মরা রাম পাশে ।

মন ছুটছে গো আজ বন্যা-হারা অশ্ব যেন পাগ্লা সে,  
 আজ সৃষ্টি-সুখের উল্লাসে !  
 আজ সৃষ্টি-সুখের উল্লাসে !!

[ দোলন-চাপা ]



## পুজারিনী

এতদিনে অবেলায়—

প্রিয়তম !

ধূলি-অন্ধ ঘূর্ণী সম

দিবা যামী

যবে আমি

নেচে ফিরি রুমিরাক্ত মরণ-খেলায়—

এত দিনে অবেলায়

জানিলাম, আমি তোমা' জন্মে জন্মে চিনি ।

পুজারিনী !

এ কণ্ঠ, ও-কপোত-কাঁদানো রাগিনী,

এ আঁখি এ মুখ,

এ ভুরু ললাট চিবুক,

এ তব অপরূপ রূপ,

এ তব দোলো-দোলো গতি-নৃত্য ছুঁ ছল রাজহংসী জিনি'—

চিনি, সব চিনি ।

তাই আমি এতদিনে

জীবনের আশাহত ক্লান্ত শুষ্ক বিদগ্ধ পুলিনে

মূর্ছাতুর সারা প্রাণ ভ'রে

ডাকি শুধু ডাকি তোমা'

প্রিয়তমা !

ইষ্ট মম জপমালা এ তব সব চেয়ে মিষ্ট নাম ধ'রে !

তারি সাথে কাঁদি আমি—

ছিন্ন-কণ্ঠে কাঁদি আমি, চিনি তোমা', চিনি চিনি চিনি,  
 বিজয়িনী নহ তুমি—নহ ভিখারিনী,  
 তুমি দেবী চির-শুদ্ধা তাপস-কুমারী, তুমি মম চির-পূজারিনী  
 যুগে যুগে এ পাষাণে বাসিয়াছ ভালো,  
 আপনারে দাহ করি' মোর বৃকে জ্বালায়েছ আলো,  
 বারে বারে করিয়াছ তব পূজা-ঋণী ।  
 চিনি প্রিয়া চিনি তোমা' জন্মে জন্মে চিনি চিনি চিনি !  
 চিনি তোমা' বারে বারে জীবনের অন্ত-ঘাটে, মরণ-বেলায়,  
 তারপর চেনা-শেষে  
 তুমি-হারা পরদেশে  
 ফেলে যাও একা শূন্য বিদায়-ভেলায় ।

দিনাস্তুর প্রান্তে বসি' আঁখি-নীরে তিতি'  
 আপনার মনে আনি তারি দূর-দূরাস্তুর স্মৃতি -  
 মনে পড়ে—বসন্তের শেষ-আশা-ম্লান মৌন মোর  
 আগমনী সেই নিশি,  
 যেদিন আমার আঁখি ধন্থ হ'ল তব আঁখি-চাওয়া মনে মিশি  
 তখনো সরল সুখী আমি—ফোটেনি ঘোঁবন মম,  
 উন্মুখ বেদনা-মুখী আসি আমি উষা-সম  
 আধ-ঘুমে আধ-জ্বগে তখনো কৈশোর,  
 জীবনের ফোটো-ফোটো রাঙা নিশি-ভোর,  
 বাধা বন্ধ-হারা  
 অহেতুক নেচে-চলা-ঘুরীবাযু-পারা  
 হরন্তু গানের বেগ অফুরন্ত হাসি  
 নিয়ে এমু পথ-ভোলা আমি অতি দূর পরবাসী ।

সাথে তারি

এনেছি গৃহ-হারা বেদনার আঁখি-ভরা বারি।

এসে রাতে—ভোরে জেগে গেয়েছি জাগরণী সুর—

ঘুম ভেঙে জেগে উঠেছিলে তুমি কাছে এসেছিলে,

মুখ-পানে চেয়ে মোর সক্রম হাসি হেসেছিলে,—

হাসি হেরে কেঁদেছি—‘তুমি কার পোষাপাখী কান্তার বিধুর ?

চোখে তব সে কী চাওয়া। মনে হ’ল যেন

তুমি মোর ঐ কণ্ঠ ঐ সুর—

বিরহের কান্না-ভারাতুর

বনানী-ভুলানো,

দখিনা সমীরে ডাকা কুসুম ফোটানো বন-হরিণী-ভুলানো

আদি জন্মদিন হ’তে চেন তুমি চেন।

তার পর—অনাদরে বিদায়ের অভিমান-রাঙা

অশ্রু-ভাঙা-ভাঙা

ব্যথা-গীত গেয়েছি সেই আধ-রাতে,

বুঝি নাই আমি সেই গান-গাওয়া ছলে

কারে পেতে চেয়েছি চিরশূন্য মম হিয়া-তলে—

শুধু জানি, কাঁচা-ঘুমে জাগা তব রাগ-অরুণ-আঁখি-ছায়া

লেগেছিল মম আঁখি-পাতে।

আরো দেখেছি, ঐ আঁখির পলকে

বিস্ময়-পুলক-দীপ্তি বলকে বলকে

ঝ’লেছিল, গ’লেছিল গাঢ় ঘন বেদনার মায়া,—

করণায় কেঁপে কেঁপে উঠেছিল বিরহিনী

অন্ধকার-নিশীথিনী-কায়া।

তুষাতুর চোখে মোর বড় যেন লেগেছিল ভালো

পূজারিনী ! আঁখি-দীপ-জ্বালা তব সেই স্নিগ্ধ সক্রম আলো।—

তার পর—গান-গাওয়া-শেষে

নাম ধরে কাছে বুঝি ডেকেছিহু হেসে ।

অমনি কী গ'র্জে-ওঠা রুদ্ধ অভিমানে

( কেন কে সে জানে )

ছলি' উঠেছিল তব ভুরু-বাঁধা স্থির আঁখি-তরী,

ফুলে উঠেছিল জল, ব্যথা-উৎস-মুখে তাহা ঝরঝর

প'ড়েছিল ঝরি' !

একটু আদরে এত অভিমানে ফুলে-ওঠা, এত আঁখি-জল,

কোথা পেলি ওরে কা'র অনাদৃত্য ওরে মোর ভিখারিনী,

বল্ মোরে বল্ !

এই ভাঙা বৃকে

ঐ কান্না-রাঙা মুখ থুয়ে লাজ-সুখে

বল্ মোরে বল্—

মোরে হেরি' কেন এত অভিমান ?

মোর ডাকে কেন এত উথলায় চোখে তব জল ?

অচেনা অজানা আমি পথের পথিক

মোরে হেরে জলে পূরে ওঠে কেন তব ঐ বালিকার আঁখি অনিমিত্ত ?

মোর পানে চেয়ে সবে হাসে,

বাঁধা-নীড় পুড়ে যায় অভিশপ্ত তপ্ত মোর শ্বাসে

মনি ভেবে কত জনে তুলে পরে গলে,

মনি যবে ফণী হ'য়ে বিষ-দঙ্ক-মুখে

দংশে তার বৃকে,

অমনি সে দলে পদতলে !

বিশ্ব যারে করে ভয় ঘৃণা অবহেলা,

ভিখারিনী ! তারে নিয়ে এ কি তব অকরণ খেলা ?

তারে নিয়ে এ কি গুঢ় অভিমান ? কোন্ অধিকারে

নাম ধ'রে ডাকটুকু তা'ও হানে বেদনা তোমারে ?

কেউ ভালোবাসে নাই ? কেউ তোমা' করেনি আদর ?  
জন্ম-ভিখারিনী তুমি ? তাই এত চোখে জল, অভিমানী  
করুণা-কাতর !

নহে তা'ও নহে—

বুকে থেকে রিক্ত-কণ্ঠে কোন্ রিক্ত অভিমানী কহে—

‘নহে তা'ও নহে ।’

দেখিয়াছি শতজন আসে এই ঘরে,

কতজন না চাহিতে এসে বুকে করে,

তবু তব চোখে মুখে এ অতৃপ্তি, এ কী স্নেহ-ক্ষুধা !

মোরে হেরে উছলায় কেন তব বুক-ছাপা এত শ্রীতি-সুখা ?

সে রহস্য রাণী !

কেহ নাহি জানে—

তুমি নাহি জান—

আমি নাহি জানি ।

চেনে তাহা প্রেম, জানে শুধু প্রাণ—

কোথা হ'তে আসে এত অকারণে প্রাণে প্রাণে বেদনার টান !

নাহি বুঝিয়াও আমি সেদিন বুঝি তুমি, হে অপরিচিতা !

চির-পরিচিতা তুমি, জন্ম জন্ম ধ'রে মোর অনাদৃত সীতা !

কানন-কাঁদানো তুমি তাপস-বালিকা

অনন্তকুমারী সতী, তব দেব-পূজার থালিকা

ভাঙিয়াছি যুগে যুগে, ছিঁড়িয়াছি মালা

খেলা-ছলে ; চির-মোনা শাপভ্রষ্টা ওগো দেববালা !

নীরবে স'য়েছ সব—

সহজিয়া ! সহজে জেনেছ তুমি, তুমি মোর জয়লক্ষ্মী,

আমি তব কবি ।

তার পর—নিশি-শেষে পাশে ব'সে শুনেছিহু তব গীত-স্রব  
 লাজে-আধ-বাধ-বাধ শঙ্কিত বিধুর ;  
 সুর শুনে হ'ল মনে—ক্ষণে ক্ষণে  
 মনে-পড়ে-পড়ে-না এ হারা-কণ্ঠ যেন  
 কেঁদে কেঁদে সাথে, 'ওগো চেন মোরে জন্মে জন্মে চেন ।'  
 মথুরায় গিয়া শ্রাম, রাধিকায় ভুলেছিল যবে,  
 মনে লাগে—এই সুর এই গীত-রবে কেঁদেছিল রাধা,  
 অবহেলা-বেঁধা-বুক নিয়ে এ যেন রে অতি-অন্তরালে ললিতাব কঁাদা  
 বন-মাঝে একাকিনী দময়ন্তী ঘুরে ঘুরে বুবে'  
 ফেলে-যাওয়া নাথে তার ডেকেছিল ক্লাস্ত-কণ্ঠে এই গীত-স্রবে ।  
 কাস্তে প'ড়ে মনে  
 বন-লতা সনে  
 বিষাদিনী শকুন্তলা কেঁদেছিল এই সুরে বনে সঙ্গোপনে ।  
 হেম-গিরি-শিরে  
 হারা-সতী উমা হ'য়ে ফিবে  
 ডেকেছিল ভোলানাথে এমনি সে চেনা-কণ্ঠে হায়,  
 কেঁদেছিল চির-সতী পতি-প্রিয়া প্রিয়ে তার পেতে পুনরায় ।  
 চিনিলাম বুঝিলাম সব—  
 যৌবন সে জাগিল না, লাগিল না মর্মে তাই গাঢ় হ'য়ে তব মুখ-ছবি ।

তবু তব চেনা-কণ্ঠে মম কণ্ঠ-সুর  
 রেখে আমি চ'লে গেছু কবে কোন্ পল্লী-পথে দূর ?  
 ছ'দিন না যেতে যেতে এ কি সেই পুণ্য গোমতীর কূলে  
 প্রথম উঠিল কাদি' অপরূপ ব্যথা-গন্ধ নাভি-পদ্মমূলে ।

খুঁজে ফিরি কোথা হ'তে এই ব্যথা-ভারাতুর মদ-গন্ধ আসে—  
 আকাশ বাতাস ধরা কেঁপে কেঁপে ওঠে শুধু মোব তপ্ত ঘন দীর্ঘশ্বাসে ।

কঁদে ওঠে লতা-পাতা,  
 ফুল পাখী নদী জল  
 মেঘ বায়ু কঁদে সবি অবিরল,  
 কঁদে বুকে উগ্রসুখে যৌবন-জ্বালায়-জাগা অতৃপ্ত বিধাতা ।  
 পোড়া প্রাণ জানিল না কারে চাই,  
 চীৎকারিয়া ফেরে তাই—‘কোথা বাই,  
 কোথা গেলে ভালবাসাবাসি পাই ?’  
 হু-হু ক’রে ওঠে প্রাণ, মন করে উদাস-উদাস,  
 মনে হয়—এ নিখিল যৌবন-আতুর কোনো প্রেমিকের ব্যথিত হৃতাশ !  
 চোখ পূরে’ লাল নীল কত রাঙা আবছায়া ভাসে,  
 আসে—আসে—

কার বন্ধ টুটে  
 মম প্রাণ-পুটে  
 কোথা হ’তে কেন এই মৃগ-মদ-গন্ধ-ব্যথা আসে ?  
 মন-মৃগ ছুটে ফেরে ; দিগন্তর ছলি’ ওঠে মোর ক্ষিপ্ত হাহাকার-ব্রাসে ।  
 কস্তুরী হরিণ-সম  
 আমারি নাভির গন্ধ খুঁজে ফেরে গন্ধ-অন্ধ মন-মৃগ মম !  
 আপনারই ভালোবাসা  
 আপনি পিইয়া চাহে মিটাইতে আপনার আশা ।  
 অনন্ত অগস্ত্য-তৃষাকুল বিশ্ব-মাগা যৌবন আমার  
 এক সিদ্ধু শুষি’ বিন্দু-সম, মাগে সিদ্ধু আর ।  
 ভগবান ! ভগবান ! এ কি তৃষ্ণা অনন্ত অপার !  
 কোথা তৃপ্তি ? তৃপ্তি কোথা ? কোথা মোর তৃষ্ণা-হরা প্রেম-সিদ্ধু  
 অনাদি পাথার !  
 মোর চেয়ে স্বেচ্ছাচারী হ্রস্ব হ্রবার !

কোথা গেলে তারে পাই,  
যার লাগি' এত বড় বিশ্বে মোর নাই শাস্তি নাই !

ভাবি আর চলি শুধু, শুধু পথ চলি,  
পথে কত পথ-বালা যায়,  
তারি পাছে হায় অন্ধ-বেগে ধায়  
ভালোবাসা-স্বধাতুর মন,  
পিছু ফিরে কেহ যদি চায়—অভিমাণে জলে ভেসে যায় হ'নয়ন ।  
দেখে তারা হাসে,  
না চাহিয়া কেহ চ'লে যায়, 'ভিক্ষা লহ' ব'লে কেহ আসে দ্বার-পাশে ।  
প্রাণ আরো কেঁদে ওঠে তা'তে,  
গুমরিয়া ওঠে কাঙালের লজ্জাহীন গুরু বেদনাতে !  
প্রলয়-পয়োধি-নীরে গর্জে-ওঠা হৃৎকার-সম  
বেদনা ও অভিমাণে ফুলে' ফুলে' ছলে' ছলে' ওঠে ধু-ধু  
ক্ষোভ-ক্ষিপ্ত প্রাণ-শিখা মম !  
পথ-বালা আসে ভিক্ষা-হাতে,  
লাথি মেরে চূর্ণ করি গর্ব তার ভিক্ষা-পাত্র সাথে ।  
কেঁদে তারা ফিরে যায়, ভয়ে কেহ নাহি আসে কাছে ।  
'অনাথ-পিণ্ড'-সম  
মহাভিক্ষু প্রাণ মম  
প্রেম-বুদ্ধ লাগি' হায় দ্বারে দ্বারে মহাভিক্ষা যাচে,  
"ভিক্ষা দাও পুরবাসি !  
বুদ্ধ লাগি' ভিক্ষা মাগি, দ্বার হ'তে প্রভু ফিরে যায় উপবাসী !

কত এল কত গেল ফিরে,  
কেহ ভয়ে কেহ-বা বিশ্বাসে ।



ভাঙা-বুকে কেহ,

কেহ অশ্রু-নীরে—

কত এল কত গেল ফিরে !

আমি যাচি পূর্ণ সমর্পণ,

বুঝিতে পারে না তাহা গৃহ-সুখী পুরনারীগণ ।

তারা আসে হেসে ;

শেষে হাসি-শেষে

কেঁদে তারা ফিরে যায়

আপনার গৃহ-স্নেহচ্ছায়ে ।

বলে তারা, “হে পথিক ! বল বল তব প্রাণ কোন্ ধন মাগে ?

স্মরে তুমি এত কান্না, বুকে তব কা’র লাগি এত ক্ষুধা জাগে ?”

কি যে চাই বৃদ্ধেনাক’ কেহ,

কেহ আনে প্রাণ মন কেহ-বা যৌবন ধন,

কেহ রূপ দেহ ।

গর্বিতা ধনিকা আসে মদমত্তা আপনার ধনে

আমারে বাঁধিতে চাহে রূপ-কাঁদে যৌবনের বনে ।...

সব ব্যর্থ, ফিরে চলে নিরাশায় প্রাণ

পথে পথে গেয়ে গেয়ে গান—

“কোথা মোর ভিখারিনী পূজারিনী কই ?

যে বলিবে—‘ভালোবেসে সন্ন্যাসিনী আমি

ওগো মোর স্বামী !

রিক্তা আমি. আমি তব গরবিনী, বিজয়িনী নই’ ।”

মরু মাঝে ছুটে ফিরি বুঝা,

হু হু ক’রে জ্বলে ওঠে তথা—

তারি মাঝে তৃষ্ণা-দগ্ধ প্রাণ

ক্ষণেকের তরে কবে হারাইল দিশা ।

দূরে কার দেখা গেল হাতছানি যেন—

ডেকে ডেকে সে-ও কাঁদে—

‘আমি নাথ তব ভিখারিনী,

আমি তোমা’ চিনি,

তুমি মোরে চেন !’

বুঝি নু না, ডাকিনীর ডাক এ যে

এ যে মিথ্যা মায়া,

জল নহে, এ যে খল, এ যে ছল মরীচিকা ছায়া !

‘ভিক্ষা দাও’ ব’লে আমি এনু তার দ্বারে,

কোথা ভিখারিনী ? ওগো এ যে মিথ্যা মায়াবিনী,

ঘরে ডেকে মারে

এ যে ক্রুর নিষাদের কাঁদ,

এ যে ছলে জিনে নিতে চাহে ভিখারীর বুলির প্ৰসাদ ।

হ’ল না সে জয়ী,

আপনার জালে প’ড়ে আপনি মরিল মিথ্যাময়ী ।

\*

\*

\*

কাঁটা-বেঁধা রক্ত মাখা প্রাণ নিয়ে এনু তব পুরে,

জানি নাই ব্যথাহত আমার ব্যথায়

তখনো তোমার প্রাণ পুড়ে ।

তবু কেন কতবার মনে যেন হ’ত,

তব স্নিগ্ধ মদির পরশ মুছে নিতে পারে মোর

সব জ্বালা সব দগ্ধ ক্ষত ।

মনে হ’ত প্রাণ তব প্রাণে যেন কাঁদে অহরহ—

‘হে পথিক ! ঐ কাঁটা মোরে দাও, কোথা তব ব্যথা বাজে

কহ মোরে কহ ।’

নীরব গোপন তুমি মৌন তাপসিনী,  
তাই তব চির-মৌন ভাষা  
শুনিয়াও শুনি নাই, বুঝিয়াও বুঝি নাই ঐ ক্ষুদ্র চাপা-বুকে  
কাঁদে কত ভালোবাসা আশা ।

\*

\*

\*

এরি মাঝে কোথা হ'তে ভেসে এল মুক্তধারা মা আমার  
সে ঝড়ের রাতে,  
কোলে তুলে নিল মোরে, শত শত চুমা দিল সিক্ত আঁখি-পাতে ।  
কোথা গেল পথ—  
কোথা গেল রথ —  
ডুবে গেল সব শোক-জ্বালা,  
জননীর ভালোবাসা এ ভাঙা দেউলে যেন দোলাইল দেয়ালীর আলা ।  
গত-কথা গত-জন্ম হেন  
হারা-মায়ে পেয়ে আমি ভুলে গেছু যেন ।  
গৃহহারা গৃহ পেছু, অতি শাস্ত স্মৃথে  
কত জন্ম পরে আমি প্রাণ ভ'রে ঘুমাইছু নুখ খুয়ে জননীর বুকে ।  
শেষ হ'ল পথ-গান গাওয়া,  
ডেকে ডেকে ফিরে গেল হা-হা স্বরে পথসাথী তুফানের হাওয়া ।

আবার আবার বুঝি ভুলিলাম পথ—  
বুঝি কোন্ বিজয়িনী-দ্বার-প্রান্তে আসি' বাধা পেল পার্থ-পথ-রথ ।  
ভুলে গেছু কারে মোর পথে পথে খোঁজা,—  
ভুলে গেছু প্রাণ মোর নিত্যকাল ধ'রে অভিসারী  
মাগে কোন্ পূজা,

ভুলে গেলু যত ব্যথা শোক,—

নব সুখ-অশ্রুধারে গ'লে গেল হিয়া, ভিজ্জে গেল অশ্রুহীন চোখ ।

যেন কোন্ রূপ-কমলেতে মোর ডুবে গেল আঁখি,

স্মরভিতে মেতে উঠে বুক,

উলসিয়া বিলসিয়া উথলিল প্রাণে

এ কী ব্যগ্র ব্যথা-সুখ ।

বাঁচিয়া নূতন ক'রে মরিল আবার

সীধু-লোভী বাণ-বেঁধা পাখী ।...

.....ভেসে গেল রক্তে মোর মন্দিরের বেদী—

জাগিল না পাষণ-প্রতিমা,

অপমানে দাবানল-সম তেজে

রুখিয়া উঠিল এইবার যত মোর ব্যথা-অরুণিমা

ছুকারিয়া ছুটিলাম বিদ্রোহের রক্ত-অশ্বে চড়ি

বেদনার আদি-হেতু স্রষ্টা পানে মেঘ অভভেদী,

ধূমধ্বজ প্রলয়ের ধূমকেতু-ধূমে

হিংসা হোমশিখা জ্বালি' সৃজিলাম বিভীষিকা

স্নেহ-মরা শুষ্ক মরুভূমে !

..... এ কি মায়া । তার মাঝে মাঝে

মনে হ'ত কত দূর হ'তে, প্রিয় মোর নাম ধ'রে যেন

তব বীণা বাজে !

সে সূদূর গোপন পথের পানে চেয়ে

হিংসা-রক্ত-আঁখি মোর অশ্রুবাণে বেদনার রসে যেত ছেয়ে !

সেই স্মর সেই ডাক স্মরি' স্মরি'

ভুলিলাম অতীতের জ্বালা,

বুঝিলাম তুমি সত্য—তুমি আছ,

অনাদৃতা তুমি মোর, তুমি মোরে মনে প্রাণে যাচ,

একা তুমি বনমালা  
মোর তরে গাঁথিতেছ মালা  
আপনার মনে  
লাজে সঙ্গোপনে ।

জন্ম জন্ম ধ'রে চাওয়া তুমি মোর সেই ভিখারিনী ।  
অন্তরের অগ্নি-সিন্ধু ফুল হ'য়ে হেসে উঠে কহে—‘চিনি, চিনি ।  
বেঁচে ওঠ্ মরা প্রাণ ! ডাকে তোরে দূর হ'তে সেই—  
যার তরে এত বড় বিশ্বে তোর সুখ শাস্তি নেই !’

তারি মাঝে  
কাহার ক্রন্দন-ধ্বনি বাজে ?  
কে যেন রে পিছু ডেকে চাৎকারিয়া কয়—  
‘বন্ধু এ যে অবেলায় ! হতভাগ্য, এ যে অসময় !’  
শুনিলু না মানা, মানিলু না বাধা,  
প্রাণে শুধু ভেসে আসে জন্মান্তর হ'তে যেন বিরহিনী ললিতার কঁাদা ।  
ছুটে এলু তব পাশে  
উর্ধ্বশ্বাসে,

মৃত্যু-পথ অগ্নি-রথ কোথা প'ড়ে কঁাদে, রক্ত-কেতু গেল উড়ে পুড়ে,  
তোমার গোপন পূজা বিশ্বের আরাম নিয়া এলো বুক জুড়ে ।

\*

\*

\*

তার পর যা বলিব হারায়েছি আজ তার ভাষা,  
আজ মোর প্রাণ নাই, অশ্রু নাই, নাহি শক্তি আশা—  
যা বলিব আজ ইহা গান নহে, ইহা শুধু রক্ত-ঝরা প্রাণ-রাঙা  
অশ্রু-ভাঙা ভাষা ।

ভাবিতেছ, লজ্জাহীন ভিখারীর প্রাণ

সে-ও চাহে দেওয়ার সম্মান।

সত্য প্রিয়া, সত্য ইহা ; আমিও তা স্মরি’

আজ শুধু হেসে হেসে মরি !

তবু শুধু এইটুকু জেনে রাখো প্রিয়তমা, দ্বার হ’তে দ্বারান্তরে,  
ব্যর্থ হ’য়ে ফিরে

এসেছিল তব পাশে, জীবনের শেষ চাওয়া চেয়েছিল তোমা’,  
প্রাণের সকল আশা সব প্রেম ভালোবাসা দিয়া।

তোমারে পূজিয়াছিল, ওগো মোর বে-দরদী পূজারিনী প্রিয়া !  
ভেবেছিল, বিশ্ব যারে পারে নাই তুমি নেবে তার ভার হেসে,  
বিশ্ব-বিদ্রোহীয়ে তুমি করিবে শাসন

অবহেলে শুধু ভালোবেসে।

ভেবেছিল, দুর্বিনীত দুর্জয়ীয়ে জয়ের গরবে  
তব প্রাণে উদ্ভাসিবে অপরূপ জ্যোতি, তার পর একদিন  
তুমি মোর এ বাহুতে মহাশক্তি সঞ্চারিয়া  
বিদ্রোহীর জয়লক্ষ্মী হবে।

ছিল আশা ছিল শক্তি, বিশ্বটারে টেনে  
ছিঁড়ে তব রাঙা পদতলে ছিল রাঙা পদসম পূজা দেব এনে  
কিন্তু হায় ! কোথা সেই তুমি ? কোথা সেই প্রাণ ?  
কোথা সেই নাড়ী-ছেঁড়া প্রাণে প্রাণে টান ?

এ-তুমি আজ সে-তুমি তো নহ ;

আজ হেরি—তুমিও ছলনাময়ী,

তুমিও হইতে চাও মিথ্যা দিয়া জয়ী !

কিছু মোরে দিতে চাও, অণু তরে রাখ কিছু বাকী,—  
দুর্ভাগিনী ! দেখে হেসে মরি ! কারে তুমি দিতে চাও ফাঁকি ?

মোর বৃকে জাগিছেন অহরহ সত্য ভগবান,  
 তাঁর দৃষ্টি বড় তীক্ষ্ণ, এ দৃষ্টি যাহারে দেখে,  
 তন্ন তন্ন ক'রে খুঁজে দেখে তার প্রাণ !  
 লোভে আজ তব পূজা কলুষিত, প্রিয়া,  
 আজ তারে ভুলাইতে চাহ,  
 যারে তুমি পূজেছিলে পূর্ণ মন প্রাণ সমপিয়া ।

তাই আমি ভাবি, কার দোষে—  
 অকলঙ্ক তব ছাদি-পুরে  
 জ্বলিল এ মরণের আলো কবে প'শে ?  
 তবু ভাবি, এ কি সত্য ? তুমিও ছলনাময়ী ।

যদি তাই হয়, তবে মায়াবিনী অয়ি !  
 ওবে ছুট, তাই সত্য হোক ।  
 জ্বালো তবে ভালো ক'বে জ্বালো মিথ্যালোক ।  
 আমি তুমি সূর্য চন্দ্র গ্রহ তারা  
 সব মিথ্যা হোক,  
 জ্বালো ওরে মিথ্যাময়ী, জ্বালো তবে ভালো ক'রে  
 জ্বালো মিথ্যালোক !

\* .

\*

\*

তব মুখপানে চেয়ে  
 বাজ-সম বাজে মর্মে লাজ ;  
 তব অনাদর অবহেলা স্মরি' স্মরি'  
 তারি সাথে স্মরি' মোর নির্লজ্জতা,  
 আমি আজ প্রাণে প্রাণে মরি ।

মনে হয়—ডাক ছেড়ে কেঁদে উঠি, ‘মা বসুধা, দ্বিধা হও !

ঘৃণাহত মাটি-মাখা ছেলেরে তোমার

এ নির্লজ্জ মুখ-দেখা আলো হ’তে অন্ধকারে টেনে লও ।’

তবু বাবে বারে আসি আশা-পথ বাহি’

কিন্তু হায়, যখনই ও-মুখ পানে চাহি—

মনে হয়,—হায়, হায়, কোথা সেই পূজাবিনী,

কোথা সেই বিকৃত সন্ন্যাসিনী ?

এ যে সেই চিব-পবিচিত্র অবহেলা,

এ যে সেই চিহ্ন-ভাবহীন মুখ ।

পূর্ণা নয়, এ যে সেই প্রাণ নিয়ে কঁাকি-কঁাকি—

অপমানে ফেটে যায় বুক ।

প্রাণ নিয়া এ কি নিদাকণ খেলা খেলে এবা হায়,

রক্ত-ঝরা বাড়া বুক দ’লে অলঙ্কৃত পবে এবা পায় ।

এরা দেবী, এবা লোভী, এরা চাহে সবজন্ম-শ্রীতি !

ইহাদের তরে নহে প্রেমিকের পূর্ণ পূজা, পূজাবীৰ পূর্ণ সমর্পণ,

পূজা হেবি’ ইহাদেব ভীক বৃকে তাই জাগে এত সত্য-ভীতি ?

নাবী নাহি হ’তে চায় শুধু একা কাবো,

এবা দেবী, এবা লোভী, যত পূজা পায় এরা চায় তত আবে ।

ইহাদের অতিলোভী মন

একজনে তৃপ্ত নয়, এক পেয়ে সুখী নয়,

যাচে বহু জন ।

যে-পূজা পূজিনি আমি স্রষ্টা ভগবানে,

যাবে দিনু সেই পূজা সে-ই আজি প্রতাবণা হানে ।



বুঝিয়াছি, শেষবার ঘিরে আসে সাথী মোর মৃত্যু-ঘন আঁধি,  
 রিক্ত প্রাণ তিক্ত সুখে হুঙ্কারিয়া উঠে তাই,  
 কার তরে ওরে মন, আর কেন পথে পথে কাঁদি ?  
 জ্বলে' ওঠ এইবার মহাকাল ভৈরবের নেত্র জ্বালাসম ধব্-ধব্,  
 হাহাকার-করতালি বাজা ! জ্বালা তোর বিদ্রোহের রক্তশিখা  
 অনন্ত পাবক ।

আন্ তোর বহ্নি-রথ, বাজা তোর সর্বনাশা তুরী !  
 হান্ তোর পরশু-ত্রিশূল ! ধ্বংস কর্ এই মিথ্যাপুরী !  
 রক্ত-সুধা-বিষ আন্ মরণের ধর্ টিপে টুটি !  
 এ মিথ্যা জগৎ তোর অভিশপ্ত জগদল চাপে হোক্ কুটি-কুটি ।

\*

\*

\*

কঠে আজ এত নিষ, এত জ্বালা,  
 তবু, বালা,  
 থেকে থেকে মনে পড়ে—  
 যতদিন বাসিনি তোমারে ভালো,  
 যতদিন দেখিনি তোমার বুক-ঢাকা রাগ-রাঙা আলো,  
 তুমি ততদিনই  
 যেচেছিলে প্রেম মোর, ততদিনই ছিলে ভিখারিনী ।  
 ততদিনই এতটুকু অনাদরে বিদ্রোহের তিক্ত অভিমানে  
 তব চোখে উঁছলাতো জল, ব্যথা দিত তব কাঁচা প্রাণে  
 একটু আদর-কণা একটুকু সোহাগের লাগি'  
 কত নিশি-দিন তুমি, মনে কর, মোর পাশে রহিয়াছ জাগি  
 আমি চেয়ে দেখি নাই ; তারই প্রতিশোধ  
 নিলে বুঝি এতদিনে ! মিথ্যা দিয়ে মোরে জিনে  
 অপমান কাঁকি দিয়ে করিতেছ মোর খাস-রোধ !

আজ আমি মরণের বুরু থেকে কাঁদি—

অকরণা ! প্রাণ নিয়ে এ কি মিথ্যা অকরণ খেলা !

এত ভালোবেসে শেষে এত অবহেলা

কেমনে হানিতে পার, নারী !

এ আঘাত পুরুষের,

হানিতে এ নির্মম আঘাত, জানিতাম মোরা শুধু পুরুষেরা পারি ।

ভাবিতাম, দাগহীন অকলঙ্ক কুমারীর দান

একটি নিমেষ মাঝে চিরতরে আপনারে রিক্ত করি' দিয়া

মন-প্রাণ লভে অবসান ।

ভুল, তাহা ভুল

বায়ু শুধু ফোটায় কলিকা, অলি এসে হ'রে নেয় ফুল ।

বায়ু বলী, তার তরে প্রেম নহে প্রিয়া !

অলি শুধু জানে ভালো কেমনে দলিতে হয় ফুল-কলি-হিয়া !

\*

\*

\*

পথিক-দখিনা-বায়ু আমি চলিলাম বসন্তের শেষে

মৃত্যুহীন চিররাত্রি নাহি-জানা দেশে !

বিদায়ের বেলা মোর ক্ষণে ক্ষণে ওঠে বৃকে আনন্দাশ্রু ভরি'

কত সুখী আমি আজ সেই কথা স্মরি' !

আমি না বাসিতে ভালো তুমি আগে বেসেছিলে ভালো,

কুমারী-বৃকেব তব সব স্নিগ্ধ রাগ-রাঙা আলো

প্রথম পড়িয়াছিল মোর বৃকে মুখে—

ভূখারীর ভাঙা বৃকে পুলকের রাঙা বান ডেকে যায় আজ সেই সুখে !

সেই প্রীতি, সেই রাঙা সুখ-স্মৃতি স্মরি'

মনে হয় এ জীবন এ জনম ধন্য হ'ল—আমি আজ তৃপ্ত হ'য়ে মরি ।

না-চাহিতে বেসেছিলে ভালো মোরে তুমি— শুধু তুমি,  
সেই সুখে মৃত্যু-কৃষ্ণ অধর ভরিয়া  
আজ আমি শতবার ক'রে তব প্রিয় নাম চুমি !

\*

\*

\*

মোরে মনে প'ড়ে--  
একদা নিশীথে যদি প্রিয়  
ঘুমায়ে কাহাবও বুকে অকারণে বুক ব্যথা করে,  
মনে ক'রো, মরিয়াছে গিয়াছে আপদ !  
আর কভু আসিবে না  
উগ্র সুখে কেহ তব চুমিতে ও-পদ-কোকনদ !  
মরিয়াছে—অশান্ত অতৃপ্ত চিব-স্বার্থপর লোভী,—  
অমর হইয়া আছে—রবে চিরদিন  
তব প্রেমে মৃত্যুঞ্জয়ী  
ব্যথা-বিষে নীলকণ্ঠ কবি !

[ দোলন টাপা ]

## পথহারা

বেলা-শেষে উদাস পথিক ভাবে,  
সে যেন কোন্ অনেক দূরে যাবে—  
উদাস পথিক ভাবে ।

‘ঘরে এস’ সন্ধ্যা সবায় ডাকে,  
‘নয় তোরে নয়’ বলে একা তাকে ;  
পথের পথিক পথেই ব’সে থাকে,  
জানে না সে—কে তাহারে চাবে !  
উদাস পথিক ভাবে ।

বনের ছায়া গভীর ভালোবেসে  
আঁধার মাথায় দিগ্‌বধুদের কেশে,  
ডাক্তে বুঝি শ্যামল মেঘের দেশে  
শৈলমূলে শৈলবালা নাবে—  
উদাস পথিক ভাবে ।

বাতি আনে রাতি আনার শ্রীতি,  
বধূর বুকে গোপন স্মৃতির ভীতি,  
বিজন ঘরে এখন যে গায় গীতি,

একলা থাকার গানখানি সে গাবে—  
উদাস পথিক ভাবে ।

ইঠাং তাহার পথের রেখা হারায়  
গহন ধাঁধার আঁধার-বাঁধা কারায়,  
পথ-চাওয়া তার কাঁদে তারায় তারায়,  
আর কি পূবের পথের দেখা পাবে—  
উদাস পথিক ভাবে ।

[ হেঁচকি-চাপা ! ]

## অবেলার ডাক

অনেক ক'রে বাসতে ভালো পারিনি মা তখন যারে,  
আজ অবেলায় তারেই মনে প'ড়ছে কেন বারে বারে ॥

আজ মনে হয় রোজ রাতে সে ঘুম পাড়াত নয়ন চুমে',  
চুমুর পরে চুম দিয়ে ফের হান্ত আঘাত ভোরের ঘুমে ।

ভাবতুম তখন এ কোন্ বালাই !

ক'রত এ প্রাণ পালাই পালাই ।

আজ সে কথা মনে হ'য়ে ভাসি অঝোর নয়ন ঝারে ।  
অভাগিনীর সে গরব আজ ধূলায় লুটায় ব্যথার ভারে ॥

তরুণ তাহার ভরাট বৃকের উপ চে পড়া আদর সোহাগ  
হেলায় ছ'পায় দাঁলেছি মা, আজ কেন হয় তার অনুরাগ ?

এই চরণ সে বক্ষে চেপে

চুমেছে, আর ছ'চোখ ছেপে

জল ঝ'রেছে, তখনো মা কইনি কথা অহঙ্কারে,  
এমনি দারুণ হতাদরে ক'রেছি মা বিদায় তারে ॥

দেখেওছিলাম বুক-ভরা তার অনাদরের আঘাত-কাঁটা,  
দ্বার হ'তে সে গেছে দ্বারে খেয়ে সবার লাখি-ঝাঁটা ।

ভেবেছিল আমার কাছে

তার দরদের শাস্তি আছে,

আমিও গো মা ফিরিয়ে দিলাম চিন্তে নেরে দেবতারে  
ভিক্ষুবশে এসেছিল রাজাধিরাজ দাসীর দ্বারে ॥

## অবেলায় ডাক

পথ ভুলে সে এসেছিল সে মোর সাথের রাজ-ভিখারী,  
মাগো আমি ভিখারিনী আমি কি তাঁয় চিন্তে পারি ?

তাই মাগো তার পূজার ডালা

নিইনি, নিইনি মণির মালা,

দেবতা আমার নিজে আমায় পূজল ষোড়শ-উপচারে ।

পূজারীকে চিন্লাম না মা পূজা-ধূমের অঙ্ককারে ॥

আমায় চাওয়াই শেষ-চাওয়া তার মাগো আমি তা কি জানি ?

ধরায় শুধু রইল ধরা রাজ-অতিথির বিদায়-বাণী !

ওরে আমার ভালোবাসা !

কোথায় বেঁচেছিলি বাসা

মখন আমার রাজা এসে দাঁড়িয়েছিল এই ছুয়ারে ?

নিঃশিয়া উঠছে ধরা, 'নেই রে সে নেই, খুঁজিস কারে !'

সে যে পথের চির-পথিক, তার কি সহে ঘরের মায়া ?

দূর হ'তে মা দূর্যন্তরে ডাকে তাকে পথের ছায়া ।

মাঠের পারে বনের মাঝে

চপল তাহার নুপুর বাজে,

ফুলের সাথে ফুটে বেড়ায়, মেঘের সাথে যায় পাহাড়ে,

ধরা দিয়েও দেয় না ধরা জানি না সে চায় কাহারে ॥

মাগো আমার শক্তি কোথায় পথ-পাগলে ধ'রে রাখার ?

তার তরে নয় ভালোবাসা, সন্ধ্যা-প্রদীপ ঘরে ডাকার ।

তাই মা আমার বৃকের কবাট

খুলতে নারল তার করাঘাত,

এ মন তখন কেমন যেন বাসন্ত ভালো আর কাহারে,

আমি দূরে ঠেলে দিলাম অভিমানী ধর-হারারে ॥

সোহাগে সে ধ'রতে যেত নিবিড় ক'রে বন্ধে চেপে,  
হতভাগী পালিয়ে যেতাম ভয়ে এ বুক উঠ'ত কেঁপে ।

রাজ-ভিখারীর আখির কালো,  
দূরে থেকেই লাগ'ত ভালো,  
আসলে কাছে ক্ষুধিত তার দীঘল চাওয়া অশ্রু-ভারে  
ব্যথায় কেমন মুষ্‌ড়ে যেতাম, স্মর হারাতাম মনের তারে ॥

আজ কেন মা তারই মতন আমরা এই বৃকের ক্ষুধা  
চায় শুধু সেই হেলায় হারা আদর-সোহাগ পরশ-সুধা,  
আজ মনে হয় তার সে বৃকে  
এ মুখ চেপে নিবিড় সুখে  
গভীর দুখের কঁাদন কেঁদে শেষ ক'রে দিই এ আমারে !  
যায় না কি মা আমার কঁাদন তাহার দেশের কানন-পারে ?

আজ বুঝছি এ-জ্ঞানমের আমার নিখিল শাস্তি আরাম  
চুরি ক'রে পালিয়ে গেছে চোরের রাজা সেই প্রাণারাম ।  
হে বসন্তের রাজা আমার !

নাও এসে মোর হার-মানা হার !  
আজ যে আমার বুক ফেটে যায় আর্তনাদে হাহাকারে,  
দেখে যাও আজ সেই পাষাণী কেমন ক'রে কঁাদতে পারে !

তোমার কথাই সত্য হ'ল পাষাণ ফেটেও রক্ত বহে,  
দাবানলের দারুণ দাহ তুমার-গিরি আজকে দহে ।

জাগল বৃকে ভীষণ জোয়ার,  
ভাঙ'ল আগল ভাঙ'ল দুয়ার,  
মূকের বৃকে দেবতা এলেন মুখর মুখে ভীম পাথারে ।  
বুক ফেটেছে মুখ ফুটেছে—মাগো মানা ক'রছ কারে ?



স্বর্গ আমার গেছে পুড়ে তারই চ'লে যাওয়ার সাথে,  
এখন আমার একার বাসর দোসরহীন এই ছুঃখ-রাতে ।

ঘুম ভাঙতে আসবে না সে  
ভোর না হ'তেই শিয়র-পাশে,  
আসবে না আর গভীর রাতে চুম-চুরির অভিসারে,  
কাঁদবে ফিরে তাহার সাথী ঝড়েব রাতি বনের পারে ।

আজ পেলো তাঁয় হুম্‌ড়ি খেয়ে প'ড়তুম মাগো যুগল পদে,  
বুকে ধ'বে পদ-কোকনদ স্নান করাতাম আঁখির হ্রদে ।

ব'সতে দিতাম আধেক আঁচল,  
সজল চোখের চোখ-ভরা জল—  
ভেজা কাজল মুছাতাম তার চোখে মুখে অধর-ধারে'  
আকুল কেশে পা মুছাতাম বেঁধে বাহুর কারাগারে ।

দেখতে মাগো তখন তোমার রাঙ্গুসী এই সর্বনাশী,  
মুখ খুয়ে তার উদার বুকে ব'লত, 'আমি ভালোবাসি !'  
ব'লতে গিয়ে সুখ-শরমে  
লাল হ'য়ে গাল উঠত ঘেমে,  
বুক হ'তে মুখ আসত নেমে লুটিয়ে কখন কোল-কিনারে,  
দেখতুম মাগো তখন কেমন মান ক'রে সে থাকতে পারে !

এম্‌নি এখন কতই আশা ভালোবাসার তৃষ্ণা জাগে  
তার ওপর মা অভিমানে ব্যথায়, রাগে, অমুরাগে ।

চোখের জলের ঋণী ক'রে,  
সে গেছে কোন্‌ দ্বীপাস্তুরে ?  
সে-বুঝি মা সাত সমুদ্র তের নদীর সুদূরপারে ?  
ঝড়ের হাওয়া সেও বুঝি মা সে দূর-দেশে যেতে পারে ?

তারে আমি ভালোবাসি সে যদি তা পায় মা খবর,  
চৌচির হ'য়ে প'ড়বে ক্ষেটে আনন্দে মা তাহার কবর

চীৎকারে তার উঠবে কেঁপে

ধরার সাগর-অশ্রু ছেপে,

উঠবে ক্ষেপে অগ্নি-গিরি সেই পাগলের হুহুকারে,  
ভূধর সাগর আকাশ বাতাস ঘূর্ণি নেচে ঘিবুবে তারে ।

ছি, মা ! তুমি ডুকুরে কেন উঠ'ছ কেঁদে অমন ক'রে ?  
তার চেয়ে মা তারই কোনো শোনা-কথা শুনাও মোরে ।

শুনতে শুনতে তোমার কোলে

ঘুমিয়ে পড়ি ।—ও কে খোলে

হরার ওমা ? ঝড় বুঝি মা তারই মতো ধাক্কা মারে ?  
ঝোড়ো হাওয়া ! ঝোড়ো হাওয়া ! বন্ধু তোমার সাগর-পারে ।

সে কি হেথায় আসতে পারে আমি যেথায় আছি বেঁচে,  
যে দেশে নাই আমার ছায়া এবার সে সেই দেশে গেছে ।

তবু কেন থাকি' থাকি',

ইচ্ছা করে তারেই ডাকি ।

যে কথা মোর রইল বাকী হয় সে কথা শুনাই পারে ?  
মাগো আমার প্রাণের কঁাদন আছড়ে নরে বুকের দ্বারে ।

বাই তবে মা ! দেখা হ'লে আমার কথা ব'লো তারে—  
রাজার পূজা—সে কি কভু ভিখারিণী ঠেলেতে পারে ?

মাগো আমি জানি জানি,

আসবে আবার অভিমানী

খুঁজতে আমার গভীর রাতে এই আমাদের কুটির-দ্বারে,  
ব'লো তখন খুঁজতে তারেই হারিয়ে গেছি অন্ধকারে ।

দোশন-চাঁপা ]

## অভিশাপ

যেদিন আমি হারিয়ে যাব, বুঝবে সেদিন বুঝবে,  
অস্তপারের সঙ্ঘাতারায় আমার খবর পুছবে—

বুঝবে সেদিন বুঝবে !

ছবি আমার বুকে বেঁধে  
পাগল হ'য়ে কেঁদে কেঁদে  
ফিরবে মরু কানন গিরি,  
সাগর আকাশ বাতাস চিরি'  
যেদিন আমায় খুঁজবে—

বুঝবে সেদিন বুঝবে !

স্বপন ভেঙে নিশুত্ রাত্রে জাগবে হঠাৎ চমকে,  
কাহার যেন চেনা-ছোঁওয়ায় উঠবে ও-বুক হুমকে,—

জাগবে হঠাৎ চমকে !

ভাববে বুঝি আমিই এসে  
ব'সলু বুকের কোলটি ঘেঁষে,  
ধ'রতে গিয়ে দেখবে যখন  
শূণ্য শয্যা ! মিথ্যা স্বপন !

বেদনাতে চোখ বুজবে—

বুঝবে সেদিন বুঝবে !

গাইতে ব'সে কণ্ঠ ছিঁড়ে আসবে যখন কান্না,  
ব'লবে সবাই--“সেই যে পথিক, তার শেখানো গান না ?”

আসবে ভেঙে কান্না !

প'ড়বে মনে আমার সোহাগ,  
 কণ্ঠে তোমার কাঁদবে বেহাগ !  
 প'ড়বে মনে অনেক কাঁকি  
 অশ্রু-হারা কঠিন আঁখি  
 ঘন ঘন মুছবে—  
 বুঝবে সেদিন বুঝবে !

আবার যেদিন শিউলি ফুটে ভ'রবে তোমার অঙ্গন,  
 তুলতে সে-ফুল গাঁথতে মালা কাঁপবে তোমার কঙ্কন-  
 কাঁদবে কুটীর-অঙ্গন !  
 শিউলি-ঢাকা মোর সমাধি  
 প'ড়বে মনে, উঠবে কাঁদি' !  
 বৃকের মালা ক'রবে জ্বালা  
 চোখের জলে সেদিন বালা  
 মুখের হাসি ঘুচবে—  
 বুঝবে সেদিন বুঝবে !

আস্বে আবার আশিন-হাওয়া, শিশির ছেঁচা রাত্রি,  
 থাকবে সবাই—থাকবে না এই মরণ-পথের যাত্রী !  
 আস্বে শিশির-রাত্রি !  
 থাকবে পাশে বন্ধু স্বজন,  
 থাকবে রাতে বাহুর বাঁধন,  
 বঁধুর বৃকের পরশনে  
 আমার পরশ আনবে মনে—  
 বিমিয়ে ও-বুক উঠবে—  
 বুঝবে সেদিন বুঝবে !

## অভিশাপ

আস্বে আবার শীতের রাত্তি, আসবেনাক' আর সে-  
তোমার সুখে প'ড়ত বাধা থাক্লে যে-জন পার্শ্বে,

আস্বেনাক' আর সে !

প'ড়বে মনে, মোর বাহুতে  
মাথা থুয়ে যে-দিন শুতে,  
মুখ ফিরিয়ে থাক্লে ঘুণায় !  
সেই স্মৃতি তো ঐ বিছানায়  
কাটা হ'য়ে ফুটবে—  
বুঝবে সেদিন বুঝবে !

আবার গাঙে আস্বে জোয়ার, ছলবে তরী রঙ্গে,  
সই তরীতে হয়তো কেহ থাকবে তোমার সঙ্গে—

ছলবে তরী রঙ্গে,  
প'ড়বে মনে সে কোন্ রাতে  
এক তরীতে ছিলেম সাথে,  
এম্নি গাঙে ছিল জোয়ার,  
নদীর ছ'ধার এম্নি আঁধার,  
তেম্নি তরী ছুটবে—  
বুঝবে সেদিন বুঝবে !

তোমার সখার আস্বে যেদিন এম্নি কারা-বন্ধ,  
আমার মতন কেঁদে কেঁদে হয়তো হবে অন্ধ—

সখার কারা-বন্ধ !  
বন্ধ তোমার হান্বে হেলা,  
ভাঙবে তোমার সুখের মেলা ;  
দীর্ঘ বেলা কাটবে না আর,  
বইতে প্রাণের শাস্ত এ ভার

মরণ-সনে যুঝবে —  
বুঝবে সেদিন বুঝবে !

ফুটবে আবার দোলন-চাঁপা চৈতী-রাতের চাঁদনী,  
আকাশ-ছাওয়া তারায় তারায় বাজবে আমার কাঁদনী-  
চৈতী-রাতের চাঁদনী ।

ঋতুর পরে ফিরবে ঋতু,  
সেদিন—হে মোর সোহাগ-ভীতু !  
চাইবে কেঁদে নীল নভো গা'য়,  
আমার মতন চোখ ভ'রে চায়  
যে তারা, তা'য় খুঁজবে—  
বুঝবে সেদিন বুঝবে !

আসবে ঝড়, নাচবে তুফান, টুটবে সকল বন্ধন,  
কাঁপবে কুটীর সেদিন ত্রাসে, জাগবে বুকে ক্রন্দন—  
টুটবে যবে বন্ধন ।

প'ড়বে মনে নেই সে সাথে  
বাঁধবে বুকে ছুঃখ-রাতে—  
আপনি গালে যাচ বে চুমা,  
চাইবে আদর, মাগবে ছোঁওয়া  
আপনি যেচে চুম্বে—  
বুঝবে সেদিন বুঝবে ।

আমার বুকের যে কাঁটা-ঘা তোমায় ব্যথা হান্ত,  
সেই আঘাতই যাচবে আবার হয়তো হ'য়ে শ্রান্ত—  
আসব তখন পাশ্বে ।

হয়তো তখন আমার কোলে  
 সোহাগ-লোভে প'ড়বে চ'লে,  
 আপনি সেদিন সেধে কেঁদে  
 চাপবে বুকে বাছ বেঁধে,  
 চরণ চুমে পূজবে—  
 বুঝবে সেদিন বুঝবে

[ দোলন-চাপা ]

## পিছু-ডাক

সখি ! নতুন ঘরে গিয়ে আমার প'ড়বে কি মনে ?  
সেথায় তোমার নতুন পূজা নতুন আয়োজনে !  
প্রথম দেখা তোমায় আমার  
যে গৃহ-ছায় যে আঙিনায়,  
যেথায় প্রতি ধূলিকণায়,  
লতাপাতার সনে,  
নিত্য চেনার বিস্ত রাজে চিস্ত-আরাধনে,  
শূন্য সে ঘর শূন্য এখন কাঁদছে নিরঞ্জে ॥

সেখা তুমি যখন ভুলতে আমার, আস্ত অনেক কেহ্ন,  
তখন আমার হ'য়ে অভিমানে কাঁদত যে ঐ গেহ  
যেদিক পানে চাইতে সেখা  
বাক্ত আমার স্মৃতির ব্যথা,  
সে গ্রানি আজ ভুলবে হেথা  
নতুন আলাপনে ।

আমিই শুধু হারিয়ে গেলেম হারিয়ে-যাওয়ার বনে ॥

আমার এত দিনের দূর ছিল না সত্যিকারের দূর,  
ওগো আমার সুদূর ক'রত নিকট ঐ পুরাতন পুর !  
এখন তোমার নতুন বাঁধন  
নতুন হাসি, নতুন কাঁদন,  
নতুন সাধন, গানের মাতন  
নতুন আবাহনে ।

আমারই সুর হারিয়ে গেল সুদূর পুরাতনে ॥



সখি ! আমার আশাই ছুরাশা আজ, তোমার বিধির বর,  
আজ মোর সমাধির বুকে তোমার উঠবে বাসর-ঘর !

শূন্য ভ'রে শুন্তে পেমু

ধেমু-চরা বনের বেণু—

হারিয়ে গেমু হারিয়ে গেমু

অস্ত-দিগঙ্গনে ।

বিদায় সখি, খেলা-শেষ এই বেলা-শেষের খনে !

এখন তুমি নতুন মানুষ নতুন গৃহকোণে ॥

[ দোলন-চাঁপা ]

## বিজয়িনী

হে মোর রাণি ! তোমার কাছে হার মানি আজ শেষে ।  
আমার বিজয়-কেতন লুটায় তোমার চরণ-তলে এসে ।  
আমার সমর-জয়ী অমর তরবারী  
দিনে দিনে ক্রান্তি আনে, হ'য়ে ওঠে ভারী,  
এখন এ ভার আমার তোমায় দিয়ে হারি,  
এই হার-মানা-হার পরাই তোমার কেশে ॥

ওগো জীবন-দেবী ।

আমায় দেখে কখন তুমি ফেললে চোখের জল,  
আজ বিশ্বজয়ীর বিপুল দেউল তাইতে টলমল !  
আজ বিদ্রোহীর এই রক্ত-রথের চুড়ে,  
বিজয়িনী ! নীলাশ্বরীর আঁচল তোমার উড়ে,  
যত তৃণ আমার আজ তোমার মালায় পুরে  
আমি বিজয়ী আজ নয়ন-জলে ভেসে ॥

## কমল-কাঁটা

আজকে দেখি হিংসা-মদের মত্ত-বারণ-রণে  
 আগছে শুধু মৃগাল-কাঁটা আমার কমল-বনে ।  
 উঠল কখন ভীম কোলাহল,  
 আমার বুকের রক্ত-কমল  
 কে ছিঁড়িল—বাঁধ-ভরা জল  
 শুধায় ক্ষণে ক্ষণে ।  
 চেউ-এর দোলায় মরাল-তরী নাচবে না আনমনে ॥

কাঁটাও আমার বায় না কেন, কমল গেল যদি !  
 সিনান-বঁধুর শাপ শুধু আজ কুড়াই নিরবধি !  
 আস্বে কি আর পথিক-বালা ?  
 প'রবে আমার মৃণাল-মালা ?  
 আমার জলজ-কাঁটার জ্বালা  
 অ'লবে মোরই মনে ?  
 ফুল না পেয়েও কমল-কাঁটা বাঁধবে কে কখনে ?

## কবি-রাণী

তুমি আমায় ভালোবাসো তাই তো আমি কবি ।  
আমার এ রূপ—সে যে তোমার ভালোবাসার ছবি ॥  
আপন জেনে হাত বাড়ালো—  
আকাশ বাতাস প্রভাত-আলো,  
বিদায়-বেলার সন্ধ্যা-তারা  
পূবের অরুণ রবি—  
তুমি ভালোবাসো ব'লে ভালোবাসে সবি ?

আমার আমি লুকিয়েছিল তোমার ভালোবাসায়,  
আমার আশা বাইরে এলো তোমার হঠাৎ আসায় ॥  
তুমিই আমার মাঝে আসি'  
অসিতে মোর বাজাও বাঁশি,  
আমার পূজার যা আয়োজন  
তোমার প্রাণের হবি ।  
আমার বাণী জয়মাল্য, রাণি ! তোমার সবি ॥

তুমি আমায় ভালোবাসো তাই তো আমি কবি ।  
আমার এ রূপ—সে যে তোমার ভালোবাসার ছবি ॥

## পউষ

পউষ এলো গো !

পউষ এলো অশ্রু-পাথার হিম-পারাবার পারায়ে ।

ঐ যে এলো গো—

কুজ্জটিকার ঘোমটা-পর্য দিগন্তরে দাঁড়ায়ে ॥

সে এলো আর পাতায় পাতায় হায়

বিদায়-ব্যথা যায় গো কেঁদে যায়,

অস্ত-বধূ ( আ—হা ) মলিন চোখে চায়

পথ-চাওয়া দীপ সঙ্ক্যা-তারায় হারায়ে ॥

পউষ এলো গো—

এক বছরের আশ্রিত পথের, কালের আয়ু ক্ষয়,

পাকা ধানের বিদায় ঋতু, নতুন আসার ভয় ।

পউষ এলো গো ! পউষ এলো—

শুকনো নিশাস, কঁাদন-ভারাতুর

বিদায়-ক্ষণের ( আ—হা ) ভাঙা গলার সুর—

‘ওঠ পথিক ! যাবে অনেক দূর

কালো চোখের করুণ চাওয়া ছাড়ায়ে ॥’

## চৈতী হাওয়া

হারিয়ে গেছ অন্ধকারে—পাইনি খুঁজে আর,  
আজকে তোমার আমার মাঝে সপ্ত পারাবার !  
আজকে তোমার জন্মদিন—  
স্বরণ-বেলায় নিদ্রাহীন  
হাতড়ে ফিরি হারিয়ে যাওয়ার অকূল অন্ধকার !  
এই-সে হেথাই হারিয়ে গেছে কুড়িয়ে-পাওয়া হার ।

শুন্স ছিল নিভল দীঘির শীতল কালো জল,  
কেন তুমি ফুটলে সেথা ব্যথার নীলোৎপল ?  
আঁধার দীঘির রাঙলে মুখ,  
নিটোল ঢেউ-এর ভাঙলে বুক,—  
কোন্ পুজারী নিল ছিঁড়ে ? ছিন্ন তোমার দল  
ঢেকেছে আজ কোন্ দেবতার কোন্ সে পাষণ তল ?

অস্ত-খেয়ার হারামাণিক-বোঝাই-করা-না'  
আসছে নিতুই ফিরিয়ে দেওয়ার উদয়-পারের গাঁ ।  
ঘাটে আমি রই ব'সে  
আমার মাণিক কই গো সে ?  
পারাবারের ঢেউ-দোলানী হান্ছে বৃকে ঘা ।  
আমি খুঁজি ভিড়ের মাঝে চেনা কমল-পা ।

বইছে আবার চৈতী-হাওয়া গুমরে ওঠে মন,  
পেয়েছিলাম এমনি হাওয়ায় তোমার পরশন ।

তেমনি আবার মছয়া-মউ  
মৌমাছিদের কৃষ্ণা বউ  
পান ক'রে ওই ঢুলছে নেশায়, ছলছে মহল বন,  
কুল-সৌখিন্ দখিন হাওয়ায় কানন উচাটন !

প'ড়ছে মনে টগর চাঁপা বেল চামেলি যুঁই,  
মধুপ দেখে যাদের শাখা আপনি যেত নুই ।  
হাসতে তুমি ছলিয়ে ডাল,  
গোলাপ হ'য়ে ফুটত গাল  
থলকমলী আঁউরে যেত তপ্ত ও-গাল ছুঁই !  
বকুল-শাখা ব্যাকুল হ'ত, টলমলাত' ভুঁই !

চৈতী রাতের গাইত' গজল বুলবুলিয়ার রব,  
ছপুর বেলায় চবুতরায় কাঁদত কবুতর !  
ভুঁই-তারকা সুন্দরী  
সজ্জে ফুলের দল ঝরি'  
খোপা খোপা লাজ ছড়াত' দোলন-খোঁপার 'পর ।  
কাঁঝাল হাওয়ায় বাজত উদাস মাছরাঙ'র স্বর !

দিয়াল বনায় পলাশ ফুলের গেলাস-ভরা মউ  
খেত বঁধুর জড়িয়ে গলা সাঁওতালিয়া বউ !  
লুকিয়ে তুমি দেখতে তাই,  
ব লতে, 'আমি অমনি চাই ।'  
খোঁপায় দিতাম চাঁপা গুঁজে, ঠোঁটে দিতাম মউ !  
হিজল শাখায় ডাকত পাখী 'বউ গো কথা কউ !'

ডাক্ত ডাহুক জল-পায়রা নাচ'ত ভরা বিল,  
 জোড়া ভুরু ওড়া যেন আস্মানে গাঙ্ চিল !  
 হঠাৎ জলে রাখ'তে পা,  
 কাজ'লা দীঘির শিউরে গা—  
 কাঁটা দিয়ে উঠ'ত মৃগাল ফুট'ত কমল-ঝিল !  
 ডাগর চোখে লাগ'ত তোমার সাগর দীঘির নীল

উদাস ছপুর কখন গেছে এখন বিকেল যায়,  
 ঘুম জড়ালো ঘুম্ভী নদীর ঘুমুর-পরা পায়  
 শঙ্খ বাজে মন্দিরে,  
 সন্ধ্যা আসে বন ঘিরে,  
 ঝাউ-এর শাখায় ভেজা আঁধার, কে পিঁজেকে হয় !  
 মাঠের বাঁশী বন্-উদাসী ভীমপলাশী গায় !

বাউল আজি বাউল হ'ল আমরা তফাতে !  
 আম-মুকুলের গুঁজি-কাঠি দাও কি খোঁপাতে ?  
 ডাবের শীতল জল দিয়ে -  
 মুখ মাজ' কি আর প্রিয়ে ?  
 প্রজাপতির ডানাঝরা মোনার টোপাতে  
 ভাঙা ভুরু দাও কি জোড়া রাতুল শোভাতে ?

বউল ঝ'রে ফ'লেছে আজ থোলো থোলো আম,  
 রসের পীড়ায় টস্টসে বুক ঝুরছে গোলাপজাম !  
 কামরাঙারা রাঙ'ল ফের  
 পীড়ন পেতে ঐ মুখের,  
 স্মরণ ঝ'রে চিবুক তোমার, বৃকের তোমার ঠাম—  
 জামরুলে রস ফেটে পড়ে, হয় কে দেবে দাম !



ক'রে ছিলাম চাউনি-চয়ন নয়ন হ'তে তোর,  
ভেবেছিলুম গাঁধব মালা পাইনে খুঁজে ডোর।

সেই চাহনি নীল-কমল

ভ'রল আমার মানস-জল,

কমল-কাঁটার ঘা লেগেছে মর্মমূলে মোর !

বক্ষে আমার ছলে আঁখির সাতনরী হার লোর !

তরী আমার কোন্ কিনারায় পাইনে খুঁজে কূল,  
স্মরণ-পারের গন্ধ পাঠায় কমলা নেবুর ফুল !

পাহাড়তলীর শাল্বনায়

বিষের মত নীল ঘনায় !

সাঁঝ প'রেছে ঐ দ্বিতীয়ার চাঁদ-ইছদা-ছল !

হায় গো আমার ভিন গাঁয়ে আজ পথ হ'য়েছে ভুল !

কোথায় তুমি কোথায় আমি চৈতে দেখা সেই,

কেঁদে ফিরে যায় যে চৈত—তোমার দেখা নেই !

কণ্ঠে কাঁদে একটি স্বর—

কোথায় তুমি বাঁধলে ঘর ?

তেমনি ক'রে জাগ্ছ কি রাত আমার আশাতেই ?

কুড়িয়ে পাওয়া বেলায় খুঁজি হারিয়ে যাওয়া খেই ?

পারাপারের ঘাটে প্রিয় রইলু বেঁধে না',

এই তরীতে হয়তো তোমার প'ড়বে রাঙা পা !

আবার তোমার সুখ-ছোঁওয়ায়

আকুল দোলা লাগবে না'য়,

এক তরীতে যাব মোরা আর-না-হারা গাঁ,

পারাপারের ঘাটে প্রিয় রইলু বেঁধে না' ॥ '

## শায়ক-বেঁধা পাখী

রে নীড়-হারা, কচি বুকে শায়ক-বেঁধা পাখী ?  
কেমন ক'রে কোথায় তোরে আড়াল দিয়ে রাখি ?  
কোথায় রে তোরে কোথায় ব্যথা বাজে ?  
চোখের জলে অন্ধ আঁখি কিছুই দেখি না যে ?  
ওরে মানিক ! এ অভিমান আমায় নাহি সাজে—  
তোরে জুড়াই ব্যথা আমার ভাঙা বক্ষপুটে ঢাকি' ।  
ওরে আমার কোমল-বুকে-কাঁটা-বেঁধা পাখী,  
কেমন ক'রে কোথায় তোরে আড়াল দিয়ে রাখি ?

বক্ষে বিঁধে বিষ-মাখানো শর,  
পথ-ভোলা রে ! লুটিয়ে প'লি এ বার বুকের' পর ?  
কে চিনালে পথ তোরে হায় এই ছুখিনীর ঘর ?  
তোরে ব্যথার শাস্তি লুকিয়ে আছে আমার ঘরে নাকি ?  
ওরে আমার কোমল-বুকে-কাঁটা বেঁধা পাখী,  
কেমন ক'রে কোথায় তোরে আড়াল দিয়ে রাখি ?

হায়, এ কোথায় শাস্তি খুঁজিস্ তোরে ?  
ডাকছে দেয়া, হাঁকছে হাওয়া' কাঁপছে কুটীর মোর !  
ঝঙ্জাঝাং নিবেছে দীপ, ভেঙেছে সব দোর  
ছলে ছুঁথ-রাতের অসম রোদন বক্ষে থাকি' থাকি' ।  
' ওরে আমার কোমল-বুকে-কাঁটা-বেঁধা পাখী,  
এমন দিনে কোথায় তোরে আড়াল দিয়ে রাখি ?

মরণ যে বাপ বরণ করে তারে,  
 'মা' 'মা' ডেকে যে দাঁড়ায় এই শক্তিহীনর দ্বারে  
 মাণিক আমি পেয়ে শুধু হারাই বারে বারে,  
 ওরে তাই তো ভয়ে বক্ষ কাঁপে কখন দিবি কাঁকি !  
 . ওরে আমার হারামণি ! ওরে আমার পাখী  
 কেমন ক'রে কোথায় তোরে আড়াল দিয়ে রাখি ?

হারিয়ে পাওয়া ওরে আমার মাণিক !  
 দেখেই তোরে চিনেছি, আয়, বক্ষে ধরি খানিক !  
 বাণ-বেঁধা বুক দেখে তোরে কোলে কেহ না নিক,  
 ওরে হারার ভয়ে ফেলতে পারে চিরকালের মা কি ?  
 ওরে আমার কোমল-বুকে-কাঁটা-বেঁধা পাখী,  
 কেমন ক'রে কোথায় তোরে আড়াল দিয়ে রাখি ?

এ যে রে তোর চির-চেনা স্নেহ,  
 তুই তো আমার ন'স্ রে অতিথ অতীত কালের কেহ,  
 বারে বারে নাম হারারে এসেছি' এই গেহ,  
 এই মায়ের বুকে থাক যাছ তোর য'দিন আছে বাকী  
 প্রাণের আড়াল ক'রতে পারে সৃজন দিনের মা.কি ?  
 হারিয়ে যাওয়া ? ওরে পাগল, সে তো চোখের কাঁকি !

## পলাতক।

কোন্ স্বদূরের চেনা বাঁশীর ডাক শুনেছিষ্ ওরে চখা ?

ওরে আমার পলাতক। !

তোর প'ড়ল মনে কোন্ হারা-ঘর,

স্বপন-পারের কোন্ অলকা ?

ওরে আমার পলাতক। !

তোর জল ভ'রেছে চপল চোখে,

বল্ কোন্ হারা-মা ডাকুলো তোকে রে ?

ঐ গগন-সীমায় সাঁঝের ছায়ায়

হাতছানি দেয় নিবিড় মায়ায়—

উতল পাগল ! চিনিষ্ কি তুই চিনিষ্ ওকে রে ?

যেন বুক-ভরা ও' গভীর স্নেহে ডাক দিয়ে যায়, 'আয়,

ওরে আয় আয় আয়,

কোলে আয় রে আমার ছুঁছুঁ খোকা !

ওরে আমার পলাতক। !

দখিন্ হাওয়ায় বনের কাঁপনে—

ছলল আমার ! হাত-ইশারায় মা কি রে তোর

ডাক দিয়েছে আজ ?

এতদিনে চিন্‌লি কি রে পর ও আপনে !

নিশিভোরেই তাই কি আমার নামলো ঘরে সাঁঝ ?

ধানের শীষে, শ্রামার শিসে—

যাহ্নমণি ? বল্ সে কিসে রে,

তুই      শিউরে চেয়ে ছিঁড়লি বাঁধন !  
 চোখ ভরা তোর উছলে কাঁদন রে !  
 তোরে কে পিয়ালো সবুজ স্নেহের কাঁচা বিষে রে !  
 যেন আচম্কা কোন্ শশক-শিশু চ'ম্কে ডাকে হায়,  
     'ওরে আয় আয় আয়—  
 আয় রে খোকন আয়,  
 বনে      আয় ফিরে তা'র মনের চখা  
     ওরে চপল পলাতকা ॥'

[ ছায়াশব্দ ]

## চিরশিশু

নাম-হারা তুই পথিক-শিশু এলি অচিন দেশ পারায়ে ।

কোন্ নামের আজ প'রলি কাঁকন, বাঁধনহারার কোন্ কারা এ ?

• আবার মনের মতন ক'রে

কোন্ নামে বল্ ডাক্বে তোরে !

পথ-ভোলা তুই এই সে ঘরে

ছিলি ওরে এলি ওরে

বারে বার নাম হারায়ে ॥•

ওরে যাহ্ ওরে মাণিক, আঁধার ঘরের রতন মণি !

ক্ষুধিত ঘর ভ'রলি এনে ছোট্ট হাতের একটু ননি ।

• আজ যে শুধু নিবিড় স্নেহে

কান্ন-সায়র উথলে বৃকে,

নতুন নামে ডাক্বে তোকে

ওরে ও কে কণ্ঠ রুখে'

উঠছে কেন মন ভারায়ে !

অস্ত হ'তে এলে পথিক উদয় পানে পা বাড়ায়ে ॥

## বিদায়-বেলা

তুমি অমন ক'রে গো বারে বারে জল-ছল-ছল চোখে চেয়ো না,  
জল-ছল-ছল চোখে চেয়ো না ।

ঐ কাতর কণ্ঠে থেকে থেকে শুধু বিদায়ের গান গেয়ো না,  
শুধু বিদায়ের গান গেয়ো না ॥

হাসি দিয়ে যদি লুকালে তোমার সারা জীবনের বেদনা,  
আজ শু তবে শুধু হেসে যাও, আজ বিদায়ের দিনে কেঁদো না ।

ঐ ব্যাথাতুর আঁখি কাঁদো-কাঁদো মুখ  
দেখি, আর শুধু হু-হু করে বুক ।  
চলার তোমার বাকী পথটুক—  
পথিক ! ওগো সুদূর পথের পথিক—

হায়, অমন ক'রে ও অকরণ গীতে আঁখির সলিলে ছেয়ো না,  
ওগো আঁখির সলিলে ছেয়ো না ॥

দূরের পথিক ! তুমি ভাবো বুঝি  
তব ব্যথা কেউ বোঝে না,  
তোমার ব্যথার তুমিই দরদী একাকী,  
পথে ফেরে যারা পথ-হারা,  
কোনো গৃহবাসী তারে খোঁজে না,

বুকে ক্ষত হ'য়ে জাগে আজো সেই ব্যথা-লেখা কি ?  
দূর বাড়লের গানে ব্যথা হানে বুঝি শুধু ধু-ধু মাঠে পথিকে ?  
এ যে মিছে অভিমান পরবাসী ! দেখে ঘর-বাসীদের ক্ষতিকে !

ତବେ ଜ୍ଞାନ' କି ତୋମାର ବିଦାୟ-କଥାୟ  
 କତ ବୁକ-ଭାଣ୍ଡା ଗୋପନ ବ୍ୟଥାୟ  
 ଆଜ୍ଞ କତଶୁଳି ପ୍ରାଣ କାଁଦିଛି କୋଥାୟ—  
 ପଥକ ! ଓଗୋ ଅଭିମାନୀ ଦୂର ପଥକ !  
 କେହ ଭାଲୋବାସିଲ ନା ଭେବେ ସେନ ଆଜ୍ଞେ .  
 ମିଛି ବ୍ୟଥା ପେୟେ ସେୟୋ ନା,  
 ଓଗୋ ସାବେ ସାଓ, ତୁମି ବୁକେ ବ୍ୟଥା ନିୟେ ସେୟୋ ନା ॥

[ ଛାୟାନଟ ]



## দূরের বন্ধু

বন্ধু' আমার ! থেকে থেকে কোন্ সুদূরের নিজন পুরে  
ডাক দিয়ে যাও ব্যথার সুরে ?  
আমার অনেক ছুখের পথের বাসা বারে বারে ঝড়ে উড়ে,  
ঘর-ছাড়া তাই বেড়াই ঘুরে ॥

তোমার বাঁশীর উদাস কাঁদন  
শিথিল করে সকল বাঁধন,  
কাজ হ'ল তাই পথিক সাধন,  
খুঁজে ফেরা পথ-বন্ধুরে,  
ঘুরে ঘুরে দূরে দূরে ॥

হে মোর প্রিয় ! তোমার বুকে একটুকুতেই হিংসা জাগে,  
তাই তো পথে হুস না থামা—তোমার ব্যথা বন্ধে লাগে !

বাঁধতে বাসা পথের পাশে  
তোমার চোখে কান্না আসে,  
উত্তরী বায় ভেজা ঘাসে  
শ্বাস ওঠে আর নয়ন বুঝে,  
বন্ধু, তোমার সুরে সুরে ॥

## সন্ধ্যাতারা

ঘোম্টা-পরা কাদের ঘরের বউ তুমি ভাই সন্ধ্যাতারা ?  
তোমার চোখের দৃষ্টি জাগে হারানো কোন্ মুখের পারা ॥

সাঁঝের প্রদীপ আঁচল ঝেঁপে  
বঁধুর পথে চাইতে বেকে  
চাউনিটি কার উঠছে কেঁপে  
রোজ সাঁঝে ভাই এমনি ধারা ॥

কার হারানো বধু তুমি অস্তপথে মৌন মুখে  
ঘনাও সাঁঝে ঘরের মায়া গৃহহীনের শূণ্য বুকে ।

এই যে নিতুই আসা যাওয়া,  
এমন করুণ মলিন চাওয়া,  
কার তরে হয় আকাশ-বধু  
তুমিও কি আজ প্রিয়-হারা ॥

## ব্যাথা-নিশীথ

এই            নীরব নিশীথ রাতে  
শুধু           জল আসে আঁখিপাতে ।

কেন কি কথা স্মরণে রাজে ?  
বুকে কার হৃদয় বাজে ?  
কোন্ ক্রন্দন হিয়া-মাঝে  
ওঠে গুমরি' ব্যর্থতাতে  
আর জল ভরে আঁখিপাতে ॥

মম ব্যর্থ জীবন-বেদনা  
এই নিশীথে লুকাতে নারি,  
তাই গোপনে একাকী শয়নে  
শুধু নয়নে উথলে বারি ।  
ছিল সে-দিনো এমনি নিশা,  
বুকে জেগেছিলো শত তৃষা,  
তারি ব্যর্থ নিশাস মিশা  
ওই শিথিল শেফালিকাতে  
আর পূরবীর বেদনাতে ॥

## আশা

হয়তো তোমার পাব' দেখা,  
যেখানে ঐ নত আকাশ চুম্ছে বনের সবুজ রেখা ॥

ঐ সুদূরের গাঁয়ের মাঠে  
আ'লের পথে বিজন ঘাটে,  
হয়তো এসে মুচ্'কি হেসে  
ধ'রবে আমার হাতটি একা ॥

ঐ নীলের ঐ গহন-পারে ঘোম্টা-হারা তোমার চাওয়া  
আনলে খবর গোপন দূতী দিক্‌পারের ঐ দখিন হাওয়া ॥  
বনের ফাঁকে ছুঁছুঁ তুমি  
আস্বে যাবে নয়না চুমি',  
সেই সে কথা লিখছে হোথা  
দিগ্বলয়ের অরুণ-লেখা ।

## আপন-পিয়াসী

আমার আপনার চেয়ে আপন যে-জন  
খুঁজি তারে আমি আপনায়,  
আমি শুনি যেন তার চরণের ধ্বনি  
আমারি তিয়াষী বাসনায় ॥

মামারই মনের তৃষিত আকাশে  
গাঁদে সে চাতক আকুল পিয়াসে,  
হুতু সে চকোর সুধা-চোর আসে  
নিশীথে স্বপনে জোছনায় ॥

আমার মনের পিয়াল তমালে হেরি তারে স্নেহ-মেঘ শ্রাম,  
অশনি-আলোক হেরি তারে থির-বিজুলি-উজল অভিরাম ॥

আমারই রচিত কাননে বসিয়া  
পরানু পিয়ারে মালিকা রচিয়া,  
সে মালা সহসা দেখিছু জাগিয়া,  
আপনারি গলে দোলে হায় ॥

## অ-কেজোর গান

ঐ ঘাসের ফুলে মটরশুঁটির ক্ষেতে  
আমার এ মন-মোঁমাছি ভাই উঠেছে আজ মেতে ॥

এই রোদ-সোহাগী পউষ-প্রাতে  
অথির প্রজাপতির সাথে  
বেড়াই কুঁড়ির পাতে পাতে  
পুষ্পল মোঁ-ক্ষেতে ।  
আমি আমন ধানের বিদায়-কাঁদন শুনি মাঠে রেতে ॥

আজ কাশ-বনে কে শ্বাস ফেলে যায় মরা নদীর কূলে,  
ও তার হ'ল্‌দে জঁচল চ'লতে জড়ায় অড়হরের ফুলে ।

ঐ বাবুলা ফুলে নাকছাবি তার,  
গা'য় শাড়ী নীল অপরাজিতার  
চ'লেছি সেই অজানিতার  
উদাস পরশ পেতে ॥

আমায় ডেকেছে সে চোখ-ইশারায় পথে যেতে যেতে

ঐ ঘাসের ফুলে মটরশুঁটির ক্ষেতে,  
আমার এ মন-মোঁমাছি ভাই উঠেছে তাই মেতে

## কাণ্ডারী হুঁশিয়ার !

কোরাস্ :—

হুর্গম গিরি কাস্তার মরু, হুস্তর পারাবার  
লজ্জিতে হবে রাত্রি-নিশীথে, যাত্রীরা হুঁশিয়ার !

হুলিতেছে তরী, ফুলিতেছে জল, ভুলিতেছে মাঝি-পথ,  
ছিঁড়িয়াছে পাল, কে ধরিবে হাল, আছে কার হিম্মৎ ?  
কে আছে জোয়ান, হও আগুয়ান, হাঁকিছে ভবিষ্যৎ ।  
এ তুফান ভারী, দিতে হবে পাড়ি, নিতে হবে তরী পার ॥

মিররাত্রি, মাতৃমন্ত্রী সান্ত্বীরা সাবধান !  
যুগযুগান্তসংকীর্ণ ব্যথা ঘোষিয়াছে অভিযান ।  
ফেনাইয়া উঠে বক্ষিত বুক পুঞ্জিত অভিমান,  
ইহাদেরে পথে নিতে হবে সাথে, দিতে হবে অধিকার ॥

অসহায় জ্ঞাত মরিছে ডুবিয়া, জানে না সম্ভরণ,  
কাণ্ডারী ! আজ দেখিব তোমার মাতৃযুক্তি-পণ !  
‘হিন্দু না ওর মুসলিম ?’ ওই জিজ্ঞাসে কোন্ জন ?  
কাণ্ডারী ! বলো, ডুবিছে মানুষ, সম্মান মোর মা’র !

গিরি-সঙ্কট, ভীকু যাত্রীরা, গুরু গরজায় বাজ,  
পশ্চাৎ-পথ-যাত্রীর মনে সন্দেহ জাগে আজ ।

কাণ্ডারী ! তুমি ভুলিবে কি পথ ? ত্যজিবে কি পথমার ?  
করে হানাহানি তবু চলো টানি নিয়াছ যে মহাভার ॥

কাণ্ডারী ! তব সম্মুখে ঐ পলাশির প্রান্তর,  
বাঙালীর খুনে লাল হ'ল যেথা ক্লাইবের খজুর !  
ঐ গঙ্গায় ডুবিয়াছে হায় ভারতের দিবাকর !  
উদিবে সে রবি আমাদেরি খুনে রাঙিয়া পুনর্ব্বার ॥

ফাঁসির মঞ্চে গেয়ে গেল যারা জীবনের জয়গান,  
আসি' অলক্ষ্যে দাঁড়ায়েছে তারা, দিবে কোন্ বলিদান ?  
আজি পরীক্ষা, জাতির অথবা জাতের করিবে ত্রাণ ?  
ফুলিতেছে তরী ফুলিতেছে জল, কাণ্ডারী হুঁশিয়ার ॥

[ সবহারার ]



## ছাত্রদলের গান

আমরা শক্তি আমরা বল  
আমরা ছাত্রদল ।

মোদের পায়ের তলায় মূর্ছে তুফান,  
উর্ধ্বে বিমান ঝড়-বাদল ।  
আমরা ছাত্রদল ॥

মোদের আঁধার রাতে বাধার পথে  
যাত্রা নাক্সা পায়,  
আমরা শক্ত মাটি রক্তে রাঙাই  
বিষম চলার ঘায় !  
যুগে যুগে রক্তে মোদের  
সিক্ত হ'ল পৃথ্বীতল ।  
আমরা ছাত্রদল ॥

মোদের কক্ষচ্যুত-ধূমকেতু-প্রায়  
লক্ষ্যহারা প্রাণ,  
আমরা ভাগ্যদেবীর যজ্ঞবেদীর  
নিত্য বলিদান  
যখন লক্ষ্মীদেবী স্বর্গে উঠেন  
আমরা পশি নীল অতল,  
আমরা ছাত্রদল ॥

আমরা ধরি মৃত্যু-রাজার  
যজ্ঞ-ঘোড়ার রাশ

মোদের মৃত্যু লেখে মোদের  
 জীবন-ইতিহাস !  
 হাসির দেশে আমরা আনি  
 সর্বনাশী চোখের জল ।  
 আমরা ছাত্রদল ॥

সবাই যখন বুদ্ধি যোগায়,  
 আমরা করি ভুল ।  
 সাবধানীরা বাঁধ বাঁধে সব,  
 আমরা ভাঙি কুল ।  
 দারুণ-রাতে আমরা তরুণ  
 রক্তে করি পথ পিছল !  
 আমরা ছাত্রদল ॥

মোদের চক্ষে জ্বলে জ্ঞানের মশাল,  
 বক্ষে ভরা বাক্,  
 কণ্ঠে মোদের কুণ্ঠাবিহীন  
 নিত্য কালের ডাক ।  
 আমরা তাজা খুনে লাল ক'রেছি  
 সরস্বতীর শ্বেত কমল  
 আমরা ছাত্রদল ॥

ঐ দারুণ উপপ্লবের দিনে  
 আমরা দানি শির,  
 মোদের মাঝে মুক্তি কাঁদে  
 বিংশ শতাব্দীর ।

মোরা গৌরবেরি কান্না দিয়ে  
ভ'রেছি মা'র শ্রাম আঁচল ।  
আমরা ছাত্রদল ॥

আমরা রচি ভালোবাসার  
আশার ভবিষ্যৎ,  
মোদের স্বর্গ-পথের আভাস দেখায়  
আকাশ-ছায়াপথ !  
মোদের চোখে বিশ্ববাসীর  
স্বপ্ন দেখা হোক সকল ।  
আমরা ছাত্রদল ॥

মা ( বিরজাসুন্দরী দেবী )-র  
শ্রীচরণাবিন্দে—

সর্বসহা সর্বহারা জননী আমার ।  
তুমি কোনোদিন কারো করোনি বিচার,  
কারেও দাওনি দোষ । ব্যথা-বারিধির  
কূলে ব'সে কাঁদ' মৌনা কত্যা ধরণীর  
একাকিনী ! যেন কোন্ পথ-ভুলে-আসা  
ভিন্-গাঁ'র ভীৰু মেয়ে । কেবলি জিজ্ঞাসা  
করিতেছে আপনারে, 'এ আমি কোথায় ?'  
দূর হ'তে তারকারা ডাকে, আয় আয় !  
তুমি যেন তাহাদের পলাতকা মেয়ে  
ভুলিয়া এসেছ হেথা ছায়া-পথ বেয়ে !  
বিধি ও অবিধি মিলে নেরেছে তোমায়  
—মা আমার— কত যেন ! চোখে মুখে, হায়  
তবু যেন শুধু এক ব্যথিত জিজ্ঞাসা—  
'কেন মারে ? এরা কা'রা ! কোথা হ'তে আসে  
এই ছুঃখ ব্যথা শোক ?'—এরা তো তোমার  
নহে পরিচিত মাগো, কত্যা অলকার !  
তাই সব স'য়ে যাও নির্বাক নিশ্চুপ,  
ধূপেরে পোড়ায় অগ্নি—জানে না তা ধূপ !...

দূর-দূরান্তর হ'তে আসে ছেলে মেয়ে,  
ভুলে যায় খেলা তারা তব মুখে চেয়ে ।

বলে, 'তুমি মা হবে আমার ?' ভেবে কী যে  
 তুমি বুকে চেপে ধর, চক্ষু ওঠে ভিজ়ে  
 জননীর করুণায় ! মনে হয় যেন  
 সকলের চেনা তুমি, সকলেরে চেন ।  
 তোমারি দেশের যেন ওরা ঘরছাড়া  
 বেড়াতে এসেছে এই ধরণীর পাড়া  
 প্রবাসী শিশুর দল । যাবে ওরা চ'লে  
 গলা ধ'রে দু'টি কথা 'মা আমার' ব'লে !

হয়তো ভুলেছ মাগো, কোনো একদিন  
 এমনি চলিতে পথে মরু-বেতুইন-  
 শিশু এক এসেছিল । শ্রান্ত কষ্টে তার  
 ব'লেছিল গলা ধ'রে—'মা হবে আমার ?'  
 হয়তো আসিয়াছিল, যদি পড়ে মনে,  
 অথবা সে আসে নাই—না এলে স্মরণে !  
 যে-ছরস্তু গেছে চ'লে আসিবে না আর,  
 হয়তো তোমার বুকে গোরস্থান তার  
 জাগিতেছে আজো মৌন, অথবা সে নাই !  
 মন তো কত পাই—কত সে হারাই.....

সর্বসহা কণ্ঠা মোর ! সর্বহারা মাতা !  
 শূন্য নাই রহে কভু মাতা ও বিধাতা ।  
 হারা-বুকে আজ তব ফিরিয়াছে যারা—  
 হয়তো তাদেরি স্মৃতি এই 'সর্বহারা' !

## সর্বহারা

ব্যথার সাঁতার-পানি-ঘেরা  
চোরাবালির চর,  
ওরে পাগল ! কে বেঁধেছিস  
সেই চরে তোর ঘর ?  
শূন্যে তড়িৎ দেয় ইশারা,  
হাট তুলে দে সর্বহারা,  
মেঘ-জননীর অশ্রুধারা  
ঝ'রছে মাথার 'পর,  
দাঁড়িয়ে দূরে ডাকছে মাটি  
ছলিয়ে তরু-কর ॥

কন্থারা তোর বন্ধাধারায়  
কাঁদছে উত্তরোল,  
ডাক দিয়েছে তাদের আজি  
সাগর-মায়ের কোল ।  
নায়ের মাঝি ! নায়ের মাঝি !  
পাল তুলে তুই দে রে আজি  
তুরঙ্গ ঐ তুফান-তাজী  
তরঙ্গে খায় দোল ।  
নায়ের মাঝি ! আর কেন ভাই ?  
মায়ার নোঙর তোন্ !

ভাঙন-ভরা আঙনে তোর  
 যায় রে বেলা যায় ।  
 মাঝি রে ! দেখ, কুরঙ্গী তোর  
 কূলের পানে চায় ।  
 'যায় চ'লে ঐ সাথের সাথী,  
 ঘনায় গহন শাঙন-রাতি,  
 মাছুর-ভরা কাঁদন পাতি'  
 ঘুমুস্ নে আর হয় ।  
 ঐ কাঁদনের বাঁধন ছেঁড়া  
 এতই কি রে দায় ?

শীরা মানিক চাস্নিক' তুই,  
 চাস্নি তো সাত ক্রোড়,  
 একটি ক্ষুদ্র মৃৎপাত্র-  
 ভরা অভাব তোর ।  
 চাইলি রে ঘুম শ্রান্তিহরা  
 একটি ছিন্ন মাছুর-ভরা,  
 একটি প্রদীপ-আলো-করা  
 একটু-কুটীর-দোর ।  
 আসলো মৃত্যু আসলো জরা,  
 আসলো সিঁদেল-চোর

মাঝি রে, তোর নাও ভাসিয়ে  
 মাটির বুকে চল্  
 শক্ত মাটির ঘায়ে হউক  
 রক্ত পদতল ।

প্রলয়-পথিক চ'ল'বি ফিরি  
 দ'ল'বি পাহাড় কানন গিরি !  
 হাঁকছে বাদল, ঘিরি' ঘিরি'  
 নাচ'ছে সিন্ধুজল ।  
 চল' রে জলের যাত্রী এবার  
 মাটির বুকে চল ।

[সর্বস্বারা]



## সাম্যবাদী

গাহি সামোর গান—

যেখানে আসিয়া এক হ'য়ে গেছে সব বাধা-ব্যবধান

যেখানে মিশেছে হিন্দু-বৌদ্ধ-মুসলিম-ক্রীশ্চান ।

গাহি সাম্যের গান !

কে তুমি ?—পার্সী ? জৈন ? ইহুদী ? সাঁওতাল, ভৌল, গারো ?

কন্‌ফুসিয়াস ? চার্বাক-চেলা ? ব'লে যাও, বলো আরো !

বন্ধু, যা-খুশি হও,

লেটে পিঠে কাঁধে মগজে যা-খুশি পুঁথি ও কেতাব বও,

কোরান-পুরাণ-বেদ-বেদান্ত-বাইবেল-ত্রিপিটক-

জেন্দাবেস্তা-গ্রন্থসাহেব প'ড়ে যাও, যত সখ—

কিন্তু, কেন এ পণ্ডশ্রম, মগজে হানিছ শূল ?

দোকানে কেন এ দর-কষাকষি ?—পথে ফুটে তাজা ফুল !

তোমাতে রয়েছে সকল কেতাব সকল কালের জ্ঞান,

সকল শাস্ত্র খুঁজে পাবে সখা, খুলে দেখ নিজ প্রাণ !

তোমাতে রয়েছে সকল ধর্ম, সকল যুগাবতার,

তোমার হৃদয় বিশ্ব-দেউল সকলের দেবতার ।

কেন খুঁজে ফের' দেবতা ঠাকুর মৃত পুঁথি-কঙ্কালে ?

হাসিছেন তিনি, অমৃত-হিয়ার নিভৃত অন্তরালে ।

বন্ধু, বলিনি বুট,

এইখানে এসে লুটাইয়া পড়ে সকল রাজমুকুট ।

এই হৃদয়ই সে নীলাচল, কাশী, মথুরা, বৃন্দাবন,

বৃদ্ধ-গয়া এ, জেরুজালেম্ এ, মদীনা, কাবা-ভবন.

মসজিদ এই, মন্দির এই, গির্জা এই হৃদয়,  
 এইখানে ব'সে ঈসা মুসা পেল সত্যের পরিচয় ।  
 এই রণ-ভূমে বাঁশীর কিশোর গাহিলেন মহা-গীতা,  
 এই মাঠে হ'ল মেঘের রাখাল নবীরা খোদার মিতা ।  
 এই হৃদয়ের ধ্যান-গুহা-মাঝে বসিয়া শাক্যমুনি  
 ত্যজিল রাজ্য মানবের মহা-বেদনার ডাক শুনি' ।  
 এই কন্দরে আরব-দুলাল শুনিতেন আহ্বান,  
 এইখানে বসি' গাহিলেন তিনি কোরানের সাম-গান ।  
 মিথ্যা শুনিনি ভাই,  
 এই হৃদয়ের চেয়ে বড় কোনো মন্দির-কাবা নাই ।

\*

\*

\*

### ঈশ্বর

কে তুমি খুঁজিতেছ জগদীশে ভাই আকাশ পাতাল জুড়ে,  
 কে তুমি ফিরিছ বনে-জঙ্গলে, কে তুমি পাহাড়-চূড়ে ?  
 হায়, ঋষি দরবেশ,  
 বৃকের মানিকে বৃকে ধ'রে তুমি খোঁজ তারে দেশ-দেশ ।  
 সৃষ্টি রয়েছে তোমা' পানে চেয়ে তুমি আছ চোখ বঁুজে,  
 স্রষ্টারে খোঁজো—আপনারে তুমি আপনি ফিরিছ খুঁজে ;  
 ইচ্ছা-অন্ধ ! আঁখি খোলো, দেখ দর্পণে নিজ-কায়া,  
 দেখিবে, তোমারি সব অবয়বে প'ড়েছে তাঁহার ছায়া ।  
 শিহরি উঠো না, শাস্ত্রবিদেরে ক'রোনাক' বীর, ভয়—  
 তাহারা খোদার খোদ 'প্রাইভেট সেক্রেটারী' তো নয় !  
 সকলের মাঝে প্রকাশ তাঁহার, সকলের মাঝে তিনি !  
 আমাদের দেখিয়া আমার অদেখা জন্মদাতারে চিনি !  
 রত্ন লইয়া বেচা-কেনা করে বণিক সিন্ধু-কূলে—  
 রত্নাকরের খবর তা ব'লে পুছো না ওদেরে ভুলে,

উহারা রত্ন-বেনে

রত্ন চিনিয়া মনে করে ওরা রত্নাকরেও চেনে !

ডুবে নাই তারা অতল গভীর রত্ন-সিন্ধুতলে,

শাস্ত্র না ঘেঁটে ডুব দাও, সখা, সত্য-সিন্ধু-জলে ।

\*

\*

\*

মানুষ

গাহি সাম্যের গান—

মানুষের চেয়ে বড় কিছু নাই, নহে কিছু মহীয়ান্

নাই দেশ-কাল-পাত্রের ভেদ, অভেদ ধর্মজাতি,

সব দেশে সব কালে ঘরে-ঘরে তিনি মানুষের জ্ঞাতি ।

‘পূজারী, দুয়ার খোলো,

ক্ষুধার ঠাকুর দাঁড়ায়ে দুয়ারে পূজার সময় হ’ল !’

স্বপন দেখিয়া আকুল পূজারী খুলিল ভজনালয়,

দেবতার বরে আজ রাজা-টাজা হ’য়ে যাবে নিশ্চয় !

জীর্ণ-বস্ত্র শীর্ণ-গাত্র, ক্ষুধায় কণ্ঠ ক্ষীণ—

ডাকিল পান্থ, ‘দ্বার খোলো বাবা, খাইনি তো সাত দিন ।’

সহসা বন্ধ হ’ল মন্দির, ভুখারী ফিরিয়া চলে,

তিমিররাত্রি, পথ জুড়ে তার ক্ষুধার মাণিক জ্বলে !

ভুখারী ফুকারী’ কয়,

‘ঐ মন্দির পূজারীর, হায় দেবতা, তোমার নয় !’

মস্জিদে কান শিরণী আছিল,—অটেল গোস্ত রুটী

বাঁচিয়া গিয়াছে, মোল্লা সাহেব হেসে তাই কুটি কুটি,

এমন সময় এলো মুসাফির গায়ে আজারির চিন্

বলে, ‘বাবা, আমি ভুখা ফাকা আছি আজ নিয়ে সাতদিন !’

তেরিয়া হইয়া হাঁকিল মোল্লা—‘ভ্যালা হ’ল দেখি লেঠা,

ভুখা আছ মর’ গো-ভাগাড়ে গিয়ে ! নমাজ পড়িস বেটা ?’

ভুখারী কহিল, ‘না বাবা !’ মোল্লা হাঁকিল—‘তা হলে শালা  
সোজা পথ দেখ !’ গোস্ব-রুটী নিয়া মসজিদে দিল তাল।

ভুখারী ফিরিয়া চলে,  
চলিতে চলিতে বলে—

‘আশীটা বছর কেটে গেল, আমি ডাকিনি তোমায় কছু,  
আমার ক্ষুধার অন্ত তা’ ব’লে বন্ধ করনি প্রভু ।  
তব মসজিদ মন্দিরে প্রভু নাই মানুষের দাবী ।  
মোল্লা পুরুত লাগায়েছে তার সকল ছুয়ারে চাবী !’

কোথা চেঙ্গিস্, গজনী মামুদ, কোথায় কালাপাহাড় ?  
ভেঙে ফেল ঐ ভজনালয়ের যত-তালা দেওয়া দ্বার ।  
খোদার ঘরে কে কপাট লাগায়, কে দেয় সেখানে তাল ?  
সব দ্বার এর খোলা রবে, চালা হাতুড়ি শাবল চালা !

হায় রে ভজনালয়,  
তোমার মিনারে চড়িয়া ভণ্ড গাহে স্বার্থের জয় ।

মানুষেরে ঘৃণা করি’

ও’ কারা কোরাণ, বেদ, বাইবেল চুষিছে মরি মরি !  
ও’ মুখ হইতে কেতাব গ্রন্থ নাও জোর ক’রে কেড়ে,  
যাহারা আনিল গ্রন্থ-কেতাব সেই মানুষেরে মেরে ।  
পূজিছে গ্রন্থ ভণ্ডের দল ।—মূর্থরা সব শোনো,  
মানুষ এনেছে গ্রন্থ ;—গ্রন্থ আনেনি মানুষ কোনো ।  
আদম্ দাউদ ঈসা মুসা ইব্রাহিম মোহাম্মদ  
কৃষ্ণ বুদ্ধ নানক কবির,—বিশ্বের সম্পদ,  
আমাদেরি এঁরা পিতা-পিতামহ, এই আমাদের মাঝে  
তাদেরি রক্ত কম-বেশী ক’রে প্রতি ধমনীতে রাখে ।  
আমরা-তাদেরি সন্তান, জাতি, তাঁদেরি মতন দেহ ।  
কে জানে কখন মোরাও অমনি হয়ে যেতে পারি কেহ

হেসো না বন্ধু ! আমার আমি সে কত অতল অসীম,  
আমিই কি জানি কে জানে কে আছে  
আমাতেই মহামহিম ।

হয়তো আমি আছি কঙ্কি, তোমাতে মহেদী ঈসা,  
কে জানে কাহার অন্ত ও আদি, কে পায় কাহার দিশা,  
কাহারে করিছ ঘৃণা তুমি ভাই, কাহারে মারিছ লাথি ?  
হয়তো উহারি বুকে ভগবান্ জাগিছেন দিবা-রাতি !  
অথবা হয়তো কিছুই নহে সে, মহান্ উচ্চ নহে,  
আছে ক্লেদাক্ত ক্ষত-বিক্ষত পড়িয়া দুঃখ-দহে,  
তবু জগতের যত পবিত্র গ্রন্থ ভজনালায়  
ঐ একখানি ক্ষুদ্র দেহের সম পবিত্র নয় !  
হয়তো উহারি ঔরসে ভাই উহারই কুটীর-বাসে  
জন্মিছে কেহ—জোড়া নাই যার জগতের ইতিহাসে !  
যে বাণী আজিও শোনেনি জগৎ, যে মহাশক্তিধরে  
আজিও বিশ্ব দেখেনি,—হয়তো আমি সে এরই ঘরে !  
ও কে ? চণ্ডাল ? চমকাও কেন ? নহে ও ঘৃণ্য জীব !  
ওই হ'তে পারে হরিশ্চন্দ্র, ওই শ্মশানের শিব !  
আজ চণ্ডাল, কাল হ'তে পারে মহাযোগী সত্ৰাট,  
তুমি কাল তারে অর্ঘ্য দানিবে, করিবে নান্দী-পাঠ !  
রাখাল বলিয়া কারে করো হেলা, ও হেলা কাহারে বাজে,  
হয়তো গোপনে ব্রজের গোপাল এসেছে রাখাল সাজে !

চাষা বলে করো ঘৃণা !

দেখো চাষা রূপে লুকায়ে জনক বলরাম এলো কিনা !  
যত নবী ছিল মেঘের রাখাল, তারাও ধরিল হাল,  
তারাই আনিল অমর বাণী—যা আছে, রবে চিরকাল ।

দ্বারে গালি খেয়ে ফিরে যায় নিতি ভিখারী ও ভিখারিনী,  
তারি মাঝে কবে এলো ভোলানাথ গিরিজায়া, তা কি চিনি !  
তোমার ভোগের হাস হয় পাছে ভিক্ষা-মুষ্টি দিলে,  
দ্বারী দিয়ে তাই মার দিয়ে তুমি দেবতারে খেদাইলে ।

সে মার রহিল জমা—

কে জানে তোমায় লাঞ্ছিতা দেবী করিয়াছে কিনা ক্ষমা !

বন্ধু, তোমার বুক-ভরা লোভ, ছ'-চোখে স্বার্থ-ঠুলি,  
নতুবা দেখিতে তোমারে সেবিতে দেবতা হ'য়েছে কুলি ।  
মানুষের বৃকে যেটুকু দেবতা, বেদনা-মথিত সুধা,  
তাই লুটে তুমি খাবে পশু ? তুমি তা দিয়ে মিটাবে ক্ষুধা ?  
তোমার ক্ষুধার আহার তোমার মন্দোদরীই জানে  
তোমার মৃত্যু-বাণ আছে তব প্রাসাদের কোন্‌খানে !

তোমারি কামনা-রাণী,

যুগে যুগে পশু, ফেলেছে তোমায় মৃত্যু-বিবরে টানি' ।

\*

\*

\*

## পাপ

সাম্যের গান গাই !—

যত পাপী তাপী সব মোর বোন, সব হয় মোর ভাই ।  
এ পাপ-মুলুকে পাপ করেনিক' কে আছে পুরুষ নারী ?  
আমরা তো ছার ;—পাপে পঙ্কিল পাপীদের কাণ্ডারী !  
ত্রেত্রিশ কোটি দেবতার পাপে স্বর্গ সে টিলমল,  
দেবতার পাপ-পথ দিয়া পশে স্বর্গে অশুর দল ।  
আদম হইতে সুরু ক'রে এই নজরুল তব্‌ সবে  
কম-বেশী ক'রে পাপের ছুরিতে পুণ্যে করেছে জবেহ্‌ !

বিশ্ব পাপস্থান—

অধেক এর ভগবান, আর অধেক শয়তান্‌ !

ধর্মাকুরা শোনো,

অন্তের পাপ গনিবার আগে নিজেদের পাপ গোণো !

পাপের পক্ষে পুণ্য পদ্ব, ফুলে ফুলে হেথা পাপ !

সুন্দর এই ধরা তরা শুধু বঞ্চনা অভিশাপ । '

এদের এড়াতে না পারিয়া যত অবতার আদি কেহ

পুণ্যে দিলেন আত্মা ও প্রাণ, পাপেরে দিলেন দেহ ।

বন্ধু, কহিনি মিছে,

ব্রহ্মা বিষ্ণু শিব হ'তে ধ'রে ক্রমে নেমে এস নীচে—

মানুষের কথা ছেড়ে দাও, যত ধ্যানী মুনি ঋষি যোগী

আত্মা তাঁদের ত্যাগী তপস্বী, দেহ তাঁহাদের ভোগী !

এ-ছনিয়া পাপশালা,

ধর্ম-গাধার পৃষ্ঠে এখানে শূন্য পুণ্য-ছালা !

হেথা সবে সম-পাপী,

আপন পাপের বাটখারা দিয়ে অন্তের পাপ মাপি !

জবাবদিহির কেন এত ঘট্য যদি দেবতাই হও,

টুপি প'রে টিকি রেখে সদা বলো যেন তুমি পাপী নও

পাপী নও যদি কেন এ ভড়ং, ট্রেডমার্কের ধূম ?

পুলিশী পোষাক পরিয়া হ'য়েছে পাপের আসামী গুন্ম ।

বন্ধু, একটা মজার গল্প শোনো,

একদা অপাপ ফেরেশতা সব স্বর্গ-সভায় কোনো

এই আলোচনা করিতে আছিল বিধির নিয়মে ছবি',

দিন রাত নাই এত পূজা করি, এত ক'রে তাঁরে তুষ্টি,

তবু তিনি যেন খুশী নন—তাঁর যত স্নেহ দয়া ঝরে

পাপ-আসক্ত কাদা ও মাটির মানুষ জাতিরই 'পরে !

শুনিলেন সব অন্তর্যামী, হাসিয়া সবারে ক'ন,—

মলিন ধলার সস্তান ওরা, বড় ছর্বল মন—

ফুলে ফুলে সেথা ভুলের বেদনা—নয়নে, অধরে শাপ,  
 চন্দনে সেথা কামনার জ্বালা, চাঁদে চুখন-তাপ !  
 সেথা কামিনীর নয়নে কাজল, শ্রোণীতে চন্দ্রহার,  
 চরণে লাক্ষা, ঠোঁটে তাম্বুল, দেখে ম'রে আছে মার !  
 প্রহরী সেখানে চোখা চোখ নিয়ে সুন্দর শয়তান,  
 বৃকে বৃকে সেথা বাঁকা ফুল-ধনু, চোখে চোখে ফুল-বার্ণ !

দেবদূত সব বলে, 'প্রভু মোরা দেখিব কেমন ধরা,  
 কেমনে সেখানে ফুল ফোটে যার শিয়রে মৃত্যু-জরা !'  
 কহিলেন বিভু—'তোমাদের মাঝে শ্রেষ্ঠ যে দুইজন  
 যাক পৃথিবীতে, দেখুক কি ঘোর ধরণী প্রলোভন !'  
 'হারুত' 'মারুত' ফেরেশতাদের গৌরব রবি-শশী  
 ধরার ধূলার অংশী হইল মানবের গৃহে পশি',  
 কায়ায় কায়ায় মায়া বুলে হেথা ছায়ায় ছায়ায় ফাঁদ,  
 কমল-দীঘিতে সাতশ' হয়েছে এই আকাশের চাঁদ ।  
 শব্দ গন্ধ বর্ণ হেথায় পেতেছে অরূপ-কাঁসী,  
 ঘাটে ঘাটে হেথা ঘট-ভরা হাসি, মাঠে মাঠে কঁাদে বাঁশী !  
 ছুদিনে আতশী ফেরেশতা-প্রাণ ভিজিল মাটির রসে,  
 শফরী-চোখের চটুল চাতুরী বৃকে দাগ কেটে বসে ।  
 ঘাঘরী বলকি' গাগরী ছলকি' নাগরী 'জোহরা' যায়—  
 স্বর্গের দূত মজিল সে-রূপে, বিকাইল রাঙা পায় !  
 অধর-আনার-রসে ডুবে গেল দোজখের নার-ভীতি,  
 মাটির সোরাহী মস্তানা হ'ল আঙ্গুরী-খুনে তিতি' !  
 কোথা ভেসে গেল সংযম-বাঁধ, বারণের বেড়া টুটে,  
 প্রাণ ভ'রে পিয়ে মাটির মদিরা গুষ্ঠ-পুষ্প পুটে ।  
 বেহেশতে সব ফেরেশতাদের বিধাতা কহেন হাসি—  
 'হারুতে মারুতে কি ক'রেছে দেখ ধরণী সর্বনাশী !'



‘নয়না এখানে যাছ জানে সখা, এক আঁখি-ইশারায়  
লক্ষ যুগের মহা-তপস্যা কোথায় উবিয়া যায় ।’

সুন্দরী বসুমতী

চিরযৌবনা দেবতা ইহার শিব নয়—কাম রতি !

\*

\*

\*

### বারাঙ্গনা

কে তোমায় বলে বারাঙ্গনা মা, কে দেয় থুতু ও-গায়ে ?  
হয়তো তোমায় স্তম্ভ দিয়াছে সীতা-সম সতী মায়ে ।  
না-ই হ'লে সতী, তবু তো তোমরা মাতা-ভগিনীরই জাতি  
তোমাদের ছেলে আমাদেরই মতো, তারা আমাদের জাতি  
আমাদেরই মতো খ্যাতি যশ মান তারাও লভিতে পারে,  
তাদেরও সাধনা হানা দিতে পারে সদর স্বর্গ-দ্বারে !  
স্বর্গবেশা স্নাতাচী-পুত্র হ'ল মহাবীর দ্রোণ,  
কুমারীর ছেলে বিশ্ব-পূজ্য কৃষ্ণ-দ্বৈপায়ন,  
কানোন-পুত্র কর্ণ হইল দান-বীর মহারথী,  
স্বর্গ হইতে পতিতা-গঙ্গা শিবেরে পেলেন পতি,  
শান্তনু রাজা নিবেদিল প্রেম পুনঃ সেই গঙ্গায়—  
তাদের পুত্র অমর ভীষ্ম, কৃষ্ণ প্রণমে যায় !  
মুনি হ'ল শুনি সত্যকাম সে জারজ জবালা শিশু,  
বিস্ময়কর জন্ম বাঁহার—মহাপ্রেমিক সে যীশু !—  
কেহ নহে হেথা পাপ-পঙ্কিল, কেহ সে ঘৃণ্য নহে,  
ফুটিছে অযুত বিমল কমল কামনা-কালীয় দহে !

শোনো মানুষের বাণী,

জন্মের পর মানব জাতির থাকেনাক' কোনো গ্লানি !  
পাপ করিয়াছি বলিয়া কি নাই পুণ্যেরও আধিকার ?  
শত পাপ করি হয়নি ক্ষুণ্ণ দেবত্ব দেবতার ।

অহল্যা যদি মুক্তি লভে, মা, মেরী হ'তে পারে দেবী,  
তোমরাও কেন হবে না পূজ্যা বিমল সত্য সেবি' ?  
তব সন্তানে জারজ বলিয়া কোন্ গোঁড়া পাড়ে গালি,  
তাহাদের আমি এই ছ'টো কথা জিজ্ঞাসা করি খালি—

দেবতা গো জিজ্ঞাসি—

দেড় শত কোটি সন্তান এই বিশ্বের অধিবাসী—  
কয়জন পিতা-মাতা ইহাদের হ'য়ে নিষ্কাম ব্রতী  
পুত্রকণ্ঠা কামনা করিল ? কয়জন সৎ সতী ?  
ক'জন করিল তপস্যা ভাই সন্তান-লাভ তরে ?  
কার পাপে কোটি হুধের বাচ্ছা আঁতুড়ে জন্মে' মরে ?  
সেরেফ্ পশুর ক্ষুধা নিয়ে হেথা মিলে নরনারী যত  
সেই কামনার সন্তান মোরা ! তবুও গর্ব কত !

শুন ধর্মের চাঁই—

জারজ কামজ সন্তানে দেখি কোনো সে প্রভেদ নাই !  
অসতী মাতার পুত্র সে যদি জারজ পুত্র হয়,  
অসৎ পিতার সন্তানও তবে জারজ শ্রুনিশ্চয় !

\*

\*

\*

## নারী

সাম্যের গান গাই—

আমার চক্ষে পুরুষ-রমণী কোনো ভেদাভেদ নাই !  
বিশ্বে যা কিছু মহান্ সৃষ্টি চির-কল্যাণকর,  
অর্ধেক তার করিয়াছে নারী, অর্ধেক তার নর ।  
বিশ্বে যা-কিছু এল পাপ তাপ বেদনা অশ্রুবারি,  
অর্ধেক তার আনিয়াছে নর, অর্ধেক তার নারী !  
নরককুণ্ড বলিয়া কে তোমা' করে নারী হেয়জ্ঞান ?  
তারে বলো, আদি-পাপ নারী নহে, সে যে নর-শয়তান ।

অথবা পাপ যে—শয়তান যে—নর নহে নারী নহে,  
 ক্রীব সে, তাই সে নর ও নারীতে সমান মিশিয়া রহে ।  
 এ-বিশ্বে যত ফুটিয়াছে ফুল, ফলিয়াছে যত ফল,  
 নারী দিল তাহে রূপ-রস-মধু-গন্ধ সুনির্মল ।  
 তাজমহলের পাথর দেখেছ, দেখিয়াছ তার প্রাণ ?  
 অস্তরে তার মোমতাজ নারী, বাহিরেতে শা-জাহান ।  
 জ্ঞানের লক্ষ্মী, গানের লক্ষ্মী, শস্য-লক্ষ্মী নারী,  
 সুষমা-লক্ষ্মী নারীই ফিরিছে রূপে রূপে সঞ্চারি' ।  
 পুরুষ এনেছে দিবসের জ্বালা তপ্ত রৌদ্রদাহ,  
 কামিনী এনেছে যামিনী-শান্তি, সমীরণ, বারিবাহ !  
 দিবসে দিয়াছে শক্তি-সাহস, নিশীথে হ'য়েছে বধু,  
 পুরুষ এসেছে মরুত্বা ল'য়ে—নারী যোগায়েছে মধু ?  
 শস্যক্ষেত্র উর্বর হ'ল, পুরুষ চালান হল,  
 নারী সেই মাঠে শস্য রোপিয়া করিল সৃষ্টামল ।  
 নর বাহে হল, নারী বহে জল, সেই জল-মাটি মিশে  
 ফসল হইয়া ফলিয়া উঠিল সোনালী ধানের শীষে !

### স্বর্ণ-রৌপ্যভাব,

নারীর অঙ্গ-পরশ লভিয়া হ'য়েছে অলঙ্কার ।  
 নারীর বিরহে, নারীর মিলনে, নর পেল কবি-প্রাণ,  
 যত কথা তার হইল কবিতা, শব্দ হইল গান ।  
 নর দিল ক্ষুধা, নারী দিল সুধা, সুধায় ক্ষুধায় মিলে  
 জন্ম লভিছে মহামানবের মহাশিশু তিলে তিলে !  
 জগতের যত বড় বড় জয়, বড় বড় অভিযান,  
 মাতা ভগ্নী ও বধূদের ত্যাগে হইয়াছে মহীয়ান ।  
 কোন্ রণে কত খুন দিল নর লেখা আছে ইতিহাসে,  
 কত নারী দিল সিঁথির সিঁদুর লেখা নাই তার পাশে ।

কত মাতা দিল হৃদয় উপাড়ি', কত বোন দিল সেবা,  
বীরের স্মৃতি-স্তুতির গায়ে লিখিয়া রেখেছে কেবা ?  
কোনো কালে একা হয়নি ক' জয়ী পুরুষের তরবারী,  
প্রেরণা দিয়াছে, শক্তি দিয়াছে বিজয়লক্ষ্মী নানী ।  
রাজা করিতেছে রাজ্য-শাসন, রাজারে শাসিছে রাণী,  
রাণীর দরদে ধুইয়া গিয়াছে রাজ্যের যত গ্লানি ।

পুরুষ হৃদয়-হীন,

মানুষ করিতে নারী দিল তারে আধেক হৃদয় ঋণ ।  
ধরায় যাঁদের যশ ধরেনাক' অমর মহামানব,  
বরষে বরষে যাঁদের স্মরণে করি মোরা উৎসব,  
খেয়ালের বশে তাঁদের জন্ম দিয়াছে বিলাসী পিতা,—  
লব কুশে বনে ত্যজিয়াছে রাম, পালন ক'রেছে সীতা ।  
নারী সে শিখাল' শিশু-পুরুষেরে স্নেহ প্রেম দয়া মায়া,  
দীপ্ত নয়নে পরাল' কাজল বেদনার ঘন ছায়া ।  
অদ্বুতরূপে পুরুষ পুরুষ করিল সে ঋণ শোধ,  
বুকে ক'রে তারে চুমিল যে, তারে করিল সে অবগোধ

তিনি নর-অবতার—

পিতার আদেশে জননীকে যিনি কাটেন হানি' কুঠার ।  
পার্শ্ব ফিরিয়া শুয়েছেন আজ অধ'নারীস্বর,  
নারী চাপা ছিল এতদিন, আজ চাপা পড়িয়াছে নর ।

সে যুগ হ'য়েছে বাসি,

যে যুগে পুরুষ দাস ছিলনাক', নারীরা আছিল দাসী ।  
বেদনার যুগ, মানুষের যুগ, সাম্যের যুগ আজি,  
কেহ রহিবে না বন্দী কাহারও, উঠিছে ডঙ্কা বাজি' ।  
নর যদি রাখে নারীকে বন্দী, তবে এর পর যুগে  
আপনারি রচা ঐ কারাগারে পুরুষ মরিবে ভুগে ।

‘যুগের ধর্ম এই—

পীড়ন করিলে সে পীড়ন এসে পীড়া দেবে তোমাকেই।’

শোনো মর্ত্যের জীব !

অন্তরে যত করিবে পীড়ন, নিজে হবে তত ক্লীব !

স্বর্ণ-রৌপ্য অলঙ্কারের যক্ষপুরীতে নারী

করিল তোমায় বন্দিনো বলো কোন্ সে অত্যাচারী ?

আপনারে আজ প্রকাশের তব নাই সেই ব্যাকুলতা,

আজ তুমি ভীকু আড়ালে থাকিয়া নেপথ্যে কও কথা !

চোখে চোখে আজ চাহিতে পার না ; হাতে রুলি, পায়ে মল,

মাথার ঘোমটা ছিঁড়ে ফেল নারী, ভেঙে ফেল ও-শিকল !

যে ঘোমটা তোমা করিয়াছে ভীকু, ওড়াও সে আবরণ,

দূর ক’রে দাও দাসার চিহ্ন, যেথা যত আভরণ !

ধরার ছললী মেয়ে,

ফেরো না তো আর গিরিদরীবনে পাখী-সনে গান গেয়ে !

কখন আসিল ‘প্লুটো’ যমরাজ্য নিশীথ-পাথায় উড়ে,

ধরিয়া তোমায় পুরিল তাহার আঁধার বিবর-পুরে ?

সেই সে আদিম বন্ধন তব, সেই হ’তে আছ মরি’

মরণের পুরে ; নামিল ধরায় সেইদিন বিভাবরী ।

ভেঙে যমপুরী নাগিনীর মতো আয় মা পাতাল ফুঁড়ি’,

আঁধারে তোমায় পথ দেখাবে মা তোমারি ভগ্ন চূড়ি ।

পুরুষ-যমের ক্ষুধার কুকুর মুক্ত ও-পদাঘাতে

লুটায় পড়িবে ও চরণ-তলে দলিত যমের সাথে !

এতদিন শুধু বিলালে অমৃত, আজ প্রয়োজন যবে,

যে-হাতে পিয়ালে অমৃত, সে-হাতে কুট বিষ দিতে হবে ।

সে-দিন স্মদূর নয়—

যে-দিন ধরণী পুরুষের সাথে গাহিবে নারীরও জয়

\*

\*

\*

## কুলি-মজুর

দেখিছু সেদিন রеле,

কুলি ব'লে এক বাবু সা'ব তারে ঠেলে দিলে নীচে ফেলে—

চোখ ফেটে এল জল,

এমনি ক'রে কি জগৎ জুড়িয়া মার খাবে দুর্বল !

যে দধীচিদের হাড় দিয়ে ঐ বাষ্প-শকট চলে,

বাবু সা'ব এসে চড়িল তাহাতে, কুলিরা পড়িল তলে —

বেতন দিয়াছ ?—চুপ রও যত মিথ্যাবাদীর দল !

কত পাই দিয়ে কুলিদের তুই কত ক্রোড় পেলি বল্ ?

রাজপথে তব চলিছে মোটর, সাগবে জাহাজ চলে,

রেলপথে চলে বাষ্প-শকট, দেশ ছেয়ে গেল কলে,

বলো তো এ সব কাহাদের দান ? তোমার অট্টালিকা

কার খুনে রাঙা ?—ঠুলি খুলে দেখ, প্রতি ইঁটে আছে লিখা ।

তুমি জাননাক' কিন্তু পথের প্রতি ধূলিকণা জানে,

ঐ পথ ঐ জাহাজ শকট অট্টালিকার মানে !

আসিতেছে শুভদিন,

দিনে দিনে বহু বাড়িয়াছে দেনা, শুধিতে হইবে ঋণ—

হাতুড়ি শাবল গাঁইতি চালায়ে ভাঙিল যারা পাহাড়,

পাহাড়-কাটা সে পথের দু-পাশে পড়িয়া যাদের হাড়,

তোমারে সেবিতো হইল যাহারা মজুর, মুটে ও কুলি,

তোমারে বহিতে যারা পবিত্র অঙ্গে লাগাল ধূলি,

তারাই মানুষ, তারাই দেবতা, গাহি তাহাদেরি গান—  
 তাদেরি ব্যথিত বক্ষে পা ফেলে আসে নব উত্থান !  
 তুমি শুয়ে রবে তে-তলাব 'পরে, আমরা রহিব নীচে,  
 অথচ তোমারে দেবতা বলিব, সে ভরসা আজ মিছে ! ✓  
 গিরু যাদের সারা দেহ-মন মাটির মমতা-রসে,  
 এই ধরণীর তরণীর হাল রবে তাহাদেরি বশে !  
 তারি পদ-রজ অঞ্জলি করি' মাথায় লইব তুলি',  
 সকলের সাথে পথে চলি' যার পায়ে লাগিয়াছে ধূলি !  
 আজ নিখিলের বেদনা-আর্তি পীড়িতের মাথি' খুন  
 লালে লাল হ'য়ে উদিছে নবীন প্রভাতের নবারণ !  
 আজ হৃদয়ের জাম-ধরা যত কবাট ভাঙিয়া দাও  
 র-করা ঐ চামড়ার মতো আবরণ খুলে নাও ।  
 আকাশের আজ যত বায়ু আছে হইয়া জমাট নীল,  
 মাতামাতি ক'রে ঢুকুক এ বৃকে, খুলে দাও যত খিল ?  
 নকল আকাশ ভাঙিয়া পড়ুক আমাদের এই ঘরে,  
 মোদের মাথায় চল্ সূর্য তারারা পড়ুক ধরে !  
 এক মোহানায় দাঁড়াইয়া শোনো এক মিলনের বাঁশী ।

একজনে দিলে ব্যথা—

সমান হইয়া বাজে সে বেদনা সকলের বৃকে হেথা ।

একের অসম্মান

নিখিল মানব-জাতির লজ্জা—সকলের অপমান !

মহা-মানবের মহা-বেদনার আজি মহা-উত্থান,

উর্ধ্বে হাসিছে ভগবান, নীচে কাঁপিতেছে শয়তান । ✓

## ফরিয়াদ

এই ধরণীর ধূলিমাখা তব অসহায় সন্তান  
মাগে প্রতিকার, উত্তর দাও, আদি-পিতা ভগবান !  
আমার আঁখির দুখ-দীপ নিয়া  
বেড়াই তোমার সৃষ্টি ব্যাপিয়া,  
যতটুকু হেরি বিশ্বয়ে মরি, ভ'রে ওঠে সারা প্রাণ ।  
এত ভালো তুমি ? এত ভালোবাসো ? এত তুমি মহীয়ান ?  
ভগবান ! ভগবান !

তোমার সৃষ্টি কত সুন্দর, কত সে মহৎ, পিতা !  
সৃষ্টি-শিয়রে ব'সে কাঁদ তবু জননীর মতো ভীতা !  
নাহি সোয়াস্তি, নাহি যেন সুখ,  
ভেঙে গড়ো, গ'ড়ে ভাঙো, উৎসুক—  
আকাশ মুড়েছ মরকতে—পাছে আঁখি হয় রোদে ল্লান ।  
তোমার পবন করিছে বীজ্ঞন জুড়াতে দন্ধ প্রাণ ।  
ভগবান ! ভগবান !

রবি শশী তারা প্রভাত সন্ধ্যা তোমার আদেশ কহে—  
'এই দিবা রাতি আকাশ বাতাস নহে একা কারো নহে ।  
এই ধরণীর যাহা সম্বল,  
বাসে-ভরা ফুল, রসে-ভরা ফল,  
সু-স্নিগ্ধ মাটি, সুধা সম জল, পাখীর কণ্ঠে গান,—  
সকলের এতে সম অধিকার, এই তাঁর ফরমান—'  
ভগবান ! ভগবান !



শ্বেত পীত কালো করিয়া সৃজিলে মানবে, সে তব সাধ ।  
আমরা যে কালো, তুমি ভালো জান, নহে তাহা অপরাধ !

তুমি বলো নাই, শুধু শ্বেতদ্বীপে  
জোগাইবে আলো রবি শশী-দীপে,  
সাদ্ধা র'বে সবাকার টুঁটি টিপে, এ নহে তব বিধান ।  
সন্তান তব করিতেছে আজ তোমার অসম্মান ।

ভগবান ! ভগবান !

তব কনিষ্ঠা মেয়ে ধরণীরে দিলে দান ধূলা-মাটি,  
তাই দিয়ে তার ছেলেদের মুখে ধরে সে ছুধের বাটি ।

ময়ূরের মতো কলাপ মেলিয়া

তার আনন্দ বেড়ায় খেলিয়া—

সন্তান তার স্মৃখী নয়, তারা লোভী, তারা শয়তান !  
ঈর্ষায় মাতি' করে কাটাকাটি, রচে নিতি ব্যবধান !

ভগবান ! ভগবান !

তোমা<sup>তোমা</sup>রে ঠেলিয়া আসনে বসিয়াছে আজ লোভী,  
রসনা তাহার শ্যামল ধবায় করিছে সাহারা গোবী !

মাটির ঢিবিতে হু'দিন বসিয়া

রাজা সেজে করে পেষণ কাষিয়া—

এ পেষণে তারি আসন ধরসিয়া রচিছে গোরস্থান !  
ভাই-এর মুখের গ্রাস কেড়ে খেয়ে বীরের আখ্যা পান !

ভগবান ! ভগবান !

জনগণে যারা জোঁক-সন্ম শোষে তারে মহাজন কয়,  
সন্তান-সম পালে যারা জমি, তারা জমিদার নয় ।

মাটিতে যাদের ঠেকে না চরণ,

মাটির মালিক তাঁহারা হন—

যে যত ভণ্ড ধড়িবাজ আজ সেই তত বলবান্ ।  
 নিতি নব ছোঁরা গড়িয়া কসাই বলে জ্ঞান-বিজ্ঞান !  
 ভগবান ! ভগবান !

অন্ডায় বণে যারা যত দড় তারা তত বড় জাতি,  
 সাত মহারথী শিশুরে বধিয়া ফুলায় বেহায়া ছাতি ।  
 তোমার চক্র রুধিয়াছে আজ  
 বেনের রৌপ্য-চাকায়, কী লাজ !  
 এত অনাচার স'য়ে যাও তুমি, তুমি মহা মহীয়ান !  
 পীড়িত মানব পারে নাক' আর, সবে না এ অপমান—  
 ভগবান ! ভগবান !

ঐ দিকে দিকে বেজেছে ডঙ্কা, শঙ্কা নাহিক' আর  
 ঝুঁকিয়া'র মুখে মারণের বাণী উঠিতেছে মার মার !  
 রক্ত যা ছিল ক'রেছে শোষণ,  
 নীরক্ত দেহে হাড় দিয়ে রণ—  
 শত শতাব্দী ভাঙেনি যে হাড়, সেই হাড়ে ওঠে গান—  
 'জয় নিপীড়িত জনগণ জয় ! জয় নুব উত্থান !  
 জয় জয় ভগবান !'

তোমার দেওয়া এ বিপুল পৃথ্বী সকলে করিব ভোগ,  
 এই পৃথিবীর নাড়ী সাথে আছে সৃজন-দিনের যোগ ।  
 তাজা ফুলে ফলে অঞ্জলি পূরে  
 বেড়ায় ধরণী প্রতি ঘরে ঘুরে,  
 কে আছে এমন ডাকু যে হরিবে আমার গোলার ধান ?  
 আমার ক্ষুধার অগ্নে পেয়েছি আমার প্রাণের ভ্রাণ—  
 এতদিনে ভগবান ।

যে-আকাশ হ'তে ঝরে তব দান আলো ও বৃষ্টিধারা,  
সে-আকাশ হ'তে বেলুন উড়ায়ে গোলা-গুলি হানে কা'রা ?

উদার আকাশ বাতাস কাহারো

করিয়া তুলিছে ভীতির সাহারা ?

তোমার অসীম ঘিরিয়া পাহারা দিতেছে কা'র কামান ?

হবে না সত্য দৈত্য-মুক্ত ? হবে না প্রতিবিধান ?

ভগবান ! ভগবান !

তোমার দত্ত হস্তেরে বাঁধে কার নিপীড়ন-চেড়ী ?

আমার স্বাধীন বিচরণ রোধে কার আইনের বেড়ী ?

ক্ষুধা তৃষা আছে, আছে মোর প্রাণ.

আমিও মানুষ, আমিও মহান !

আমার অধীন এ মোর রসনা, এই খাড়া গদান !

মনের শিকল ছিঁড়েছি, পড়েছে হাতের শিকলে টান—

এতদিনে ভগবান !

চির-অবনত তুলিয়াছে আজ গগনে উচ্চশির !

বান্দা আজিকে বন্ধন ছেদি' ভেঙেছে কারা-প্রাচীর ।

এতদিনে তার লাগিয়াছে ভালো

আকাশ বাতাস বাহিরের আলো,

এবার বন্দী বুঝেছে, মধুর প্রাণের চাইতে ত্রাণ ।

মুক্ত-কণ্ঠে স্বাধীন বিশ্বে উঠিতেছে একতান—

জয় নিপীড়িত প্রাণ !

জয় নব অভিযান !

জয় নব উত্থান !

## আমার কৈফিয়ৎ

বর্তমানের। কবি আমি ভাই, ভবিষ্যতের নই ‘নবী’,  
কবি ও অকবি যাহা বলো মোরে মুখ বুজে তাই সহি সবি !

কেহ বলে, ‘তুমি ভবিষ্যতে যে

ঠাই পাবে কবি ভবীর সাথে হে !

যেমন বেরোয় রবির হাতে সে চিরকোলে-বাণী কই, কবি ?’  
ছুষিছে সবাই, আমি তবু গাই শুধু প্রভাতের ভৈরবী ।

কবি-নক্কুরা হতাশ হইয়া মোর লেখা প’ড়ে শ্বাস ফেলে ।  
বলে, কেজো ক্রমে হ’চ্ছে অকেজো পলিটিক্সের পাঁশ ঠেলে ।

পড়েনাক’ বই, ব’য়ে গেছে ওটা ।

কেহ বলে, বৌ-এ গিলিয়াছে গোটা ।

কেহ বলে, মা ট হ’ল হ’য়ে মোটা জেলে ব’সে শুধু তাস খেলে ।  
কেহ বলে, তুই জেলে ছিলি ভালো, ফের যেন তুই যা’স জেলে ।

গুরু ক’ন, তুই ক’রেছিস গুরু তলোয়ার দিয়ে দাড়ি চাঁচা ।  
প্রতি শনিবারই চিঠিতে প্রেয়সী গালি দেন, ‘তুমি হাঁড়িচাঁচা ।’

আমি বলি, ‘প্রিয়ে, হাতে ভাঙি হাঁড়ি —’

অমনি বন্ধ চিঠি তাড়াতাড়ি ।

সব ছেড়ে দিয়ে করিলাম বিয়ে, হিন্দুরা ক’ন আড়ি চাচা,  
যখন না আমি কাফের ভাবিয়া খুঁজি টিকি দাড়ি, নাড়ি কাছা ।

মৌ-লোভী যত মৌলভী আর ‘মোল্-লারা’ ক’ন হাত নেড়ে,  
‘দেব-দেবী নাম মুখে আনে, সব দাও পাজিটার জাত মেরে !

ফতোয়া দিলাম—কাফের কাজী ও,

যদিও শহীদ হইতে রাজী ও ।

‘আম পারা’-পড়া হাম-বড়া মোরা এখনো বেড়াই ভাত মেরে ।’

হিন্দু বা ভাবে, ‘ফার্সী’-শব্দে কবিতা লেখে ও পাঁত-নেড়ে ।’

আনকোরা যত নন্ভায়েলেণ্ট নন্-কো’র দলও নন্ খুশী ।

‘ভায়েলেলেসের ভায়েলিন্’ নাকি আমি, বিপ্লবী-মন তুমি ।

‘এটা অহিংস’, বিপ্লবী ভাবে,

‘নয় চরকার গান কেন গা’বে ?’

গোঁড়া-রাম ভাবে নাস্তিক আমি, পাতি-রাম ভাবে কংফুসি ।

সুরাজীরা ভাবে নারাজী, নারাজীরা ভাবে তাহাদের অঙ্কুশি ।

নর ভাবে, আমি বড় নারী-ঘেষা । নারী ভাবে, নারী-বিদ্বেষী ।

‘বিলেত ফেরনি ?’ প্রবাসী-বন্ধু ক’ন, ‘এই তব বিচ্ছে, ছি !’

ভক্তরা বলে, ‘নবযুগ-রবি ।’—

যুগেব না হই, হুজুগের কবি

বটি তো রে দাদা, আমি মনে ভাবি আর ক’ষে কষি হৃদ-পেশী,

হু-কানে চশমা আঁটিয়া ঘুমান্ত, দিব্যি হ’তেছে নিদ্রা বেশী ।

কি যে লিখি ছাই মাখা ও মুণ্ডু, আমিই কি বুঝি তার কিছু ?

হাত উচু আর হ’ল না তো ভাই, তাই লিখি ক’রে ঘাড় নীচু ।

বন্ধু ! তোমরা দিলেনাক’ দান,

রাজ-নরকার রেখেছেন মান !

বাহা কিছু লিখি অমূল্য ব’লে অ-মূল্যে নেন । আর কিছু

কেনেছ কি, হুঁ হুঁ, ফিরিছে রাজার প্রহরী সদাই কার পিছু ?

বন্ধু ! তুমি তো দেখেছ আমায় আমার মনের মন্দিরে,  
হাড় কালি হ'ল, শাসাতে নারিনু তবু পোড়া মন-বন্দীরে !

যতবার বাঁধি ছেঁড়ে সে শিকল,

মেরে মেরে তারে করিল বিকল,

তবু যদি কথা শুনে সে পাগল ! মানিল না রবি-গান্ধীরে ।

হঠাৎ জাগিয়া বাঘ খুঁজে ফেরে নিশার আঁধারে বন চিরে !

আমি বলি, ওরে কথা শোন স্ক্যাপা, দিব্যি আছিস্ খোশহালে  
প্রায় 'হাফ'-নেতা হ'য়ে উঠেছিস্, এবার এ দাঁও ফস্কালে

'ফুল'-নেতা আর হবিনে যে হয় !

বক্তৃতা দিয়া কাঁদিতে সভায়

গুঁড়িয়ে লস্কান পকেটে তে বোকা এই বেলা ঢোকা ! সেই 'তালে  
নিস্ তোরে ফুটো ঘরটাও ছেয়ে, নয় পস্তাবি শেষকালে ।

বোঝেনাক' যে সে চারণের বেশে ফেরে দেশে দেশে গান গেয়ে  
গান শুনে সব ভাবে, ভাবনা কি ! দিন যাবে এবে পান খেয়ে

রবেনাক' ম্যালেরিয়া মহামারী

স্বরাজ আসিছে চ'ড়ে জুড়ি-গাড়ী,

চাঁদা চাই, তারা ক্ষুধার অন্ন এনে দেয়, কাঁদে ছেলে-মেয়ে ।

মাতা কয়, ওরে চুপ্ হতভাগা, স্বরাজ আসে যে, দেখ্ চেরে !

ক্ষুধাতুর শিশু চায় না স্বরাজ, চায় ছুটো ভাত, একটু হুন,  
বেলা ব'য়ে যায়, খায়নিক' বাছা, কচি পেটে তার জ্বলে আগুন

কেঁদে ছুটে আসি পাগলের প্রায়,

স্বরাজের নেশা কোথা ছুটে যায় !

কেঁদে বলি, ওগো ভগবান, তুমি আজিও আছ কি ? কালি ও চু-  
কেন ওঠেনাক' তাহাদের গালে, যারা খায় এই শিশুর খুন ?

আমরা তো জানি, স্বরাজ আনিতে পোড়া বার্তাকু এনেছি খাস ।

কত শত কোটী ক্ষুধিত শিশুর ক্ষুধা নিঙাড়িয়া কাড়িয়া গ্রাস

এল কোটী টাকা, এল না স্বরাজ !

টাকা দিতে নারে ভুখারী সমাজ ।

শা'র বুক হাতে ছেলে কেড়ে খায়, মোরা বলি, বাঘ, খাও হে ঘাস

হেরিগ্ন, জননী মাগিছে ভিক্ষা ঢেকে রেখে ঘরে ছেলের লাশ ।

বন্ধু গো, আর বলিতে পারি না, বড় বিষ-জ্বালা এই বৃকে,

দেখিয়া শুনিয়া ক্ষেপিয়া গিয়াছি, তাই যাহা আসে কই মুখে,

রক্ত ঝরাতে পারি না তো একা,

তাই লিখে যাই এ রক্ত লেখা,

‘বড় কথা বড় ভাব আসেনাক’ মাথায়, বন্ধু, বড় দুঃখে ।

‘অগর কাব্য তোমরা লিখিও, বন্ধু, যাহারা আছ মুখে !

পরোয়া করি না, বাঁচি বা না-বাঁচি যুগের হুজুগ কেটে গেলে,

মাথার ওপরে জ্বলিছেন রবি, রয়েছে সোনার শত ছেলে ।

প্রার্থনা করো—যারা কেড়ে খায় তেত্রিশ কোটী মুখের গ্রাস,

যেন লেখা হয় আমার রক্ত-লেখায় তাদের সর্বনাশ ।

## গোকুল নাগ

না ফুরাতে শরতের বিদায়-শেফালি,  
না নিবিতে আশ্বিনের কমল-দীপালি,  
তুমি শুনেছিলে বন্ধু পাতা-ঝরা গান  
ফুলে ফুলে হেমন্তের বিদায়-আহ্বান !  
অতন্দ্র নয়নে তব লেগেছিল চুম  
ঝর-ঝর কামিনীর, এল চোখে ঘুম  
রাত্রিময়ী রহস্যের ; ছিন্ন শতদল  
হ'ল তব পথ-সাথী ; হিমানী-সজল  
ছায়াপথ-বীথি দিয়া শেফালি দলিয়া  
এল তব মায়া-বধু ব্যথা-জাগানিয়া ।  
এল অশ্রু হেমন্তের, এল ফুল-খসা  
শিশির-তিমির-রাত্রি ; শ্রান্ত দীর্ঘশ্বসা  
ঝাউ-শাখে সিক্ত বায়ু রিক্ততার বাণী  
ক'য়ে গেল ছলে ছলে কাঁদিল বনানী

তুমি দেখেছিলে বন্ধু ছায়া-কুহেলির  
অশ্রু-ঘন মায়া-আঁখি,—বিরহ অখির  
বুকে তব ব্যথা-কীট পশিল সেদিন !  
যে-কাল্লা এল না চোখে মর্মে হ'ল লীন,  
বক্ষে তাহা নিল বাসা, হ'ল রক্তে রাঙা  
আশাহীন ভালবাসা, ভাষা অশ্রু-ভাঙা ।  
বন্ধু, তব জীবনের কুমারী আশ্বিন  
পরিল বিধবা বেশ কবে কোন্ দিন,



কোন্ দিন সঁউতির মালা হ'তে তার  
 ঝ'রে গেল বৃন্তগুলি রাঙা কামনার—  
 জানি নাই ; জানি নাই, তোমার জীবনে  
 আসিছে বিচ্ছেদ-রাত্রি, অজানা গহনে  
 এবে যাত্রা শুরু তব, হে পথ-উদাসী ।  
 কোন্ বনাস্তর হ'তে ঘর-ছাড়া বাঁশী  
 ডাক দিল, তুমি জান । মোরা শুধু জানি  
 তব পায়ে কেঁদেছিল সারা পথখানি ।  
 সেধেছিল, এঁকেছিল ধূলি-তুলি দিয়া  
 তোমার পদাঙ্ক-স্মৃতি ।

রহিয়া রহিয়া

[ কত কথা মনে পড়ে ! আজ তুমি নাই,  
 মোরা তব-পায়ে-চলা পথে শুধু তাই  
 এসেছি খুঁজিতে যেই তপ্ত পদ-রেখা,  
 এইখানে আছে তব ইতিহাস লেখা । ]

জানিনাক' আজ তুমি কোন লোকে রহি'  
 শুনিছ আমার গান হে কবি বিরহী ।  
 কোথা কোন্ জিজ্ঞাসার অসীম সাহারা,  
 প্রতীক্ষার চির-রাত্রি, চন্দ্র, সূর্য, তারা,  
 পারায়ে চলেছ একা অসীম বিরহে ?  
 তব পথ-সাথী যারা—পিছু ডাকি' কহে,  
 'ওগো বন্ধু শেফালির, শিশিরের প্রিয় !  
 তব যাত্রা-পথে আজ নিও বন্ধু নিও

আমাদের অশ্রু-আর্দ্র এ স্মরণখানি !  
 শুনিতে পাও কি তুমি, এ-পারের বাণী ?  
 কানাকানি হয় কথা এ-পারে ও-পারে ?  
 এ কাহার শব্দ শুনি মনের বেতারে ?  
 কত দূরে আছ তুমি কোথা কোন্ বেষে ?  
 লোকান্তরে, না সে এই হৃদয়েরি দেশে  
 পারায়ে নয়ন-সীমা বাঁধিয়াছ বাসা ?  
 হৃদয়ে বসিয়া শোন হৃদয়ের ভাষা ?...  
 হারায়নি এত সূর্য, এত চন্দ্র তারা,  
 যেথা হোক আছ বন্ধু, হৃদয়িক হারা !...

[সেই পথ, সেই পথ-চলা গাঢ় স্মৃতি,  
 সব আছে । নাই শুধু সেই নিতি নিতি  
 নব নব ভালোবাসা প্রতি দরশনে,  
 আরো প্রিয় ক'রে পাওয়া চির-প্রিয়জনে—  
 আদি নাই, অন্ত নাই, ক্রান্তি তৃপ্তি নাই—  
 যত পাই তত চাই—আরো আরো চাই,—  
 সেই নেশা, সেই মধু নাড়ী-ছেঁড়া টান,  
 সেই কল্ললোকে নব নব অভিযান,—  
 সব নিয়ে গেছ বন্ধু ! সে কল-কল্লোল,  
 সে হাসি-হিল্লোল নাই চিত উত্তরোল !  
 আজ সেই প্রাণ-ঠাসা একমুঠো ঘরে  
 শূন্যের শূন্যতা রাজে, বুক নাহি ভরে ! ..  
 হে নবীন, অফুরন্ত তব প্রাণ-ধারা  
 হয়ত এ মরু-পথে হয়নিক' হারা,]

হয়তো আবার তুমি নব পরিচয়ে  
 দেবে ধরা ; হবে ধন্য তব দান ল'য়ে

কথা-সরস্বতী ! তাহা ল'য়ে ব্যথা নয়,  
কত বাণী এল, গেল, কত হ'ল লয়,  
আবার আসিবে কত ; শুধু মনে হয়  
তোমারে আমরা চাই, রক্তমাংসময় !  
আপনারে ক্ষয় করি' যে অক্ষয় বাণী  
আনিলে আনন্দ-বীর, নিজে বীণাপাণি  
পাতি' কর লবে তাহা, তবু যেন হায়,  
হৃদয়ের কোথা কোন্ ব্যথা থেকে যায়  
কোথা যেন শূন্যতার নিঃশব্দ ক্রন্দন  
গুমরি' গুমরি' ফেরে হু-হু করে মন !

বাণী তব—তব দান—সে তো সকলের,  
ব্যথা সেথা নয় বন্ধু ! যে-ক্ষতি একের  
সেথায় সাম্বনা কোথা ? সেথা শান্তি নাই,  
মোরা হারায়েছি,—বন্ধু, সখা, প্রিয়, ভাই ।...

কবির আনন্দ-লোকে নাই দুঃখ শোক,  
সে-লোকে বিরহে যারা তারা সুখী হোক !  
তুমি শিল্পী তুমি কবি দেখিয়াছে তারা,  
তারা পান করে নাই তব প্রাণ-ধারা !

‘পথিকে’ দেখেছে তারা, দেখেনি ‘গোকুলে’,  
‘ভূবেনিক’—সুখী তারা—আজো তারা কূলে !  
আজো মোরা প্রাণাচ্ছন্ন, আমরা জানি না  
গোকুল সে শিল্পী গল্পী কবি ছিল কিনা ।

আত্মীয়ে স্মরিয়া কাঁদি, কাঁদি প্রিয় তরে  
গোকুলে পড়িছে মনে—তাই অশ্রু ঝরে !

না ফুরাতে আশা ভাষা, না মিটিতে ক্ষুধা,  
না ফুরাতে ধরণীর মৃৎ-পাত্র-সুধা,  
না পুরিতে জীবনের সকল আশ্বাদ—  
মধ্যাহ্নে আসিল দূত ! যত তৃষ্ণা সাধ  
কাঁদিল আঁকড়ি' ধরা, যেতে নাহি চায় !  
ছেড়ে যেতে যেন সব স্নায়ু ছিঁড়ে যায় !  
ধরার নাড়ীতে পড়ে টান ! তরু লতা  
জল বায়ু মাটি সব কয় যেন কথা !  
যেয়োনাক' যেয়োনাক' যেন সবে বলে—  
তাই এত আকর্ষণ এই জলে স্থলে  
অমুভব করেছিলে প্রকৃতি-ছলনাল !  
ছেড়ে যেতে ছিঁড়ে গেল বক্ষ, লালে লাল  
হ'ল ছিন্ন প্রাণ ! বন্ধু, সেই রক্ত-ব্যথা  
রয়ে গেল আমাদের বুকে চেপে হেথা !

হে তরুণ, হে অরুণ, হে শিল্পী সুন্দর,  
মধ্যাহ্নে আসিয়াছিলে সুমেরু-শিখর  
কৈলাসের কাছাকাছি দারুণ তৃষ্ণায়,  
পেলে দেখা সুন্দরের, স্বরগ-গঙ্গায়  
হয়তো মিটেছে তৃষ্ণা, হয়তো আবার  
ক্ষুধাতুর !—শ্রোতে ভেসে এসেছ এ-পার  
অথবা হয়তো আজ হে ব্যথা-সাধক,  
অশ্রু-সরস্বতী কর্ণে তুমি কুরুবক !

হে পথিক-বন্ধু মোর, হে প্রিয় আমার,  
যেখানে যে-লোকে থাক' করিও স্বীকার  
অশ্রু-রেবা-কূলে মোর স্মৃতি তর্পণ,  
তোমাতে অঞ্জলি করি করিছু অর্পণ ।

\*

\*

\*

সুন্দরের তপস্কার ধ্যানে আত্মহার  
দারদ্র্যের দর্প তেজ নিয়া এল যারা,  
যারা চির-সর্বহার্য করি' আত্মদান,  
যাহারা সৃজন করে, করে না নির্মাণ,  
সেই বাণীপুত্রদের আড়ম্বরহীন  
এ সহজ আয়োজন, এ-স্মরণ-দিন  
স্বীকার করিও কবি, যেমন স্বীকার  
ক'রেছিলে তাহাদের জীবনে তোমার !

নহে এরা অভিনেতা, দেশ-নেতা নহে,  
এদের সৃজন-কুঞ্জ অভাবে, বিরহে,  
ইহাদের বিত্ত নাই, পুঁজি চিত্তদল ;  
নাই বড় আয়োজন, নাই কোলাহল ;  
আছে অশ্রু, আছে প্রীতি, আছে বক্ষ-ক্ষত,  
তাই নিয়ে সুখী হও বন্ধু স্বর্গগত ।  
গড়ে যারা, যারা করে প্রাসাদ নির্মাণ  
শিরোপা তাদের তরে, তাদের সম্মান ।

ছ'দিনে ওদের গড়া প'ড়ে ভেঙে যায়  
কিন্তু অষ্টা সম যারা গোপনে কোথায়

সৃজন করিছে জাতি, সৃজিছে মানুষ  
 অচেনা রহিল তারা । কথার ফাল্গুন  
 ফাঁপাইয়া যারা যত করে বাহাদুরী,  
 তারা তত পাবে মালা যশের কস্তুরী...  
 ‘আজ’টাই সত্য নয়, ক’টা দিন তাহা ?  
 ইতিহাস আছে, আছে ভবিষ্যৎ যাহা  
 অনন্ত কালের তরে রচে সিংহাসন,  
 সেখানে বসাবে তোমা বিশ্বজনগণ ।  
 আজ তাহা নয় বন্ধু, হবে সে তখন,—  
 পূজা নয়—আজ শুধু করিহু স্মরণ ।

[ সর্বহারী ]

## সব্যসাচী

ওরে ভয় নাই আর ছলিয়া উঠেছে হিমালয়-চাপা প্রাচী !

• গৌরীশিখরে তুহন ভেদিয়া জাগিছে সব্যসাচী !

দ্বাপব যুগের মৃত্যু ঠেলিয়া

জাগে মহাযোগী নয়ন মেলিয়া,

মহাভারতের মহাবীর জাগে, বলে ‘আমি আসিয়াছি !’

নব-যৌবন-জলতরঙ্গে নাচে রে প্রাচীন প্রাচী !

বিরাট কালের অজ্ঞাতবাস ভেদিয়া পার্থ জাগে,

গাণ্ডীব ধনু রাঙিয়া উঠিল লক্ষ লাক্ষারাগে !

বাজিছে বিষাণ পাঞ্চজন্ম,

সাথে রথাস্ব, হাঁকিছে সৈন্য,

ঝড়ের ফুঁ দিয়া নাচে অরণ্য, রসাতলে দোলা লাগে,

দোলায় বসিয়া হাসিছে জীবন মৃত্যুর অনুরাগে !

যুগে যুগে ম’রে বাঁচে পুনঃ পাপ ছর্মতি কুরুসেনা,

দুর্যোধনের পদলেহী ওরা, দুঃশাসনের কেনা !

লঙ্কাকাণ্ডে কুরুক্ষেত্রে,

লোভ-দানবের ক্ষুধিত নেত্রে,

কঁাসির মঞ্চে কারার বেত্রে ইহারা যে চির-চেনা !

ভাবিয়াছ, কেহ শুধিবে না এই উৎপীড়নের দেনা ?

কালের চক্র বক্রগতিতে ঘুরিতেছে অবিরত,  
 আজ দেখি যারা কালের শীর্ষে, কাল তারা পদানত ?  
 আজি সম্রাট্ কালি সে বন্দী,  
 কুটীরে রাজার প্রতিদ্বন্দ্বী !  
 কংস-কাণায় কংস-হস্তা জন্মিছে অনাগত,  
 তারি বুক ফেটে আসে নৃসিংহ যারে করে পদানত !

আজ যার শিরে হানিছে পাছুকা কাল তারে বলে পিতা,  
 চির-বন্দিনী হ'তেছে সহসা দেশ-দেশ নন্দিতা ।  
 দিকে দিকে ঐ বাজিছে ডঙ্কা,  
 জাগে শঙ্কর বিগত-শঙ্কা !  
 লঙ্কা-সায়রে কঁাদে বন্দিনী ভারত-লক্ষ্মী সীতা,  
 জ্বলিবে তাঁহাবি আঁখির স্মৃখে কাল রাবণের চিতা ।

যুগে যুগে সে যে নব নব রূপে আসে মহাসেনাপতি,  
 যুগে যুগে হ'ন শ্রীভগবান্ যে তাঁহারই রথ-সারথি ।  
 যুগে যুগে আসে গীতা-উদগাতা  
 শ্রায়-পাণ্ডব-সৈন্যের ত্রাতা ।

অশিব-দক্ষযজ্ঞে যখনই মরে স্বাধীনতা-সতী,  
 শিবের খড়্গে তখনই মুণ্ড হারায়েছে প্রজাপতি !

নবীন মস্ত্রে দানিতে দীক্ষা আসিতেছে ফাল্গুনী,  
 জাগো বে জোয়ান ! ঘুমায়ে না ভুয়ো শাস্তির বাণী শুনি'—  
 অনেক দধীচি হাড় দিল ভাই,  
 দানব দৈত্য তবু মরে নাই,  
 সূতা দিয়ে মোবা স্বাধীনতা চাই, ব'সে ব'সে কাল গুণি !  
 জাগো রে জোয়ান ! বাত ধ'রে গেল মিথ্যার তাঁত বুনি ।



দক্ষিণ করে ছিঁড়িয়া শিকল, বাম করে বাণ হানি’

এ-নিরস্ত্র বন্দীর দেশে হে যুগ-শত্রুপাণি !

পূজা ক’রে শুধু পেয়েছি কদলী,

এইবার তুমি এস মহাবলী ।

রথের স্রুক্ষে বসায়ো চক্রী চক্রধারীরে টানি’,

আর সত্য সেবিয়া দেখিতে পারি না সত্যের প্রাণহানি ;

মশা মেনে ঐ গরজে কামান—‘বিপ্লব মারিয়াছি ।

আমাদের ডান হাতে হাতকড়া, বাম হাতে মারি মাছি ।’

মেনে শত বাধা টিকটিকি হাঁচি,

টিকি দাড়ি নিয়ে আজো বেঁচে আছি !

বাঁচিতে বাঁচিতে প্রায় মরিয়াছি, এবার সব্যসাচী,

যা হোক একটা দাও কিছু হাতে, একবার ম’রে বাঁচি !

[ ফণি মনসা

## দ্বীপান্তরের বন্দিনী

আসে নাই ফিরে ভারত-ভারতী  
মা'র কতদিন দ্বীপান্তর  
পুণ্য বেদীর শূন্যে ধ্বনিল  
ক্রন্দন—‘দেড় শত বছর ।’

সপ্ত সিঙ্কু তের নদী পার  
দ্বীপান্তরের আন্দামান,  
রূপের কমল রূপার কাঠির  
কঠিন স্পর্শে যেখানে ল্লান,  
শতদল যেথা শতধা ভিন্ন  
শস্ত্র-পাণির অস্ত্র-ঘায়,  
যন্ত্রী যেখানে সান্ত্রী বসায়  
বীণার তন্ত্রী কাটিছে হায়,  
সেখান হ'তে কি বেতার-সেতারে  
এসেছে মুক্ত-বন্ধ সুর ?  
মুক্ত কি আজ বন্দিনী বাণী ?  
ধ্বংস হ'ল কি রক্ষ-পুর ?  
যক্ষপুত্রীর রৌপ্য-পঙ্কে  
ফুটিল কি তবে রূপ-কমল ?  
কামান গোলাব সীসা-ভূপে কি  
উঠেছে বাণীর শিশ-মহল ?

শান্তি শুচিত্তে শুভ্র হ'ল কি  
 রক্ত সোঁদাল খুন-খারাব ?  
 তবে এ কিসের আর্ত আরতি,  
 কিসের তরে এ শঙ্খারাব ?

সাত সমুদ্র তের নদী পার  
 দ্বীপাস্তরের আন্দামান,  
 বাণী যেথা ঘানি টানে নিশিদিন,  
 বন্দী সত্য ভানিছে ধান,  
 জীবন-চুয়ানো সেই ঘানি হ'তে  
 আরতিও তেল এনেছ কি ?  
 হোমানল হ'তে বাণীর রক্ষী  
 বীর ছেলেদেও চবি ঘি ?  
 হায় শৌখিন পূজারী, বুথাই  
 দেবীর শাঙ্খ দিতেছ ফুঁ,  
 পুণ্য বেদীর শূন্য ভেদিয়া  
 ক্রন্দন উঠিতেছে শুধু।

পূজাবী, কাহারে দাও অঞ্জলি ?  
 মুক্ত ভারতী ভারতে কই ?  
 আইন যেখানে ন্যায়ের শাসক,  
 সত্য বলিলে বন্দী হই,  
 অত্যাচারিত হইয়া যেখানে  
 বলিতে পারি না অত্যাচার,  
 যথা বন্দিনী সীতা-সম বাণী  
 সহিছে বিচার-চেড়ীর মার

বাণীর মুক্ত শতদল যথা  
 আখ্যা লভিল বিদ্রোহী,  
 পূজারী, সেখানে এসেছ কি তুমি  
 বাণী-পূজা-উপচার বহি' ?  
 সিংহেরে ভয়ে রাখে পিঞ্জরে,  
 ব্যাঘ্রেরে হানে অগ্নি-শেল,  
 কে জানিত কালে বীণা খাবে গুলি,  
 বাণীর কমল খাটিবে জেল !  
 তবে কি বিধির বেতার-মন্ত্র  
 বেজেছে বাণীর সেতারে আজ,  
 পদ্মে রেখেছ চরণ-পদ্ম  
 যুগান্তরের ধর্মরাজ ?  
 তবে তাই হোক । ঢাক' অঞ্জলি,  
 বাজাও পাঞ্চজন্য শাঁখ !  
 দ্বীপান্তরের ঘানিতে লেগেছে  
 যুগান্তরের ঘূর্ণপাক !

[ ফণি-মনসা ]

## সত্য-কবি

অসত্য যত রহিল পড়িয়া, সত্য সে গেল চ'লে  
বীরের মতন মরণ-কারারে চরণের তলে দ'লে ।  
যে-ভোরের তারা অরুণ-রবির উদয়-তোরণ-দোরে  
ঘোষিল বিজয়-কিরণ-শঙ্খ-আরাব প্রথম ভোরে,  
রবির ললাট চুম্বিল যার প্রথম রশ্মি-টীকা,  
বাদলের বায়ে নিভে গেল হায় দীপ্ত তাহারি শিখা !  
মধ্য গগনে স্তব্ধ নিশীথ, বিশ্ব চেতন- হারা,  
নিবিড় তিমির, আকাশ ভাঙিয়া ঝাঁপছে আকুল ধারা  
এহ শশী তারা কেউ জেগে নাই, নিভে গেছে সব বাতি,  
ঠাক দিয়া ফেরে ঝড়-তুফানের উত্তরোল মাতামাতি ।

হেন হৃদিনে বেদনা-শিখার বিজলী-প্রদীপ জ্বলে  
কাহারে খুঁজিতে কে তুমি নিশীথ-গগন-আজ্ঞে এলে ?  
বারে বারে তব দীপ নিভে যায়, জ্বালো তুমি বারে বারে,  
কাদন তোমার সে যেন বিশ্বপিতারে চাবুক মারে !  
কি ধন খুঁজিছ ? কে তুমি সুনীল মেঘ-অবগুপ্তিতা ?  
তুমি কি গো সেই সবুজ শিখার কবির দীপান্বিতা ?  
কি নেবে গো আর ? ঐ নিয়ে যাও চিতার ছ'-মুঠো ছাই !  
ডাক দিয়োনাক', শূন্য এ ঘর, নাই গো সে আর নাই !  
ডাক দিয়োনাক', মূচ্ছিতা মাতা ধূলায় পড়িয়া আছে,  
কাদি' ঘুমায়েছে কান্তা কবির, জাগিয়া উঠিবে পাছে !  
ডাক দিয়োনাক', শূন্য এ ঘর, নাই গো সে আর নাই,  
গঙ্গা-সলিলে ভাসিয়া গিয়াছে তাহার চিতার ছাই !

আসিলে তড়িৎ-তাজ্জামে কে গো নভোতলে তুমি সতী ?  
 সত্য-কবির সত্য জননী ছন্দ সরস্বতী ?  
 ঝলসিয়া গেছে ছ'-চোখ না তার তোরে নিশিদিন ডাকি',  
 বিদায়ের দিনে কঠের তার গানটি গিয়াছে রাখি'  
 সাত কোটি এই ভগ্ন কঠে ; অবশেষে অভিমানী  
 ভর-ছপুৱেই খেলা ফেলে গেল কাঁদায়ে নিখিল প্রাণী।  
 ডাকিছ কাহারে আকাশ-পানে ও ব্যাকুল ছ'-হাত তুলে ?  
 কোল মিলেছে মা শ্মশান-চিতায় ঐ ভাগীরথী-কূলে !

ভোরের তারা এ ভাবিয়া পথিক শুধায় সাঁঝের তারায়,  
 কাল যে আছিল মধ্য গগনে আজি সে কোথায় হারায় ?  
 সাঁঝের তারা সে দিগন্তের কোলে স্নান চোখে চায়.  
 অস্ত-তোরণ-পার সে দেখায় কিরণের ইশারায়।  
 মেঘ-তাজ্জাম চলে কার আর যায় কেঁদে যায় দেয়া,  
 পরপার-পারাপারে বাঁধা কার কেতকী পাতার খেয়া ?  
 হুতাশিয়া ফেরে পূর্ববীর বায়ু হরিৎ-হরির দেশে  
 জর্দা-পরীর কনক-কেশর কদম্ব-বন-শেবে !  
 প্রলাপ প্রলাপ প্রলাপ কবি সে আসিবে না আর ফিরে,  
 ক্রন্দন শুধু কাঁদিয়া ফিরিবে গঙ্গার তীরে তীরে !

'তুলির লিখন' লেখা যে এখনো অরুণ-রক্ত রাগে,  
 ফুল্ল হাসিছে 'ফুলের ফসল' শ্যামার সব্জি-বাগে,  
 আজিও 'তীর্থরেণু ও সলিলে' 'মণি-মঞ্জুষা' ভরা,  
 'বেণু-বীণা' আর 'কুহ-কেকা'-রবে আজো শিহরায় ধরা,  
 জ্বলিয়া উঠিল 'অব্র-আবির' ফাগুয়ায় 'হোমশিখা',—  
 বহ্নি-বাসরে টিটকারি দিয়ে হাসিল 'হসন্তিকা',—

এত সব যার প্রাণ-উৎসব সেই আজ শুধু নাই,  
সত্য-প্রাণ সে বহিল অমর, মায়া যাহা হ'ল ছাই !  
ভুল যাহা ছিল ভেঙে গেল মহাশূন্যে মিলালো কাঁকা,  
স্বজন-দিনের সত্য যে, সে-ই বয়ে গেল চির-আঁকা ।

উন্নতশিব কালজয়ী মহাকাল হ'য়ে জোড়পাণি  
স্বক্কে বিজয়-পতাকা তাহাবি ফিববে আদেশ মানি ।  
আপনাবে সে যে ব্যাপিয়া বেখেছে আপন সৃষ্টি-মাঝে,  
খেয়ালী বিধির ডাক এল তাই চ'লে গেল আন-কাজে ।  
ওগো যুগে-যুগে কবি, ও-মরণে মবেনি তোমাব প্রাণ,  
কবির কণ্ঠে প্রকাশ সত্য-সুন্দর ভগবান ।  
ধবায় যে-বাণী ধবা নাহি দিল, যে-গান বহিল বাকী  
আবাব আসিবে পূর্ণ করিতে, সত্য সে নহে কাঁকি !  
সব বুঝি ওগো, হাবা-ভাতু মোবা তবু ভাবি শুধু ভাবি,  
হয়তো যা গেল চিবকাল তরে হাবান্ন তাহাব দাবি । '

তাই ভাবি, আজ যে-শ্যামার শিশ খঞ্জন-নর্তন  
থেমে গেল, তাহা মাতাইবে পুনঃ কোন্ নন্দন-বন !  
চোখে জল আসে, হে কবি-পাবক, হেন অসময়ে গেলে  
যখন এ-দেশে তোমাবি মতন দবকাব শত ছেলে ।  
আষাঢ়-ববিব তেজোপ্রদীপ্ত তুমি ধূমকেতু জ্বালা,  
শিবে মনি-হার, কণ্ঠে ত্রিশিরা ফণি-মনস্কুব মালা,  
তড়িৎ-চাবুক করে ধরি' তুমি আসিলে হে নিভাঁক,  
মরণ-শয়নে চমকি' চাহিল বাঙালী নিনিমিত্ত ।  
বাঁশীতে তোমার বিষণ-মন্দ্র রণরনি' ওঠে, জয়  
মানুষের জয়, বিশ্বে দেবতা দৈত্য সে বড় নয়

'করোনি বরণ দাসত্ব তুমি আত্ম-অসম্মান,  
 নোয়াওনি মাথা, চির জাগ্রত ধ্রুব তব ভগবান, '  
 সত্য তোমার পর-পদানত হয়নিক' কভু, তাই  
 বলদর্পীর দণ্ড তোমায় স্পর্শিতে পারে নাই !  
 যশ-লোভী এই অন্ধ ভণ্ড সজ্ঞান ভীক-দলে  
 তুমিই একাকী রণ-তুন্ডুভি বাজালে গভীর রোলে ।  
 মেকীর বাজারে আমরণ তুমি র'য়ে গেলে কবি খাঁটি,  
 মাটির এ-দেহ মাটি হ'ল, তব সত্য হ'ল না মাটি ।  
 আঘাত না খেলে জাগে না যে-দেশ, ছিলে সে-দেশের চালক,  
 বাণীর আসরে তুমি একা ছিলে তূর্য বাদক বালক ।

কে দিবে আঘাত ? কে জাগাবে দেশ ? কই সে সত্যপ্রাপ ?  
 আপনারে হেলা করি' করি মোরা ভগবানে অপমান ।  
 বাঁশী ও বিষণ নিয়ে গেছ, আছে ছেঁড়া ঢোল ভাঙা কঁাসি,  
 লোক-দেখানো এ আঁখির সলিলে লুকানো রয়েছে হাসি ।  
 যশের মানের ছিলে না কাঙাল, শেখোনি খাতির-দারী,  
 উচ্চকে তুমি তুচ্ছ করোনি, হওনি রাজার দারী ।  
 অত্যাচারকে বলনিক' দয়া, ব'লেছ অত্যাচার,  
 গড় করোনিক' নিগড়ের পায়, ভয়েতে মানোনি হার ।  
 অচল অটল অগ্নিগর্ভ আগ্নেয়গিরি তুমি  
 উরিয়া ধন্য ক'রেছিলে এই ভীকুর জন্মভূমি । '  
 হে মহা-মৌনী, মরণেও তুমি মৌন মাধুরী পিয়া  
 নিয়েছ বিদায়, যাওনি মোদের ছল-করা গীতি নিয়া !  
 তোমার প্রয়াণে উঠিল না কবি দেশে কল-কল্লোল,  
 সুন্দর ! শুধু জুড়িয়া বসিলে মাতা সারদার কোল ।



স্বর্গে বাদল মাদল বাজিল, বিজলী উঠিল মাতি',  
 দেব-কুমারীরা হানিল দৃষ্টি-প্রস্থান সারাটি রাতি ।  
 কেহ নাহি জাগি', অর্গল-দেওয়া সকল কুটীর দ্বারে  
 পুত্রহারার ক্রন্দন শুধু খুঁজিয়া ফিরিছে কারে !

নিশীথ-শ্মশানে অভাগিনী এক শ্বেত-বাস পরিহিতা,  
 ভাবিছে তাহারি সিঁদুর মুছিয়া কে জ্বালালো ঐ চিতা !  
 ভগবান ! তুমি চাহিতে পার কি ঐ দু'টি নারী পানে ?  
 জানি না, তোমায় বাঁচাবে কে যদি ওরা অভিশাপ হানে !

[ কবি-মনঃকণ্ঠ ]

## সত্যেন্দ্র-প্রয়াণ-গীতি

চল-চঞ্চল বাণীর ছলল এসেছিল পথ ভুলে,  
ওগো এই গঙ্গার কূলে ।  
দিশাহারা মাতা দিশা পেয়ে তাই নিয়ে গেছে কোলে তুলে  
ওগো এই গঙ্গার কূলে ॥  
চপল চারণ বেণু-বীণে তা'র  
সুর বেঁধে শুধু দিল ঝঙ্কার,  
শেষ গান গাওয়া হ'লনাক' আর,  
উঠিল চিত্ত তুলে,  
তারি ডাক-নাম ধ'রে ডাকিল কে যেন অস্ত-ভোরণ-মূলে,  
ওগো এই গঙ্গার কূলে ॥

ওরে এ ঝোড়ো হাওয়ায় কারে ডেকে যায় এ কোন্ সর্বনাশী.  
বিষাণ কবির গুমরি' উঠিল, বেসুরো বাজিল বাঁশী ।  
আঁখির সলিলে ঝলসানো আঁখি  
কূলে কূলে ত'রে উঠে থাকি' থাকি,'  
মনে পড়ে কবে আহত এ-পাখী  
মৃত্যু-আফিম-ফুলে,  
কোন ঝড়-বাদলের এমনি নিশীথে প'ড়েছিল ঘুমে ঢুলে ।  
ওগো এই গঙ্গার কূলে ॥

তার ঘরের বাঁধন সহিল না সে যে চির-বন্ধন-হারা,  
তাই ছন্দ-পাগলে কোলে নিয়ে দোলে জননী মুক্তধারা ।

ও সে আলো দিয়ে গেল আপনারে দহি',  
 অমৃত বিলালো বিষ-জ্বালা সহি',  
 শেষে শাস্তি মাগিল ব্যথা-বিদ্রোহী  
 চিতার অগ্নি-শূলে !  
 পুনঃ নব-বীণা-করে আসিবে বলিয়া এই শ্যাম তরুণ্মলে  
 ওগো এই গঙ্গার কূলে ॥

[ ফণি-মনসা ]

## অন্তর-ন্যাশ-শ্যাল-সঙ্গীত

জাগো—

জাগো অনশন-বন্দী, ওঠ রে যত

জগতের লাক্ষিত ভাগ্যহত !

যত অত্যাচারে আজি বজ্র হানি’

হাঁকে নিপীড়িত-জন-মন-মথিত বাণী,

নব জনম লভি’ অভিনব ধরনী

ওরে ওই আগত ॥

আদি শৃঙ্খল সনাতন শাস্ত্র-আচার

মূল সর্বনাশের, এরে ভাঙিব এবার !

ভেদি’ দৈত্য-কারা

আয় সর্বহারা !

কেহ রহিবে না আর পর-পদ-আনত ॥

কোরাস্ :

নব ভিত্তি ’পরে

নব নবীন জগৎ হবে উথিত রে !

শোন্ অত্যাচারী ! শোন্ রে সঙ্কয়ী !

ছিনু সর্বহারা, হব’ সর্বজয়ী !

এই সংগ্রাম-মাঝ,

ওবে সর্বশেষের এই সংগ্রাম-মাঝ,

নিজ নিজ অধিকার জুড়ে দাঁড়া সবে আজ

এই ‘অন্তর-ন্যাশ-শ্যাল-সংহতি’ রে

হবে নিখিল-মানব-জাতি সমুদ্বত ॥

## পথের দিশা

চারিদিকে এই গুপ্তা এবং বদ্মায়েশির আখড়া দিয়ে  
রে অগ্রদূত, চ'লতে কি তুই পারবি আপন প্রাণ বাঁচিয়ে ?  
পারবি যেতে ভেদ ক'বে এই চক্র-পথের চক্রব্যূহ ?  
উঠবি কি তুই পাষাণ ফুঁড়ে বনস্পতি মহীরুহ ?  
আজকে প্রাণের গো-ভাগাড়ে উড়ছে শুধু চল-শকুনি,  
এর মাঝে তুই আলোক-শিশু কোন্ অভিযান ক'ববি, শুনি  
ছুড়ছে পাথর, ছিটায় কাদা, কদম্বের এই হোরো-খেলায়  
শুভ্র মুখে মাখিয়ে কালি ভোজপুবীদের হট্ট-মেনায়  
বাঙলা দেশও মাতুল কি বে ? তপস্যা তার ভুল্লো অরণ ?  
তাড়িখানার চীৎকারে কি নামূল ধূলায় ইন্দ্র বরণ ?  
ব্যগ্র-পরান অগ্রপথিক, কোন্ বাণী তোর শুনাতে সাধ ?  
মস্ত্র কি তোর শুন্তে দেবে মিন্দাবাদীর ঢকা-মিনাদ ?

নর-নারী আজ কণ্ঠ ফেড়ে কুৎসা-গানের কোবাস্ ধরে  
ভাবছে তাবা স্ত্রদেরই জয়ধ্বনি ক'রছে জোরে ?  
এর মাঝে কি খবর পেলি নব-সিপ্লব-ঘোড়সওয়ারী  
আসছে কেহ ? টুটল তিমির, খুল্ল ছয়ার পূব-ছয়ারী ?  
ভগবান আজ ভূত হ'ল যে প'ড়ে দশ চক্র ফেরে,  
যবন এবং কাফের মিলে হায় বেচারায় ফির্দে তেড়ে !  
বাঁচাতে তায় আসছে কি রে নতুন যুগের মানুষ কেত ?  
ধূলায় মলিন, রিক্তাভরণ, সিক্ত ঝাঁখি, রক্ত দেহ ?

মস্জিদ আর মন্দির ঐ শয়তানদের মন্ত্রণাগার,  
 রে অগ্রদূত, ভাঙতে এবার আসছে কি জাঠ কালাপাহাড় ?  
 জানিস যদি, খবর শোনা বন্ধ খাঁচার ঘেরাটোপে,  
 উড়ছে আজো ধর্ম-ধ্বজা টিকির গিঁঠে দাড়ির ঝোপে !

নিন্দাবাদেব বৃন্দাবনে ভেবেছিলাম গাইব না গান,  
 থাকতে নারি দেখে শুনে সুন্দরের এই হীন অপমান ।  
 ক্রুদ্ধ রোষে রুদ্ধ ব্যথায় ফোঁপায় প্রাণে ক্ষুব্ধ বাণী,  
 মাতালদের ঐ ভাঁটিশালায় নটিনী আজ বৌণাপাণি ।  
 জাতির পরান-সিন্ধু মথি' স্বার্থ-লোভী পিশাচ যারা  
 সুধার পাত্র লক্ষ্মীলাভের ক'রতেছে ভাগ বাঁটোয়ারা,  
 বিষ যখন আজ উঠল শেষে তখন কারুর পাইনে দিশা,  
 বিষের জ্বালায় বিশ্ব পুড়ে, স্বর্গে তাঁরা মেটান তৃষা !  
 শ্মশান-শবের ছাইয়ের গাদায় আজকে রে তাই বেড়াই খুঁজে,  
 ভাঙন-দেব আজ ভাঙের নেশায় কোথায় আছে চক্ষু বঁুজে !  
 রে অগ্রদূত, তরুণ মনের গহন বনের রে সন্ধানী,  
 আনিস খবর, কোথায় আমার যুগান্তরের খড়্গপাণি !

## হিন্দু-মুসলিম যুদ্ধ

মাতৈঃ ! মাতৈঃ এতদিনে বুঝি জাগিল ভারতে প্রাণ,  
সজীব হইয়া উঠিয়াছে আজ শ্মশান গোরস্থান !

ছিল যারা চির-মরণ-আহত.

উঠিয়াছে জাগি' ব্যথা-জাগ্রত,  
খালেদা আবার ধরিয়াছে অসি, অর্জুন ছোড়ে বাণ ।  
জেগেছে ভারত, ধরিয়াছে লাঠি হিন্দু-মুসলমান ।

মরিছে হিন্দু, মরে মুসলিম এ উহার ঘায়ে আজ,  
বেঁচে আছে যারা মরিতেছে তারা, এ-মরণে নাহি লাজ ।

জেগেছে শক্তি তাই হানাহানি,

অস্ত্রে অস্ত্রে নব জানাজানি !

আজি পরীক্ষা - কাহার দস্ত্ হয়েছে কত দারাজ !

কে মবিলে কাল সম্মুখ-রণে, মরিতে কা'রা নারাজ ।

মূচ্ছাতুরের কণ্ঠে শুনে যা জীবনের কোলাহল,  
উঠিবে অমৃত, দেরি নাই আর, উঠিয়াছে হলাহল ।

থামিস্নে তোরা, চালা মস্থন !

উঠেছে কাফের, উঠেছে যবন ;

উঠিবে এবার সত্য হিন্দু-মুসলিম মহাবল ।

জেগেছিস তোরা, জেগেছে বিধাতা, ন'ড়েছে খোদার কল

আজি ওস্তাদে শাগ্‌রেদে যেন শক্তির পরিচয় ।  
 মেরে মেরে কাল করিতেছে ভীৰু ভারতেরে নির্ভয় ।  
 হেরিতেছে কাল,—কব্‌জি কি মুঠি  
 ঈষৎ আঘাতে পড়ে কি-না টুটি'  
 মারিতে মারিতে কে হ'ল যোগ্য, কে করিবে রণ-জয়  
 এ 'মক্‌ ফাইটে' কোন্‌ সেনানীর বুদ্ধি হয়নি লয় ।

ক' ফৌঁটা রক্ত দেখিয়া কে বীর টানিতেছে লেপ-কাঁথা !  
 ফেলে রেখে অসি মাখিয়াছে মসি বকিছে প্রলাপ যা-তা !  
 হায়, এই সব দুর্বল-চেতা  
 হবে অনাগত বিপ্লব-নেতা !  
 ঝড় সাইক্লোনে কি করিবে এরা ! ঘূর্ণিতে ঘোরে মাথা ?  
 রক্ত-সিঁদু সঁাতারিবে কা'রা—করে পরীক্ষা খাতা ।

তোদেরি আঘাতে টুটেছে তোদের মন্দির মস্‌জিদ,  
 পরাধীনদের কলুষিত ক'রে উঠেছিল যার ভিত !  
 খোদা খোদ যেন করিতেছে লয়  
 পরাধীনদের উপাসনালয় !  
 স্বাধীন হাতের পুত মাটি দিয়া রচিবে বেদী শহীদ ।  
 টুটিয়াছে চূড়া ? ওরে ঐ সাথে টুটেছে তোদের নিদ !

কে কাহারে মারে, ঘোচেনি ধন্দ, টুটেনি অন্ধকার,  
 জানে না আঁধারে শত্রু ভাবিয়া আত্মীয়ে হানে মার



উদিকে অরুণ, সূচিবে ধন্দ,  
ফুটিবে দৃষ্টি, টুটিবে বন্ধ,  
হেরিবে মেরেছে আপনার ভায়ে বন্ধ করিয়া দ্বার  
ভারত-ভাগ্য ক'রেছে আহত ত্রিশূল ও তরবার !

যে লাঠিতে আজ টুটে গম্বুজ, পড়ে মন্দিরচূড়া,  
সেই লাঠি কালি প্রভাতে করিবে শত্রু-দুর্গ গুঁড়া !  
প্রভাতে হবে না ভায়ে-ভায়ে রণ,  
চিনিবে শত্রু, চিনিবে স্বজন ।  
করুক কলহ—জেগেছে তো তবু—বিজয়-কেতন উড়া !  
ল্যাজে তোর যদি লেগেছে আগুন, স্বর্ণলক্ষা পুড়া !

[ ফণি-মনসা ]

— প্রথম তরঙ্গ —

হে সিন্ধু, হে বন্ধু মোর, হে চির-বিরহী,

হে অতৃপ্ত ! রহি' রহি'

কোন্ বেদনায়

উদ্বেলিয়া ওঠ তুমি কানায় কানায় ?

কি কথা শুনাতে চাও, কারে কি কহিবে বন্ধু তুমি ?

প্রতীক্ষায় চেয়ে আছে উর্ধ্বে নীলা নিম্নে বেলা-ভূমি ?

কথা কও, হে দুঃস্থ, বল,

তব বৃকে কেন এত ঢেউ জাগে, এত কলকল ?

কিসে এ অজ্ঞান্ত গর্জন ?

দিবা নাই রাত্রি নাই, অনন্ত ক্রন্দন

থামিল না, বন্ধু, তব ।

কোথা তব ব্যথা বাজে ! মোরে কও, কাণে নাহি কব

কারে তুমি হারালে কখন ?

কোন্ মায়া-মণিকার হেরিছ স্বপন ?

কে সে বালা ? কোথা তার ঘর ?

কবে দেখেছিলে তারে ? কেন হ'ল পর

যারে এত বাসিয়াছ ভালো

কেন সে আসিল, এসে কেন সে লুকালো ?

অভিমান ক'রেছে সে ?

মানিনী ঝেঁপেছে মুখ নিশীথিনী-কেশে ?

ঘুমায়েছে একাকিনী জোছনা-বিছানে ?

চাঁদের চাঁদিনী বুঝি তাই এত টানে

তোমার সাগর-প্রাণে জাগায় জোয়ার ?

কী রহস্য আছে চাঁদে লুকানো তোমার ?

বলো, বন্ধু বলো,

ও কি গান ? ও কি কাঁদা ? এই মত্ত জল-ছলছল—

ও কি হৃৎকার ?

এ চাঁদ এই সে কি প্রেমসী তোমার ?

টানিয়া সে মেঘের আড়াল

সুদূরিকা সুদূরেই থাকে চিরকাল ?

চাঁদের কলঙ্ক এই, ও কি তব ক্ষুধাতুর চুষনের দাগ ?

দূরে থাকে কলঙ্কিনী, ও কি রাগ ? ও কি অনুরাগ ?

জান না কি, তাই

তরঙ্গে আছাড়ি' মর অাক্রোশে বৃথাই ?

মনে লাগে তুমি যেন অনন্ত পুরুষ

আপনার স্বপ্নে ছিলে আপনি বেহীশ !

অশান্ত ! প্রশান্ত ছিলে

এ-নিখিলে

জানিতে না আপনারে ছাড়া ।

তরঙ্গ ছিল না বুকে, তখনো দোলানী এসে দেয়ানিক' নাড়া !

বিপুল আরশি-সম ছিলে স্বচ্ছ, ছিলে স্থির,

তব মুখে মুখ রেখে ঘুমাইত তীর ।—

তপস্বী ! ধ্যানী !

তার পর চাঁদ এলো—কবে, নাই জানি

তুমি যেন উঠিলে শিহরি',

হে মৌনী, কহিলে কথা—“মরি মরি,

সুন্দর সুন্দর ?”

‘সুন্দর সুন্দর’ গাহি জাগিয়া উঠিল চরাচর !

সেই সে আদিম শব্দ, সেই আদি কথা,  
 সেই বুঝি নির্জনের সৃজনের ব্যথা,  
 সেই বুঝি বুঝিলে রাজন্  
 একা সে সুন্দর হয় হইলে ছ'-জন !...  
 কোথা সে উঠিল চাঁদ হৃদয়ে না নভে  
 সে-কথা জানে না কেউ, জানিবে না, চিরকাল নাহি-জানা র'বে !  
 এত দিনে ভার হ'ল আপনারে নিয়া একা থাকা,  
 কেন যেন মনে হয়—কাঁকা, সব ফাঁকা !  
 কে যেন চাহিছে মোরে, কে যেন কৌ নাই,  
 যারে পাই তাবে যেন আরো পেতে চাই !

জাগিল আনন্দ-ব্যথা, জাগিল জোয়ার,  
 লাগিল তবঙ্গ দোলা, ভাঙিল ছয়ার,  
 মারিয়া উঠিলে ভূমি !  
 কাঁপিয়া উঠিল কেদে নিদ্রাহুবা ভূমি !  
 বাতাসে উঠিল ব্যোপে তব হতাশাস,  
 জাগিল অনন্ত শূন্যে নীলিমা-উছাস ।  
 'স্বপ্নে বাহিরি' এল নব নব নক্ষত্রের দল,  
 রোমাঞ্চিত হ'ল ধরা,  
 বুক চিরে এল তার তৃণ-ফুল-ফল ।  
 এল আলো এল বায়ু এল তেজ প্রাণ,  
 জানা ও অজানা ব্যোপে ওঠে সে কি  
 অভিনব গান !  
 এ কি মাতামাতি ওগো এ কি উতরোল !  
 এত বুক ছিল হেথা, ছিল এত কোল !  
 শাখা ও শাখীতে যেন কত জানাশোনা,

হাওয়া এসে দোলা দেয়, সেও যেন ছিল জানা

কত সে আপনা !

জলে জলে ঢলাঢলি চলমান বেগে,

ফুলে হলে চুমোচুমি—চরাচরে বেলা ওঠে জেগে।

আনন্দ-বিহ্বল

সব আজ কথা কহে, গাহে গান, করে কোলাহল।

বন্ধু ওগো সিদ্ধুরাজ ! স্বপ্নে চাঁদ-মুখ  
হেরিয়া উঠিলে জাগি', ব্যথা ক'রে উঠিল ও-বুক।  
কী যেন সে ক্ষুধা জাগে, কী যেন সে পীড়া,  
গ'লে যায় সারা হিয়া, ছিঁড়ে যায় যত স্নায়ু শিরা !

নিয়া নেশা, নিয়া ব্যথা-মুখ

তুলিয়া উঠিলে সিদ্ধু উৎসুক উন্মুখ !

কোন প্রিয়-বিরহের সুগভীর ছায়া

তোমাতে পড়িল যেন, নীল হ'ল তব স্বচ্ছ কায়া !

সিদ্ধু, ওগো বন্ধু মোর !

গজিয়া উঠিলে ঘোর

আর্ত হৃৎকারে !

বারে বারে

বাসনা-তরঙ্গে তব পড়ে ছায়া তব প্রেয়সীর,  
ছায়া সে তরঙ্গে ভাঙে, হানে মায়া, উর্ধ্ব প্রিয়া স্থির !

ঘুচিল না অনন্ত আড়াল,

তুমি কাঁদ আমি কাঁদি কাঁদে সাথে কাল।

কাঁদে গ্রীষ্ম কাঁদে বর্ষা বসন্ত ও শীত,

নিশিদিন শুনি বন্ধু ঐ এক ক্রন্দনের গীত,

নিখিল বিরহী কাঁদে সিদ্ধু তব সাথে,

তুমি কাঁদ আমি কাঁদি কাঁদে প্রিয়া রাতে !

সেই অশ্রু—সেই লোনা জল  
 তব চক্ষে—হে বিরহী বন্ধু মোর—করে টলমল !  
 এক জ্বালা এক ব্যথা নিয়া  
 তুমি কাঁদ আমি কাঁদি কাঁদে মোর প্রিয়া ।

২০০ তরঙ্গ—

হে সিন্ধু, হে বন্ধু মোর  
 হে মোর বিদ্রোহী !  
 রহি' রহি'  
 কোন্ বেদনায়  
 তরঙ্গ-বিভঙ্গে মাতো উদাম লীলায় !  
 হে উন্মত্ত, কেন এ নর্তন ?  
 নিষ্ফল আক্রোশে কেন কর আফালন  
 বেলাভূমে পড়ো আছাড়িয়া !  
 সর্বগ্রামী ! গ্রাসিতেছ মৃত্যু-ক্ষুধা নিয়া  
 ধরণীরে তিলে-তিলে !  
 হে অস্থির ! স্থির নাহি হ'তে দিলে  
 পৃথিবীরে ! ওগো নৃত্য-ভোলা,  
 ধরারে দোলায় শূণ্যে তোমার হিন্দোলা !  
 হে চঞ্চল,  
 বারে বারে টানিতেছ দিগন্তিকা-বধূর অঞ্চল !  
 কৌতুকী গো ! তোমার এ-কৌতুকের অন্ত যেন নাই  
 কী যেন বৃথাই  
 খুঁজিতেছ কূলে কূলে  
 কার যেন পদরেখা !—কে নিশীথে এসেছিল ভুলে  
 তব তীরে, গর্বিতা সে নারী,

যত বারি আছে চোখে তব  
 সব দিলে পদে তার ঢালি',  
 সে শুধু হাসিল উপেক্ষায়।  
 তুমি গেলে করিতে চুম্বন, সে ফিরালো কঙ্কণের ঘায় !  
 —গেল চ'লে নারী।

সন্ধান করিয়া ফের, হে সন্ধানী, তারই  
 দিকে দিকে তরণীর ছরাশা লইয়া,  
 গর্জনে গর্জনে কাঁদ—“পিয়া, মোর পিয়া।

বলো বন্ধু, বুকে তব কেন এত বেগ, এত জ্বালা ?  
 কে দিল না প্রতিদান ? কে ছিঁড়িল মালা ?  
 কে সে গরবিনী বালা ? কার এত রূপ এত প্রাণ,  
 হে সাগর, করিল তোমার অপমান !  
 হে মজ্জু, কোন্ সে লায়লীর  
 প্রণয়ে উন্মাদ তুমি ?—বিরহ-অথির  
 করিয়াছ বিদ্রোহ ঘোষণা, সিন্ধুরাজ,  
 কোন্ রাজ-কুমারীর লাগি' ? কারে আজ  
 পরাজিত করি' রণে, তব প্রিয়া রাজ-ছহিতারে  
 আনিবে হরণ করি' ?—সারি সারি  
 দলে দলে চলে তব তরঙ্গের সেনা,  
 উষ্ণীষ তাদের শিরে শোভে শুভ্র ফেনা।  
 ঝটিকা-তোমার সেনাপতি  
 আদেশ হানিয়া চলে উর্ধ্বে অগ্রগতি।  
 উড়ে চলে মেঘের বেলুন,  
 'মাইন্' তোমার চোরা পর্বত নিপুণ।  
 হাজর কুস্তীর তিমি চলে 'সাব্-মেরিণ',  
 নৌ-সেনা চলিছে নীচে মীন

সিন্ধু-ঘোটকেতে চড়ি' চলিয়াছ বীর

উদ্ধাম অস্থির !

কখন আনিবে জয় করি'—কবে সে আসিবে তব প্রিয়া,

সেই আশা নিয়া

মুক্তা-বুকে মালা রচি নীচে !

তোমার হেরেম্-বাঁদী শত শুক্তি-বধু অপেক্ষিছে ।

প্রবাল গাঁথিছে রক্ত-হার—

হে সিন্ধু, হে বন্ধু মোর- তোমার প্রিয়ার !

বধু তব দীপাবিতা আসিবে কখন ?

রচিতেছে নব নব দ্বীপ তারি প্রমোদ-কানন ।

বক্ষে তব চলে সিন্ধু-পোত

ওরা যেন তব পোষা কপোতী-কপোত ।

নাচায়ে আদর কর পাখীরে তোমার

চেউ-এর দোলায়, ওগো কোমল ছুঁবার ।

উচ্ছ্বাসে তোমার জল উলসিয়া উঠে,

ও বুঝি চুখন তব তার চঞ্চুপুটে ?

আশা তব ওড়ে লুন্ধ সাগর-শকুন,

তটভূমি টেনে চলে তব আশা-তারকার গুণ ।

উড়ে যায় নাম-নাহি-জানা কত পাখী,

ও যেন স্বপন তব !—কী তুমি একাকী

ভাব কভু আনমনে যেন,

সহসা লুকাতে চাও আপনারে কেন !

ফিরে চলো ভাঁটি-টানে কোন্ অস্তুরালে,

যেন তুমি বেঁচে যাও নিজেরে লুকালে !—

শ্রান্ত মাঝি গাহে গান ভাটিয়ালী সুরে,

ভেসে যেতে চায় প্রাণ দূরে—আরো দূরে ।



সীমাহীন নিরুদ্দেশ পথে,  
মাঝি ভাসে, তুমি ভাসো, আমি ভাসি স্রোতে !

নিরুদ্দেশ ! শুনে কোন্ আড়ালীর ডাক  
ভাটিয়ালী পথে চলো একাকী নির্বাক ?  
অন্তরের তলা হ'তে শোন কি আহ্বান ?  
কোন্ অন্তরিকা কাঁদে অন্তরালে থাকি' যেন,  
চাহে তব প্রাণ !

বাহিরে না পেয়ে তারে ফেরো তুমি অন্তরের পানে  
লজ্জায়—ব্যথায়—অপমানে !

তার পর বিরাট পুরুষ ! বোঝো নিজ ভুল  
জোয়ারে উচ্ছ্বসি' ওঠো, ভেঙে চলো কুল  
দিকে দিকে প্লাবনের বাজায়ে বিষণ্ণ  
বলো, 'প্রেম করে না দুর্বল ওরে করে মহীয়ান !  
আনন্দে নাচিয়া ওঠো দুখের নেশায় বীর, ভোল সব জ্বালা !  
অন্তরের নিষ্পেষিত ব্যথার ক্রন্দন  
ফেনা হ'য়ে ওঠে মুখে বিষের মতন ।  
হে শিব, পাগল !

তব কণ্ঠে ধরি' রাখো সেই জ্বালা - সেই হলাহল !

হে বন্ধু, হে সখা,  
এতদিনে দেখা হ'ল, মোরা দুই বন্ধু পলাতক ।  
কত কথা আছে—কত গান আছে শোনাবার,  
কথা ব্যথা জানাবার আছে—সিন্ধু, বন্ধু গো আমার !

এসো বন্ধু, যুথোযুথি বসি,  
অথবা টানিয়া লহ তরঙ্গের আলিঙ্গন দিয়া, হুঁহু পশি

চেউ নাই যথা—শুধু নিতল সুনীল !—  
 তিমিরে কহিয়া দাও—সে যেন খোলে না খিল  
 থাকে দ্বারে বসি',  
 সেইখানে ক'ব কথা । যেন রবি শশী  
 নাহি পশে সেথা । .  
 তুমি রবে—আমি রব—আর রবে ব্যথা !

সেথা শুধু ডুবে রব কথা নাহি কহি',—  
 যদি কই  
 নাই সেথা ছ'টি কথা বই,—  
 'আমিও বিরহী, বন্ধু, তুমিও বিরহী !'

—তৃতীয় তরঙ্গ—

হে ক্ষুধিত বন্ধু মোর, তৃষিত জলপি,  
 এত জল বুকে তব, তবু নাহি তৃষার অবধি !  
 এত নদী উপনদী তব পদে করে আত্মদান,  
 বুড়ক্ষু ! তবু কি তব ভরিল না প্রাণ ?  
 ছরন্ত গো, মহাবাহু,  
 ওগো রাত্তি,  
 তিন ভাগ গ্রাসিয়াছ—এক ভাগ বাকী !  
 সুরা নাই—পাত্র হাতে কাঁপিতেছে সাকী !

হে ছুর্গম ! খোলো খোলো খোলো দ্বার ।  
 সারি সারি গিরি-দরী দাঁড়ায়ে ছয়ারে করে প্রতীক্ষা তোমার  
 শস্ত্র-শ্যামা বসুমতী ফুলে ফলে ভরিয়া অঞ্জলি  
 করিছে বন্দনা তব, বলী !

তুমি আছ নিয়া নিজ ছরস্ত কল্লোল  
 আপনাতে আপনি বিভোল !  
 পশে না শ্রবণে তব ধরণীর শত দুঃখ গীত ;  
 দেখিতেছ বর্তমান, দেখেছ অতীত,  
 দেখিবে সুদূর ভবিষ্যৎ—  
 মৃত্যুঞ্জয়ী দ্রষ্টা, ঋষি, উদাসীনবৎ !  
 ওঠে ভাঙে তব বৃকে তরঙ্গের মতো  
 জন্ম-মৃত্যু দুঃখ-সুখ, ভ্রমানন্দে হেরিছ সতত !

হে পবিত্র ! আজিও সুন্দর ধরা, আজিও অগ্নান  
 সত্তা-ফোটা পুষ্পসম, তোমাতে করিয়া নিতি স্নান !  
 জগতের যত পাপ গ্লানি  
 হে দরদী, নিঃশেষে মুছিয়া লয় তব স্নেহ-পানি !  
 ধরা তব আদরিণী মেয়ে,  
 তাহারে দেখিতে তুমি আস' মেঘ বেয়ে !  
 হেসে ওঠে তুণে শাস্ত্রে ছললী তোমার,  
 কালো চোখ বেয়ে ঝরে হিম-কণা আনন্দাশ্রু-ভার  
 জলধারা হ'য়ে নামো, দাও কত রঙিন যৌতুক,  
 ভাঙ' গড়' দোলা দাও,—  
 কত্নারে লইয়া তব অনন্ত কৌতুক !  
 হে বিরাই, নাহি তব ক্ষয়,  
 নিত্য নব নব দানে ক্ষয়েরে ক'রেছ তুমি জয় !

হে সুন্দর ! জলবাহু দিয়া  
 ধরণীর কটিতট আছো ঝাঁকড়িয়া

ইন্দ্রনীলকান্তমণি মেখলার সম,  
 মেদিনীর নিতম্ব-দোলার সাথে দোল' অনুপম !  
 বন্ধু, তব অনন্ত যৌবন  
 তরঙ্গে ফেনায়ে ওঠে সুরার মতন !  
 কত মৎস্য-কুমারীরা নিত্য তোমা' যাচে,  
 কত জল-দেবীদের শুষ্ক মালা প'ড়ে তব চরণের কাছে,  
 চেয়ে নাহি দেখ, উদাসীন !  
 কার যেন স্বপ্নে তুমি মত্ত নিশিদিন !

মহন-মন্দার দিয়া দম্য সুরাসুর  
 মথিয়া লুপ্তিয়া গেছে তব রত্ন-পুর,  
 হরিয়াছে উচ্চৈঃশ্রবা, তব লক্ষ্মী, তব শশী-প্রিয়া  
 তারা সব আছে আজ সুখে স্বর্গে গিয়া !  
 ক'রেছে লুপ্তন

তোমার অমৃতসুধা—তোমার জীবন !  
 সব গেছে, আছে শুধু ক্রন্দন-কল্লোল,  
 আছে জালা, আছে স্মৃতি, ব্যথা-উত্তরোল  
 উর্ধ্বে শূন্য,—নিম্নে শূন্য,—শূন্য চারিধার,  
 মধ্যে কাঁদে বারিধার, সীমাহীন রিক্ত হাহাকার !

হে মহান্ ! হে চির-বিরহী,  
 হে সিদ্ধ, হে বন্ধু মোর, হে মোর বিদ্রোহী,  
 সুন্দর আমার !

নমস্কার !

নমস্কার লহ !

তুমি কাঁদ—আমি কাঁদি,—কাঁদে মোর প্রিয়া অহরহ

হে দুস্তর, আছে তব পার, আছে কূল,  
এ অনন্ত বিরহের নাহি পার—নাহি কূল—শুধু স্বপ্ন, তুল।

মাগিব বিদায় যবে, নাহি র'ব আর,  
তব কল্লোলের মাঝে বাজে যেন ক্রন্দন আমার !

বুথায় খুঁজিবে যবে প্রিয়া  
উত্তরিও বন্ধু ওগো সিদ্ধু মোর, তুমি গরজিয়া !

তুমি শূন্য, আমি শূন্য, শূন্য চারিধার,  
মাঝে কাঁদে বারিধার, সীমাহীন রিক্ত হাহাকার।

[ সিদ্ধু হিন্দোল ]

## গোপন-প্রিয়া

পাইনি ব'লে আজো তোমায় বাসছি ভালো, রানি,  
মধ্যে সাগর, এ-পার ও-পার, করছি কানাকানি !

আমি এ-পার তুমি ও-পার  
মধ্যে কাঁদে বাধার পাথর,  
ও-পার হ'তে ছায়া-তরু দাও তুমি হাতছানি,  
আমি মরু, পাইনে তোমার ছাওয়ার ছোঁওয়াখানি ।

। নাম-শোনা ছুই বন্ধু মোরা, হয়নি পয়িচয় ।  
আমার বুকে কাঁদছে আশা, তোমার বুকে ভয় !  
এই-পারী ঢেউ বাদল-বায়ে  
আছড়ে পড়ে তোমার পায়ে,  
আমার ঢেউ-এর দোলায় তোমার ক'রলো না কূল ক্ষয়,  
কূল ভেঙেছে আমার ধারে তোমার ধারে নয় !!

• চেনার বন্ধু, পেলাম না ক' জানার অবসর ।  
গানের পাখী ব'সেছিলাম ছু'দিন শাখার 'পর ।  
গান ফুরালে যাব যবে,  
গানের কথাই মনে রবে,  
পাখী তখন থাকবে না ক'—থাকবে পাখীর স্বর,  
উড়'ব আমি, কাঁদবে তুমি ব্যথার বালুচর ! •

• তোমার পারে বাজ'ল কখন আমার পারের ঢেউ,  
অজানিতা ! কেউ জানে না, জানবে না ক' কেউ ।

উড়তে গিয়ে পাখা হ'তে  
 একটি পালক প'ড়লে পথে  
 ভুলে প্রিয় তুলে যেন খোঁপায় গুঁজে নেও !  
 ভয় কি সখি ? আপনি তুমি ফেলবে খুলে এ-ও

বর্ষা-ঝরা এমনি প্রাতে আমার মত কি  
 বুরবে তুমি একলা মনে, বনের কেতকী ?  
 মনের মনে নিশীথ-রাতে  
 চুম্ দেবে কি কল্লনাতে ?  
 স্বপ্ন দেখে উঠবে জেগে, ভাববে কত কি !  
 মেঘের সাথে কাঁদবে তুমি, আমার চাতকী !

দূরের প্রিয়া ! পাইনি তোমায় তাই এ কাঁদন-রোল !  
 কূল মেলে না,—তাই দরিয়ায় উঠতেছে চেউ-দোল !  
 তোমায় পেলে থামৃত বাঁশী,  
 আস্ত মরণ সর্বনাশী ।  
 পাইনিক, তাই ভ'রে আছে আমার বৃকের কোল ।  
 বেগুর হিয়া শূণ্য ব'লে উঠছে বাঁশীর বোল ।

বন্ধু, তুমি হাতের-কাছের সাথে-সাথী নও,  
 দূরে যত রও এ-হিয়ার তত নিকট হও ।  
 থাকবে তুমি ছায়ার সাথে  
 আয়ার মত চাঁদনৌ রাতে ।  
 যত গোপন তত মধুর—নাই-বা কথা কও !  
 শয়ন-সাথে রও না তুমি নয়ন-পাতে রও !

ওগো আমার আড়াল-থাকা ওগো স্বপন-চোর !  
 তুমি আছ আমি আছি এই তো খুশি মোর ।  
 কোথায় আছ কেমনে রানি,  
 কাজ কি খোঁজে, নাই-বা জানি !  
 ভালোবাসি এই আনন্দে আপনি আছি ভোর  
 চাই না জাগা, থাকুক চোখে এমনি ঘুমের ঘোর !

• রাত্রে যখন একলা শোব—চাইবে তোমায় বুক,  
 নিবিড়-ঘন হবে যখন একলা থাকার ছুখ,  
 দুখের সুরায় মস্ত হ'য়ে  
 থাক্বে এ-প্রাণ তোমায় ল'য়ে  
 কল্পনাতে আঁক্বে তোমার চাঁদ-চুয়ানো মুখ !  
 ঘুমে জাগায় জড়িয়ে রবে, সেই তো চরম সুখ ।

• গাইব আমি, দূরের থেকে শুন্বে তুমি গান,  
 থাম্বে আমি—গান গাওয়াবে তোমার অভিমান ।  
 শিল্পী আমি, আমি কবি,  
 তুমি আমার আঁকা ছবি,  
 আমার লেখা কাব্য তুমি, আমার রচা গান ।  
 চাইব না ক', পরান ভ'রে ক'রে যাব দান ।

• তোমার বুকে স্থান কোথা গো এ দূর-বিরহীর,  
 কাজ কি জেনে ?—তল কেবা পায় অতল জলধির !  
 গোপন তুমি আম্লে,নেমে  
 কাব্যে আমার, আমার প্রেমে,  
 এই-সে সুখে থাক্বে বেঁচে, কাজ কি দেখে তীর ?  
 দুবের পাখী - গান গেয়ে যাই, না-ই বাঁধিলাম নীড় ।



বিদায় যে-দিন নেবো সেদিন নাই-বা পেলাম দান,  
মনে আশায় ক'রবে না ক'—সেই তো মনে স্থান !

যে-দিন আশায় ভুলতে গিয়ে

ক'রবে মনে, সে-দিন প্রিয়ে

ভোলার মাঝে উঠবে বেঁচে, সেই তো আমার প্রাণ !

নাই বা পেলাম, চেয়ে গেলাম, গেয়ে গেলাম গান !

[সঙ্ক-হিন্দোল]

## অ-নামিকা

তোমাতে বন্দনা করি

স্বপ্ন-সহচরী

লো আমার অনাগত প্রিয়া,

আমার পাওয়ার বুকে না-পাওয়ার তৃষ্ণা-জাগানিয়া !

তোমাতে বন্দনা করি ..

হে আমার মানস-রঙ্গিনী,

অনন্ত-যৌবনা বালা, চিবন্তন বাসনা-সঙ্গিনী !

তোমাতে বন্দনা করি....

নাম-নাহি-জানা ওগো আজো-নাহি-আসা !

আমার বন্দনা লহ, লহ ভালোবাসা...

গোপন-চারিণী মোর, লো চির-প্রেয়সী !

সৃষ্টি-দিন হ'তে কাঁদ' বাসনার অন্তরালে বসি'—

ধরা নাহি দিলে দেহে ।

তোমার কল্যাণ-দীপ জ্বলিল না

দীপ-নেভা বেড়া-দেওয়া গেহে ।

অসীমা ! এলে না তুমি সীমারেখা-পারে !

স্বপনে পাইয়া তোমা' স্বপনে হারাই বারে বারে ।

অরূপা লো ! রতি হ'য়ে এলে মনে,

সতী হ'য়ে এলেনাক' ঘরে ।

প্রিয়া হ'য়ে এলে প্রেমে,

বধূ হ'য়ে এলে না অধরে !

দ্রাক্ষা-বুকে রহিলে গোপনে তুমি শিরীন্ শরাব,

পেয়ালায় নাহি এলে !—

‘উতরো নেকাব’—

হাঁকে মোর ছরস্তু কামনা !

সুদুরিকা ! দূরে থাক’—ভালোবাস—নিকটে এসো না !

তুমি নহ নিভে-যাওয়া আলো, নহ শিখা ।

তুমি মরীচিকা,

তুমি জ্যোতি ।—

জন্ম-জন্মান্তর ধরি’ লোকে লোকান্তরে তোমা’ ক’বেছি আরতি,

বারে বারে একই জন্মে শতবার করি !

যেখানে দেখেছি রূপ,—ক’রেছি বন্দনা প্রিয়া

তোমারেই স্মরি’ ।

রূপে রূপে, অপকৃপা, খুঁজেছি তোমায়,

পবনের যবনিকা যত তুলি তত বেড়ে যায় !

বিরহের কান্না-ধোওয়া তৃপ্ত হিয়া ভরি’

বারে বারে উদিয়াছ ইন্দ্রধনুসমা,¹

হাওয়া-পরী

প্রিয়া মনোরমা !

ধরিতে গিয়াছি—তুমি মিলায়েছ দূর দিগ্বলয়ে

ব্যথা-দেওয়া রানি মোর, এলেনাক’ কথা-কওয়া হ’য়ে

চির-দূরে-থাকা ওগো চির-নাহি-আসা !

তোমারে দেহের তীরে পাবার ছরাশা

গ্রহ হ’তে গ্রহান্তরে ল’য়ে যায় মোরে

বাসনার বিপুল আগ্রহে—

জন্ম লভি লোকে লোকান্তরে !

উদ্বেলিত বুকে মোর অতৃপ্ত যৌবন-ক্ষুধা

উদগ্র কামনা,

জন্ম তাই লভি বারে বারে,  
 না-পাওয়ার করি আরাধনা ।...।  
 যা-কিছু সুন্দর হেরি' ক'রেছি চুষন,  
 যা-কিছু চুষন দিয়া ক'রেছি সুন্দর—  
 সে-সবার মাঝে যেন তব হরষণ  
 অনুভব করিয়াছি !—ছুঁয়েছি অধর  
 তিলোত্তমা, তিলে তিলে !  
 তোমাতে যে করেছি চুষন  
 প্রতি তরুণীর ঠোঁটে  
 প্রকাশ গোপন ।]

যে কেহ প্রিয়ারে তার চুম্বিয়াছে ঘুম-ভাঙা রাতে,  
 রাত্রি-জাগা তন্দ্রা-লাগা ঘুম-পাওয়া প্রাতে,  
 সকলের সাথে আমি চুম্বিয়াছি তোমা'  
 সকলের ঠোঁটে যেন, হে নিখিল-প্রিয়া প্রিয়তমা !  
 তরু লতা পশু পাখী সকলের সামনার সাথে  
 আমার কামনা জাগে, আমি রমি বিশ্ব-কামনাতে :  
 বঞ্চিত যাহারা প্রেমে, ভুঞ্জে যারা রতি ;  
 সকলের মাঝে আমি—সকলের প্রেমে মোর গতি ।  
 যে-দিন শ্রুতার বৃকে জেগেছিল আদি সৃষ্টি-কাম,  
 সেই দিন শ্রুতা সাথে তুমি এলে, আমি আসিলাম ।  
 আমি কাম, তুমি হ'লে রতি,  
 তরুণ-তরুণী-বৃকে নিত্য তাই আমাদের অপরূপ গতি !  
 কী যে তুমি, কী যে নহ, কত ভাবি—কত দিকে চাই !  
 নামে নামে, অ-নামিকা, তোমাতে কি খুঁজিছু বৃথাই ?  
 বৃথাই বাসিছু ভালো ? বৃথা সবে ভালোবাসে মোরে ?  
 তুমি ভেবে যারে বৃকে চেপে ধরি সে-ই যায় স'রে

কেন হেন হায় হায়, কেন লয় মনে—  
 যারে ভালো বাসিলাম, তারো চেয়ে ভালো কেহ  
 বাসিছে গোপনে ।  
 সে বুঝি সুন্দরতর—আরো আরো মধু !  
 আমারি বধূর বুকে হাসো তুমি হ'য়ে নববধু ।  
 বুকে যারে পাই, হায়,  
 তারি বুকে তাহারি শয্যায়  
 নাহি-পাওয়া হ'য়ে তুমি কাঁদ একাকিনী,  
 ওগো মোর প্রিয়ার সতিনী ।  
 বারে বারে পাইলাম—বারে বারে মন যেন কহে—  
 নহে, এ সে নহে !  
 কুহেলিকা ! কোথা তুমি ? দেখা পাব কবে ?  
 জন্মেছিলে জন্মিয়াছ কিম্বা জন্ম লবে ?  
 কথা কও, কও কথা প্রিয়া,  
 হে আমার যুগে-যুগে না পাওয়ার তৃষ্ণা-জাগানিয়া ।

কহিবে না কথা তুমি ! আজ মনে হয়,  
 প্রেম সত্য চিরন্তন, প্রেমের পাত্র সে বুঝি চিরন্তন নয়  
 জন্ম যার কামনার বীজে  
 কামনারই মাঝে সে যে বেড়ে যায় কল্পতরু নিজে ।  
 দিকে দিকে শাখা তার করে অভিযান,  
 ও যেন শুষিয়া নেবে আকাশের যত বায়ু প্রাণ ।  
 আকাশ ঢেকেছে তার পাখা  
 কামনার সবুজ বলাকা ।

প্রেম সত্য, প্রেম-পাত্র বহু—অগণন,  
 তাই চাই, বুকে পাই, তবু কেন কেঁদে ওঠে মন ।

মদ সত্য, পাত্র সত্য নয়,  
যে-পাত্রে ঢালিয়া খাও সেই নেশা হয় !

চির-সহচরি !

[এতদিনে পরিচয় পেলু, মরি মরি !

আমারি প্রেমের মাঝে রয়েছ গোপন,  
বৃথা আমি খুঁজে মরি' জন্মে জন্মে করিছু রোদন ।

প্রতি রূপে, অপরূপা, ডাকো তুমি,

চিনেছি'তোমায়,

যাহারে বাসিব ভালো—সে-ই তুমি,

ধরা দেবে তায় ।

প্রেম এক, প্রেমিকা সে বহু,

বহু পাত্রে ঢেলে পি'ব সেই প্রেম—

সে শরাব লোহ ।

তোমারে করিব পান, অ-নামিকা, শত কামনায়,

ভুঞ্চারে, গেলাসে কভু, কভু পেয়ালায় !]

## বিদায়-স্মরণে

পথের দেখা এ নহে গো বন্ধু,  
এ নহে পথের আলাপন ।  
এ নহে সহসা পথ-চলা শেষে  
শুধু হাতে হাতে পরশন ॥

নিমেষে নিমেষে নব পরিচয়ে  
হ'লে পরিচিত মোদের হৃদয়ে,  
আসনি বিজয়ী—এলে সখা ত'য়ে,  
হেসে হ'রে নিলে প্রাণ-মন ॥

রাজাসনে বসি' হওনিক' রাজা,  
রাজা হ'লে বসি' হৃদয়ে,  
তাই আমাদের চেয়ে তুমি বেশি  
ব্যথা পেলে তব বিদায়ে ॥

আমাদের শত ব্যথিত হৃদয়ে  
জাগিয়া রহিবে তুমি ব্যথা হ'য়ে,  
ত'লে পরিজন চির-পরিচয়ে—  
পুনঃ পাব তব দরশন,  
এ নহে পথের আলাপন ॥

## দারিদ্র্য

হে দারিদ্র্য, তুমি মোরে ক'রেছ মহান্ ।

তুমি মোরে দানিয়াছ খ্রীস্টের সম্মান  
কণ্টক-মুকুট শোভা —দিয়াছ, তাপস,

অসঙ্কেচ প্রকাশের ছরস্তু সাহস ;

উদ্ধত উলঙ্গ দৃষ্টি ; বাণী গুরধার,

বাণী মোর শাপে তব হ'ল তরবার !

ছঃসহ দাহনে তব হে দপী তাপস,  
অগ্নান স্বর্ণেরে মোর করিলে বিরস,  
অকালে শুকালে মোর রূপ রস প্রাণ ।  
শীর্ণ করপুট ভণি' সুন্দরের দান  
যতবার নিতে যাই—হে বুভুক্ষু তুমি  
অগ্রে আসি' কর পান ! শূন্য মরুভূমি  
হোরি মম কল্ললোক । আমার নয়ন  
আমারি সুন্দরে করে অগ্নি বরিষণ ।

বেদনা হলুদ বৃত্ত কামনা আমার  
শেফালিঃ মত শুভ্র সুরভি বিথার  
বিকশি' উঠিতে চাহে, তুমি হে নির্মম  
দলবৃত্ত ভাঙ শাখা কাঠুরিয়া-সম !  
আশ্বিনের প্রভাতের মত ছলছল  
ক'রে ওঠে সারা হিয়া শিশির সজল

টলটল ধরণীর মত করুণায় !

তুমি রবি, তব তাপে শুকাইয়া যার



করুণা-নীহার-বিন্দু ! শ্রান হ'য়ে উঠি  
 ধরণীর ছায়াফলে ! স্বপ্ন যায় টুটি'  
 সুন্দরের, কল্যাণের ! তরল গরল  
 কণ্ঠে ঢালি' তুমি বল, 'অমৃত কি ফল ?'  
 জ্বালা নাহ, নেশা নাহ, নাই উন্মাদনা,—  
 রে দুর্বল, অমরার অমৃত-সাধনা  
 এ দুঃখের পৃথিবীতে তোর ব্রত নহে,  
 তুই নাগ, জন্ম তোর বেদনার দহে ।  
 কাঁটা-কুঞ্জে বসি' তুই গাঁথিবি মালিকা,  
 দিয়া গেছু ভালে তোর বেদনার টিকা !'  
 গাহি' গান গাঁথি' মালা কণ্ঠ কবে জ্বালা,  
 দংশিল সর্বাক্ষে মোর নাগ-নাগবালা !

ভিক্ষা-ঝুলি নিয়া ফের' দ্বারে দ্বারে ঝাঝি  
 ক্ষমাহীন হে দুর্বাসা ! যাপিতেছে নিশি  
 সুখে বর-বধু যথা—সেখানে কখন,  
 হে কঠোর-কণ্ঠ, গিয়া ডাকো, —'মুট, শোন,  
 ধরণী বিলাস-কুঞ্জ নহে নহে কারো,  
 অভাব বিরহ আছে, আছে দুঃখ আরো,  
 আছে কাঁটা শয়্যাতে বাহতে প্রিয়ার,  
 তাই এবে কর্ ভোগ !'—পড়ে হাহাকার  
 নিমেঘে সে সুখ-স্বর্গে নিবে যায় বাতি,  
 কাউতে চাহে না যেন আর কাল-রাতি !

চল-পথে অনশন-ক্লিষ্ট ক্ষণ তনু,  
 কী দেখি' বাকিয়া ওঠে সহসা জ্ব-ধনু,  
 ছ'-নয়ন ভরি' রুদ্ধ হানো অগ্নি-বাণ,  
 আসে রাজ্যে মহামারী দুর্ভিক্ষ তুফান,

প্রমোদ-কানন পুড়ে, উড়ে অট্টালিকা  
তোমার আইনে শুধু মৃত্যু-দণ্ড লিখা !

বিনয়ের ব্যভিচার নাহি তব পাশ,  
তুমি চাহ নগ্নতার উলঙ্গ প্রকাশ ।  
সঙ্কোচ শরম বলি' জাননাক' কিছু,  
উন্নত করিছ শির যার মাথা নীচু ।  
মৃত্যু-পথ-যাত্রীদল তোমার ইঙ্গিতে  
গলায় পরিছে ফাঁসি হাসিতে হাসিতে !  
নিত্য অভাবের কুণ্ড জ্বালাইয়া বৃকে  
সাধিতেছ মৃত্যু-যজ্ঞ পৈশাচিক স্মৃতে !

লক্ষ্মীর কিরাটি ধরি' ফেলিতেছ টানৈ'  
ধূলিতলে । বীণা-তারে করাঘাত হানি'  
সারদার, বী সুর বাজাতে চাহ গুণী ?  
যত সুর আর্তনাদ হ'য়ে ওঠে শুনি !

প্রভাতে উঠিয়া কালি শুনিবু, সানাই  
বাজিছে করুণ সুরে ! যেন আসে নাই  
আজো কা'রা ঘরে ফিরে ! কাঁদিয়া কাঁদিয়া  
ডাকিছে তাদের যেন ঘরে 'সানাইয়া' ।  
বধূদের প্রাণ আজ সানায়ের সুরে  
ভেসে যায় যথা আজ প্রিয়তম দূরে  
আসি আসি করিতেছে ! সখী বলে, 'বল  
মুছিলি কেন লা আঁখি, মুছিলি কাজল ?'...

শুনিতেছি আজো আমি প্রাতে উঠিয়াই  
'আয় আয়' কাঁদিতেছে তেমনি সানাই ।  
স্নানমুখী শেফালিকা পড়িতেছে ঝরি'  
বিধবার হাসি-সম—স্নিগ্ধ গন্ধে ভরি ।

নেচে ফেরে প্রজাপতি চঞ্চল পাখায়  
ছরন্ত নেশায় আজি, পুষ্প-প্রগল্ভায়  
চুষনে বিবশ করি' ! ভোমোরান পাখা  
পরাগে হলুদ আজি, অঙ্গে মধু মাখা ।

উছলি' উঠিছে যেন দিকে দিকে প্রাণ !

আপনার অগোচরে গেয়ে উঠি গান  
আগমনী আনন্দের ! অকারণে আঁখি  
পূরে আসে অশ্রু-জলে ! মিলনের রাখী  
কে যেন বাঁধিয়া দেও ধরণীর সাথে !  
পুষ্পাঞ্জলি ভরি' ছুঁটি মাটি-মাখা-হাতে  
ধরণী এগিয়ে আসে, দেয় উপহার ।

ও যেন কনিষ্ঠা মেয়ে ছলসী আমার !—

- সহসা চমকি' উঠি ! হ'য়ে মোর শিশু  
জাগিয়া কাঁদিছ ঘবে, খাওনিক' কিছ  
কালি হ'তে সারাদিন তাপস নিষ্ঠুর,  
কাঁদ' মোর ঘরে নিত্য তুমি ক্ষুধাতুর !

পারি নাই বাছা মোর, হে প্রিয় আমার,  
তুই বিন্দু ছপ্ত দিতে !—মোর অপিকার  
আনন্দের নাহি নাহি ! দারিদ্র্য অন্ত  
পুত্র হ'য়ে জায়া হয়ে কাঁদে অহরহ  
আমার ছয়ার ধরি' ! কে বাজাবে বাঁশি ?  
কোথা পাব আনন্দিত স্নন্দরের হাসি ?  
কোথা পাব পুষ্পাসব ?—ধূতুরা গেলাস  
ভরিয়া ক'রেছি পান নয়ন-নির্ধাস !

আজো শুনি আগমনী গাহিছে সানাই,  
ও যেন কাঁদিছে শুধু -নাই, কিছু নাই ।

## ফাঙ্কনী

সখি পাতিস্নে শিলাতলে পদ্মপাতা,  
সখি দিস্নে গোলাব-ছিটে খাস্ লো মাথা !  
যার অন্তরে ক্রন্দন  
করে হৃদি মন্তন  
তারে হরি-চন্দন  
কমলী মালা—  
সখি দিস্নে লো দিস্নে লো, বড় সে জ্বালা !

বল কেমনে নিবাই সখি বৃকের আগুন !  
এল খুন-মাথা তৃণ নিয়ে খুনেরা ফাঙ্কন !  
সে যেন হানে হুল্-খুনসুড়ি  
ফেটে পড়ে ফুলকুড়ি  
আইবুড়ো-আইবুড়ী  
বৃকে ধরে ঘুণ !  
যত বিরহিনী নিম্-খুন—কাটা-ঘায়ে লুন্ !

আজ লাল-পানি পিয়ে দেখি সব-কিছু চুর !  
সবে আতর বিলায় বায়ু বাতাবি নেবুর !  
হ'ল মাদার অশোক ঘা'ল,  
রঙন তো নাজেহাল !  
লালে লাল ডালে ডাল  
পলাশ শিমূল !  
সখি তাহাদের মধু ক্ষরে—মোর বেঁধে হুল !

নব        সহকার-মঞ্জরী সহ ভ্রমরী !  
 চুমে        ভোমরা নিপট, হিয়া মরে গুমরি' !  
 কত        ঘাটে ঘাটে সই-সই  
               ঘট ভরে নিতি ওই,  
               চোখে মুখে ফোটে খই,  
               আব-রাঙা গাল  
 যত        আধ-ভাঙা ইঙ্গিত তত হয় লাল !

আব        সইতে পারিনে সই ফুল-ঝামেলা,  
 প্রাতে    মল্লী চাঁপা, সাঁঝে বেলা চামেলা  
 .        হের        ফুটলো মারবী ছরী  
               উগমগ তরুপুরী,  
               পথে পথে ফলঝুরি  
               সর্জিনা ফুলে '

এত        ফুল দেখে কল্যাণী কুল না ভুলে !

সাজি'    বাটা-ভরা ছাঁচিপান ব্যঙ্গনী-হাতে  
 কবে        স্বপ্ননে বীজন কত সজ্জনী ছাতে !  
               সেথা    চোখে চোখে সঙ্কেত,  
               কাবে কথা—যাও পেং,—  
               চলে পড়া অঙ্কেতে  
               মনমথ যার !

আজ        আমি ছাড়া আর সবে মন-মতো পার

সখি        মিষ্টি ও ঝাল মেশা এল এ কি বায় !  
 এ যে        বুক যত জ্বালা করে মুখ তত চায় !

এ যে শরাবের মতো নেশা  
 এ পোড়া মলয়-মেশা  
 ডাকে তাহে কুলনাশা  
 কালামুখো পিক্  
 যেন কাবাব করিতে বেঁধে কলিজাতে শিক !

এল আলো-রাধা ফাগ ভবি' টাঁদের থালায়,  
 বরে জোছনা আবীর সারা শ্যাম সুবমায় !  
 যত ডাল-পালা নিম্বুন,  
 ফুলে ফুলে কুঙ্কুম,  
 চুড়ি বালা রুম্বুম,  
 হোবির খেলা,  
 শুধু নিরাজায় কেঁদে মরি আমি একেলা !

আজ সংকত-শঙ্কিতা বন-বাথিকায়  
 কত কুলবধ্ ছিড়ে শাড়ি কুলের কাঁটায় !  
 সখি ভরা মোর এ ছ'কূল  
 কাঁটাহান শুধু ফুল !  
 ফুলে এত বেঁধে হল ?  
 ভালো ছিল হায়,  
 সখি ছিঁড়িত ছ'কূল যদি কুলের কাঁটায় !

## বধু-বরণ

এতদিন ছিলে ভুবনের তুমি  
আজ ধরা দিলে ভবনে,  
নেমে এলে আজ ধরার ধূলাতে  
ছিলে এতদিন স্বজনে !  
শুধু শোভাময়া ছিলে এত দিন  
কবির মানসে কালকা নলিন,  
আজ পদশিলে চিত্ত-পুলিন  
বিদায় গোপুলি লগনে :  
উষার ললাট-সি-দুর-টিপ  
সিঁথিতে উড়াল পবনে

প্রভাতের উষা কুমারী গেজে  
সন্ধ্যায় বধু উষসী,  
চন্দন-টোপা-তারি-কলঙ্কে  
ভ'রেছে বে-দাগ মু'-শশী ।  
মুখর মুখ তার বাচাল নয়ন  
লাজ-সুখে আজ যাচে গুণ্ঠন,  
নোটন-কপোতী কণ্ঠে এখন  
কুজন উঠিছে উছসি' ।  
এতদিন ছিলে শুধু রূপ-কথা,  
আজ হ'লে বধু রূপস ।

দোলা চঞ্চল ছিল এই গেহ  
তব লটপট বেণী ঘা'য়,

তারি সঙ্কিত আনন্দ বলে  
 ঐ উর-হার-মণিকায় ।  
 এ ঘরের হাসি নিয়ে যাও চোখে,  
 সে গৃহ-দীপ জ্বলো এ আলোকে,  
 চোখের সলিল থাকুক এ-লোকে—  
 আজি এ মিলন-মোহানায়,  
 ও-ঘরের হাসি-বাঁশির বেহাগ  
 কাঁচুক এ-ঘরে সাহানায় ।

বিবাহের রঙে রাঙা আজ সব,  
 রাঙা মন, রাঙা আভরণ,  
 বলো নারী—‘এই রক্ত-আলোকে  
 আজ মম নব জাগরণ !’  
 পানে নয়, পতি পুণ্যে স্মৃতি  
 থাকে যেন, হ’য়ো পতির সারথি ।  
 পতি যদি হয় অন্ধ, হে সতী,  
 বেঁধো না নয়নে আবরণ,  
 অন্ধ পতিরে আঁখি দেয় যেন  
 তোমার সত্য আচরণ ॥

[ সিন্ধু-হিনোল ]



## রাখাবন্ধন

সই পাতালো-কি শরতে আজিকে স্নিগ্ধ আকাশ ধরণী ?  
নীলিমা বাহিয়া সওগাত নিয়া নামিছে মেঘের তরণী !  
অলকার পানে বলাকা ছুটিছে মেঘ-দূত মন মোহিয়া ।  
চঞ্চু-রাঙা কলমীর কুঁড়ি—মরতের ভেট বহিয়া ।  
সখীর গাঁয়ের সঁউতি-বোঁটার ফিবোজায় বেঙে পেশোয়াজ  
আস্মানী আর মৃন্ময়ী সখী মিশিয়াছে মোঠো পথ-মাঝ ।

আকাশ এনেছে কুয়াশা-উড়ুনি আস্মানী-নীল-কাঁচুলি,  
তারকার টিপ, বিজলীর হার, দ্বিতীয়া-চাঁদের হাসুলি ।  
ঝরা-ঝড়ির ঝর্-ঝর্ আর পাপিয়া শ্যামার কুঞ্জে  
বাজে নহবত আকাশ ভুবনে---সই পাতিয়েছে দু'জনে ।  
আকাশের দাসী সমীরণ আনে শ্বেত পেঁজা-মেঘ ফেনা-ফুল,  
হেথা জলে-থলে কুমুদে-কমলে আলুথানু ধরা বেয়াকুল ।

আকাশ-গাঙে কি বান ডেকেছে গো, গান গেয়ে চলে বরষা ।  
বিজুরীর গুণ টেনে টেনে চলে মেঘ-কুমারীরা হরষা ।  
হেথা মেঘ-পানে কালো চোখ হানে মাটির কুমার মাঝিরা,  
জল ছুঁড়ে মারে মেঘ-বালা দল, বলে—‘চাহে দেখ পাজীরা !’  
কহিছে আকাশ, ‘ওলো সই, তোর চকোরে পাঠাস নিশিতে,  
চাঁদ ছেনে দেবো জোছনা-অমৃত তোর ছেলে যত ভূষিতে !

আমারে পাঠাস সোঁদা-সোঁদা-বাস তোর ও মাটির সুরভি,  
 প্রভাত-ফুলের পরিমল মধু, সন্ধ্যাবেলার পূরবী ।’  
 হাসিয়া উঠিল আলোকে আকাশ, নত হ’য়ে এল পুলকে,  
 লতাপাতা ফুলে বাঁধিয়া আকাশে ধরা কয়, ‘সই, ভুলোকে  
 বাঁধা প’লে আজ,’ চেপে ধ’রে বুকে লজ্জায় ওঠে কাঁপিয়া,  
 চুমিল আকাশ নত হ’য়ে মুখে ধরণীয়ে বুকে বাঁপিয়া ।’

[ সিন্ধু-হিন্দোল ]

## টাঁদিনী-রাতে

কোদালে নেঘের মউজ উঠেছে গগনের নীল গাঙে,  
হাবুডুবু খায় তারা-বুদ্ধদ, জোছনা গোনায়ে রাঙে ।  
তৃতীয়া চাঁদের 'শাম্পানে' চড়ি' চলিছে আকাশ-প্রিয়া,  
আকাশ-দরিয়া উতলা হ'ল গো পুতলায় বুকে নিয়া ।  
সপ্তর্ষির তারা-পালঙ্কে ঘুমায় আকাশ-রানী,  
মেহেলী লায়লী দিয়ে গেছে চুপে কুহেলী-মশারি টানি' ।  
দিক-চক্রের ছায়া-ঘন ঐ সবুজ তরুর সারি,  
নৌহার-নেটের কুয়াশা-মশারি - ও কি বর্ডার তারি ?  
সাতাশ তারার ফুল-তোড়া হাতে আকাশ নিশুতি রাতে  
গোপনে আসিয়া তারা-পালঙ্কে শুইল প্রিয়ার সাথে ?  
উছ উছ করি কাঁচা ঘুম ভেঙে জেগে ওঠে নীলা ছরী,  
লুকিয়ে দেখে তা 'চোখ গেল' ব'লে চৈতায় পাপিয়া ছুঁড়ি !  
'মঙ্গল' তারা মঙ্গল-দীপ জালিয়া প্রহর জাগে,  
ঝিকিঝিক করে মাঝে মাঝে--বুঝি বধুর নিশাস লাগে ।  
উক্ক-জ্বালার সন্ধানী-আলো লইয়া আকাশ-দারা  
'কাল-পুরুষ' সে জাগি' বিনিদ্র করিতেছে পায়চারি ।

মেহেলীরা রাতে পলায়ে এসেছে উপবনে কোন্ আশে,  
হেথা হোথা ছোট্টে—পিকের কণ্ঠে ফিক্-ফিক্ ক'রে হাসে ।  
আবেগে মোহাগে আকাশ-প্রিয়ার চিবুক বাহিয়া ও কি  
শিশিরের রূপে ঘর্মবিন্দু ক'রে ক'রে পড়ে সখি,  
নবমী চাঁদের 'সসারে' ও কে গো টাঁদিনী-শিরাজী ঢালি'  
বধূর অধর ধরিয়া কহিছে—'তছরা পিও লো আলি !'

কার কথা ভেবে তারা-মজলিসে দূরে একাকিনী সাকী  
 তাঁদের 'সমারে' কলঙ্ক-ফুল আন্মনে যায় ঝাঁকি !  
 ফরহাদ-শিরী-লায়লী-মজ্‌নু মগজে ক'রেছে চিড়,  
 মস্তানা শ্যামা দখিয়াল টানে বায়ু-বেয়ালার মীড় !  
 আন্মনা সাকী ! অম্নি আমারো হৃদয়-পেয়লা কোণে  
 কলঙ্ক-ফুল আন্মনে সখি লিখো মুছো খনে খনে ! •

[ সিদ্ধু হিন্দোল ]

## সান্ত্বনা

চিত্ত-কুঁড়ি-হাস্তাহানা মৃত্যু-সাঁঝে ফুটল গে ।  
জীবন-বেড়ার আড়াল ছাপি' বাকর স্রবাস টুটলো গো  
এই তো কারার প্রাকার টুটে'  
বন্দী এল বাইরে ছুটে,  
তাই তো নিখিল অকুল-হৃদয় শ্মশান-নাঝে জুটল গো  
ভবন-ভাঙা আলোর শিখায় ভুবন রেঙে উঠলো গো ।

শ্ব-রাজ দলের চিত্ত-কমল লুটল বিশ্ববাজের পায়,  
দলের চিত্ত উঠলো ফুটে শতদলের শ্বেত আভায় ।  
রূপের কুমার আজকে দোলে  
অপরূপের শীশু-মহলে,  
মৃত্যু-বাসুদেবের কোলে কারার কেশব ঐ গো যায়,  
অনাগত বৃন্দাবনে মা যশোদা শীথ বাজায় ।

আজকে রাতে যে ঘুমুলো, কালকে প্রাতে জাগবে সে ।  
এই বিদায়ের অস্ত-আঁধার উদয়-উষায় রাঙবে রে ।  
শোকের নিশির শিশির ঝরে  
ফ'লবে ফসল ঘরে ঘরে,  
আবার শীতের রিক্ত শাখায় লাগবে ফুলের রাগ এসে ।  
যে মা সাঁঝে ঘুম পাড়াল, চুম দিয়ে ঘুম ভাঙবে সে ।

না ঝ'রলে তাঁর প্রাণ-সাগরে মৃত্যু-রাতের হিম-কণা  
জীবন-শুক্লি ব্যর্থ হ'ত, মুক্তি মুক্তা ফ'লত না ।

নিখিল-জাঁখির ঝিনুক-মাঝে

অশ্রু-মানিক ঝ'লত না যে !

রাদের উনুন না নিবিলে চাঁদের সুধা গ'লত না ।

গগন-লোকে আকাশ-বধূর সন্ধ্যা-প্রদীপ জ্ব'লত না ।

মরা বাঁশে বাজবে বাঁশি কাটুক না আজ কুঠার তায়,  
এই বেগুতেই ত্রজের বাঁশি হয়তো বাজবে এই হেথায়  
হয়তো এবার মিলন-রাসে

বংশীধারী আসবে পাশে,

চিত্ত-চিতার ছাই মেখে শিব সৃষ্টি-বিষাণ ঐ বাজায় ।

জন্ম নেবে মেহেদী ঈসা ধরার বিপুল এই ব্যথায় ।

কর্মে যদি বিরাম না রয়, শান্তি তবে আস্ত না !

ফ'লবে ফসল—নইলে নিখিল-নয়ন নীরে ভাস্ত না !

নেইক' দেহের খোসার মায়া,

বীজ আনে তাই তরুর ছায়া,

আবার যদি না জন্মাত, মৃত্যুতে সে হাস্ত না ।

আসবে আবার—নইলে ধরায় এমন ভালো বাস্ত না !

## ইন্দ্র-পতন

তখনো অস্ত্র যায়নি সূর্য, সহসা হইল গুরু  
অশ্বরে ঘন ডম্বর-ধ্বনি গুরু-গুরু গুরু-গুরু ।  
আকাশে আকাশে বাজিছে একোন্ ইন্দ্রের আগমনী ?  
শুনি, অশ্বদ-কশু-নিনাতে ঘন বৃংহিত-ধ্বনি ।  
বাজে চিকুর-হ্রেষা-হর্ষণ মেঘ-মন্দুরা-মাঝে,  
সাজিল প্রথম আঘাত আজিকে প্রলয়ঙ্কর সাজে !

ঘনায় অশ্রু-বাপ্প-কুহেলি ঈশান-দিগঙ্গনে,  
স্বরূপ-বেদনা দিগ্-বালিকারা কৈ যে কাঁছনীর শোনে !  
কাঁদিছে ধরার তরু লতা পাতা, কাঁদিছে পশুপাখী,  
ধরার ইন্দ্র-স্বর্গে চলেছে ধূলির মহিমা মাখি' ।  
বাজে আনন্দ-মৃদঙ্গ গগনে, তড়িৎ-কুমারী নাচে,  
মর্ত্য-ইন্দ্র বসিবে গো আজ স্বর্গ-ইন্দ্র কাছে ।  
সপ্ত-আকাশ-সপ্তস্বর হানে ঘন করতালি,  
কাঁদিছে ধরায় তাহারি প্রতিধ্বনি—খালি, সব খালি !

হায় অসহায়-সর্বসহা মৌনা ধরণী মাতা,  
শুধু দেব-পূজা তরে কি মা তোর পুষ্প হরিৎ-পাতা ?  
তোর বুকে কি মা চির-অতৃপ্ত রবে সন্তান-ক্ষুধা ?  
তোমার মাটির পাত্রে কি গো মা ধরে না অমৃত-সুধা ?  
জীবন-সিদ্ধি মথিয়া যে-কেহ আনিবে অমৃত-বারি  
অমৃত-অধিপ দেবতার রৌষ পড়িবে কি শিরে তারি—  
হয়তো তাহাই, হয়তো নহে তা,—এটুকু জেনেছি খাঁটি  
তারে স্বর্গের আছে প্রয়োজন যারে ভালোবাসে মাটি ।

কাঁটার মৃণালে উঠেছিল ফুটে যে চিত্তশতদল,  
 শোভেছিল যাহে বাণী কমলার রক্ত-চরণ-তল,  
 সন্মম-নত পূজারী মৃত্যু ছিড়িল সে শতদলে—  
 শ্রেষ্ঠ অর্ঘ্য অর্পিবে বলি' নারায়ণ-পদতলে—  
 জানি জানি মোরা, শঙ্খ-চক্র-গদা যাঁর হাতে শোভে—  
 পায়ের পদ্ম হাতে উঠে তাঁর অমর হইয়া রবে ।  
 কত সাস্থনা-আশা-মরীচিকা কত বিশ্বাস-দিশা  
 শোক-সাহারায় দেখা দেয় আসি, মেটে না প্রাণের তৃষা ।

ছলিছে বাসুকি মণিহারা ফণী, ছলে সাথে বসুমতী,  
 তাহার ফণার দিন-মণি আজ কোন্ গ্রহে দেবে জ্যোতি !  
 জাগিয়া প্রভাতে হেরিনু আজিকে জগতে সুপ্রভাত,  
 শয়তানও আজ দেবতার নামে করিছে নান্দীপাঠ !  
 হে মহাপুরুষ মহাবিজ্ঞানী হে ঋষি সোহম-স্বামী !  
 তব ইঙ্গিতে দেখেছি সহসা সৃষ্টি গিয়াছে থামি',  
 থমকি' গিয়াছে গতির বিশ্ব চন্দ্র-সূর্য-তারা,  
 নিয়ম ভুলেছে কঠোর নিয়তি, দৈব দিয়াছে সাড়া !

যখনি স্রষ্টা করিয়াছে ভুল, ক'রেছ সংস্কার,  
 তোমারি অগ্রে স্রষ্টা তোমারে ক'রেছে নমস্কার !  
 ভৃগুর মতন যখনি দেখেছ অচেতন নারায়ণ,  
 পদাঘাতে তাঁর এনেছ চেতনা, কেঁপেছে জগজ্জন !  
 ভারত-ভাগ্য-বিধাতা বক্ষে তব পদ-চিন্ ধরি'  
 হাঁকিছেন, 'আমি এমন করিয়া সত্য স্বীকার করি !  
 জাগতে সত্য এত ব্যাকুলতা এত অধিকার যার,  
 তাহার চেতন-সত্যে আমার নিযুত নমস্কার ।'



আজ শুধু জাগে তব অপরূপ সৃষ্টি-কাহিনী মনে,  
তুমি দেখা দিলে অমিয়-কণ্ঠ বাণীর কমল-বনে !  
কখন তোমার বীণা ছেয়ে গেল সোনার পদ্ম-দলে,  
হেরিছু সহসা ত্যাগের তপন তোমার ললাট-তলে !  
লক্ষ্মী দানিল সোনার পাপড়ি, বীণা দিল করে বাণী,  
শিব মাখালেন ত্যাগের বিভূতি কণ্ঠে গরল দানি',  
বিষ্ণু দিলেন ভাঙনের গদা, যশোদা-হুলাল বাঁশি,  
দিলেন অমিত তেজ ভাস্কর, মৃগাঙ্ক দিল হাসি ।

চৌর গৈরিক দিয়া আশিসিল ভারত-জননী কাঁদি',  
প্রতাপ শিবাজী দানিল মস্ত্র, দিল উষ্মাষ বাঁধি' ।  
বুদ্ধ দিলেন ভিক্ষাভাণ্ড, নির্মাই দিলেন ঝুলি,  
দেবতারি দিল মন্দার-মালা, মানব মাখালো ধূলি ।  
নিখিল-চিত্ত-রঞ্জন তুমি উদিলে নিখিল ছানি'—  
মহাবীর কবি বিদ্রোহী ত্যাগী প্রেমিক কর্মী জ্ঞানী !  
হিমালয় হ'তে বিপুল বিরাট উদার আকাশ হ'তে,  
বাধা-কুঞ্জর তৃণ-সম ভেসে গেল তব প্রাণশ্রোতে !

হৃন্দ-গানের অতীত হে ঋষি, জীবনে পারিনি তাই  
বন্দিতে তোমা', আজ আনিয়াছি চিত্ত-চিতার ছাই !  
বিভূতি-তিলক ! কৈলাস হ'তে ফিরেছ গরল পিয়া,  
এনেছি অর্ঘ্য শ্মশানের কবি ভস্ম বিভূতি নিয়া !  
নাও অঞ্জলি, অঞ্জলি নাও, আজ আনিয়াছি গীতি  
সারা জীবনের না-কণ্ঠা কথার ক্রন্দন-নীরে তিতি' !  
এঁত ভালো মোবে বেসেছিলে তুমি দাওনিক' অবসর  
তোমারেও ভালোবাসিবার, আজ তাই কাঁদে অন্তর !

আজিকে নিখিল-বেদনার কাছে মোর ব্যথা যতটুকু,  
 ভাবিয়া ভাবিয়া সাস্থনা খুঁজি, তবু হা হা করে বুক !  
 আজ ভারতের ইন্দ্র পতন, বিশ্বের দুর্দিন,  
 পাষণ বাঙলা প'ড়ে এককোণে স্তব্ধ অশ্রুহীন !  
 তারি মাঝে হিয়া থাকিয়া থাকিয়া গুমরি' গুমরি' উঠে  
 বক্ষের বাণী চক্ষের জলে ধুয়ে যায় নাহি ফোটে !  
 দীনের বন্ধু দেশের বন্ধু মানব-বন্ধু তুমি,  
 চেয়ে দেখ আজ লুটায় বিশ্ব তোমার চরণ চুমি' ।  
 গগনে তেমনি ঘনায়েছে মেঘ, তেমনি ঝরিছে বারি,  
 বাদলে ভিজিয়া শত স্মৃতি তব হ'য়ে আসে ঘন ভারি ।

পয়গম্বর ও অবতার-যুগে জন্মিনি মোরা কেহ,  
 দেখিনিক' মোরা তাঁদের, দেখিনি দেবের জ্যোতির্দেহ,  
 কিন্তু যখনি বসিতে পেয়েছি তোমার চরণ-তলে  
 না জানিতে কিছু না বুঝিতে কিছু নয়ন ভ'রেছে জলে !  
 সারা প্রাণ যেন অঞ্জলি হ'য়ে ও-পায়ে প'ড়েছে লুটি',  
 সকল গর্ব উঠেছে মধুর প্রণাম হইয়া ফুটি' !  
 বুদ্ধের ত্যাগ শুনেছি মহান, দেখিনিক' চোখে তাহে,  
 নাহি আফসোস, দেখেছি আমরা ত্যাগের শাহান্শাহে :  
 নিমাই লইল সন্ন্যাস প্রেমে, দ্বিইনিক তাঁরে ভেট,  
 দেখিয়াছি মোরা 'রাজা-সন্ন্যাসী', প্রেমের জগৎ-শেঠ !

শুনি, পরার্থে প্রাণ দিয়া দিল অস্থি বনের ঋষি ;  
 হিমালয় জানে, দেখেছি দধীচি গৃহে ধ'সে দিবানিশি !  
 হে নবযুগের হরিশ্চন্দ্র ! সাড়া দাও, সাড়া দাও !  
 কাঁদিলে শ্মশানে পুত-কোলে সতী, রাজর্ষি ফিরে চাও !

রাজকুলমান পুত্র পত্নী সকল বিসর্জিয়া  
চণ্ডাল-বেশে ভারত-শ্মশান ছিলে একা আগুলিয়া,  
এস সন্ন্যাসী, এস সন্ন্যাসী, আজি সে শ্মশান-মাঝে,  
ঐ শোনো তব পুণ্য জীবন-শিশুর কঁাদন বাজে ।

দাতাকর্ণের সম নিজ স্মৃতে কারাগার-যুগে ফেলে  
ত্যাগের করাতে কাটিয়াছ বীর বারে বারে অবহেলে ।  
ইব্রাহিমের মত বাচ্ছার গলে খঞ্জর দিয়া  
কোরবানী দিলে সত্যের নামে, হে মানব নবী-হিয়া ।  
ফেরেশ্তা সব করিছে সালাম, দেবতা নোয়ায় মাথা,  
ভগবান-বুকে মানবের তরে শ্রেষ্ঠ আসন পাতা ।

প্রজা-রঞ্জন রাম-রাজা দিল সীতারে বিসর্জন,  
তঁারও হ'য়েছিল যজ্ঞে স্বর্ণ-জানকীর প্রয়োজন,  
তব ভাণ্ডার-লক্ষ্মীরে রাজা নিজ হাতে দিলে তুলি'  
ক্ষুধা-তৃষাতুর মানবের মুখে, নিজে নিলে পথ-ধূলি,  
হেম-লক্ষ্মীর তোমারও জীবন-যাগে ছিল প্রয়োজন,  
পুড়িলে যজ্ঞে, তবু নিলেনাক' দিলে যা বিসর্জন !  
তপোবলে তুমি অর্জিলে তেজ বিশ্বামিত্র-সম,  
সারা বিশ্বের ব্রাহ্মণ তাই বন্দিছে নমো নমো ।

হে যুগ-ভীষ্ম ! নিন্দার শরশয্যায় তুমি শুয়ে  
বিশ্বের তরে অমৃতমন্ড বীর-বাণী গেলে খুয়ে ।  
তোমার জীবনে ব'লে গেলে—ওগো ককি আসার আগে  
অকল্যাণের কুরুক্ষেত্রে আজো মাঝে মাঝে জাগে

চির-সত্যের পাঞ্চজন্ম, কৃষ্ণের মহাগীতা,  
 যুগে যুগে কুরু-মেদ-ধূমে জ্বলে অত্যাচারের চিতা !  
 তুমি নব ব্যাস, গেলে নবযুগ-জীবন-ভারত রচি',  
 তুমিই দেখালে—ইন্দ্রেরই তরে পারিজাত-মালা, শচী !

আসিলে সহসা অত্যাচারীর প্রাসাদ-স্তম্ভ টুটি'  
 নব-নৃসিংহ-অবতার তুমি, পড়িল বক্ষে লুটি'  
 আর্ত-মানব-হৃদি-প্রহ্লাদ, পাগল মুক্তি-প্রেমে !  
 তুমি এসেছিলে জীবন-গঙ্গা তৃষাতুর তরে নেমে !  
 দেবতারা তাই স্তম্ভিত হের' দাঁড়ায়ে গগন তলে  
 নিমাই তোমারে ধরিয়াছে বুকে, বুদ্ধ নিয়াছে কোলে !

তোমারে দেখিয়া কাহারো হৃদয়ে জাগেনিক' সন্দেহ  
 হিন্দু কিম্বা মুসলিম তুমি অথবা অন্ত কেহ ।  
 তুমি আর্তের তুমি বেদনার ছিলে সকলের তুমি,  
 সবারে যেমন আলো দেয় রবি, ফুল দেয় সবে ভূমি !  
 হিন্দুর ছিলে আকবর তুমি মুসলিমের আরংজিব,  
 যেখানে দেখেছ জীবের বেদনা, সেখানে দেখেছ শিব  
 নিন্দাগ্রানির পক্ষ মাখিয়া, পাগল, মিলন হেতু  
 হিন্দু মুসলমানের পরানে তুমিই বাঁধিলে সেতু !  
 জানি না আজিকে কি অর্ঘ্য দেবে হিন্দু মুসলমান,  
 ঈর্ষা পক্ষে পঙ্কজ হ'য়ে ফুটুক এদের প্রাণ !

হে অরিন্দম, মৃত্যুর তীরে ক'রেছ শত্রু জয়,  
 প্রেমিক, তোমার মৃত্যুশাশান আজিকে মিত্রময় !

তাই দেখি, যারা জীবনে তোমায় দিল কণ্টক-হুল,  
আজ তাহারাই এনেছে অর্ঘ্য নয়ন-পাতার ফুল !  
কে ছিলে তুমি জানিনাক' কেহ, দেবতা কি আগুলিয়া,  
শুধু এই জানি, হেরে আর কারে ভরেনি এমন হিয়া ।

\* \* \*

আজি দিকে দিকে বিপ্লব-অহিদল খুজে ফেরে ডেরা,  
তুমি ছিলে এই নাগ-শিশুদের ফণী-মনসার বেড়া !  
তুমিই রাজার ঐরাবতের পদতল হ'তে তুলে  
বিষ্ণু-শ্রীকর-অরবিন্দরে আবার শ্রীকরে তুলে !  
তুমি দেখেছিলে ফাঁসীর গোপীতে বাঁশীর গোপীমোহন,  
রক্ত-ধমুনাকূলে রচে' গেলে প্রেমের বৃন্দাবন !  
তোমার ভগ্ন চাকায় জড়ায়ে চালায়েছে এরা রথ,  
আপন মাথার মানিক জ্বালায়ে চালায়েছ রাতে পথ,  
আজ পথহারা আশ্রয়হীন তাহারা যে মরে ঘুরে,  
গুহা-মুখে বসি' ডাকিছে সাপুড়ে মারণ-মন্ত্র সুরে !

\* \* \*

যেদিকে তাকাই কূল নাহি পাই, অকূল হতাশ্বাস,  
কোন শাপে ধরা স্বরাজ-রথের চক্র করিল গ্রাস ?  
যুধিষ্ঠিরের সম্মুখে রণে পড়িল সব্যসাচী,  
ঐ হের' দূরে কৌরব-সেনা উল্লাসে উঠে নাচি' ।  
হিমালয় চিরে আগ্নেয়-বান চীৎকার করি' ছুটে,  
শত ক্রন্দন-গজা যেন গো পড়িছে পিছনে টুটে !  
সুত-বেদনা গিরিরাজ ভয়ে জলদে লুকায় কায়—  
নিখিল-অশ্রু-সাগর বৃষ্টি বা তাহারে ডুবাতে চায় !  
টুটিয়াছে আজ গর্ব তাহার, লাজে নত উঁচু শির,  
ছাপি' হিমাদ্রি উঠিছে প্রণাম সমগ্র পৃথিবীর !

ধূজটি-জটা-বাহিনী গঙ্গা কাঁদিয়া কাঁদিয়া চলে,  
তারি নীচে চিতা—যেন গো শিবের ললাটে অগ্নি জ্বলে ।

\* \* \*

মৃত্যু আজিকে হইল অমর পরশি' তোমার প্রাণ,  
কালো মুখ তার হ'ল আলোময়, শ্মশানে উঠিছে গান,  
অগুরু-পুষ্প-চন্দন পুড়ে হ'ল সুগন্ধতর,  
হ'ল শুচিতর অগ্নি আজিকে, শব হ'ল সুন্দর !  
ধন্য হইল ভাগীরথী-ধারা তব চিতা-ছাই মাখি',  
সমিধ হইল পবিত্র আজি কোলে তব দেহ রাখি' !

\* \* \*

অমুর-নাশিনী জগন্মাতার অকাল উদ্বোধনে  
আঁখি উপাড়িতে গেছিলেন রাম, আজিকে পড়িছে মনে ;  
রাজর্ষি ! আজি জীবন উপাড়ি' দিলে অঞ্জলি তুমি,  
দনুজ-দলনী জাগে কি না—আছে চাহিয়া ভারতভূমি ।

[ চিন্তনামা ]

## রাজ-ভিখারী

কোন ঘর-ছাড়া বিবাগীর বাঁশী শুনে উঠেছিলে জাগি’

ওগো চির-বৈরাগী !

দাঁড়ালে ধূলায় তব কাঞ্চন-কমল-কানন ত্যাগি’—

ওগো চির বৈরাগী ।

ছিলে ঘুম-ঘোরে রাজার দুলাল,

জানিতে না কে সে পথের কাড়াল

ফেরে পথে পথে ক্ষুধাতুর-সাথে ক্ষুধার অন্ন মাগি’,

তুমি সুধার দেবতা ‘ক্ষুধা ক্ষুধা’ ব’লে কাঁদিয়া উঠিলে জাগি’—

ওগো চির-বৈরাগী !

আঙিয়া তোমার নিলে বেদনার গৈরিক-রঙে রেঙে’

মোহ ঘুমপুরী উঠিল শিহরি’ চমকিয়া ঘুম ভেঙে !

জাগিয়া প্রভাতে হেরে পুরবাসী

রাজা দ্বারে দ্বারে ফেরে উপবাসী,

সোনার অঙ্গ পথের ধূলায় বেদনার দাগে দাগী !

কে গো নারায়ণ নবরূপে এলে নিখিল-বেদনা-ভাগী—

ওগো চির-বৈরাগী !

‘দেহি ভবতি ভিক্ষাম্’ বলি’ দাঁড়ালে রাজ-ভিখারী,

খুলিল না দ্বার, পেলো না ভিক্ষা, দ্বারে দ্বারে ভয় দ্বারী !

বলিলে, ‘দেবে না ? লহ তবে দান—

ভিক্ষাপূর্ণ আমার এ প্রাণ ।’—

দিল না ভিক্ষা, নিলনাক’ দান, ফিরিয়া চলিলে যোগী ।

যে-জীবন কেহ লইল না তাহা মৃত্যু লইল মাগি’ ॥

ঝিঙে ফুল

ঝিঙে ফুল ! ঝিঙে ফুল !  
সবুজ পাতার দেশে ফিরোজিয়া ফিঙে কুল—  
ঝিঙে ফুল ।

গুল্মে পর্ণে  
লতিকার কর্ণে  
ঢল ঢল স্বর্ণে  
ঝলমল দোলে ছল—  
ঝিঙে ফুল ॥

পাতার দেশের পাখী বাঁধা হিয়া বোঁটাতে,  
গান তব শুনি সাঁঝে তব ফুটে ওঠাতে ।  
পউষের বেলা শেষ  
পরি' জাফ্রানি বেশ  
মরা মাচানের দেশ  
ক'রে তোল মশ্‌গুল—  
ঝিঙে ফুল ॥

শ্রামলী মায়ের কোলে সোনামুখ থুকু রে  
আলুথালু ঘুমু যাও রোদে-গলা ছকুরে ।



প্রজাপতি ডেকে যায়—

‘বোঁটা ছিঁড়ে চ’লে যায়।’

আস্মানে তারা চায়—

‘চ’লে যায় এ অকূল।’

ঝিঙে ফুল ॥

তুমি বল—‘আমি হায়

ভালোবাসি মাটি-মায়,

চাই না এ অলকায়—

ভালো এই পথ-ভুল।’

ঝিঙে ফুল ॥

## খুকী ও কাঠবেড়ালি

কাঠবেড়ালি ! কাঠবেড়ালি ! পেয়ারা তুমি খাও ?  
গুড়-মুড়ি খাও ? দুধ-ভাত খাও ? বাতাবি নেবু ? লাউ ?  
বেড়াল-বাচ্ছা ? কুকুর ছানা ? তাও ?—

ডাইনী তুমি হোঁৎকা পেটুক,  
খাও একা পাও যেথায় যেটুক !  
বাতাবি-নেবু সকলগুলো  
একলা খেলে ডুবিয়ে নুলো !  
তবে যে ভারি লাজ উঠিয়ে পুট্‌স পাট্‌স চাও ?  
হোঁচা তুমি ! তোমার সঙ্গে আড়ি আমার ! যাও !

কাঠবেড়ালি ! বাঁদরীমুখী ! মারবো ছুড়ে কিল !  
দেখ'বি তবে ? রাঙাদা'কে ড'ক'বো ? দেবে ডিল !  
পেয়ারা দেবে ? যা তুই ওঁচা !  
ভাইতে ভোর নাকটি বোঁচা !  
হুতমে'-চোখী ! গাপুস্ গুপুস্ !  
একলাই খাও হাপুস্ হুপুস্ !  
পেটে তোমার পিলে হবে ; কুড়ি-কুষ্টি মুখে !  
হেই ভগবান ! একটা পোকা যাস্ পেটে ওর ঢুকে !

ইস্ ! খেয়ো না মস্তপানা ঐ সে পাকাটাও !  
 আমিও খুবই পেয়ারা খাই যে ! একটি আমায় দাও !  
 কাঠবেড়ালি ! তুমি আমার ছোড়দি' হবে ? বোদি হবে ? হুঁ,  
 রাঙা দিদি ? তবে একটা পেয়ারা দাও না ! উঃ !

এ রাম তুমি ঞাংটা পুঁটো ?  
 ফকটা নেবে ? জামা ছুঁটো ?  
 আর খেয়ো না পেয়ারা তবে,  
 বাতাবি নেবুও ছাড়তে হবে !  
 দাঁত দেখিয়ে দিচ্ছ ছুট ? অ-মা দেখে যাও !-  
 কাঠবেড়ালি ! তুমি মর ! তুমি কচু খাও ।

[ ঝিঙে-ফুল ]

## খাঁড় দাড়

অ-মা ! তোমার বাবার নাকে কে মেরেছে ল্যাং ?  
খাঁদা নাকে নাচ্ছে ছাদা—নাক-ড্যাঙা-ড্যাং-ড্যাং !

ওঁর নাকটাকে কে ক'রলো খাঁদা রাঁদা বুলিয়ে ?  
চাম্চিকে-ছা ব'সে যেন আজুড় বুলিয়ে !  
বুড়ো গরুর পিঠে যেন শুয়ে কোলা ব্যাং !  
অ-মা ! আমি হেসে মরি, নাক-ড্যাঙা-ড্যাং-ড্যাং !

ওঁর খাঁদা নাকের ছাঁদা দিয়ে টুকিকে দেয় 'টু' !  
ছোড়্দি বলে স্দি ওটা, এ রাম ! ওয়াক্ ! থুং !  
কাছিম যেন উপুড় হ'য়ে ছড়িয়ে আছেন ঠ্যাং !  
অ-মা ! আমি হেসে মরি, নাক-ড্যাঙা-ড্যাং-ড্যাং !

দাড় বুঝি চীনা ম্যান্ মা, নাম বুঝি চাংচু ?  
তাই বুঝি ওঁর মুখটা অমন চ্যাপ্টা সুধাংশু !  
জাপান দেশের নোটিশ উনি নাকে এঁটেছেন !  
অ-মা ! আমি হেসে মরি, নাক-ড্যাঙা-ড্যাং-ড্যাং !

দাড়র নাকি ছিল না মা অমন বাহুড়-নাক,  
ঘুম দিলে ঐ চ্যাপ্টা নাকেহ বাজ্ তো সাতটা শাঁখ,  
দিদিমা তাই খাব্ড়া মেরে খাব্ড়া ক'রেছেন !  
অ-মা ! আমি হেসে মরি, নাক-ড্যাঙা-ড্যাং-ড্যাং !

লক্ষ্মানন্দে লাফ দিয়ে মা চ'লতে বেজির ছা  
দাড়ির জালে প'ড়ে যাহুর আটকে গেছে গা,  
বিল্লী-বাচ্চা দিল্লী যেতে নাসিক এসেছেন !  
অ-মা ! আমি হেসে মরি, নাক-ড্যাঙা-ড্যাং-ড্যাং ।

দিদিমা কি দাছর নাকে টাঙাতে 'আল্‌মানাক্'  
গজাল ঠুকে দেছেন ভেঙে বাঁকা নাকের কাঁধ ?  
মুচি এসে দাছর আমার নাক ক'রেছে 'ট্যান্' !  
অ-মা ! আমি হেসে মরি, নাক-ড্যাঙা-ড্যাং-ড্যাং ।

বাঁশির মতন নাসিকা মা মেলে নাসিকে,  
মেথায় নিয়ে চল দ ছ দেখন-হাসিকে ।  
মেথায় গিয়ে করুন দাছ গরুড় দেবের ধ্যান,  
খাঁছ-দাছ নাকু হবেন, নাক-ড্যাঙা-ড্যাং-ড্যাং ।

[ ঝিঙে-ফুল ]

## প্রভাতী

ভোর হোলো

দোর খোলো

খুকুমনি ওঠ রে !

ঐ ডাকে

জুঁই-শাখে

ফুল-খুকী ছোট রে !

খুকুমনি ওঠ রে !

রবি মামা

দেয় হামা

গায়ে রাঙা জামা ঐ

দারোয়ান

গায় গান

শোনো ঐ, 'রামা হৈ' !

ত্যাঙ্গি' নীড়

ক'রে ভিড়

ওড়ে পাখী আকাশে

এস্তার

গান তার

ভাসে ভোর বাতাসে !

চুলবুল

বুলবুল

শিস্ দেয় পুষ্প,

এইবার

এইবার

থুকুমনি উঠবে।

খুলি' হাল

তুলি' পাল

ঐ তরী চ'ল্লো,

এইবার

এইবার

থুকু চোখ খুল্লো।

আলসে

নয় সে

ওঠে রোজ গফালে,

রোজ তাই

চাঁদা ভাঙি

টিপ দেয় কপালে।

উঠ'ল

ছুট'ল

ঐ খোকাখুকা সব,

উঠেছে

আগে কে'

ঐ শোনো কল্পব।

নাই রাত

মুখ হাত

ধোও, থুকু জাগো রে।

জয় গানে

ভগবানে

তুমি' বর মা'গা রে।

## লিচু-চোর

বাবুদের তাল-পুকুরে  
হাবুদের ডাল-কুকুরে  
সে কি বাস্ ক'রলে তাড়া  
বলি থাম্. একটু দাঁড়া !  
পুকুরের ঐ কাছে না  
লিচুর এক গাছ আছে না,  
হোতা না আস্তে গিয়ে  
য়াবড় কাশ্তে নিয়ে  
গাছে গ্যে যেই চ'ড়েছি,  
ছোট এক ডাল ধ'রেছি,  
ও বাবা মড়াং ক'রে  
প'ড়েছি মড়াং জোরে !  
প'ড়বি পড়্ মাল'র ঘাড়েই,  
সে ছিল গাছের আ'ড়েই  
ব্যাটা ভাই বড় নচ্ছার,  
ধুমাধুম গোটা ছ্ছার  
দিলে খুব কিল ও ঘুঘি  
একদম জোর্সে হুঁসি' !  
আমিও বাগিয়ে থাপড়  
দে হাওয়া চাগিয়ে কাপড়,  
লাফিয়ে ডিঙ্‌নু দেয়াল,  
দেখি এক ভিটরে শেয়াল ?  
আরে ধ্যাং শেয়াল কোথা ?  
ভেলোটা দাঁড়িয়ে হোথা !  
দেখে যেই ঔৎকে ওঠা !  
কুকুরও জুড়্‌লে ছোটা !



আমি কই কন্ম কাবার  
 কুকুরেই ক'বে সাবাড় !  
 'বাবা গো মাগো' ব'লে  
 পাঁচিলের ফৌকল গ'লে  
 ঢুকি গ্যে বোস্দের ঘরে,  
 'যেন প্রাণ আস্লে ধড়ে !  
 যাব ফের ? কান মলি ভাই,  
 চুরিতে আর যদি যাই !  
 তবে মোর নামই মিছা !  
 কুকুরের চামড়া খিঁচা  
 সে কি ভাই যায় রে ভুলা—  
 মালীর ঐ পিটুনিগুলা,  
 কি বলিস ? ফের হপ্তা ?  
 তওবা—নাক-খপ্তা !

## গান

( ১ )

( মিস্ কাজলতুয়েসা এম্,এ,-র বিলাত-গমন উপলক্ষ্যে )

জাগিলে ‘পারুল’ কিগো ‘সাত ভাই চম্পা’ ডাকে  
উদিলে চন্দ্র-লেখা বাদলের মেঘের ফাঁকে !

চলিলে সাগর ঘুরে  
অলকার মায়ার পুরে,  
ফোটে ফুল নিত্য যেথায়  
জীবনের ফুল্ল-শাখে ॥

আধারের বাতায়নে চাহে আজ লক্ষ তারা,  
জাগিছে বন্দিনীরা, টুটে ঐ বন্ধ কারা !

থেকো না স্বর্গে ভুলে  
এ পারের মর্ত্য-কূলে।  
ভিড়ায়ো সোনার তরী  
আবার এই নদীর বাঁকে ॥

[ বুলবুল ] ।

( ২ )

শৈশবী—কাহাব্বা।

বাগিচায়      বুলবুলি তুই ফুলশাখাতে দিস্নে আজি দোল্ ।  
আজো তার      ফুল্কলিদের ঘুম টুটেনি, তন্দ্রাতে বিলোল ॥  
আজো হায়      রিক্ত শাখায় উত্তরী বায় বুর্ছে নিশিদিন,  
আসেনি      দখ্‌নে হাওয়া গজল্-গাওয়া, মৌমাছি বিভোল্ ॥

কবে সে ফুলকুমারী বোম্‌টা চিরি' আসবে বাহিরে,  
 শিশিরের স্পর্শে ভাঙবে রে ঘুম রাঙবে রে কপোল ॥  
 ফাগুনের মুকুল-জাগা ছ'কুল-ভাঙা আসবে ফুলে বান,  
 কুঁড়িদের ওষ্ঠপুটে লুটবে হাসি, ফুটবে গালে টোল ॥  
 কবি তুই গন্ধে ভুলে ডুবলি জলে কূল পেলিনে আর,  
 ফুলে তৌর বুক ভ'রেছিস্ আজকে জলে ভ'রবে আঁখির কোল ॥

[ বুলবুল ]

( ৩ )

জোনপুরী-আশাবরী—কাহারবা

আমারে চোখ-ইশারায় ডাক দিলে হয় কে গো দরদী,  
 খুলে দাঁও রং-বহলার তিমির-ছয়ার ডাকিলে যদি ॥  
 গোপনে তৈতী হাওয়ার, গুল-বাগিচায় পাঠালে লিপি,  
 দেখে তাই ডাকছে ডালে কু-কু ব'লে কোয়েলা-ননদী ॥  
 পাঠালে ঘুণি দূতী ঝড়-কপোতী বৈশাখে সগি,  
 বরষা মেই ভরমায় মোর পানে চাব জল-ভরা নদী ॥  
 তোনারি অশ্রু ঝলে শিউলি-ফলে মিত্র শরতে,  
 হিমালয়ের পরশ বুলাও ঘুম ভেঙে দাও দ্বার যদি রোধি ॥  
 পউষের শূণ্য মাঠে একলা বাটে চাও বিরহিণী,  
 ছুঁ' হয় চাই বিষাদে মধ্যে কাঁদে তৃষ্ণা-জলবি ॥  
 ভিড়ে যা ভোর বাতাসে ফুল-স্বাসে রে ভানর-কবি,  
 উষমীর শিশু-মহলে আসতে যদি চাস্ নিরবধি ॥

[ বুলবুল ]

( ৪ )

ইমন-মিশ্র গজল—কাহারবা

বাসিয়া বিজনে কেন একা মনে  
 পানিয়া ভরণে চল লো গোরী ।

চল জলে চল	কাঁদে বনতল,
ডাকে ছল ছল	জল-লহরী ॥
দিবা চ'লে যায়	বলাকা-পাখায়
বিহগের বুকে	বিহগী লুকায় ।
কেঁদে চখা-চখা	মাগিছে বিদায়
বারোয়ার সুরে	ঝুরে বাঁশরী !
সাঁঝ হেরে মুখ	টান মুকুরে
ছায়া-থ-সিঁথি	রচি' চিকুরে,
নাথ ছায়া-টী	কানন-পুরে,
তুলে লটপট	লতা-বরী ॥
'বেলা গেল বধু'	ডাকে ননদী,
'চলো জল নিভে	যাবি লো যদি'
কালো হ'য়ে আসে	সুদূর নদী,
নাগরিকা সাজে	সাজে নগরী ॥
মাঝি বাঁধে তরী	সিনান-ঘাটে
ফিরিছে পথিক	বিজন মাঠে,
কারে ভেবে বেলা	কাঁদিয়া কাটে
ভর আঁখি-জলে	ঘট-গাগরী ॥
ওগো বে দরদী,	ও রাঙা পায়ে
মালা হ'য়ে কে গো	গেল জড়ায়,
তব সাথে কবি	পড়িল দায়ে
পায়ে রাখি তারে	না গুলে পরি ।

( ৫ )

পিলু—কাহাব্বা-দাদরা

ভুলি কেমনে আজো যে মনে বেদনা-সনে রহিল ঐঁকা ।  
 আজো সজনী দিন রজনী সে বিনে গণি তেমনি কাঁকা ॥  
 আগে মন ক'রলে চুরি, মর্মে শেষে হান্লে ছুরি,  
 এত শঠতা এঁত যে ব্যথা তবু যেন তা' মধুতে মাখা ॥  
 চকোরী দেখলে চাঁদে দূর হ'তে সই আজো কাঁদে,  
 আজো বাদলে বুলন ঝোলে তেমনি জলে চলে বলাকা ॥  
 বকুলের তলায় দৌতুল কাজলা মেয়ে কুড়োয় লো ফুল,  
 চলে নাগরী কাঁখে গাগরী চরণ ভারী কোমর বাঁকা ॥  
 তরুরা রিক্ত-পাতা, আস্লে লো তাই ফুল-বারতা,  
 ফুলেরা গ'লে ঝ'রেছে ব'লে ভ'রেছে ফলে বিটপী-শাখা ॥  
 ডালে তোর হানলে আঘাত দিস্ রে কবি ফুল-সঙগাত,  
 ব্যথা-মুকুলে অলি না ছুঁলে বনে কি ছলে ফুল-পতাকা ॥  
 [ বুলবুল ]

( ৬ )

মিশ্র বেহাগ-খাম্বাজ—দাদরা

কেন কাঁদে প্রান কী বেদনায় কারে কহি !  
 সদা কাঁপে ভীকু হিয়া রহি' রহি' ॥  
 সে থাকে নীল নভে আমি নয়ন-জল-সায়রে,  
 সাতাশ তারার সতীন সাথে সে যে ঘুরে মরে,  
 কেমনে ধরি সে চাঁদে রাহু নহি ।  
 কাজল করি' যারে রাখি গো আঁখি-পাতে  
 স্বপনে যায় সে ধুয়ে গোপন অশ্রু-সাথে !  
 বুকে তায় মালা করি' রাখিলে যায় সে চুরি,  
 বাঁধিলে বলয়-সাথে মলয়ায় যায় সে উড়ি',  
 কি দিয়ে সে উদাসীর মন মোহি' ॥

[ বুলবুল ]

( ৭ )

সিন্ধু ভৈরবী—কাহারবা

মৃদুল বায়ে                      বকুল ছায়ে  
 গোপন পায়ে                    কে ঐ আসে,  
 আকাশ-ছাওয়া                চোখের চাওয়া,  
 উতল্ হাওয়া                    কেশের বাসে ॥

উষার রাগে                    সাঁজের ফাগে  
 যুগল তাহার                  কপোল রাঙে,  
 কমল ছলে                      সূর্য শশী  
 নিশীথ-চূলে                    আঁধার রাশে ॥  
 চরণ-ছোঁওয়ায়              পাতার ঠোঁটে,  
 মুকুল কাঁপে                    কুসুম ফোটে,  
 আঁখির পলক-                  পতন-ছাঁদে  
 নিশীথ কাঁদে                    দিবস হাসে ॥

গ্রহের মালা                    অলখ-খোঁপায়  
 কপোল শোভে                  তারার টোপায়,  
 কুসুম-কাঁটায়                আঁচল বাধে  
 রুমাল লুটায়                  সবুজ ঘাসে ॥  
 সাঁঝের শাখায়                কানন মাঝে,  
 বালার বিহগ-                  কাঁকন বাজে,  
 জীবন তাহার                  সোনার স্বপন  
 দোলায় ঘুমায়                শিশুর পাশে ॥

তোমার লীলা-                  কমল করে,  
 নিখিল রানী,                  ছুলাও মোরে ।  
 ঢুলাও আমার                সুবাসখানি  
 তোমারে মুখের                মদির স্বাসে ॥

( ৮ )

ভৈরবী-আশাবরী — কাহারুবা

কে বিদেশী	বন-উদাসী
বাঁশের বাঁশী	বাজাও বনে,
স্র-সোহাগে	তন্দ্রা লাগে
কুসুম-বাগে	গুল-বদনে ॥

ঝিমিয়ে আসে	ভোমরা পাখা,
যুথীর চোখে	আবেশ মাখা,
কাতর ঘুমে	চাঁদিমা রাকা
( ভোর গগনের	দর-দালানে )
দর-দালানের	ভোর গগনে ॥

লজ্জাবতীর	ললিত লতায়
শিহর লাগে	পুলক ব্যথায়,
মালিকা-সম	বঁধুরে জড়ায়
বালিকা-বধু	সুখ-স্বপনে ॥

সহসা জাগি'	আধেক রাতে
শুনি সে বাঁশী	বাজে হিয়াতে,
বাহু-শিথানে	কেন কে জানে
কাঁদে গো পিয়া	বাঁশীর সনে ॥

বুথাই গাঁথি'	কথার মালা
লুকাস্ কবি	বুকের জালা,
কাঁদে নিরালা	বনশীওয়ালা
• তোরি উতল।	বিরহী মনে ।

## অস্রাণের সওগাত

ঋতুর খাঞ্চা ভরিয়া এল কি ধরণীর সওগাত?।  
নবীন ধানের আস্রাণে আজি অস্রাণ হ'ল মাৎ।  
‘গিনি-পাগল’ চা’লের ফির্নী  
তশ্তরী ভ’রে নবীনা গিন্নী  
হাসিতে হাসিতে দিতেছে স্বামীরে, খুশীতে কাঁপিছে হাত।  
শির্নী রাঁধেন বড় বিবি, বাড়ী গন্ধে তেলেস্মাত।

মিঞা ও বিবিতে বড় ভাব আজি খামারে ধরে না ধান।  
বিছানা করিতে ছোট বিবি রাতে চাপা সুরে গাহে গান।  
‘শাশবিব’ কন, ‘আহা আসে নাই  
কতদিন হ’ল মেজ্‌লা জামাই।’  
ছোট মেয়ে কয়, ‘আম্মা গো, রোজ কাঁদে মেজো বুবুজান।’  
দলিজেয় পান সাজিয়া সাজিয়া সেজো-বিবি লবেজান।

হল্লা করিয়া ফিরিছে পাড়ার দস্তি ছেলের দল।  
ময়নামতীর শাড়ি-পরা মেয়ে গয়নাতে ঝলমল।  
নতুন পৈঁচি বাজুবন্দ প’রে  
চাষা-বৌ কথা কয় না গুমোরে,  
জারি গান আর গাজীর গানেতে সারা গ্রাম চঞ্চল।  
বৌ করে পিঠা ‘পুরু’-দেওয়া মিঠা, দেখে জিভে সরে জল।

মাঠের সাগরে জোয়ারের পরে লেগেছে ভাটির টান।  
রাখাল ছেলের বিদায়-বাঁশীতে ঝুরিছে আমন ধান।



কৃষক-কণ্ঠে ভাটিয়ালী সুর  
 রোয়ে রোয়ে মরে বিদায়-বিধুর।  
 ধান ভানে বৌ, ছলে ছলে ওঠে রূপ-তরঙ্গে বান।  
 বধূর পায়ের পরশে পেয়েছে কাঠের ঢেঁকিও প্রাণ।

হেমন্ত-গায় হেলান দিয়ে গো রৌদ্র পোহায় শীত।  
 কিরণ-ধারায় ঝরিয়া পড়িছে সূর্য—আলো-সরিং।  
 দিগন্তে যেন তুর্কী-কুমারী  
 কুয়াশা-নেকাব রেখেছে উতারি' !  
 চাঁদের প্রদীপ জ্বালাইয়া নিশি জাগিছে একা নিশীথ,  
 নতুনের পথ চেয়ে চেয়ে হ'ল হরিৎ পাতারা পীত।

নবীনের লাল ঝাণ্ডা উড়ায়ে আসিতেছে কিশলয়,  
 রক্ত-নিশান নহে যে রে ওরা রিক্ত শাখার জয়।  
 'মুজ্জ্দা' এনেছে অগ্রহায়ণ—  
 আসে নওরোজ খোল গো তোরণ,  
 গোলা ভ'রে রাখ সারা বছরের হাসি-ভরা সঞ্চয়।  
 বাসি বিছানায় জাগিতেছে শিশু সুন্দর নির্ভয়।

[ জিজির ]

## মিসেস্ এম্ রহমান

মোহর্রমের চাঁদ ওঠার তো আজিও অনেক দেরি,  
কোন্ কার্বালা-মাতম্ উঠিল এখনি আমায় ঘেরি' ?  
ফোরাতে মৌজ ফোঁপাইয়া ওঠে কেন গো আশ্রার চোখে !  
নিখিল-এতিম্ ভিড় ক'রে কাঁদে আমার মানস-লোকে !  
মর্সিয়া-খান ! গা'স্নে অকালে মর্সিয়া-শোকগীতি,  
সর্বহারার অশ্রু-প্লাবনে সয়লাব হবে ক্ষিতি !...

....আজ যবে হায় অ'মি  
কুফার পথে গো চলিতে চলিতে কার্বালা-মাঝে থামি'  
হেরি চারিধারে ঘিরিয়াছে মোরে মৃত্যু-এজিদ্-সেনা,  
ভায়েরা আমার হৃশ্‌মন্-খুনে মাখিতেছে হাতে হেনা,  
আমি শুধু হায় রোগ-শয্যায় বাজু কামড়ায়ে মরি !  
দানা পানি নাই পাতার খিমায় নির্জীব আছি পড়ি' !  
এমন সময় এল 'ছল্‌ছল্' পৃষ্ঠে শূন্য জিন,  
শূন্যে কে যেন কাঁদিয়া উঠিল—'জয়নাল অব'েদীন' !  
শীর্ণ-পাঞ্জা দীর্ণ-পাঁজর পর্ণকুটীর ছাড়ি'  
উঠিতে পড়িতে ছুটিয়া আসিলু, রুধিল ছয়ার দারী !  
বন্দিনী মা'র ড ক শুনি শুধু জীবন-ফোরাতে পারে,  
'এজিদের বেড়া পারায়ে এসেছি, যাছ তুই ফিরে যা রে !'  
কাফেলা যখন কাঁদিয়া উঠিল তখন ছপুর নিশা !—  
এজিদে পাইব, কোথা পাই হায় আজ রাইলের দিশা ?  
জীবন ঘিরিয়া ধু-ধু করে আজ শুধু সাহারার বালি,  
অগ্নি-সিন্ধু করিতেছি পান দোজখ করিয়া খালি !

আমি পুড়ি, সাথে বেদনাও পুড়ে, নয়নে শুকায় পানি,  
কলিজা চাপিয়া তড়পায় শুধু বুক-ভাঙা কাৎরানি।  
মাতা ফাতেমার লাশের ওপর পড়িয়া কাতর স্বরে  
হাসান হোসেন কেমন করিয়া কেঁদেছিল, মনে পড়ে !

\*

\*

\*

অশ্রু-প্লাবনে হাবুড়বু খাই বেদনার উপকূলে,  
নিজের ক্ষতিই বড় করি তাই সকলের ক্ষতি ভুলে !  
ভুলে যাই—কত বিহগ-শিশুরা এই স্নেহ-বট-ছায়ে  
আমারই মতন আশ্রয় লভি' ভুলেছে আপন মায়ে ।  
কত সে ক্লান্ত বেদনা-দন্ধ মুসাফির এরই মূলে  
বসিয়া পেয়েছে মা'র তসলি, সব গ্লানি গেছে ভুলে !  
আজ তারা সবে করিছে মাতম্‌ আমার বাণীর মাঝে,  
একের বেদনা নিখিলের হ'য়ে বৃকে এত ভারী বাজে !  
আমারে ঘিরিয়া জমিছে অথই শত নয়নের জল,  
মধ্যে বেদনা-শতদল আমি করিতেছি টলমল !  
নিখিল-দরদী ছিলেন আশ্রম ! নাহি মোর অধিকার  
সকলের মাঝে সকলে ত্যজিয়া শুধু একা কাঁদিবার !  
আসিয়াছি মাগো জিয়ারত লাগি' আজি অগ্রজ হ'য়ে  
মা-হারা আমার ব্যথাতুর ছোট ভাইবোনগুলি ল'য়ে ।  
অশ্রুতে মোর অন্ধ ছ'চোখ, তবু ওরা ভাবিয়াছে  
হয়তো তোমার পথের দিশা মা জানা আছে মোর কাছে !  
জীবন-প্রভাত দেউলিয়া হ'য়ে যারা ভাষাহীন গানে  
ভর ক'রে মাগো চ'লেছি সব গোরস্থানের পানে,  
পক্ষ মেলিয়া আবারিলে তুমি সকলে আকুল স্নেহে,  
যত ঘর-ছাড়া কোলাকুলি করে তব কোলে তব গেহে !

‘কত বড় তুমি’ বলিলে, বসিতে, ‘আকাশ শূণ্য ব’লে  
 এত কোটি তারা চন্দ্র সূর্য গ্রহে ধরিয়াছে কোলে ।  
 শূণ্য সে বুক তবু ভরেনি রে, আজো সেথা আছে ঠাঁই,  
 শূণ্য ভরিতে শূণ্যতা ছাড়া দ্বিতীয় সে কিছু নাই !’

গোর-পলাতক মোরা বুঝি নাই মা গো তুমি আগে থেকে  
 গোরস্থানের দেনা শুধিয়াছ আপনারে বাঁধা রেখে !  
 ভুলাইয়া রাখি গৃহ-হারাদের দিয়া স্ব-গৃহের চাবি  
 গোপনে মিটালে আমাদের ঋণ—মৃত্যুর মহা-দাবি !  
 সকলেরে তুমি সেবা ক’রে গেলে, নিলে না কারুর সেবা,  
 আলোক সবারে আলো দেয়, দেয় আলোকেরে আলো কেবা ?

আমাদেরও চেয়ে গোপন গভীর কাঁদে বাণী ব্যাথাতুর,  
 থেমে গেছে তার ছললী মেয়ের জ্বালা-ক্রন্দন সুর ।  
 কমল-কাননে থেমে গেছে ঝড় ঘূর্ণির ডামাডোল,  
 কারার বন্দে বাজেনাক’ আর ভাঙন-ডঙ্কা-রোল !  
 বসিবে কখন জ্ঞানের তথ্যে, বাঙলার মুসলিম !  
 বারে-বারে টুটে কলম তোমার না লিখিতে শুধু ‘মিম’ ।

\*

\*

\*

সে ছিল আরব-বেদুঈনদের পথ-ভুলে-আসা মেয়ে,  
 কাঁদিয়া উঠিত হেরেমের উচা প্রাচীরের পানে চেয়ে !  
 সকলের সাথে সকলের মতো চাহিত সে আলো বায়ু,  
 বন্ধন-বাঁধ ডিঙাতে না পেরে ডিঙাইয়া গেল আয়ু !  
 সে বলিত, ‘ঐ হেরেম-মহল নারীদের তরে নহে,  
 নারী নহে যারা ভুলে বাঁদী-খানা ঐ হেরেমের মোহে !  
 নারীদের এই বাঁদী ক’রে রাখা অবিস্থাসের মাঝে  
 লোভী পুরুষের পশু-প্রবৃত্তি হীন অপমান বাজে ।

আপনা ভুলিয়া বিশ্বপালিকা নিত্য-কালের নারী  
 করিছে পুরুষ জেল-দারোগার কামনার তাঁবেদারি !  
 বলে না কোরান, বলে না হাদিস্‌, ইসলামী ইতিহাস,  
 নারী নর-দাসী, বন্দিনী রবে হেরেমেতে বারো মাস !  
 হাদিস্‌ কোরান ফেকা ল'য়ে যারা করিছে ব্যবসাদারী,  
 মানেনাক' তারা' কোরানের বাণী — সমান নর ও নারী !  
 শাস্ত্র ছাঁকিয়া নিজেদের যত সুবিধা বাছাই ক'রে  
 নারীদের বেলা গুম্‌ হ'য়ে রয় গুম্‌রাহ্‌ যত চোরে !  
 দিনের আলোকে ধ'রেছিলে এই মুনাফেক্‌দের চুরি,  
 মস্‌জিদে বাঁসে স্বার্থের তরে ইসলামে হানা ছুরি !  
 আমি জানি মা'গো আলোকের লাগি' তব এই অভিযান  
 হেরেম-রক্ষী যত গোলামের কাঁপায়ে তুলিত প্রাণ !  
 গোলা-গুলি নাই, গালাগালি আছে, তাই দিয়ে তারা লড়ে,  
 বোকেনাক' থুথু উপরে ছুঁড়িলে আপনারি মুখে পড়ে !  
 আমরা দেখেছি, যত গালি ওরা ছুড়িয়া মেরেছে গায়ে,  
 ফুল হ'য়ে সব ফুটিয়া উঠিয়া করিয়াছে তব পায়ে !

\*

\*

\*

কাঁটার কুঞ্জে ছিলে নাগমাতা সদা উত্তত-ফণা  
 আঘাত করিতে আসিয়া 'আঘাত' করিয়াছে বন্দনা ।  
 তোমার বিষের নীহারিকা লোকে নিতি নব নব গ্রহ  
 জন্ম লভিয়া নিষেধ-জগতে জাগায়েছে বিদ্রোহ !  
 জহরের তেজ পান ক'রে মাগো তব নাগ-শিশু যত  
 নিয়ন্ত্রিতের শিরে গড়িয়াছে ধ্বজা বিজয়োদ্ধত ।  
 মানেনিক' তারা শাসন ত্রাসন বাধা-নিষেধের বেড়া,—  
 মানুষ থাকে না খোঁয়াড়ে বন্ধ, থাকে বটে গরু ভেড়া ।

এস্মে-আজম তাবিজের মত আজো তব রুহ পাক্,  
তাদের ঘেরিয়া আছে কি তেমনি বেদনায় নির্বাক্ ?  
অথবা 'খাতুনে-জান্নাত' মাতা ফাতেমার গুল্বাগে  
গোলাব-কাঁটায় রাঙ' গুল্ হ'য়ে ফুটেছে রক্তরাগে ?

তোমার বেদনা-সাগরে জোয়ার জাগিল যাদের টানে,  
তারা কোথা আজ ? সাগর শুকালে চাঁদ মরে কোন্‌খানে ?

যাহাদের তরে অকালে, আশ্মা, জান দিলে কোরবান,  
তাদের জাগ য় সার্থক হোক তোমার আত্মদান !

মধ্যপথে মা তোমার প্রাণের নিভিল যে দীপ-শিখ',  
জ্বলুক নিখিল-নারী-দীপমন্তে হ'য়ে তাই জয়টিকা !

বন্দিদীদের বেদনার মাঝে বাঁচিয়া আছ মা তুমি,  
চিরজীবী মেয়ে, তবু যাই ঐ কবরের ধূলি চুমি !

মৃত্যুর পানে চলিতে আছিলে জীবনের পথ দিয়ে,  
জীবনের পানে চলিছ কি আজ মৃত্যুরে পারাইয়া ?

[ জিজির ]

## ঈদ মোবারক

শত যোজনের কত মরুভূমি পারায়ে গো,  
কত বালুচরে কত আঁখি-ধারা ঝরায়ে গো,  
বরষের পরে আসিলে ঈদ !  
ভুখারীর দ্বারে সঙগাত্ ব'য়ে রিজ্‌ওয়ানের,  
কণ্টক-বনে আশ্বাস এনে গুল্-বাগের  
সাকীয়ে 'জাম'-এর দিলে তাগিদ !

খুশীর পাপিয়া পিউ-পিউ গাহে দিগ্বিদিক্,  
বধু জাগে আজ নিশীথ-বাসরে নিনিমিথ !  
কোথা ফুলদানী, কাঁদিছে ফুল,  
সুদূর প্রবাসে ঘুম নাহি আসে কার সখাব,  
মনে পড়ে শুধু সৌদা-সৌদা বাস এলো-খোঁপার,  
আকুল করবী উল্‌ঝল্ল !

ওগো কাল সাঁঝে দ্বিতীয়া চাঁদের ইশারা কোন্  
মুজ্‌দা এনেছে, স্থখে ডগ-মগ মুকুলী মন !  
আশাবরী-সুরে বুঝে সানাই ।  
আতর-সুবাসে কাতর হ'ল গো পাথর-দিল,  
দিলে দিলে আজ বন্ধকী দেনা—নাই দলিল,  
কবুলিয়তের নাই বালাই ॥

আজিকে এজিঁদে হাসানে হোসেনে গলাগলি,  
দোজখে ভেশ্‌তে ফুলে ও আগুনে ঢলাঢলি,  
শিরী ফরহাদে জড়াজড়ি !

সাপিনীৰ মত বেঁধেছে লায়লী কায়েসে গো,  
বাহুৰ বন্ধে চোখ বুজে বঁধু আয়েসে গো,  
গালে গালে চুমু গড়াগড়ি ॥

দাউ-দাউ জ্বলে আজি ফুৰ্তিৰ জাহান্নাম,  
শয়তান আজ ভেসে বিলায় শৰাব-জাম,  
দুশ্মন দোস্তু এক-জামাত্ !  
আজি আরফাত-ময়দান পাতা গাঁয়ে-গাঁয়ে,  
কোলাকুলি করে বাদশা ফকীৰে ভায়ে ভায়ে,  
কা'বা ধ'রে নাচে 'লাত মানাত' ॥

আজি ইসলামী ডঙ্কা গরজে ভরি' জাহান,  
নাই বড় ছোট—সকল মাহুষ এক সমান,  
রাজা প্রজা নয় কার কেহ ।  
কে আমীর তুমি নওয়াব বাদশা বালাখানায় ?  
সকল কালের কলঙ্ক তুমি ; জাগালে হায়  
ইসলামে তুমি সন্দেহ ॥

ইসলামে বলে, সকলের তরে মোরা সবাই,  
সুখ দুখ সম-ভাগ ক'রে নেব সকলে ভাই,  
নাই অধিকার সঞ্চয়ের !  
কারো আঁখি-জলে কারো ঝাড়ে কি রে জ্বলিবে দীপ !  
ছু'-জন্য হবে বুলন্দ-নসীব, লাখে লাখে হবে বদ্-নসীব ?  
এ নহে বিধান ইসলামের ॥

ঈদ-অল-ফিতর আনিয়াছে তাই নববিধান,  
ওগো সঞ্চয়ী, উদ্ধৃত্ত যা করিবে দান,  
ক্ষুধার অন্ন হোক তোমার !



ভোগের পেয়ালা উপ্চায়ে পড়ে তব হাতে,  
তৃষ্ণাতুরের হিসসা আছে ও-পেয়ালাতে,  
দিয়া ভোগ কর, বীর, দেদার ॥

বুক খালি ক'রে আপনারে আজ দাও জাকাত,  
ক'রো না হিসাবী আজি হিসাবের অঙ্কপাত !  
একদিন করো ভুল হিসাব ।  
দিলে দিলে আজ খুনসুড়ি করে দিল্লগী,  
আজিকে সায়েলা-লায়েলা-চুমায় লাল যোগী !  
জামশেদ বেঁচে চায় শরাব ॥

পথে পথে আজ হাঁকিব, বন্ধু,  
ঈদ মোবারক ! আস্সালাম ।  
ঠোটে ঠোটে আজ বিলাব শির্ণী ফুল-কালাম,  
বিলিয়ে দেওয়ার আজিকে ঈদ ।  
আমার দানের অমুরাগে রাঙা 'ঈদগা' রে !  
সকলের হাতে দিয়ে দিয়ে আজ আপনারে—  
দেয় নয়, দিল্ হবে শহীদ ॥

## আয় বেহেশতে কে যাবি আয়

আয় বেহেশতে কে যাবি আয়  
প্রাণের বুলন্দ দরওয়াজায়,  
'তাজা ব-তাজা'র গাহিয়া গান  
চির-তরুণের চির-মেলায় ।

আয় বেহেশতে কে যাবি আয় ॥

যুবা-যুবতীর সে-দেশে ভিড়,  
সেথা যেতে নারে বুঢ়া পীর,  
শাস্ত্র-শকুন জ্ঞান-মজুর  
যেতে নারে সেই ছরী-পরীর  
শরাব সাকীর গুলিস্তায় ।

আয় বেহেশতে কে যাবি আয় ॥

সেথা হৃদম খুশির মৌজ,  
তার হানে কালো-জাঁখির ফৌজ,  
পায়ে পায়ে সেথা ভার্জি পেশ,  
দিল চাহে সদা দিল-আফ্রোজ,  
পিরানে পরান বাঁধা সেথায়,

আয় বেহেশতে কে যাবি আয় ॥

করিল না যারা জীবনে ভুল  
দলিল না-বাটা, ছেঁড়েনি সুল,  
দারোয়ান হ'য়ে সারা জীবন  
আগুলিল বেড়া ছুল না গুল,—

যেতে নারে তারা এ জলসায় ।

আয় বেহেশতে কে যাবি আয় ॥

বুড়ো নীতিবিদ—ছুড়ির প্রায়

পেলনাক' এক বিন্দু রস

‘চিরকাল জলে রহিয়া হয় !—

কাঁটা বিঁধে যার ক্ষত আঙুল

দোলে ফুলমালা তারি গলায় !

আয় বেহেশতে কে যাবি আয় ॥

তিলে তিলে যারা পিষে মাবে

অপরের সাথে আপনারে,

ধরণীর ঈদ-উৎসবে

রোজা রেখে প'ড়ে থাকে দ্বারে,

কাফের তাহারা এ-ঈদগায় !

আয় বেহেশতে কে যাবি আয় ॥

বুল্‌বুল্‌ গেয়ে ফেরে বলি'

যাহারা শাসায়ে ফুলবনে

ফুটিতে দিল না ফুলকলি ;

ফুটিলে কুসুম পায়ে দলি'

মারিয়াছে, পাছে বাস বিলায় !

হারাম তারা এ-মুশায়েগায় !

আয় বেহেশতে কে যাবি আয় ॥

হেথা কোলে নিয়ে দিল্লুবা

শরাবী গজল গাহে যুবা,

প্রিয়ার বে-দাগ কপোলে গো  
 এঁকে দেয় তিল মনোলোভা,  
 প্রেমের পাপীর এ মোজরায় ।

আয় বেহেশতে কে যাবি আয় ॥

আসিতে পারে না হেথা বে-দীন  
 মৃত প্রাণ-হীন জরা-মলিন ।  
 নও-জোয়ানীর এ মহ্‌ফিল  
 খুন ও শরাব হেথা অ-ভিন,  
 হেথা ধনু বাঁধা ফুলমালায় !

আয় বেহেশতে কে যাবি আয় ॥

পেয়ালায় হেথা শহীদী খুন  
 তলোয়ার-চৌয়া তাজা তরুণ  
 আঙ্গুর-হৃদি চুয়ানো গো  
 গেলাসে শরাব রাঙা অরুণ ।  
 শহীদে প্রেমিকে ভিড় হেথায় ।

আয় বেহেশতে কে যাবি আয় ॥

প্রিয়া-মুখে হেথা দোঁখ গো চাঁদ,  
 চাঁদে হেরি প্রিয়-মুখের ছাঁদ ।  
 সাধ ক'রে হেথা করি গো পাপ,  
 সাধ ক'রে বাঁধি বালির বাঁধ,  
 এ রস-সাগরে বালু-বেলায় !

আয় বেহেশতে কে যাবি আয় ॥

## নওরোজ

রূপের সওদা কে করিবি তোরা আয় রে আয়

নওরোজের এই মেলায় ।

ডামাডোল আজি চাঁদের হাট,

লুট হ'ল রূপ হ'ল লোপাট !

খুলে ফেলে আজ শরম-ঠাট

রূপসীরা সব রূপ বিলায়

বিনি-কিন্মতে হাসি ইঙ্গিতে হেলাফেলায় !

নওরোজের এই মেলায় !

শা'জাদা উজির নওয়াব-জাদারা—রূপ-কুমার

এই মেলায় খরিদ্-দার ।

নও-জোয়ানীর জহরী ঢের

খুঁজিছে বিপণি জহরতের,

জহরত নিতে টেড়া ঝাঁখের

জহর কিনিছে নিবিকার !

বাহানা করিয়া ছোঁয় গো পিরান জাহানারার

নওরোজের রূপ-কুমার !

ফিরি ক'রে ফেরে শা'জাদী বিবি ও বেগম সা'ব

চাঁদ মুখের নাই নেকাব ?

শূন্য দোকানে পসারিনী

কে জানে কি করে বিকিকিনি !

নেকাব—মুখাবরণ

চুড়ি-কঙ্কণে রিনিঠিনি  
 কাঁদিছে কোমল কড়ি রেখাব ।  
 অধরে অধরে দর-কষাকষি--নাই হিসাব  
 হেম-কপোল লাল গোলাব !

হেরেম-বাঁদীরা দেবের ফেলিয়া মাগিছে দিল  
 নওরোজের নও-ম'ফিল ।  
 সাহেব, গোলাম, খুনী আশেক,  
 বিবি বাঁদী সব আজিকে এক ।  
 চোখে চোখে পেশ দাখিলা চেক  
 দিলে দিলে মিল এক শামিল ।  
 বেপর্ওয়া আজ বিলায় বাগিচা ফুল ত'বিল ।  
 নওরোজের নও-ম ফিল ।

ঠোটে ঠোটে আজ মিস্র শরবৎ ঢাল্ উপড়,  
 রণ-ঝনায় পা'য় নূপুর ।  
 কিস্মিস্-ছেঁচা আজ মধর,  
 আজিকে আলাপ 'মোখ্তসব' !  
 কার পায়ে পড়ে কার চাদর,  
 কাহারে জড়ায় কার কেয়ুর,  
 প্রলাপ বকে গো কলাপ মেলিয়া মন-ময়ূর,  
 আজ দিলের নাই সবু ।

আখির নিক্তি করিছে ওজন প্রেম দেদার  
 ভার কাহার অশ্রু-হার ।

দেবেরম—রোপামুজা      ত'বিল    তহবিল      ম'ফিল—সভা  
 আশেক—প্রেমিক      মোখ্তসব—সংক্ষেপ

চোখে চোখে আজ চেনাচেনি !

বিনি মূলে আজ কেনাকেনি,

নিকাশ করিয়া লেনিদেনি

‘ফাজিল’ কিছুতে কমে না আর !

দিল্ সবার ‘বে-কারার’ !

পানের বদলে মুন্না মাগিছে পান্না-হার !

সাধ ক’রে আজ বরবাদ করে দিল্ সবাই

নিম্খুন কেউ কেউ জবাই !

নিকুপিক্ করে ক্ষীণ কাঁকাল,

পেশোয়াজ কাঁপে টালমাটাল,

গুরু উরু-ভারে তন্ন নাকাল,

টল্‌মল আঁখি জল-বোঝাই !

হাফিজ উমর শিরাজ পলায়ে লেখে ‘রুবাই’ !

নিম্খুন কেউ কেউ জবাই !

শিরী লায়লীয়ে খোঁজে ফরহাদ খোঁজে কায়েস্

নওরোজের এই সে দেশ !

ঢুঁড়ে ফেরে হেথা যুবা সেলিম

নূরজাহানের দূর সাকিম,

আরংজিব আজ হইয়া বিম্

হিয়ায় হিয়ায় চাহে আয়েস !

তখ্‌ত্‌তাউস্ কোহিনূর কারো নাই খায়েশ,

নওরোজের এই সে দেশ !

মুন্না—সাধারণত বাদীর নাম ফাজিল—অতিরিক্ত বে-কারার—দৈর্ঘ্যহার

শিরী, লায়লী, ফরহাদ, কায়েস্—জগদ্ধিত্যাত প্রেমিক-প্রেমিকা

রুবাই—চতুস্পদী কবিতা খায়েশ—ইচ্ছা সেলিম—জাহাঙ্গীর

গুলে-বকৌলি উর্বশীর এ চাঁদনী চক,  
 চাও হেথায়            রূপ নিছক ।  
 শরাব সাকী ও রঙে রূপে  
 আতর লোবান ধূনা ধূপে  
 সয়লাব সব যাক ডুবে,  
 আঁখি-তারা হোক নিষ্পালক ।  
 চাঁদ মুখে আঁক' কালো কলঙ্ক তিল-তিলক ।  
 চাও হেথায়            রূপ নিছক !

হাশিশ্-নেশায় ঝিম্ মেরে আছে আজ সকল,  
 লাল পানির            রংমহল !  
 চাঁদ-বাজারে এ নওরোজের  
 দোকান ব'সেছে মোমতাজের,  
 সওদা করিতে এসেছে ফের  
 শা'জাহান হেথা রূপ-পাগল ।  
 হেরিতেছে কবি সুদূরের ছবি ভবিষ্যতের তাজমহল-  
 নওরোজের            স্বপ্ন-ফল !

[ জিজির ]



## অগ্র-পথিক

অগ্র-পথিক হে সেনাদল,  
জোন্ কদম্ চল্ রে চল্ !  
রৌদ্রদগ্ধ মাটি-মাথা শোন্ ভাইরা মোর,  
বাসি বসুন্ধায় নব অভিযান আজিকে তোরা ।  
রাখ তৈয়ার হাথেলিতে হাতিয়ার জোয়ান,  
হান্‌রে নিশিত পাশুপতাস্ত্র অগ্নিবাণ !  
কোথায় হাতুড়ী কোথা শাবল ?  
অগ্র-পথিক রে সেনাদল,  
জোন্ কদম্ চল্ রে চল্ ॥

কোথায় মানিক ভাইরা আমার সাজ্‌রে সাজ্ !  
আর বিলম্ব সাজে না, চালাও কুচ্‌কাওয়াজ !  
আমরা নবীন তেজ-প্রদীপ্ত বীর তরুণ ।  
বিপদ-বাধার কণ্ঠ ছিঁড়িয়া শুষিব খুন !  
আমরা ফলাব ফুল-ফসল ।  
অগ্র-পথিক বে যুবাদল,  
জোন্ কদম্ চল্ রে চল্ ॥

প্রাণ-চঞ্চল প্রাণী-র তরুণ কর্মবীর,  
হে মানবতার প্রতীক গর্ব উচ্চশির !  
দিব্যচক্রে দেখিতেছি, তোরা দৃপ্তপদ  
সকলের আগে চলিবি পারায়ে গিরি ও নদ,  
মরু-সংগর গতি-চপল ।  
অগ্র-পথিক রে পাণ্ডুল,  
জোন্ কদম্ চল্ রে চল্ ॥

স্ববির শ্রাস্ত প্রাচী-র প্রাচীন জাতিরা সব  
 হারায়েছে আজ দীক্ষা দানের সে-গৌরব !  
 অবনত-শির গতিহীন তারা—মোরা তরুণ  
 বহিব সে ভার, লব শাস্ত্রত ব্রত দারুণ,

শিখাব নতুন মস্তবল ।

রে নব পথিক যাত্রীদল,

জোর্ কদম্ চল রে চল ॥

আমরা চলিব পশ্চাতে ফেলি' পচা অতীত,  
 গিরি-গুহা ছাড়ি' খোলা প্রান্তরে গাহিব গীত ।  
 সৃজিব জগৎ বিচিত্রতর, বীৰ্যবান্,  
 তাজা জীবন্ত সে নব সৃষ্টি অম-মহান্,

চলমান-বেগে প্রাণ উছল ।

রে নবযুগের স্রষ্টাদল,

জোর্ কদম্ চল রে চল ॥

অভিযান-সেনা আমরা ছুটিব দলে দলে  
 বনে নদীতটে গিরি-সঙ্কটে জলে-থলে ।

লজ্জিব খাড়া পর্বত-চূড়া অনিমিষে,  
 জয় করি' সব তস্নস্ করি পায়ে পিষে,

অসীম সাহসে ভাঙি' আগল !

না-জানা পথের নকীব দল,

জোর্ কদম্ চল রে চল ॥

পাতিত করিয়া গুফ বৃদ্ধ অটবীরে  
 বাঁধি' বাঁধি' চলি ছস্তর খর শ্রোত-নীরে,  
 রসাতল চিরি' হীরকের খনি করি খনন,  
 কুমারী ধরার গর্ভে করি গো ফুল সৃজন,

পায়ে হেঁটে মাপি ধরণীতল !  
 অগ্র-পথিক রে চঞ্চল,  
 জোর্ কদম্      চল রে চল ॥

আমরা এসেছি নবীন প্রাচী-র নব-স্রোতে  
 ভীম পর্বত ক্রকচ-গিরির চূড়া হ'তে,  
 উচ্চ অধিত্যকা প্রণালিকা হইয়া পার  
 আহত বাঘের পদ-চিন্ ধরি' হ'য়েছি বা'ন  
     পাতাল ফুঁড়িয়া, পথ-পাগল ।  
     অগ্রবাহিনী পথিক-দল,  
     জোর্ কদম্      চল রে চল ॥

'আয়ার্ল্যান্ড আরব মিশর কোরিয়া-চীন,  
 নরওয়ে স্পেন রাশিয়া—সবার ধারি গো ঋণ ।  
 সবার রক্তে মোদের লোহুর আভাস পাই,  
 এক বেদনার 'কম্‌রেড' ভাই মোরা সবাই !  
     সকল দেশের মোরা সকল !  
     রে চির-যাত্রী পথিক-দল,  
     জোর্ কদম্      চল রে চল ॥

বল্‌গা-বিহীন শৃঙ্খল-ছেঁড়া প্রিয় তরুণ !  
 তোদের দেখিয়া টগবগ করে বক্ষে খুন ।  
 কাঁদি বেদনায়, তবু রে তোদের ভালোবাসায়  
 উল্লাসে নাচি আপনা-বিভোল নব আশায় ।  
     ভাগ্য-দেবীর লীলা-কমল,  
     অগ্র-পথিক রে সেনাদল !  
     জোর্ কদম্      চল রে চল ॥

তরুণ তাপস্ ! নব শক্তিরে জাগায়ে তোল্ ।  
 করুণায় নয়—ভয়ঙ্করীর ছুয়ার খোল্ ।  
 নাগিনী-দশনা রণরঙ্গিনী শস্ত্রকর  
 তোর দেশ-মাতা, তাহারি পতাকা তুলিয়া ধর্ ।

রক্ত-পিয়াসী অচঞ্চল  
 নির্মম-ব্রত রে সেনাদল ।  
 জোর্ কদম্      চল্ রে চল্ ॥

অভয়-চিত্ত ভাবনা-মুক্ত যুবারা শুন ।  
 মোদের পিছনে চীৎকার করে পশু, শকুন !  
 ঐকুটি হানিছে পুরাতন পচা গলিত শব,  
 রক্ষণশীল বুড়োরা করিছে তারই স্তব  
 শিবারা চৈঁচাক শিব অটল ।  
 নির্ভীক বীর পথিক দল,  
 জোর্ কদম্      চল্ রে চল্ ॥

আরো—আরো আগে সেনা-মুখ যেথা করিছে রণ,  
 পলকে হ'তেছে পূর্ণ মৃতের শূন্যাসন,  
 আছে ঠাই আছে, কে থামে পিছনে ? হ' আশুয়ান !  
 যুদ্ধের মাঝে পরাজয় মাঝে চলো জোয়ান ।  
 জ্বাল্ রে মশাল্ জ্বাল্ অনল !  
 অগ্রযাত্রী রে সেনাদল,  
 জোর্ কদম্      চল্ রে চল্ ॥

নতুন করিয়া ক্লান্ত ধরার মৃত শিরায়  
 স্পন্দন জাগে আমাদের তরে নব আশায় ।  
 আমাদেরি তারা—চলিছে যাহারা দৃঢ়চরণ  
 সম্মুখ পানে, একাকী অথবা শতেক জন ।

মোরা সহস্র-বাহু-সবল ।  
 রে চির-রাতের সাত্বীদল,  
 জোন্ কদম্ চন্ রে চন্ ॥

জগতের এই বিচিত্রতম মিছিলে ভাই  
 কত রূপ কত দৃশ্যের লীলা চলে সদাই !  
 শ্রমরত ঐ কালি-মাখা কুলি, নৌ-সারং,  
 বলদের মাঝে হলধর চাষা সুখের সং,  
 প্রভু স-ভৃত্য পেষণ-কল—  
 অগ্র-পথিক উদাসী-দল,  
 জোন্ কদম্ চন্ রে চন্ ॥

নিখিল গোপন ব্যর্থ-প্রেমিক আর্ত-প্রাণ,  
 সকল কারার সকল বন্দী আহত-মান,  
 ধরার সকল সুখী ও দুঃখী, সং অসং,  
 মৃত জীবন্ত পথ-হারা যারা ভোলেনি পথ,—  
 আমাদের সাথী এরা সকল ।  
 অগ্র-পথিক রে সেনাদল,  
 জোন্ কদম্ চন্ রে চন্ ॥

ছুড়িতেছে ভাঁটা জ্যোতির চক্রে ঘূর্ণ্যমান,  
 হের পুঞ্জিত গ্রহ রবি তারা দীপ্তপ্রাণ ;  
 আলো-ঝলমল দিবস, নিশীথ স্বপ্নাতুর,—  
 বন্ধুর মত ছেয়ে আছে সব নিকট-দূর ।  
 এক ধ্রুব সবে পথ-উতল  
 নব যাত্রিক পথিক দল,  
 জোন্ কদম্ চন্ রে চন্ ॥

আমাদের এরা, আছে এরা সবে মোদের সাথে,  
 এরা সখা—সহযাত্রী মোদের দিবস-রাত ।  
 ক্রণ-পথে আসে মোদের পথের ভাবী পথিক,  
 এ-মিছিলে মোরা অগ্র-যাত্রী সুনির্ভীক ।

সুগম করিয়া পথ পিছল  
 অগ্র-পথিক রে সেনাদল,  
 জোর্ কদম্      চল্ রে চল্ ॥

ওগো ও প্রাচী-র ছললী ছহিতা তরুণীরা,  
 ওগো জায়া ওগো ভগিনীরা ! ডাকে সঙ্গীরা !  
 তোমরা নাই গো লাজ্জিত মোরা তাই আজি,  
 উঠুক তোমার মণি-মঞ্জীর ঘন বাজি’,

আমাদের পথে চল চপল  
 অগ্র-পথিক তরুণ-দল,  
 জোর্ কদম্      চল্ রে চল্ ॥

ওগো অনাগত মরু-প্রান্তর বৈতালিক !  
 শুনিতেছি তব আগমনী-গীতি দিগ্বিদিক্ ।  
 আমাদেরি মাঝে আসিতেছ তুমি দ্রুত পায়ে !-  
 তিন্ দেশী কবি । থামাও বাঁশরী বট-ছায়ে,

তোমার সাধনা আজি সফল ।  
 অগ্র-পথিক চারণ-দল,  
 জোর্ কদম্      চল্ রে চল্ ॥

আমরা চাহিনা তরল স্বপন, হাল্কা সুখ,  
 আরাম-কুশন, মখমল-চটি, পা’ন্সে থুক  
 শান্তির-বাণী, জ্ঞান-বানিয়ার বই-গুদাম,  
 হেঁদো ছন্দের পল্কা উর্ণা, সস্তা নাম,

পচা দৌলত ;—ছ'-পায়ে দল !  
কঠোর হৃথের তাপস দল,  
জোৰ্ কদম্ চল্ রে চল্ ॥

পান আহার ভোজে মত্ত কি যত ঔদরিক ?  
ছয়ার জানালা বন্ধ করিয়া ফেলিয়া চিক্  
আরাম করিয়া ভুঁড়োরা ঘুমায় ?—বন্ধু শোন্,  
মোটাল ডালরুটি, ছেঁড়া কম্বল, ভূমি-শয়ন,  
আছে তো মোদের পাথেয়-বল ।  
ওরে বেদনার পূজারী দল,  
মোছ্ রে অশ্রু চল্ রে চল্ ॥

নৈমেছে কি রাত্তি ? ফুরায় না পথ স্মৃহুর্গম ?  
কে থামিস্ পথে ভগ্নোৎসাহ নিরুদ্গম ?  
ব'সে নে খানিক পথ-মজিলে, ভয় কি ভাই,  
থামিলে ছ'-দিন ভোলে যদি লোকে—ভুলুক তাই !  
মোদের লক্ষ্য চির-অটল  
অগ্র-পথিক ব্রতীর দল,  
বাঁধ্ রে বুক, চল্ রে চল্ ॥

শুনিতেছি আমি, শোন্ ঐ দূরে তূর্য-নাদ  
ঘোষিছে নবীন উষার উদয়-সুসংবাদ ?  
ওরে হুঁরা কর্ ! ছুটে চল্ আগে—আরো আগে !  
গান গেয়ে চল্ অগ্র-বাহিনী, ছুটে চল্ তারো পুরোভাগে ।  
তোর অধিকার কর্ দখল !  
অগ্র-নায়ক রে পাঁওদল !  
জোৰ্ কদম্ চল্ রে চল্ ॥

## চিরঞ্জীব জগলুল

প্রাচীর ছায়ায় শুনি কলরোল সহসা তিমির রাতে,  
মিসরের শের, শির, সমশের—সব গেল এক সাথে !  
সিন্ধুর গলা ভড়িয়ে কাঁদিতে ছু'-তীরে ললাট হানি'  
ছুটিয়া চ'লেছে মরু-বকৌলি 'নীল' দরিয়ার পানি !  
আঁচলের তার ঝিনুপ মানিক কাদায় ছিঁড়িয়ে পড়ে,  
সোঁতের শ্যাওলা এণে কুন্তল লুটাইছে বালুচরে !...  
মরু-সাইমুম'-তাজামে চড়ি' কোন্ পরীবানু আসে ?  
'লু'-হাওয়া ধ'রেছে বালুর পর্দা সম্রমে দুই পাশে !  
সূর্য নিজেরে লুকায় টানিয়া বালুর আন্তরণ,  
বাজনী ছুলায় ছিন্ন পাইন-শাখায় প্রভঞ্জন ।  
বৃষ্ণি-বাঁদীরা নীল দরিয়ায় আঁচল ভিজিয়ে আনি'  
ছিটাইছে বারি, মেঘ হ'তে মাগি' আনিছে বরফ-পানি ।  
ও বুঝি মিসর বিজয়লক্ষ্মী মূরছিতা তাজামে,  
ওঠে হাহাকার ভগ্ন মিনার আঁধার দীওয়ান-ই-আমে !  
কৃষাণের গরু মাঠে মাঠে ফেরে, ধরেনিক' আজ হাল,  
গম-ক্ষেত ভেঙে পানি ব'য়ে যায় তবু নাহি বাঁধে আ'ল,  
মনের বাঁধেরে ভেঙেছে যাহার চোখের সঁতার পানি  
মাঠের পানি ও আ'লেরে কেমনে বাঁধিবে সে, নাহি জানি  
হৃদয়ে যখন ঘনায় শাউন, চোখে নামে বরষাত,  
তখন সহসা হয় গো মাথায় এমনি বজ্রপাত !...  
মাটিরে জড়িয়ে উপুড় হইয়া কাঁদিয়ে অমিক কুলি,  
বলে—“মা গো তোব উপরে মাটির মানুষই হ'য়েছে ধূলি,



রতন মানিক হয় না তো মাটী, হীরা সে হীরাই থাকে,  
মোদের মাথায় কোহিনূর মণি—কি করিব বল্ তাকে ?  
হুর্দিনে মাগো যদি ও-মাটীর ছয়ার খুলিয়া খুঁজি,  
চুরি করিবি না তুই এ মানিক ? ফিরে পাব হারা পুঁজি ?  
লৌহ পরশি' করিছু শপথ, ফিরে নাহি পাই যদি  
নতুন করিয়া তোর বুক মোরা বহাব রক্ত-নদী ?”

আভীর-বালারা ছুধাল গাভীরে দোহায় না, কাঁদে শুয়ে,  
ছুখা শিশুরা দূবে চেয়ে আছে ছুধ ঘাস নাহি ছুঁয়ে ।  
মিঠা ঝাল মিছরীর ছুরি মিসরা মেয়ের হাসি,  
হাসা পাথরের কুচি-সম দাঁত,—সব যেন আজ বাসি !  
আঙুর-লতার অলকগুচ্ছ —ডাঁশা আঙুরের থোপা,  
যেন তরুণী আঙুলের ডগা—ভরী বালিকার থোপা  
ঝরে বুবে পড়ে হতাদরে আজ অশ্রুর বৃন্দ-সম ।  
কাঁদিতছে পরী, চারিদিকে অরি কোথায় অরিন্দম ।  
মক-নটী তার সোনার ঘুঙুর ছুড়িয়া ফেলেছে কাঁদি'  
হলুদ খেজুর-কাঁধিতে বুঝি বা রয়েছে তাহারা বাদি'  
নতুন কাবয়া মরিল গো বুঝি আজি মিসরের মমি,  
শ্রদ্ধায় আজি পিরামিড যায় মাটীর কবরে নমি' !

মিসরে খেদিব ছিল বা ছিল না ভুলেছিল সব লোক,  
জগলুলে পেয়ে ভুলেছিল ওরা সুদান-হারার শোক ।  
জানিনা কখন ঘনাবে ধরার ললাটে মহাপ্রলয়,  
মিসরের তরে 'রোজ-কিয়ামৎ' ইহার অধিক নয় !  
রহিল মিশর, চ'লে গেল তার ছর্মদ ঘোবন,  
রুস্তম গেল, নিম্প্রভ কায়খস্ক-সিংহাসন ।  
কি শাপে মিসর লভিল অকালে ভরা যযাতির প্রায়,  
জানি না তাহার কোন্ স্মৃত দেবে ঘোবন ফিরে তায় ;

মিসরের চোখে বহিল নতুন সুয়েজ খালের বান,  
 সুদান গিয়াছে—গেল আজ তার বিধাতার মহাদান !  
 ‘ফেরাউন’ ডুবে না মরিতে হায় বিদায় লইল মুসা,  
 প্রাচী’র রাত্রি কাটিবে না কি গো, উদিবে না রাঙা উষা ?

\*

\*

\*

শুনিয়াছি, ছিল মমির মিসরে সত্রাট ফেরাউন,  
 জননীর কোলে সচলপ্রসূত বাচ্চার নিত খুন !  
 শুনেছিল বাণী, তাহারি রাজ্যে তারি রাজপথ দিয়া  
 অনাগত শিশু আসিছে তাহার মৃত্যু-বারতা নিয়া।  
 জীবন ভরিয়া করিল যে শিশু-জীবনের অপমান,  
 পরের মৃত্যু-আড়ালে দাঁড়ায়ে সে-ই ভাবে, পেল প্রাণ !  
 জনমিল মুসা, রাজভয়ে মাতা শিশুরে ভাসায় জলে,  
 ভাসিয়া ভাসিয়া সোনার শিশু গো রাজারই ঘাটেতে চলে।  
 ভেসে এল শিশু রানীরই কোলে গো, বাড়ে শিশু দিনে দিনে  
 শত্রু তাহারি বুকে চ’ড়ে নাচে, ফেরাউন নাহি চিনে।  
 এল অনাগত তারি প্রাসাদের সদর দরজা দিয়া,  
 তখনো প্রহরী জাগে বিনিদ্র দশ দিক্ আগুলিয়া !

—রসিক খোদার খেলা,

তারি বেদনায় প্রকাশে রুদ্র যারে করে অবহেলা !—

মুসারে আমরা দেখিনি, তোমায় দেখেছি মিসর-মুনি,  
 ফেরাউন মোরা দেখিনি, দেখেছি নিপীড়ন ফেরাউনী !  
 ছোট্টে অনন্ত সেনা-সামন্ত অনাগত কার ভয়ে,  
 দিকে দিকে খাড়া কারা-শৃঙ্খল, জল্লাদ ফাঁসি ল’য়ে।  
 আইন-খাতার পাতায় পাতায় মৃত্যুদণ্ড লেখা,  
 নিজের মৃত্যু এড়াতে কেবলি নিজেরে করিছে একা !

সদ্যপ্রসূত প্রতি শিশুটিরে পিয়ায় অহর্নিশ  
শিক্ষা দীক্ষা সভ্যতা বলি' তিলে-তিলে মারা বিষ ।  
ইহারা কলির নব ফেরাউন ভেঙ্কি খেলায় হাড়ে,  
মানুষে ইহারা না মেরে প্রথমে মনুষ্যত্ব মারে !

মনুষ্যত্বহীন এই সব মানুষেরই মাঝে কবে  
হে অতিমানুষ, তুমি এসেছিলে জীবনের উৎসবে ।  
চারি দিকে জাগে মৃত্যুদণ্ড রাজকারা প্রতিহারী,  
এরই মাঝে এলে দিনের আলোকে নির্ভীক পদচারী ।  
রাজার প্রাচীর ছিল দাঁড়াইয়া তোমারে আড়াল করি'  
আপনি আসিয়া দাঁড়াইলে তার সম্বল শূন্য ভরি' ।  
পয়গম্বর মুসার তবু তো ছিল 'আমা' অদ্বুত,  
খোদ সে খোদার প্রেরিত—ডাকিলে আসিত স্বর্গ-দূত ।  
পয়গম্বর ছিলেনাক' তুমি—পাণ্ডনি ঐগা বাণী,  
স্বর্গের দূত ছিল না দোসর, ছিলে না শত্রু-পানি,  
আদেশে তোমার নীল দরবার বক্ষে জাগেনি পথ,  
তোমারে দেখিয়া করেনি সালাম কোনো গিরিপর্বত ।  
তবুও এশিয়া আফ্রিকা গাহে তোমার মহিমা-গান,  
মনুষ্যত্ব থাকিলে মানুষ সর্বশক্তিমান ।  
দেখাইলে তুমি, পরাধীন জাতি হয় যদি ভয়হারা,  
হোক নিরস্ত্র—অস্ত্রের রণে বিজয়ী হইবে তারা ।  
অসি দিয়া নয়, নির্ভীক করে মন দিয়া রণ জয়,  
অস্ত্রে যুদ্ধ জয় করা সাজে—দেশ জয় নাহি হয় ।  
ভয়ের সাগর পাড়ি দিল যেই শির করিল না নীচু,  
পশুর নখর দন্ত দেখিয়া হটিল না কভু পিছু,  
মিথ্যাচারীর ক্রকুটি শাসন নিবেধ রক্ত-আঁখি  
না মানি—জাতির দক্ষিণ করে বাঁধিল অভয় রাশী,

বন্ধন যারে বন্দিল হ'য়ে নন্দন-ফুলহার,  
 না-ই হ'ল সে গো পয়গধর নবী দেব অবতার,  
 সর্বকালের সর্বদেশের সকল নর ও নারী  
 করে প্রতীক্ষা, গাহে বন্দনা, মাগিছে আশিস তারি !

\* \* \*

‘এই ভারতের মহামানবের সাগর-তীরে’, হে ঋষি,  
 তেত্রিশ কোটি বলির ছাগল চরিতেছে দিবানিশি !  
 গোষ্ঠে গোষ্ঠে আত্মকলহ অজাযুদ্ধের মেলা,  
 এদের রুধিরে নিত্য রাঙিছে ভারত-সাগর-বেলা ।  
 পশুরাজ যবে ঘাড় ভেঙে খায় একটারে ধরে আগি’  
 আরটা তখনো দিব্যি মোটায়ে হ’তেছে খোদার খানি ;  
 শুনে হাসি পায় ইহাদেরও নাকি আছে গো ধর্ম জাতি,  
 রাম-ছাগল আর ব্রহ্ম-ছাগল আরেক ছাগল পাতি ।  
 মৃত্যু যখন ঘনায় এদের কশা’য়ের কল্যাণে,  
 তখনো ইহারা লাঙুল উচায়ে এ উহারে গালি হানে !

ইহাদের শিশু শৃগালে মারিলে এরা সভা ক’রে কাঁদে,  
 অমৃতের বাগী শুনাতে এদের লজ্জায় নাহি বাধে !  
 নিজেদের নাই মনুষ্যত্ব, জানি না কেমনে তারা  
 নারীদের কাছে চাহে সতীত্ব হায় রে শরম-হারা !  
 কবে আমাদের কোন্ সে পুরুষে ঘৃত খেয়েছিল কেহ,  
 আমাদের হাতে তারি বাস পাই, আজো করি অবলেহ

আশা ছিল, তবু তোদেরি মতন অতিমানুষেরে দেখি’,  
 আমরা ভুলিব মোদের এ গ্লানি ঋণটি হবে যত মেকী !  
 তাই মিসরের নহে এষ্ট শোক এই ছুদিন আজি,  
 এশিয়া আফ্রিকা দুই মহাভূমে বেদনা উঠেছে বাজি’ !

অধীন ভারত তোমাতে স্মরণ করিয়াছে শতবার,  
 তব হাতে ছিল জলদস্যুর ভারত-প্রবেশ-দ্বার ।  
 হে 'বনি ইস্রাইলের' দেশের অগ্রনায়ক বীর,  
 অঞ্জলি দিহু 'নীলের' সলিলে অশ্রু ভাগীরথীর !  
 সালাম করারও স্বাধীনতা নাই সোজা দুই হাত তুলি'  
 তব ফাতেহায়; কি দিবে এ জাতি বিনা দু'টো বাঁধা বুলি !  
 মলয়-শীতলা সুজলা এ দেশে—আশিস্ করিও খালি  
 উড়ে আসে যেন তোমার দেশের মরুর ছ'—মুঠো বালি !

তোমার বিদায়ে দূর অতীতের কথা সেই মনে পড়ে,  
 •মিসর হইতে বিদায় লইল মুসা যবে চিরতরে,  
 সম্ভ্রমে স'রে পথ ক'রে দিল নীল দরিয়ার বারি,  
 পিছু পিছু চলে কাঁদিয়া কাঁদিয়া মিসরের নর-নারী ।  
 শোন-সম ছোট্টে ফেরাউন-সেনা কাঁপ দিয়া পড়ে স্রোতে,  
 মুসা হ'ল পার, ফেরাউন ফিরিল না নীল নদী হ'তে !  
 তোমার বিদায়ে করিব না শোক, হয়তো দেখিব কাল  
 তোমার পিছনে মরিছে ডুবিয়া ফেরাউন দজ্জাল !

[ জিজির ]

## ভীরু

আমি জানি তুমি কেন চাহনাক' ফিরে ।  
গৃহকোণ ছাড়ি' আসিয়াছ আজ দেবতার মন্দিরে ।  
পুতুল লইয়া কাটিয়াছে বেলা  
আপনারে ল'য়ে শুধু হেলা-ফেলা,  
জানিতে না, আছে হৃদয়ের খেলা আকুল নয়ন-নীরে,  
এত বড় দায় নয়নে নয়নে নিমেষের চাওয়া কি রে ?  
আমি জানি তুমি কেন চাহনাক' ফিরে ॥

আমি জানি তুমি কেন চাহনাক' ফিরে ।  
জানিতে না আঁখি আঁখিতে হারায় ডুবে যায় বাণী ধীরে,  
তুমি ছাড়া আর ছিলনাক' কেহ  
ছিল না বাহির ছিল শুধু গেহ,  
কাজল ছিল গো জল ছিল না ও-উজল আঁখির তীরে ।  
সে-দিনও চলিতে ছিলনা বাজেনি ও চরণ-মঞ্জীরে !  
আমি জানি তুমি কেন চাহনাক' ফিরে ॥

আমি জানি তুমি কেন কহনাক' কথা !  
সে-দিনও তোমার বনপথে যেতে পায়ে জড়াত না লতা !  
সে দিনও বেতুল তুলিয়াছ ফুল  
ফুল বিঁধিতে গো বিধেনি আঙুল,  
মালার সাথে যে হৃদয়ও শুকায় জানিতে না সে বারতা,  
জানিতে না, কঁাদে মুখর মুখের আড়ালে নিঃসঙ্গতা ।  
আমি জানি তুমি কেন কহনাক' কথা ॥

আমি জানি তব কপটতা, চতুরালি !  
 তুমি জানিতে না, ও কপোলে থাকে ডালিম-দানার লালী ।  
 জানিতে না ভীৰু রমণীর মন  
 মধুকর-ভারে লতার মতন  
 কেঁপে মরে কথা কণ্ঠ জড়িয়ে নিষেধ করে গো খালি,  
 আঁখি যত চায় তত লজ্জায় লজ্জা পাড়ে গো গালি ।  
 আমি জানি তব কপটতা, চতুরালি ।

আমি জানি, ভীৰু ! কিসের এ বিষয় ।  
 জানিতে না কভু নিজেরে হেরিয়া নিজেরি করে যে ভয় !  
 পুরুষ পরুষ - শুনেছিলে নাম,  
 'দেখেছ পাথর করনি প্রণাম,  
 প্রণাম ক'রেছ লুকু ছু' কর চেয়েছে চরণ ছোঁয় ।  
 জানিতে না, হিয়া পাথর পরশি' পরশ-পাথরও হয় !  
 আমি জান, ভীৰু, কিসের এ বিষয় ।

কিসের তোমার শঙ্কা এ, আমি জানি ।  
 পরানের ক্ষুধা দেহের ছু'-তীরে করিতেছে কানাকানি !  
 বিকচ বৃকের বকুল-গন্ধ  
 পাপড়ি রাখিতে পারে না বন্ধ,  
 যত আপনারে লুকাইতে চাও হয় তত জানাজানি,  
 অপাঙ্গে আজ ভিড় ক'রেছে গো লুকানো যতেক বাণী !  
 কিসের তোমার শঙ্কা এ, আমি জানি ॥

আমি জান, কেন বলিতে পার না খুলি' ।  
 গোপনে তোমায় আবেদন তার জানায়েছে বুলবুলি ।  
 যে-কথা শুনিতে মনে ছিল সাধ,  
 কেমনে সে পেল তারই সংবাদ ?

সেই কথা বাঁধু তেমনি করিয়া বলিল নয়ন তুলি' ।  
 কে জানিত এত যাত্ন-মাথা তার ও কঠিন অঙ্গুলি ।  
 আমি জানি কেন বলিতে পার না খুলি' ॥

আমি জানি তুমি কেন যে নিরাভরণ,  
 ব্যথার পরশে হয়েছে তোমার সকল অঙ্গ সোনা !  
 মাটির দেবীরে পরায় ভ্রমণ  
 সোনার সোনায়ে কিবা প্রয়োজন ?  
 দেহ-কূল ছাড়ি' নেমেছে মনের অকূল নিরঞ্জন ।  
 বেদনা আজিকে রূপেরে তোমার করিতেছে বন্দনা ।  
 আমি জানি তুমি কেন যে নিরাভরণ ॥

আমি জানি, ওরা বুঝিতে পারে না তোরে ।  
 নিশীথে ঘুমালে কুমারী বালিকা, বধু জাগিয়াছে ভোরে  
 ওরা সাঁতারিয়া ফিরিতেছে ফেনা  
 শুক্তি যে ডোবে—বুঝিতে পারে না !  
 মুক্তা ফলেছে—আঁখির কিছুক ডুবেছে আঁখির লোরে ।  
 বোঝা কত ভার হ'লে—হৃদয়ের ভরাডুবি হয়, ওরে,  
 অভাগিনী নারী বুঝাবি কেমন ক'রে ॥

[ জিজ্ঞাস্য ]



## বাতায়ন পাশে গুবাক তরুর সারি

বিদায়, 'হে মোর বাতায়ন পাশে নিশীথ জাগার সাথী !  
ওগো বন্ধুরা, পাণ্ডুর হ'য়ে এল বিদায়ের রাতি !  
আজ হ'তে হ'ল বন্ধ আমার জানালাব ঝালিমিলি,  
আজ হ'তে হ'ল বন্ধ মোদের আলাপন নিরিবিলি ।...

অস্ত-আকাশ-অলিন্দে তার শীর্ণ কপোল রাণী !  
কাঁদিতেছে চাঁদ, 'মুসাফির জাগো, নিশি আর নাই বাকী  
নিশীথিনী যায়, দূর বন ছায়া তন্দ্রায় ঢুলুঢুলু,  
ফিরে ফিরে চায়, ছ'হাত জড়ায় আঁধারের এলোচুল ।—

চমকিয়া জাগি, ললাটে আমার কাহার নিশাস লাগে ?  
কে করে ব্যজন তপ্ত ললাটে, কে মোর শিয়রে জাগে ?  
জেগে দেখি, মোর বাতায়ন-পাশে জাগিছে স্বপনচারী  
নিশীথ রাতের বন্ধু আমার গুবাক-তরুর সারি !

তোমাদের আর আমার আঁখির পল্লব কম্পনে  
সারারাত মোরা ক'য়েছি যে কথা, বন্ধু, পড়িছে মনে !—  
জাগিয়া একাকী জ্বালা ক'রে আঁখি আসিত যখন জল,  
তোমাদের পাতা মনে হ'ত যেন স্নানতল করতল

আমার প্রিয়ার !—তোমার শাখার পল্লব-মর্মর  
মনে হ'ত যেন তারি কণ্ঠের আবেদন সকাঁতর ।  
তোমার পাতায় দেখেছি তাহার আঁখির কাজল-লেখা,  
তোমার দেহেরই মতন দীঘল তাহার দেহের রেখা ।

তব ঝির্-ঝির্ মির্-মির্ যে তারি কুণ্ঠিত বাণী,  
তোমার শাখায় ঝুলানো তারির শাড়ীর আঁচলখানি।

—তোমার পাখার হাওয়া

তারই অঙ্গুলি-পরশের মত নিবিড় আদর-ছাওয়া।

ভাবিতে ভাবিতে ঢুলিয়া প'ড়েছি ঘুমের শ্রান্ত কোলে,  
ঘুমায়ে স্বপন দেখেছি,—তোমারি সুনীল ঝালর দোলে  
তেমনি আমার শিথানের পাশে। দেখেছি স্বপনে, তুমি  
গোপনে আসিয়া গিয়াছ আমার তপ্ত ললাট চুমি।

হয়তো স্বপনে বাড়ায়েছি হাত লইতে পরশখানি,  
বাতায়নে ঠেকি, ফিরিয়া এসেছে, লইয়াছি লাজে টালি,  
বন্ধু, এখন রুদ্ধ করিতে হইবে সে বাতায়ন!

ডাকে পথ, হাঁকে যাত্রীরা, 'কর বিনায়ের আয়োজন!'

—আজি বিদায়ের আগে

আমারে জানাতে তোমারে জানিতে কত কি যে সাধ জাগে  
মর্মের বাণী শুনি তব, শুধু মুখের ভাষায় কেন  
জানিতে চায় ও বুকের ভাষারে লোভাতুর মন হেন?  
জানি—মুখে মুখে হবে না মোদের কোনোদিন জানাজানি,  
বুকে বুকে শুধু বাজাইবে বীণা বেদনার বীণাপাণি।

হয়তো তোমারে, দেখিয়াছি, তুমি যাহা নও তাই ক'রে,  
ক্ষতি কি তোমার, যদি গো আমার তাতেই হৃদয় ভরে?  
সুন্দর যদি করে গো তোমাবে আমার আঁখির জল,  
হারা-মোম্বাজে ল'য়ে কারো প্রেম'রচে যদি তাজ-ম'ল,

বল তাহে কার ক্ষতি

তোমারে লইয়া সাজাব না ঘর, সৃজিব অমরাবতী। ..

হয়তো তোমার শাখায় কখনো বসে নি আসিয়া শাখী,  
তোমার কুঞ্জে পত্রপুঞ্জে কোকিল ওঠে নি ডাকি'  
শূণ্যের পানে তুলিয়া ধরিয়া পল্লব-আবেদন  
জেগেছ নিশীথে জাগেনিক' সাথে খুলি' কেহ বাতায়ন ।

—সব আগে আমি আসি'

তোমারে চাহিয়া জেগেছি নিশীথ, গিয়াছি গো ভালবাসি' !  
তোমার পাতায় লিখিলাম আমি প্রথম প্রণয়-লেখা  
এইটুকু হোক সান্ত্বনা মোর, হোক বা না হোক দেখা ।...

তোমাদের পানে চাহিয়া বন্ধু, আর আমি জাগিব না,  
কোলাহল করি' সারা দিনমান কাণো পান ভাঙিব না ।

—নিশ্চল নিশ্চ, প

আপনার মনে পুড়িব একাকী গন্ধবিধুর ধূপ ।

শুধাইতে নাই, তবুও শুধাই আজিকে যাবার আগে—  
ঐ পল্লব-জাফ্রি খুলিয়া তুমিও কি অনুরাগে  
দেখেছ আমারে—দেখিয়াছি যবে আমি বাতায়ন খুলি' !  
হাওয়ায় না মোর অনুরাগে তব পাতা উঠিয়াছে হলি' ?

তোমার পাতার হরিৎ ঝাঁচলে চাঁদিনী ঘুমাবে যবে,  
মৃচ্ছিতা হবে সুখের আবেশে, - সে আলোর উৎসবে,  
মনে কি পড়িবে এই ক্ষণিকের অতিথির কথা আর ?  
তোমার নিরাশ শূণ্য এ ঘরে করিবে কি হাহাকার ?  
চাঁদের আলোক বিশ্বাস কি গো লাগিবে সেদিন চোখে ?  
খড়্‌খড়ি খুলি চেয়ে রবে দূর অস্ত অলখ-লোকে ?

—অথবা এমনি করি'

দাঁড়ায়ে রহিবে আপন ধোয়ানে সারা দিনমান ভরি' ।

মলিন মাটির বন্ধনে বাঁধা হয় অসহায় তরু,  
 পদতলে ধূলি, উর্ধ্বে তোমার শূণ্য গগন-মরু ।  
 দিবসে পুড়িছ রৌদ্রের দাহে, নিশীথে ভিজিছ হিমে,  
 কাঁদিবারও নাই শক্তি, মৃত্যু-আফিম পড়িছ বিমে ।  
 তোমার দুঃখ তোমারেই যদি, বন্ধু, ব্যথা না হানে,  
 কি হবে রিক্ত চিত্ত ভরিয়া আমার ব্যথার দানে ।

\*

\*

\*

ভুল ক'রে কভু আসিলে স্মরণে অমনি তা যেয়ো ভুলি ।  
 যদি ভুল ক'রে কখনো এ মোর বাতায়ন যায় খুলি,  
 বন্ধ করিয়া দিও পুনঃ ভায় !...তোমার জাকরি-ফাঁকে  
 খুঁজো না তাহারে গগন-ঔধারে—মাটিতে পেলো না থাকে ।

[ চক্রবাক্ ]

## পথচারী

কে জানে কোথায় চলিয়াছি ভাই মুসাফির পথচারী,  
ছ'-ধারে ছ'-কূল ছঃখ-সুখের-মাঝে আমি শ্রোত-বারি !  
আপনার বেগে আপনি ছুটেছি জন্ম-শিখর হ'তে  
বিরামবিহীন রাত্রি ও দিন পথ হ'তে আনু পথে ।  
নিজ বাস হ'ল চির-পরবাস, জন্মের ক্ষণ পরে  
বাহিরিছু পথে গিরি পর্বতে—ফিরি নাই আর ঘরে ।  
পলাতকা শিশু জন্মিয়াছিছু গির-কঙ্কার কোলে,  
বুকে না ধরিতে চকিতে ভরিতে আসিলাম ছুটে চ'লে ।

জননীয়ে ভুলি' যে-পথে পলায় মৃগ-শিশু বাঁশী শুনি,  
যে-পথে পলায় শশকেরা শুনি' ঝর্ণার কুনুনি,  
পাখী উড়ে যায় ফেলিয়া কুলায় সীমাহীন নভোপানে,  
মাগর ছাড়িয়া মেঘের শিশুরা পলায় আকাশ-মানে,—  
সেই পথ ধরি' পলাইছু আসি ! সেই হ'তে ছুটে চলি  
গিরি দরী মাঠ পল্লীর বাট সোজা বাঁকা শত গলি ।

—কোন্ গ্রহ হ'তে ছি'ড়ি'

উদ্ধার মত ছুটেছি বাহিয়া সৌর-লোকের সিঁড়ি ।  
আমি ছুটে যাই জানি না কোথায়, ওরা মোর ছুই তীরে  
রচে নীড়, ভাবে উহাদেরি তাঁর এসেছি পাহাড় চিরে ।  
উহাদের বধু কলস ভরিয়া নিয়ে যায় মোর বারি,  
আমার গহনে গাহন করিয়া বলে সন্তাপহারী !

উহারা দেখিল কেবলি আমার সলিলের শীতলতা,  
 দেখে নাই—জলে কত চিতাগ্নি মোর কূলে কূলে কোথা  
 হয় কত হতভাগী—  
 আমিই কি জানি—মরিল ডুবিয়া আমার পরশ মাগি' ।

বাজিয়াছে মোর তটে-তটে জানি ঘটে-ঘটে কিঙ্কিণী,  
 জল-তরঙ্গে বেজেছে বধূর মধুর রিনি-কি-ঝিনি ।  
 বাজায়েছে বেণু রাখাল বালক তীর-তরুতলে বসি',  
 আমার সলিলে হেরিয়াছে মুখ দূর আকাশের শশী ।  
 জানি সব জানি, ওরা ডাকে মোরে ছ'-তীরে বিছায়ে স্নেহ.  
 দীঘি হ'তে ডাকে পদ্মমুখীরা, 'খির হও বাঁধি' গেহ !

আমি ব'য়ে যাই—ব'য়ে যাই আমি কুলু-কুলু কুলু-কুলু,  
 শুনি না—কোথায় মোরই তীরে হয় পুরনারী দেয় উলু ।  
 সদাগর-জাদী মণি-মাণিক্যে বোঝাই করিয়া তরী  
 ভাসে মোর জলে,—'ছল ছল' ব'লে আমি দূরে যাই সরি' ।  
 আঁকড়িয়া ধ'রে ছ'-তীর বৃথাই জড়ায়ে তন্তুলতা,  
 ওরা দেখে নাই আবর্ত মোর, মোর অন্তর-বাথা !

লুকাইয়া আসে গোপনে নিশীথে কূলে মোর অভাগিনী,  
 আমি বলি 'চল্ ছল্ ছল্ ছল্ ওরে বধু তোরে চিনি !  
 কূল ছেড়ে আয় রে অভিসারিকা, মরণ-অকূলে ভাসি' !  
 মোর তীরে-তীরে আজো খুঁজে ফিরে তোরে ঘর-ছাড়া বাঁশী '  
 সে পড়ে ঝাঁপায়ে জলে,  
 আমি পথে ধাই—সে কবে হারায় স্মৃতির বালুকা-তলে ।  
 জানিনাক' হয় চ'লেছি কোথায় অজানা আকর্ষণে,  
 চ'লেছি যতই তত সে অথই বাড়ে জল খনে খনে ।

সম্মুখ-টানে ধাই অবিরাম, নাই নাই অবসর,  
ছুঁইতে হারাই—এই আছে নাই—এই ঘর এই পর ।  
ওরে চল্ চল্ ছল্ ছল্ ছল্ কি হ'বে ফিরায়ে আঁখি ?  
তোরি তীরে ডাকে চক্রবাকেরে তোরি সে চক্রবাকী !

ওরা সঙ্কায় ঘরে ফিরে যায় কূলের কুলায়-বাসী,  
আঁচল ভরিয়া কুড়ায় আমার কাদায়-ছিটানো হাসি ।  
ওরা চ'লে যায়, আমি জাগি হায় ল'য়ে চিতাগ্নি শব,  
ব্যথা-আবর্ত মোচড় খাইয়া বুকে করে কলরব !

ওরা বেনোজল, ছল্ ছল্ ছল্ ছুটে চল্ ছুটে চল্ !  
হেথা কাদাজল পঙ্কিল জোরে করিতেছে অবিরল ।  
কোথা পাবি হেথা লোনা আঁখিজল, চল্ চল পথচারী,  
করে প্রতীক্ষা তোর তরে লোনা সাত-সমুদ্র-বারি ।

[ চক্রবাক ]

## গানের আড়াল

তোমার কণ্ঠে রাখিয়া এসেছি মোর কণ্ঠের গান—  
এইটুকু শুধু রবে পরিচয় ? আর সব অবসান ?  
অন্তরতলে অন্তরতর যে ব্যথা লুকায়ে রয়,  
গানের আড়ালে পাও নাই তার কোনদিন পরিচয় ?

হয়তো কেবলি গাহিয়াছি গান, হয়তো কহিনি কথা,  
গানের বাণী সে শুধু কি বিলাস, মিছে তার আকুলতা ?  
হৃদয়ে কখন জাগিল জোয়ার, তাহারি প্রতিধ্বনি  
কণ্ঠের তটে উঠেছে আমার অহরহ রণরণি’—  
উপকূলে ব’সে শুনেছ সে সুর, বোঝ নাই তার মানে ?  
বেঁধেনি হৃদয়ে সে সুর, ছলেছে ছল হ’য়ে শুধু কানে ?

হায় ভেবে নাই পাই—

যে-চাঁদ জাগালো সাগরে জোয়ার, সেই চাঁদই শোনে নাই ।  
সাগরের সেই ফুলে ফুলে কাঁদা কূলে কূলে নিশিদিন ?  
সুরের আড়ালে মূর্ছনা কাঁদে, শোনে নাই তাহা বীণ ?  
আমার গানের মালার সুবাস ছুঁল না হৃদয়ে আসি’ ?  
আমার বৃকের বাণী হ’ল শুধু তব কণ্ঠের কাঁসি ?

বন্ধু গো যেয়ো ভুলে—

প্রভাতে যে হবে বাসি, সন্ধ্যায় রেখো না সে ফুল তুলে !  
উপবনে তব ফোটে যে গোলাপ—প্রভাতেই তুমি জাগি’  
জানি, তার কাছে যাও শুধু তার গন্ধ-সুখমা লাগি’ ।



যে কাঁটা-লতায় ফুটেছে সে-ফুল রক্তে ফাটিয়া পড়ি'  
সারা জনমের ক্রন্দন যার ফুটিয়াছে শাখা ভরি'  
দেখ নাই তারে !—মিলন-মালার ফুল চাহিয়াছ তুমি,  
তুমি খেলিয়াছ বাজাইয়া মোর বেদনার বুঁদবুঁদ !

ভোলো মোর গান; কি হবে লইয়া এইটুকু পরিচয়,  
আমি শুধু তব কণ্ঠের হার, হৃদয়ের কেহ নয় !  
জানাযো আমারে, যদি আসে দিন, এইটুকু শুধু যাচি—  
কণ্ঠ পারায়ে হ'য়েছি তোমার হৃদয়ের কাছাকাছি ।

## এ মোর অহঙ্কার

নাই বা পেলাম আমার গলায় তোমার গলার হার,  
তোমায় আমি ক'রব সৃজন— এ মোর অহঙ্কার।

এমনি চোখের দৃষ্টি দিয়া  
তোমায় যারা দেখলো প্রিয়া,  
তাদের কাছে তুমি তুমিই। আমার স্বপনে  
তুমি নিখিল-রূপের রানী মানস-আসনে।

সবাই যখন তোমায় ঘিরে ক'বে কলরব,  
আমি দূরে ধ্যান-লোকে র'চব তোমার স্তব।  
র'চব সুরধুনী-তীরে  
আমার সুরের উর্বশীরে,  
নিখিল-কণ্ঠে ছলবে তুমি গানের কণ্ঠ-হার—  
কবির প্রিয়া অশ্রুমতী গভীর বেদনার।

যেদিন আমি থাকবনাক' থাকবে আমার গান,  
ব'লবে সবাই, 'কে সে কবির কাঁদিয়েছিল প্রাণ?'

আকাশ-ভরা হাজার তারা  
রইবে চেয়ে তন্দ্রাহারা,  
সখার সাথে জাগবে রাতে, চাইবে আকাশে,  
আমার গানে প'ড়বে মনে আমায় আভাসে।

বুকের তলা ক'রবে ব্যথা, ব'লবে কাঁদিয়া,  
'বন্ধু! সে কে তোমার গানের মানসী প্রিয়া?'

হাসবে সবাই, গাইবে গীতি,  
তুমি নয়ন-জলে তিতি'

নতুন ক'রে আমার গানে আমার কবিতায়  
গহীন নিরালাতে ব'সে খুঁজবে আপনায় !

রাখতে যেদিন নারবে ধরা তোমায় ধরিয়া,  
ওরা সবাই ভুলবে তোমায় দু'-দিন স্মরিয়া,

আমার গানের অশ্রুজলে,

আমার বাণীর পদ্যদলে

ছলবে তুমি চিরস্তুনী চির-নবীনা !

রইবে শুধু বাণী, সে-দিন রইবে না বীণা !

নাই বা পেলাম কণ্ঠে আমার তোমার কণ্ঠহার,  
তোমায় আমি ক'রব সৃজন এ মোর অহঙ্কার !

এই তো আমার চোখের জলে,

আমার গানের সুরের ছলে,

কাকাবো আমার আমার ভাষায় আমার বেদনায়,  
নিত্যকালের প্রিয়া আমায় ডাকুছ ইশারায় !...

চাই না তোমায় স্বর্গে নিতে, চাই এ ধূলাতে  
তোমার পায়ের স্বর্গ এনে ভুবন ভূলাতে !

উধ্বৈ তোমার—তুমি দেবী,

কি হবে মোর সে রূপ সেবি'

চাই না দেবীর দয়া, যাচি প্রিয়ার আঁখিজল,  
একটু দুখে অভিমানে নয়ন টলমল !

যেমন ক'রে খেলতে তুমি কিশোর বয়সে—  
মাটির মেয়ের দিতে বিয়ে মনের হরষে ।

বালু দিয়ে গ'ড়তে গেহ,

জাগত বৃকে মাটির স্নেহ,

ছিল না তো স্বর্গ তখন সূর্য তারা চাঁদ,

তেমনি ক'রে খেলবে আবার পাতবে মায়া-কাঁদ

মাটির প্রদীপ জ্বালবে তুমি মাটির কুটীরে,  
 খুশীর রঙে ক'রবে সোনা ধূলি-মুঠিরে ।  
 আধখানা চাঁদ আকাশ 'পরে  
 উঠবে যবে গরব-ভরে  
 তুমি বাকী-আধখানা চাঁদ হাসবে ধরাতে !  
 তড়িৎ ছিঁড়ে প'ড়বে তোমার খোঁপায় জড়াতে ! }

[ তুমি আমার বকুল যুথী মাটির তারা-ফুল,  
 ঈদের প্রথম চাঁদ গো তোমার কানের পার্শ্ব-ছল ;  
 কুসুমী-রাঙা শাড়িখানি  
 চৈতী-সাঁঝে প'রবে রানী,  
 আকাশ-গাঙে জাগবে জোয়ার রঙের রাঙা বান,  
 তোরণ-দ্বারে বাজবে করুণ বারোয়্য মূলতান । }

[ আমার-রচা গানে তোমায় সেই বেলা-শেষে  
 এমনি সুরে চাইবে কেহ পরদেশী এসে ।  
 রঙীন সাঁঝে ঐ আঙিনায়  
 চাইবে যারা, তাদের চাওয়ায়  
 আমার চাওয়া রইবে গোপন !—এ মোর অভিমান  
 যাচবে যারা তোমায়—রচি তাদের তরে গান !

[ নাই বা দিলে ধরা আমার ধরার আঙিনায়,  
 তোমায় জিনে গেলাম সুরের স্বয়ম্বর-সভায় ।  
 তোমার রূপে আমার ভুবন  
 আলোয় আলোয় হ'ল মগন ।  
 কাজ কি জেনে—কাহার আশায় গাঁথছ ফুল-হার,  
 আমি তোমার গাঁথছি মালা এ মোর অহঙ্কার । }

## বর্ষা-বিদায়

ওগো বাদলের পরী !

যাবে কোন্ দূরে, ঘাটে বাঁধা তব কেতকী পাতার তরী ।  
ওগো ও ক্ষণিকা, পূব-অভিসার ফুরাল কি আজ তব ?  
পহিল ভাদরে পড়িয়াছে মনে কোন্ দেশ অভিনব ?

তোমার কপোল-পরশ না পেয়ে পাণ্ডুর কেয়া-রেণু,  
তোমাতে স্মরিয়া ভাদরের ভরা নদীতটে কাঁদে বেণু ।  
কুমারীর ভীৰু বেদনা, বিধুর প্রণয়-অশ্রু সম  
ঝ'রিছে শিশির-সিক্ত শেফালি নিশি-ভোরে অল্পপম ।

ওগো ও কাজল-মেয়ে,  
উদাস আকাশ ছলছল চোখে তব মুখে আছে চেয়ে ।  
কাশফুল-সম শুভ্র ধবল রাশ রাশ শ্বেত মেঘে  
তোমার তরীর উড়িতেছে পাল উদাস বাতাস লেগে ।  
ওগো ও জলের দেশের কন্যা ! তব ও বিদায়-পথে  
কাননে কাননে কদম কেশর ঝ'রিছে প্রভাত হ'তে !  
তোমার আদরে মুকুলিতা হ'য়ে উঠিল যে বল্লরা  
তরুর কণ্ঠ জড়াইয়া তারা কাঁদে দিবানিশি ভারি ।

‘বৌ-কথা-কণ্ঠ’ পাখী

উড়ে গেছে কোথা, বাতায়নে বুথা বউ করে ডাকাডাকি ।  
চাঁপার গেলাস গিয়াছে ভাঙিয়া, পিয়াসী মধুপ এসে  
কাঁদিয়া কখন গিয়াছে উড়িয়া কমল-কুমুদী-দেশে ।

তুমি চ'লে যাবে দূরে,  
ভাদরের নদী হ'কুল ছাপায়ে কাঁদে ছলছল সুরে !

যাবে যবে দূর হিম-গিরি-শিরে ওগো বাদলের পরী,  
 ব্যথা ক'রে বুক উঠিবে না কভু সেথা কাহারেও স্মরি' ?  
 সেথা নাই জল, কঠিন তুষার, নির্মম শুভ্রতা,—  
 কে জানে কী ভাল বিধুর ব্যথা—না মধুর পবিত্রতা !  
 সেথা মহিমার উধ্ব শিখরে নাই তরু লতা হাসি,  
 সেথা রজনীর রজনীগন্ধা প্রভাতে হয় না বাসি ।  
 সেথা যাও তব মুখর পায়ের বরষা নূপুর খুলি'  
 চলিতে চকিতে চমকি' উঠ না কবরী উঠে না ছলি' !

সেথা রবে তুমি ধেয়ান-মগ্ন তাপসিনী অচপল,  
 তোমার আশায় কাঁদিবে ধরায় তেমনি 'ফটিক-জল' !

[ চক্রবাক ]

## আমি গাই তারি গান

আমি গাই তারি গান—

দৃপ্ত-দস্তে যে-যৌবন আজ ধরি' অসি খরসান  
হইল বাহিগ্ন অসম্ভবের অভিযানে দিকে দিকে ।  
লক্ষ যুগের প্রাচীন মমির পিরামিডে গেল লিখে  
তাদের ভাঙার ইতিহাস-লেখা । যাহাদের নিঃশ্বাসে  
জীর্ণ পুঁথির শুষ্ক পত্র উড়ে গেল এক পাশে ।  
যারা ভেঙে চলে অপ-দেবতার মন্দির আস্তানা,  
বক-ধার্মিক নীতি-বুদ্ধের সনাতন তাড়িখানা ।  
যাহাদের প্রাণ-শ্রোতে ভেসে গেল পুরাতন জঞ্জাল,  
সংস্কারের জগদল-শিলা, শাস্ত্রের কঙ্কাল ।  
মিথ্যা মোহের পূজা-মণ্ডপে যাহারা অকুতোভয়ে  
এল নির্মল—মোহ-মুদগর ভাঙনের গদা ল'য়ে  
বিধি-নিষেধের চীনের প্রাচীরে অসীম দুঃসাহসে  
ছ'-হাতে চালাল হাতুড়ি শাবল । গোরস্থানে চ'ষে  
ছুড়ে ফেলে যত শব কঙ্কাল বসালো ফুলের মেলা,  
যাহাদের ভিড়ে মুখর আজিকে জীবনের বালু-বেলা ।

—গাহি তাহাদেরি গান

বিশ্বের সাথে জীবনের পথে যারা আজি আগুয়ান ।....

—সেদিন নিশীথ-বেলা

দুস্তর পারাবারে যে যাত্রী একাকী ভাসালো ভেলা,  
প্রভাতে সে আর ফিরিল না কূলে । সেই ছুরন্ত লাগি'  
আঁখি মুছি আর রচি গান আমি আজিও নিশীথে জাগি' ।

আজ্ঞা বিনিদ্র গাহি গান আমি চেয়ে তারি পথ-পানে ।  
 ফিরিল না প্রাতে যে-জন সে-রাতে উড়িল আকাশ-যানে  
 নব জগতের শর-সন্ধানী অসীমের পথ-চারী,  
 যার ভয়ে জাগে সদা সতর্ক মৃত্যু ছুয়ারে দ্বারী !

সাগর গর্ভে, নিঃসীম নভে, দিগদিগন্ত জুড়ে  
 জীবনোদ্বোধে তাড়া ক'রে ফেরে নিতি যারা মৃত্যুরে,  
 মানিক আহরি' আনে যারা খুঁড়ি' পাতাল যক্ষপুরী  
 নাগিনীর বিষ-জ্বালা স'য়ে করে ফণা হ'তে মণি চুরি  
 হানিয়া বজ্র-পাণির বজ্র উদ্ধত শিরে ধরি'  
 যাহারা চপলা মেঘ-কণ্ঠারে করিয়াছে কিস্করী ।  
 পবন যাদের ব্যজনী ছুলায় হইয়া আজ্ঞাবাহী,—  
 এসেছি তাদের জানাতে প্রণাম, তাহাদের গান গাহি  
 গুঞ্জরি' ফেরে ক্রন্দন মোর তাদের নিখিল ব্যোপে —  
 ফাঁসির রজ্জু ক্লান্ত আজিকে যাহাদের টুঁটি চেপে !  
 যাহাদের কারাবাসে  
 অতীত রাতের বন্দিনী উষা দৃম টুটি' ঐ হাসে !



## জীবন-বন্দনা

গাহি তাহাদের গান—

ধরণীর হাতে দিল যারা আনি' ফসলের ফরমান ।  
শ্রম-কিণাক-কঠিন যাদের নির্দয় মুঠি-তলে  
ত্রস্তা ধরণী নজ্‌রানা দেয় ডালি ভ'রে ফুল ফলে !  
বন্ত স্থাপদ-সঙ্কুল জরা-মৃত্যু-ভীষণা ধরা  
যাদের শাসনে হ'ল সুন্দর কুসুমিতা মনোহরা ।  
যারা বর্বর হেথা বাঁধে ঘর পরম অকুতোভয়ে  
বনের ব্যাঘ্র মরুর সিংহ বিবরের ফণী ল'য়ে ।  
এল তুর্জয় গতি-বেগ-সম যারা যাযাবর-শিশু  
—তারাই গাহিল নব প্রেম-গান ধরণী-মেরীর যঁশু—

যাহাদের চলা লেগে

উন্কার মত ঘুরিছে ধরণী শূন্যে অমিত বেগে !

খেয়াল-খুশীতে কাটি' অরণ্য রচিয়া অমরাবতী  
যাহারা করিল ধ্বংসসাধন পুনঃ চঞ্চলমতি,  
নবীন আবেগে রুধিতে না পারি' যারা উদ্ধত-শির  
লজ্জিতে গেল হিমালয়, গেল শুষ্কিতে সিন্ধু-নীর ।  
নবীন জগৎ সন্ধানে যারা ছুটে মেরু-অভিযানে,  
পক্ষ বাঁধিয়া উড়িয়া চ'লেছে যাহারা উর্ধ্বপানে !  
তবুও থামে না যৌবন-বেগ, জীবনের উল্লাসে  
চ'লেছে চন্দ্র মঙ্গল গ্রহে স্বর্গে অসীমাকাশে ।  
যারা জীবনের পসরা বহিয়া মৃত্যুর দ্বারে দ্বারে  
করিতেছে ফিরি, ভীম রণভূমে প্রাণ বাজি রেখে হারে

আমি মর-কবি—গাহি সেই বেদে বেদুঙ্গনদের গান,  
 যুগে যুগে যারা করে অকারণ বিপ্লব-অভিযান ।  
 জীবনের আতিশয্যে যাহারা দারুণ উগ্রমুখে  
 সাধ ক'রে নিল গরল-পিয়ালা, বর্শা হানিল বৃকে !  
 আঘাতের গিরি-নিঃস্রাব-সম কোনো বাধা মানিল না,  
 বর্বর বলি' যাহাদের গালি পাড়িল ক্ষুদ্রমনা,  
 কূপ-মণ্ডুক 'অসংযমী'র আখ্যা দিয়াছে যারে,  
 তারি তরে ভাই গান রচে' যাই, বন্দনা করি তারে ।

[ সন্ধ্যা ]

## চল্ চল্ চল্

কোরাস :—

চল্ চল্ চল্ !

উর্ধ্ব' গগনে বাজে মাদল

নিম্নে উতলা ধরণী-তল,

অরুণ প্রাতের তরুণ দল

চল্ রে চল্ রে চল্

চল্ চল্ চল্ ॥

উষার ছুয়ারে হানি' আঘাত

আমরা আনিব রাঙা প্রভাত,

আমরা টুটাব তিমির রাত,

বাধার বিক্ষাচল ।

নব নবীনের গাহিয়া গান

সজীব করিব মহাশ্মশান,

আমরা দানিব নতুন প্রাণ

বাহতে নবীন বল

বল্ রে নও-জোয়ান,

শোন্ রে পাতিয়া কান—

মৃত্যু-তোরণ-ছুয়ারে-ছুয়ারে

জীবনের আহ্বান ।

ভাঙ্ রে ভাঙ আগল,

চল্ রে চল্ রে চল্

চল্ চল্ চল্ ॥

কোরাস :—

উর্ধ্ব আদেশ হানিছে বাজ,  
শহীদী-ঈদের সেনারা সাজ,  
দিকে দিকে চলে কুচ্-কাওয়াজ  
খোল্ রে নিদ্-মহল !

কবে সে খেয়ালী বাদশাহী,  
সেই সে অতীতে আজো চাহি'  
যাস্ মুসাফির গান গাহি'  
ফেলিস্ অশ্রুজল ।

যাক্ রে তখত্-তাউস্  
জাগ রে জাগ বেহুঁশ ।  
ডুবিল রে দেখ্ কত পারশ্ব  
কত রোম গ্রীক্ রুষ ।

জাগিল তারা সকল,  
জেগে ওঠ্ হীনবল !  
আমরা গড়িব নতুন করিয়া  
ধূলায় তাজমহল ।  
চল্ চল্ চল্ ॥

কোরাস :—

[ সঙ্কিতা ]

## যৌবন-জল-তরঙ্গ

এই যৌবন-জল-তরঙ্গ রোধিবি কি দিয়া বালির বাঁধ ?  
কে রোধিবি এই জোয়ারের টান গগনে যখন উঠেছে চাঁদ ?  
যে সিঁধু-জলে ডাঁকিয়াছে বান—তাহারি তরে এ চন্দ্রোদয়,  
বাঁধ বেঁধে থির আজো নালা-ডোবা, চাঁদের উদয় তাদের নয় !  
যে বান ডেকেছে প্রাণ-দরিয়ায়, মাঠে ঘাটে বাটে নেমেছে ঢল,  
জীর্ণ শাখায় বসিয়া শকুনি শাপ দিক্ তাবে অনর্গল ।  
সারস মরাল ছুটে আয় তোরা ! ভাসিল কুলায় যে বন্যায়  
সেই তরঙ্গে ঝাঁপিয়ে দোল রে সর্বনাশের নীল দোলায় !

খরস্রোত-জলে কাদা-গোলা ব'লে গ্রীবা নাড়ে তীরে জরদগব,  
গলিত শবের ভাগাড়ের ওরা, মৃত্যুর করে স্তব ।  
ওরাই বাহন জরা-মৃত্যুর, দেখিয়া ওদের হিংস্র চোখ—  
রে ভোরের পাখী ! জীবন-প্রভাতে গাহিবি না নব পুণ্য-শ্লোক ?  
ওরা নিষেধের প্রহরী পুলিশ, বিধাতার নয়—ওরা বিধির !  
ওরাই কাকের, মানুষের ওবা তিলে তিলে গুষে প্রাণ-রুধির !  
বল্ তোরা নবজীবনে ঢল ! হোক ঘোলা, তবু এই সলিল  
চির-যৌবন দিয়াছে ধরারে, গেরুয়া মাটীরে ক'রেছে নীল !

নিজেদের চারধারে বাঁধ বেঁধে মৃত্যু-জীবাণু যারা জিয়ায়,  
তারা কি চিনিবে—মহাসিঁধুর উদ্দেশে ছোটে স্রোত কোথায় !  
স্থাপু গতিহীন প'ড়ে আছে তারা আপনারে ল'য়ে বাঁধিয়া চোখ  
কোটরের জীব, উহাদের তরে নহে উদীচীর উষা-আলোক

আলোক হেরিয়া কোটবে থাকিয়া চৈঁচায় প্যাঁচারি, ওরা চৈঁচাক ।  
 মোরা গা'ব গান, ওদের মারিতে আজো বেঁচে আছে দেদার কাক ।  
 জীবনে যাদের ঘনাল সন্ধ্যা, আজ প্রভাতেব শুনে আজান  
 বিছানায় শুয়ে যদি পাড়ে গালি, দিক গালি—তোবা দিস্নে কান ।  
 উহাদের তবে হ'তেছে কালের গোরস্থানে রে গোব খোদাই,  
 মোদের প্রাণেব রাঙা জল্‌সাতে জরা জীর্ণেব দাওত নাই ।

জিজির-পায়ে দাঁড়ে ব'সে টিয়া চানা খায়, গায় শিখানো বোল,  
 আকাশেব পাখী ! উধে' উঠিয়া কণ্ঠে নতুন লহবা তোল ।  
 তোরা উধে'র— অমৃত-লোকে'র, ছুড়'ক নীচেরা ধূলাবালি,  
 চাঁদেবে মলিন কবিতা না পাবে কেবোসিনী ডিবে ক লি ঢালি' ।  
 বন্ত-বরাহ পঙ্ক ছিটাক, পাঁকেব উধে' তোরা কমল,  
 ওরা দিক কাদা, তোরা দে সুবাস, তোবা ফুল ওবা পশুব দল ।

তোদেব শুভ গায়ে হানে ওবা আপন গায়েব গলিত পাঁক,  
 যার যা দেবাব সে দেয় তাহাই, স্বর্গের শিশু সহিয়া থাক !  
 শাখা ভ'বে আনে ফুল-ফল, সেথ' নীড় বাচ' গাহে পাখীরা গান,  
 নীচেব মানুষ তাই ছোড়ে ঢিল, তরুব নহে সে অসম্মান ।  
 কুম্ভ-মব শাখা ভাঙে বাঁদরের উৎপাতে, হাগ, দেখিয়া তাই—  
 বাঁদর খুশীতে কবে লাফালাফি, মানুষ আমবা লজ্জা পাই ।  
 মাথার ঘায়েতে পাগল উহাবা, নিস্নে তরুণ ওদেব দোষ ।  
 কাল হবে বা'ব জানাজা যাহার, সে বুড়োব 'পবে বুথা এ রোষ ।  
 যে তরবারির পুণ্যে আবার সত্যেবে তোবা দানিবি তখ্ত,  
 ছুঁচো মেরে তাব খোয়াস্নে মান, ফুরায়ে এসেছে ওদেব ওকত ।  
 যে বন কাটিয়া বসাবি নগর তাহাব শাখার ছুঁটো আঁচড়  
 লাগে যদি গা'য়, স'য়ে যা না ভাই, আছে তো কুঠার হাতের 'পর ।

যুগে যুগে ধরা ক'রেছে শাসন গর্বোদ্ধত যে যৌবন—  
 মানেনি কখনো, আজো মানিবে না বৃদ্ধত্বের এই শাসন ।  
 আমরা সৃজিব নতুন জগৎ, আমরা গাঁহিব নতুন গান,  
 সম্মুখে নত এই ধরা নেবে অঞ্জলি পাতি' মোদের দান !  
 যুগে যুগে জরা বৃদ্ধত্বের দিয়াছি কবর মোরা তরুণ—  
 ওরা দিক গালি, মোরা হাসি' খালি বলিব 'ইন্না—রাজেউন !'

[ সন্ধ্যা ]

## অন্ধ স্বদেশ দেবতা

ফাঁসির রশ্মি ধরি’

আসিছে অন্ধ স্বদেশ-দেবতা, পলে পলে অনুসরি’

মৃত্যু-গহন যাত্রীদলের লাল পদাঙ্ক-রেখা !

যুগযুগান্ত-নির্জিত-ভালে নীল কলঙ্ক-লেখা !

নীরন্ধ মেঘে অন্ধ আকাশ, অন্ধ তিমির রাতি,

কুহেলি অন্ধ দিগন্তিকার হস্তে নিভেছে বাতি,

চলে পথহারা অন্ধ দেবতা ধীরে ধীরে এরি মাঝে,

সেই পথে ফেলে চরণ—যে-পথে কঙ্কাল পায়ে বাজে !

নির্যাতনের যষ্টি দিয়া শত্রু আঘাত হানে,

সেই যষ্টিরে দোসর করিয়া অলক্ষ্য পথ-পানে

চ’লেছে দেবতা—অন্ধ দেবতা—পায়ে পায়ে পলে পলে,

যত ঘিরে আসে পথ-সঙ্কট চলে তত নব-বলে ।

চ’লে পড়ে পথ ’পরে,

নবীন মৃত্যু-যাত্রী আসিয়া তুলে ধরে বুকে ক’রে !

অন্ধ কারার বন্ধ ছুয়ারে যথায় বন্দী জাগে,

যথায় বধ্য-মঞ্চ নিত্য রাঙিছে রক্ত-রাগে,

যথায় পিষ্ট হ’তেছে আত্মা নির্ভুর মুঠি-তলে,

যথায় অন্ধ গুহায় ফণীর মাথার মানিক জ্বলে,

যথার বন্য স্থাপদের সাথে নখর দস্ত ল’য়ে

জাগে বিনিদ্ৰ বন্য-তরুণ ক্ষুধার তাড়না স’য়ে,



যথা প্রাণ দেয় বলির নারীরা যূপকাঠের কাঁদে,—  
সেই পথে চলে অন্ধ দেবতা, পথ চলে আর কাঁদে,  
“ওরে ওঠ্‌, দ্বরা করি’  
তোদের রক্তে-রাঙা উষা আসে, পোহাইছে বিভাবরী !”

তিমির রাত্রি, ছুটেছে যাত্রী নিরুদ্দেশের ডাকে,  
জানে না কোথায় কোন্ পথে কোন্ উর্ধ্বে দেবতা হাঁকে ।  
শুনিয়াছে ডাক এই শুধু জানে ! আপনার অনুরাগে  
মাতিয়া উঠেছে অলস চরণ, সম্মুখে পথ জাগে !  
জাগে পথ, জাগে উর্ধ্বে দেবতা, এই দেখিয়াছে শুধু,  
কে দেখে সে পথে চোরা বালুচর, পর্বত, মরু ধু-ধু !

ছুটেছে পথিক, সাথে চলে পথ, অমানিশি চলে সাথে,  
পথে পড়ে চ’লে, মৃত্যুর ছলে ধরে দেবতার হাতে ।

চলিতেছে পাশাপাশি—

মৃত্যু, তরুণ, অন্ধ দেবতা, নবীন উষার হাসি ।

## গান

খাযাজ-পিলু—দাদরা

আমার কোন্ কূলে আজ ভিড়ল তরী  
এ কোন্ সোনার গাঁয় ।  
আমার ভাটির তরী আবার কেন  
উজান যেতে চায় ॥

আমার        দুঃখেই কাণ্ডারী করি’  
আমি         ভাসিয়েছিলাম ভাঙা তরী,  
তুমি         ডাক দিলে কে স্বপন-পরী  
                নয়ন-ইশারায় ॥

আমার        নিবিয়ে দিয়ে ঘরের বাতি  
                ডেকেছিল ঝড়ের রাতি,  
তুমি         কে এলে মোর সুখের সাথী  
                গানের কিনারায় ।

ওগো         সোনার দেশের সোনার মেয়ে,  
তুমি         হবে কি মোর তরীব নেয়ে,  
এবার        ভাঙা তরী চল বেয়ে  
                রাঙা অলকায় ॥

চোখের চাতক

ভৈরবী গজল—দাদরা

মোর ঘুমঘোরে কে এলে মনোহর  
নমো নম নমো নম নমো নম ।

শ্রাবণ-মেঘে নাচে নটবর

ঝমঝম ঝমঝম ঝমঝম ॥

শিয়রে বসি' চুপিচুপি চুমিলে নয়ন,

মোর বিকশিল আবেশে তনু

নীপ-সম, নিরুপম মনোরম ॥

মোর ফুলধনে ছিল যত ফুল

ভরি' ডালি দিনু ঢালি', দেবতা মোর ।

হায় নিলে না সে ফুল, ছি ছি বেভুল,

নিলে তুলি' খোঁপা খুলি' কুসুম-ডোর ।

স্বপনে কৌ যে ক'য়েছি তাই গিয়াছ চলি,

জাগিয়া কেঁদে ডাকি দেবতায়—

প্রিয়তম প্রিয়তম প্রিয়তম ॥

[ চোখের চাতক ]

মান্দ—কাহারবা

কেউ ভোলে না কেউ ভোলে

অতীত দিনের স্মৃতি ।

কেউ ছুখ ল'য়ে কাঁদে,

কেউ ভুলিতে গায় গীতি ॥

কেউ শীতল জনদে

হেরে অশনির জ্বালা,

কেউ মুঞ্জরিয়া তোলে

তার শুষ্ক কুঞ্জ-বীথি ॥

হেরে কমল-মৃণালে

কেউ কাঁটা কেহ কমল ।

কেউ ফুল দলি' চলে

কেউ মালা গাঁথে নিতি ॥

কেউ জ্বালে না আর আলো  
তার চির-ছুখের রাতে,  
কেউ দ্বার খুলি' জাগে  
চায় নব চাঁদের তিথি ॥

[ চোখের চাতক ]

ভাটিয়ানী—কাহারুবা

আমার গহীন জলের নদী !  
আমি তোমার জলে রইলাম ভেসে জনম অবধি ॥  
তোমার বানে ভেসে গেল আমার বাঁধা ঘর,  
চরে এসে ব'সলাম রে ভাই ভাসালে সে চর ।  
এখন সব হারায়ে তোমার জলে রে  
আমি ভাসি নিরবধি ॥  
আমর ঘর ভাঙিলে ঘর পাব ভাই,  
ভাঙলে কেন মন,  
হারালে আর পাওয়া না যায়  
মনের মতন ।  
জোয়ারে মন ফেরে না আর রে  
(ও সে) ভাটিতে হারায় যদি ॥  
তুমি ভাঙ' যখন কূল রে নদী  
ভাঙ' একই ধার,  
আর মন যখন ভাঙ' রে নদী  
ছই কূল ভাঙ' তার ।  
চর পড়ে না মনের কূলে রে  
একবার সে ভাঙে যদি ॥

[ চোখের চাতক ]

ভাটিয়ালী—কার্ফা

আমার 'শাম্পান' যাত্রী না লয়  
ভাঙা আমার তরী ।

আমি আপনারে ল'য়ে রে ভাই  
এ-পার ও-পার করি ॥

আমায় দেউলিয়া ক'রেছে রে ভাই যে নদীর জল  
আমি ডুবে দেখতে এসেছি ভাই সেই জলেরি তল ॥  
আমি ভাসতে আসি, 'আসিনিক' কামাতে ভাই কড়ি ॥

আমি এই জলেরি আয়নাতে ভাই  
দেখেছিলাম তায়,  
এখন আয়না আছে প'ড়ে রে ভাই  
আয়নার শানুষ নাই !  
তাই চোখের জলে নদীর জলে রে  
আমি তারেই খুঁজে মরি ॥

আমি তারির আশায় 'শাম্পান' ল'য়ে  
ঘাটে ব'সে থাকি,  
আমার তারির নাম ভাই জপমাল  
তারেই কেঁদে ডাকি ।  
আমার নয়ন-তারা লইয়া গেছে রে  
নয়ন নদীর জলে ভরি ॥

এ নদীর জলও শুকায় রে ভাই  
সে জল আসে ফিরে,  
আর মানুষ গেলে ফিরে না কি  
দিলে মাথার কিরে ।

আমি ভালোবেসে গেলাম ভেসে গো  
আমি হ'লাম দেশান্তরী ॥

[ চোখের চাতক ]

পরজ—একতারা

পরজনমে দেখা হবে প্রিয় !  
ভুলিও মোরে হেথা ভুলিও ॥  
এ-জনমে যাহা বলা হ'ল না,  
আমি বলি না, তুমিও ব'লো না!  
জানাইলে প্রেম করিও ছলনা,  
যদি আসি ফিরে, বেদনা দিও ॥

হেথায় নিমেষে স্বপ্ন ফুরায়,  
রাতের কুসুম প্রাতে ঝ'রে যায়,  
ভালো না পাসিতে হৃদয় শুকায়,  
বিষ-জ্বালা-ভরা হেথা অমিয় ॥

হেথা হিয়া ওঠে বিরহে আকুলি'  
মিলনে হারাই ছু' দিনেতে ভুলি'  
হৃদয়ে যথায় প্রেম না শুকায়  
সেই অমরায় মোরে স্মরিও ॥

[ চোখের চাতক ]

## প্যাক্ট

গান

কোরাস :—

বদনা-গাড়িতে গলাগলি করে, নব প্যাক্টের আসনাই,  
মুসলমানের হাতে নাই ছুরি, হিন্দুর হাতে বাঁশ নাই ॥

আঁটসাঁট ক'রে গাঁট-ছড়া বাঁধা হ'ল টিকি আর দাড়িতে,  
বজ্র আঁটুনি ফস্কা গেরো ? তা হয় হোক তাড়াতাড়িতে !  
একজন যেতে চাহিবে সুমুখে, অশ্রু টানিবে পিছনে,  
কস্কা সে গাঁট হ'য়ে যাবে আঁট সেই টানাটানি ভীষণে ॥

বুকে বুকে মিল হ'লনাক', মিল হ'ল পিঠে পিঠে ? তাই সই !  
মিঞা কন, 'কোথা দাদা মোর ?' আর বাবু কন,  
‘মিঞা ভাই কই ?’

বাবু দেন মেখে দাড়িতে খেজাব, মিঞা চৈতনে তৈল,  
গর চোখে করে আড়-চোখাচোখি, কি মধু মিলন হইল !

বাবু কন, 'খাই তোমারে তুষিতে ঐ নিষিক্ত কুঁকড়ো !'  
মিঞা কন, 'মিল আরো জমে দাদা, যদি দাও ছ'টো টুকরো ।  
মোদের মুগী রাম-পাখী হ'ল, দাদা, তাও হ'ল শুদ্ধি ?  
গেছে বাদশাহী, মুগীও গেল, আর কার জোরে যুদ্ধি !'

বাবু কন, 'পরি লুভি বি-কচ্ছ তোমাদের দিল্ তুষিতে !'  
মিঞা কন, 'ফেজে রাখি চৈতন্য ঝাণ্ডা সেই সে খুণীতে !

বহু মিঞা ভাই বসবাস করে তোমাদের বারাণসীতে,  
(আর) বাত হ'লে মোরা ভাত খাইনাক' আজো তাই একাদশীতে !'

বাবু কন, 'মোরা, চটিকা ছাড়িয়া সেলিমী নাগ'রা ধ'রেছি ।'  
মিঞা কন, 'গরু জবাই-এর পাপ হ'তে তাই দাদা ত'রেছি ।'  
বাবু কন, 'এত ছাড়িলেই যদি, ছেড়ে দাও থাওয়া বড়টা ।'  
মিঞা কন, 'দাদা মুরগী তো নাই, কি দিয়া খাইব পরটা ।'

বাবু কন, 'গরু কোরবানী করা ছেড়ে দাও যদি মিঞা ভাই,  
সিনান করায় সিঁছর পরায় তোরে মন্দিরে নিয়া যাই ।'  
মিঞা কন, 'যদি আল্লা মিঞার ঘরে নাই লও হরিনাম,  
বলদ সহিত ছাড়িব তোমারে যাহা হয় হবে পরিণাম ।'

"সারা-রারা-রারা" সহসা অদূরে উঠিল হোরির হররা  
শব্দ ছুটিল বস্তু তুলিয়া, ছকু মিঞা নিল ছররা ।  
লাগে টানাটানি হেঁইয়ো হাঁইয়ো, টিকি লাড়ি ওড়ে শূন্যে,  
ধর্মে ধর্মে করে কোলাকুলি, নব-প্যাক্টেরি পুণ্যে !

বদনা গাড়ুতে পুনঃ ঠোকাঠুকি রোল উঠিল, 'হা হস্ত ।'  
উপেক্ষা থাকিয়া সিঙ্গী মাতুল হাসে ছিরকুটি' দন্ত ।  
মসজিদ পানে ছুটিলেন মিঞা, মন্দির পানে হিন্দু !  
আকাশে উঠিল চির-জিজ্ঞাসা করণ চন্দ্রবিন্দু !

[ চন্দ্রবিন্দু ]



## শ্রীচরণ ভরসা

[ মোহিনী—একতারা ]

কোরাশ্ :—

থাকিতে চরণ মরণে কি ভয়, নিমেষে যোজন ফরসা !

মরণ-হরণ নিখিল-শরণ জয় শ্রীচরণ ভরসা ॥

গর্বের শিব খর্ব মোদের ? চরণ তেমনি লম্বা ?

শৈশব হ'তে আ-মরণ চলি সবারে দেখায়ে রস্তা !

সার্জেণ্ট্ যবে আর্জেণ্ট-মা'র হাতে ক'রে আসে তাড়ায়ে.

না হ'য়ে ক্রুদ্ধ পদ-প্রবুদ্ধ সম্মুখে দিই বাড়ায়ে ॥

কোরাশ্ :—

থাকিতে চরণ মরণে কি ভয়, নিমেষে যোজন ফরসা !

মরণ-হরণ নিখিল-শরণ জয় শ্রীচরণ ভরসা ॥

বপু কোলা ব্যাং, রবারের ঠ্যাং প্রয়োজন মত বাড়ে গো,

সমানে আদাড়ে বনে ও বাদাড়ে পগারে পুকুর-পাড়ে গো ।

লখিতে চরিতে লজিয়া যায় গিরি দরী বন সিন্ধু,

অই এক পথে মিলিয়াছি মোরা সব মুসলিম্ হিন্দু ॥

কোরাশ্ :—

থাকিতে চরণ মরণে কি ভয়, নিমেষে যোজন ফরসা !

মরণ-হরণ নিখিল-শরণ জয় শ্রীচরণ ভরসা ॥

কহিতেছে নাকি বিশ্ব, আমরা রণে পশ্চাতে হেঁটে যাই !

পশ্চাৎ দিয়ে ছুটে কেউ ? হেসে মরিব কি দম ফেটে ছাই

ছুটি যবে মোরা স্মৃখেই ছুটি, পশ্চাতে পাশে হেরি না ।  
সাম্নে ছোটারে পিছু হাঁটা বলো ? রাঁচি যাও, আর দেবী না ॥

কোরাস্ :—

থাকিতে চরণ মরণে কি ভয় নিমেষে যোজন ফরসা !  
মরণ-হরণ নিখিল-শরণ জয় শ্রীচরণ ভরসা ।  
আমাদের পিছে ছুটিতে ছুটিতে মৃত্যু পড়িবে হাঁপায়ে,  
জিভ্ বা'র হ'য়ে পড়িবে যমের, জীবন তখন বাঁ পায়েরে ।  
মোরা দেব-জাতি ছিন্তা যে একদা, আজো তার স্মৃতি চরণে,  
ছুটি না তো যেন উড়ে চলি নভে, থাকেনাক' ধুতি পবনে ॥

কোরাস্ :—

থাকিতে চরণ মরণে কি ভয়, নিমেষে যোজন ফরসা !  
মরণ-হরণ নিখিল-শরণ জয় শ্রীচরণ ভরসা ॥  
বাপ-পিতামোর প্রদর্শিত এ পথ মহাজন-পিষ্ট,  
গোশ্বামী মতে পরাহেও বাবা এ পথে মিলিবে ইষ্ট,  
মরে যদি যাও, তা হ'লে তো তুমি একম গেলো গরিয়াই !  
পলাইল যেই বেঁচে গেল সেই, জনম চরণ ধরিয়াই ॥

কোরাস্ :—

থাকিতে চরণ মরণে কি ভয় নিমেষে যোজন ফরসা !  
মরণ-হরণ নিখিল-শরণ জয় শ্রীচরণ ভরসা ।

[ চন্দ্রবিন্দু ]

## ‘দে গরুর গা ধুইয়ে’

কোরাস :—দে গরুর গা ধুইয়ে !

উল্টে গেল বিধির বিধি আচার বিচার ধর্ম জাতি,  
মেয়েরা সব লড়ই করে, মদ করেন চড়ই-ভাতি ।

পলান পিতা টিকেট ক’রে—

থুকী তাঁহার পিকেট করে !

শাটেন চরকা, কাটেন কর্তা সময় গাই ছুইয়ে !

কোরাস :—দে গরুর গা ধুইয়ে !

চর্মকাব আর মেথর-চাঁড়াল ধর্মঘটের কর্ম-গুরু !

পুলিশ শুধু করছে পরখ, কার কতটা চম পুরু !

চাটুযোরা রাখছে দাড়ি,

মিঞারা যান নাপিত-বাড়ী !

বোটকা-গন্ধী ভোজপুরী কয় বাঙালীকে—‘মং ছুইয়ে !’

কোরাস :—দে গরুর গা ধুইয়ে !

মাজায় বেঁধে পৈতে বামুন রান্না করে কার না বাড়ী,

গা ছুঁলে তার লোম ফেলে না, ঘর ছুঁলে তার কেলে ঝাড়ি ।

মেয়েরা যান মিটিং হেদোর,

পুরুষ বলে, ‘বাপ্ রে দে দোর ।’

ছেলেরা খায় লপ্‌সি-ছড়ো, বুড়োর পড়ে ঘাম চুইয়ে !!

কোরাস :—দে গরুর গা ধুইয়ে !!

ভয়ে মিঞা ছাড়ল টুপি, আঁটল ক’বে গোপাল-কাছা,

হিন্দু সাজে গান্ধী-ক্যাপে, লুঙ্গি পরে ফুঙ্গী চাচ্চা ।

দেখলে পুলিশ গুঁতোয় ঝাঁড়ে !

পুরুষ লুকায় বাঁশের গাড়ে !

নাক-কাটা হয় রায় বাহাদুর, খান বাহাদুর কান খুইয়ে !

কোরাস্ :—দে গরুর গা খুইয়ে !!

খঞ্জ নেতা গঞ্জনা দেয়, চলতে নারে দেশ যে সাথে ।

টেকো বলে, 'টাক ভালো হয় আমার তেলে, লাগাও মাথে !'

'কি গানই গায়' বলছে কালা,

কানা কয়, 'কি নাচছে বালা !'

কুঁজো বলে, 'সোজা হ'য়ে শুতে যে সাধ, দে শুইয়ে ।'

কোরাস্ :—দে গরুর গা খুইয়ে !!

সস্তা দরে দস্তা-নোড়া আসছে স্বরাজ বস্তা-পচা,

কেউ বলে না 'এই যে লেহি' আসলে 'যুদ্ধ দেহি'র খোঁচা ।

গুণীরা খায় বেগুন-পোড়া

বেগুন চড়ে গাড়ী ঘোড়া,

ল্যাংড়া হাসে ভেংড়ো দেখে ব্যাঙের পিঠে ঠ্যাং খুইয়ে ।

কোরাস্ :—দে গরুর গা খুইয়ে !!

[ চন্দ্রবিন্দু ]

## ওমর খৈয়াম গীতি

সিদ্ধু কাফি—কাওয়ালী

সৃজন-ভোরে প্রভু মোরে সৃজিলে গো প্রথম যবে  
( তুমি ) জান্তে আমার প্লাট-লেখা, জীবন আমার  
কেমন হবে ।

তোমারি সে নিদেশ প্রভু,  
যদিই গো পাপ কারি কভু,  
নরক-ভীতি দেখাও তবু, এমন বিচার কেউ কি সবে ॥  
করুণায় তুমি যদি দয়া কর দয়ার লাগি'  
ভুলের তরে আদমেরে ক'রনো কেন স্বর্গ-তাগী !  
ভঙে 'বাঁচাও দয়া দানি'  
সে তো গো তার পাওনা জানি,  
পারে লও বক্ষে টানি' করুণায় কইবে তবে ॥

ভৈরবী—কাওয়ালী

তবুগ প্রেমিক ! প্রণয়-বেদন  
জানাও জানাও বে-দিল্ প্রিয়ায় ।  
ওগো বিজয়ী ! নিখিল-হৃদয়  
কর কর জয় মোহন মায়ায় ॥  
নহে ঐ এক হিয়ার সমান  
হাজার কা'বা হাজার মস্জিদ,  
কি হবে তোর কা'বার খোঁজে,  
আশয় তোর খোঁজ হৃদয়-ছায়ায়

প্রেমের আলোয় যে দিল্ রওশন্  
 যেথায় থাকুক সমান তাহার---  
 খোদার মস্জিদ্ মূরাদ্-মন্দির,  
 ঈসাই-দেউল, ইহুদ-খানায় ॥

অমর তার নাম প্রেমের খাতায়  
 জ্যোতি-লেখায় রবে লেখা,  
 নরকের ভয় করে না সে,  
 থাকে না সে স্বরগ-আশায় ॥

[ নজরুল-গীতিকা ]

ঈসাই-দেউল—গির্জা

কা'বা—মক্কা শরীফের মস্জিদ

ইহুদ খানা—ইহুদীদের উপাসনা-মন্দির

দিল্—হৃদয়      রওশন্—উজ্জ্বল